


右廡春秋

307755

上海图书馆藏书




A541 212 0016 2317B



新城王樹枬著

希臘春秋

蘭州官報局藏版






像肖生先柎樹王

希臘春秋序

西國之史無專書自海島諸國交通以來海內文人博士始網羅西國舊聞廣爲繙譯以餉天下學者於是古今政學興替醇疵之故始稍稍著明於世余向爲希臘羅馬春秋二書手稿半散毀不復完具近復重爲蒐輯成希臘春秋八卷其人名地號則以日本岡本監輔譯文爲定本而附注其不同者以備閱者考訂烏虜孔子曰其事則齊桓晉文其文則史余之爲是書也亦竊自比於魯晉之文焉而已丙午閏四月五日新城王樹枏識於蘭州道署之澄清堂

希臘春秋卷一

一



新城王樹枏著

天地開闢以來。建國傳世。歷數累萬。不可巧算。其間創制顯庸。豈無哲君名后。傑出區宇。垂法後世。若堯舜禹湯其人者。然而歷紀荒遠。豐聞罕漫。無史籍傳紀昭察於世。諸子百家之書。間述軼說。闕焉不詳。恍怪寡要。故孔子刪書。斷自唐虞。西人述史。斷自希臘。希臘者。歐洲之唐虞也。中國言治者。祖述堯舜。憲章文武。歐洲言治者。祖述希臘。憲章羅馬。比物此志也。孔子曰。殷因於夏禮。所損益可知也。周因於殷禮。所損益可知也。故君子觀其所因。而百世損益之故。可得而言焉。吾嘗譯西籍。採風詩。與其賢士大夫游。希臘之事。率津津樂道之。然上古之蹟。多有不可詳者。烏虜。此與吾人之稱述堯舜禹湯。又奚以異。文獻之無徵久。

矣。此我孔子所為慨然於杞宋而長歎也。希臘即希利尼一作額里去一作額力西一作海臘斯一作厄勒祭一作厄勒西亞

為創闢歐洲之始。當時希臘諸國隔山為界有地方數十里丁戶數百家者後人統名希臘其地值洲南跨地中海東半島

港汊紛歧山迴峽邃北則德沙利一作塔灑灘一作帖撒力一作代撒利耶卑路一作伊伊利一作西伯魯二作伊派魯一作伊貝羅再

北則為馬其頓地中長二百里界哥林多一作果利朵分十二大地南則伯

羅奔尼蘇分七大地哥林多以南統曰伯羅奔尼蘇哥林多以北統曰阿的加馬其頓德沙利不與焉上古土人居山洞獵野獸

食生肉青草有伯刺斯日一作莫拉斯罕一作伯刺斯格在希臘北境族者勢最强後有小亞西亞人

西踰海峽始得希臘一土西書謂希臘出於亞利安族初居裏海東濱及印度國西北後遷至歐羅巴或移居印度後復有由希臘重返小亞洲海濱聚族建城而居故

亦稱希臘為遷昔西恩在希臘北境唐堯五十五年壬申西歷紀元前二千八百九十九年衣基愛魯高加索人擊敗土

人築城建國逮虞舜三年辛酉西元前二千四十年埃及郁奈那遷希臘名其地曰

的丹衆思歸旋散去久之至夏少康二十年乙丑西元前一千八百五十六年迦南人義

納孤一作枯木一作乃古抵希臘教土人營居室講種藝之術太登為亂擊平之始

建亞革斯一作阿果斯一作阿勾利斯一作亞哥斯在今希臘沿東海濱與雅典對岸城為王烏虜上古人類蕃孳莫盛於

小亞西亞洲。吾意當時天下人民。死於洪水之禍者不知凡幾。創世紀迦勒底古史印度

天方諸書及非美二洲土人皆言洪水之事與中國同獨崑崙為東地球之脊。當萬國孔道。其地最高。其受

水患亦較少。故諸國人民之避其禍者。羣相遷徙於葱嶺高原左右水

所不到之地。久之滋生息。人溢土狹。至不能容。又不能不轉之四方。

為覓地求生之計。此蓋勢之固然。余嘗博觀西人古籍。見夫巴比倫埃

及波斯印度諸國。其所為政治文事。及一切衛國養民諸制。多與中國

同者。中國上古流傳之說。瑣述三皇以來古蹟。率在西方。通甲開山圖言天皇

下黃帝遊赤水。登崑崙之邱。定為下都。山海經云崑崙之邱是惟帝之下都帝即黃帝故再

女穆天子傳云天子升於崑崙之邱以觀黃帝其時文明之化已漸被於小亞洲諸部高

之宮莊子云皇帝遊於赤水之北崑崙之邱其時文明之化已漸被於小亞

陽修黃帝之業。養材任地。載時象天。依鬼神。修祭祀。帝繫諸書。稱其砥

屬之效。遠暨流沙。山海經云西海之南流沙之濱赤水之後黑水之前有大山名曰崑崙之邱故上古西方諸國多詳鬼神

之事。尤其彰彰者。釋典言瞻部洲中四主。而獨以震旦為東方人主。其

所從來者遠也。烏虜。五帝尙矣。而太史公以百家言黃帝。其文不雅馴。

今西人所爲創世說。乃謂挪亞一人之後。曼延大地。而歐羅巴諸族。皆

出於雅弗之裔。雅弗第四子雅番之族爲希臘土人之祖所謂好事者爲之。尤爲薦紳所不道者也。

夏帝芬二十七年。甲寅。西元前一千八百七十八年亞革斯王義納孤卒。西史綱目紀其卒在西元前一千八百二十一年福

挪尼胡立設法律條教。海寇爲舟人患。剿滅之。希臘各島民多來附。

夏帝芒二十六年。丁酉。西元前一千七百六十四年作祀神典。定禮拜禱祝之儀。

夏帝芒三十年。辛丑。西元前一千七百六十年阿的加一作雅水。

夏帝芒四十三年。甲寅。西元前一千七百四十七年亞革斯王福挪尼胡卒。愛比司立。

夏帝不降三年。辛丑。西元前一千七百零七年亞革斯造長城。役民夫數十萬。運巨石爲

之。墻厚二丈五尺。長百餘里。自亞革斯以達彌西那中建永巷。通人馬。數年始畢工。希

人呼爲古革羅伯斯。一作古勒羅斯邊墻。古革羅伯斯者。偉丈夫之義也。

夏帝不降十九年。丁巳。西元前一千六百八十四年亞革斯王愛比司卒。丕辣司古第一

立。教民食穰子。民以爲神。

夏帝廬六年。甲子。西元前一千六百一十七年亞革斯王丕辣司古第一卒。福而巴立。西史紀在

夏帝廬五年

夏帝癸八年。己亥。西元前一千五百八十二年國人採阿侖美石作居室。希臘古人築屋之立地上法先以木作柱植架以梁

作人字形以爲屋頂最後乃易木而爲石故希臘美石柱極多是爲屋宇之始。烏虓。生人之類。惟中國闢化在先。自

伏羲一畫開天之後。歷代聖人。造草昧以經綸天下。至黃帝之世。治五

氣。藝五種。上察日月星辰。下採土石金玉水火材物。以供生人之用。其

時宮室衣服文教之事。皆已大備。迨夫都崑崙。立軒轅之國。文明之化

始暨海西。故巴比倫波斯埃及諸邦。建城築壇。教服食。制文字。皆在五

帝之時。太史公謂教化之盛。西至流沙。非盡無據。以夸其詞也。歐洲開

化最遲。蓋自少昊辛亥洪水之後。椰亞方舟在西元前二千三百四十八年計其時蓋在黃帝之後也地莽人稀。小亞

洲溢出之人。創開希臘。櫛東方之文物。開西土之屯蒙。經營締造。蓋歷

數百年巢窟之民始變為棟宇之世

上古之人巢居穴處人與獸爭謂之游獵之世洎漸繁經乎獸族漸稀張幕草野謂之游牧之世久之人類營棟宇

謂之城繼郭之世繼

此達人踵起羣出其才智以求衛國保民角勝爭長之術高會

矩矱歷久而忘譬之崑崙之水歧注四海大小清濁之性雖各不同而

要其大源之同出於龍池

即阿釋達池

則一也中國天皇生於崑崙黃帝娶西

陵之女

西陵當在崑崙以西

刑于之化當先訖于地中海東濱諸國久之始達於希

臘又久之始徧於全歐今論泰西政教者謂希臘為歐洲開化之祖蓋

就其近者言之而中國則付諸親盡則祿之例也

商湯十八年癸亥

西元前一千五百五十八年

亞革斯人地格良始行商於福西司

小亞洲西濱地中海

即後約年埠之佛西亞地也

初腓尼基

一作非送司

人善經商貿易地中海諸島更渡黑海探地

鑛採五金得冬青橡樹取其根中之汁以製皮取其實以製染料東西

運售國以富强希人熟與往來至是始習其術渡海行商

商湯二十年乙丑

在西元前一千五百五十六年

埃及人西格祿至阿的加立國以雅典為

京都西格祿用埃及法治希興工藝種麥樹橄欖織羊毛爲衣並立法制辨倫類禁以牲祭國人悅之。

商湯二十三年戊辰西元前一千五百五十三年雅典王西格祿卒克來挪立。

商湯二十四年己巳西元前一千五百五十二年亞革斯王福而巴卒特里亞巴立分亞

革斯西南沿海地與其弟白力克杭卽以妻名名其國曰彌西那一作米西尼阿

一作美基奈一
作伊斯米阿時國人善營造彌西那城鑿大石獅二鉗之城門之楣近城

穴地作石室蓋壁皆傅以銅或曰王之陵寢處也是年海潮溢亞革斯

雅典皆大水遷得史力逐其土人比來司比來司徒於意大利。

商湯二十六年辛未西元前一千五百五十年腓尼基人迦達慕一作迦得摩建德巴一作地維司城。

在雅典西北濱海地名
比約低亞後分爲十二國教民植葡萄釀酒鑄金鎔鐵作刀双耒耜傳腓尼基字。

拚合成文法。埃及古文六書略備而象形爲多腓人初用埃及文字苦其繁重乃取其字母
二十二字各爲之審定一聲互相拚合化爲諧聲之字遂爲歐洲文字之祖並尺丈升斗

權量之用各國倣之爭習文藝較武技造船舶學駕駛往來海濱荒陋

之俗。爲之一變。既有埃及人大腦士。至亞革斯。弗呂家。一作弗利亞。在小亞西亞。人伯羅布。至伯羅奔尼蘇。一云至彌西那。並爲希臘政教之宗。烏虜。上古之世。聚族爲部。合部成國。其時君民同體。共治國事。君不甚尊。而民不甚卑。唐虞三代以前。中西政體。大半相類。當時憲法。雖闕焉不能盡詳。而軼說之見於諸子雜家者。往往而是。吾觀黃帝合宮之聽。唐堯衢室之問。虞舜總章之訪。夏禹會朝之語。商湯街廷之觀。逮於周室。天子聽政。使公卿列士。瞽史師矇。百工庶人。近臣親戚者。艾之屬。獻典獻書。盡規傳語。而後天子斟酌以行其事。方之今日歐洲御國之法。若同揆焉。降及炎漢。博士議郎。賢良文學之設。其流風遺制。猶未墜也。吾嘗聞弗呂家之治國也。分邑爲二十三。邑各選其人。赴都城議國事。推一有德望爲國人所矜式者爲之首。而後共舉羣才以分理之。其聽訟之吏。則由其邑自擇。以從民望。而和戰大事。則必開大會。議進止。而後施行焉。希臘之世。立憲

與共和之政。大抵出於弗呂家。而雜采小亞洲東方諸國文字格致器藝之所長。以爲治國利民之用。今日歐洲言政治者。競稱希臘。而於弗呂家之事。述焉不詳。烏虜吾尤惜其未聞我中國唐虞三代以上之治也。

商太甲七年。丁亥。西元前一千五百三十四年。雅典始拜雅典妮一作亞底奈之神。立拜神之

節。日以魯色尼三年一大祭。設預言局於特爾裴。在希臘北境一作德勒非一作德爾佛斯。奉亞波

羅一作阿羅神。亞波羅者。日之類。雅典妮。猶皮特之女也。希臘信神好事者創爲神代傳。謂天地初分有神爲天王者曰

拉古奴。地王其阿其妻也。誕子五人。一曰歐希尼。是爲海王。二曰雅陀兒。居高原。三曰雅兒。居下隰。四曰山神。五曰海神。厥名滂沛。其居高原下隰之中者神曰奈非。歐即雲王也。時復有雅利拔者。主陰冥。其妻尼客斯。主昏夜。地王與天王相惡。異

居淫其子滂沛。生海神五。天王通於尼客斯。生黎明質明。晝明復與地王合。生勇神三。皆有頭五十。手一百。生智神十二。中有太灘者。司時。晷天王鐘愛之。惡勇神蠶獷。且懼其害已也。逐之陰冥。地王怒。嚙智神。叛其父使太灘率諸子攻之。天王傷

流血滿地。太灘代爲天王。以顯職授十一兄弟。尋又妬而逐之。陰冥之中。妻其妹利阿生三子。長普魯脫。仲尼皮圖尼。叔猶皮特。三女長希斯體。仲斯美。忒希穢。太灘以逐父故。心惴惴常不寤。又恐其子之效已也。子女生而皆啗之。猶皮特既誕

利阿育之。革哩底島。而以小石類人者。衣之。穢中。太灘亦取而食之。猶皮特居革哩底。有女神飲之羊乳。既長。女神授以藥。誘其父。食食之。嘔二子。三女皆吐出。石亦出。太灘大怒。與子戰。猶皮特率其兄妹。禦之。俄林都山智神勇神皆助之。尼皮圖

尼之子多而且勇。一曰在其額。驅雷電。撼太灘軍。地震裂。海水壁立。太灘敗。鋼之冥府。猶皮特自治天。長兄治陰冥。仲兄治海塞宮。奉其母利阿居俄林都山。希人以利阿爲司地之神。掌百穀。百獸。猶皮特納其三妹。有妻七人。嘗遊人間。遇婦女之

豔者輒淫之希臘詩人傳之詠歌工篆刻者爭鑄其事猶皮特一作丟斯之神。全希崇祀。像之鉅麗者。為俄林都。一作歐林圖

山。高四十丈。以金範其質。嵌以象牙。鬚髮拳曲。長鼻。貌溫而厚。左手執

雷柄。右手執電樞。西人所謂七大宏工者。此其一也。廟中實美女。綺服

華容。藏之密室。以待神幸。名之曰神妃。祭祀多與之私者。猶皮特之外復有大神十二希臘主人間婚嫁

全希雅典。妮為護持格致文藝之神。雅典專之。恃為保障。其各國皆有專

奉之神。神廟約二百六十餘處惟亞波羅為希人所尊。特爾斐之廟。甲於諸國。女祭司

皮提亞。伏金鼎中。造神語。以答問者。遠近之人。趨之若狂。厥後全希設

四大筵。一為歐林皮亞。一作阿林必。一作啞林。必一作阿林比亞。筵。在歐林皮亞平原。以奉猶皮特。一為皮提

亞筵。近特爾斐廟。以奉亞波羅。一為彌西那筵。在哥林多土腰。以奉尼皮圖尼。一為尼密

亞筵。在尼密亞城。以奉尼密亞。猶皮特筵期。希人麇集。飛車馳馬。搏拳。貫跣。拋

槍。賦詩製樂。獻奇技。逞異能。勝者獲野橄欖冠。為人生至榮。自王以下

皆厚餽有殊禮。並鐫石為像。置諸聖林。或寫之丹青。播之詩歌。載之書

史。以傳於世。自有此會。而全希士人學藝。遂大興。遠近之國。交往互來。不似昔時之隔絕矣。烏虜吾讀海內外西經所載諸國奇形怪狀之神。其言司夜司天羣巫上下及天與帝戰爭神斷首之事。率與希人所爲神代傳相出入。世俗流傳無稽之說。愈衍而愈支。古之爲是書也。蓋親見海外諸國荒昧癡狂之俗。非盡無據而云然也。希臘好事之徒。况神於人意。結心構鼓簧邪說。崇逆誨淫。植以廟壇。創爲祀典。此蠻夷之俗。明王之所必誅也。然當日假祀神之事。以合族類。繼立祀神之會。以聯邦交。復託神知代神語。以創議各邦衛國保民之政。而國人之藉此以鼓舞其學業。增長其智能者。亦莫不於是焉。基之此。古人神道設教之義。所由來者遠矣。民愚則神道盛。民智則神道衰。吾於希臘又何譏焉。

商沃丁八年。庚子。西元前一千五百二十一年 雅典王克來挪卒。昂飛的安。一作安弗地立。

商沃丁九年。辛丑。西元前一千五百二十年 亞革斯建哥林多。在亞革斯東北沿海地 土脈豐腴。東西濱

海。為希臘交通之地。

商沃丁十三年。乙巳。西元前一千五百十六年北夷鐸利亞。一作德羅亞一作多利族人里勒司。建

拉塞的蒙。一作拉基代門一作拉拉叩尼亞國於代基都斯山麓。傍歐羅達斯河。距海

口六十里。居亞革斯、彌西那之間。與亞該亞族人雜處。初建數小國。里

勒司開荒治田。併之為一。

商沃丁十五年。丁未。西元前一千五百十四年希臘女子阿開斯。自立為阿喀第亞。舊名得里摩在

彌西那西北亞革斯西南與拉塞的蒙接壤一作阿開地阿一作亞加地一作亞加底亞一作矮壇地王。王有勇力。教人織毛墾田。民事之如

神。有子曰逆克題。

商小庚四年。乙卯。西元前一千五百六年阿喀第亞王阿柳胡立。造寺廟。設審事所。治

民訟獄。哥羅拖布為亞革斯王。

商小甲元年。丁巳。西元前一千五百四年大水。

商小甲五年。辛酉。西元前一千五百一年埃及游民得奈胡。一作阿力乎隨腓尼基商人至雅

典。製吸水器。教土人造舟。希人始學駕駛。行商地中海。

商小甲七年。癸亥。西元前一千四百九十八年。雅典王昂飛的安遣使亞革斯。拉塞的蒙。彌

西那。阿喀第亞。亞該亞。德巴。德沙利。耶卑路。歐林皮亞。歐西亞。一作里西阿

尼亞一作庇歐西亞一作比阿西里在雅典之西。特爾斐爲十二國同盟公會於德爾摩比勒。一作德拜力。以祀

亞波羅大神。相約以神廟之地爲聖地。歲以春秋來會。申約章。齊好惡。

蓄義金於特爾斐堂。以備軍儲。國各選二人司之。誓曰。凡我同盟之人。

壹心協力。以禦外侮。毋侵民。毋欺神。犯者出贖金。不從者以兵懲之。戰

則毋犯聖地。毋翦城市。毋圍城斷水源。世目之曰特廟十二族盟。烏虜。

天之生人也。種與種相積而後有族。族與族相別而後有類。有類斯有

畛域。有畛域斯有競爭。人與人爭。於是衆寡之形判焉。國與國爭。於是

強弱之勢分焉。會者所以合衆角強於競爭之世者也。希臘初闢之時。

不過一二族謀生避地遊獵之民耳。久之藉一神之會以合其族。久之。

藉○同○族○之○會○以○合○其○類○又○久○之○藉○同○類○之○會○以○合○其○國○始○也○人○與○人○不○
 相○下○則○藉○神○之○勢○以○張○其○國○之○威○繼○也○神○與○神○不○相○下○則○又○藉○其○國○之○
 威○以○大○其○神○之○勢○始○也○定○保○神○之○約○繼○也○定○保○國○之○約○而○聯○邦○交○捍○外○
 侮○立○國○憲○伸○民○權○良○法○美○制○愈○擴○愈○宏○後○之○談○外○交○議○內○政○者○咸○於○希○
 臘○取○法○則○焉○會○之○時○義○大○矣○哉○君○子○於○神○道○無○譏○焉○爾○

商小甲十年丙寅西元前一千四百九十五年立敬神大節曰密安弗一作密佛祀文神也即文昌之神

五年一舉後以為常

商小甲十一年丁卯西元前一千四百九十四年雅典王伊立土蘇一作衣力土尼乎立教稼明農通

商海上勢益富強

商小甲十二年戊辰西元前一千四百九十三年亞革斯王四的尼魯立

商小甲十三年己巳西元前一千四百九十二年雅典王班的恩立案四裔編年表以班的恩為雅典第

立為雅典第六王而於一千四百三十八年又載班地恩立為雅典王不言第幾其與班的恩是一是二附註於此俟考

商小甲十五年辛未。西元前一千四百九十年拉塞的蒙王里勒司建斯巴達。一作斯帕他，一作四伯大萬國史記。

作士帕太以近人通用斯巴達故從之。城徙都之。西史綱目載在商小甲十三年。

商雍己二年乙亥。西元前一千四百八十六年雅典作兵車備戰爭。作乘車通貿易。兵強

財富。遂為希臘之冠。

商雍己三年丙子。西元前一千四百八十五年亞革斯王四的尼魯卒。基來挪作亂稱王。

商太戊元年丙戌。西元前一千四百七十五年雅典得奈胡。逐基來挪而自為亞革斯王。

生女四十九人。而皆殺其夫。有一壻曰林休胡者。其妻匿之。晝伏夜動。

詭而獲免。

商太戊十七年壬寅。西元前一千四百五十九年北希臘女子黑蘭。勇而多智。自立為希

臘王。以希臘名國。自黑蘭始也。白力朵為德巴王。

商太戊十九年甲辰。西元前一千四百五十七年亞革斯王得奈胡。以彌西那之失王也。

納其臣樸西胡為之主。性嗜酒。祀酒神曰白果。希人以葡萄製酒。故以

名之。

商太戊四十六年。辛未。西元前一千四百三十九年德巴王賴得古立。

商太戊五十一年。丙子。西元前一千四百二十五亞革斯王得奈胡。老而多忌。嗜殺人。

林休胡知國人之怨王也。伺其出獵。閉城而逐之。得奈胡奔拉塞的蒙。

尋死。林休胡自立為王。德其妻。於其卒也。立火束教會。以神事之。

商太戊七十年。乙未。西元前一千四百零六年希人埃雅依達克德。得鐵鑛於德沙利。察其

色與銅異。始採用之。大利司得琥珀。摩擦之有氣出。能吸輕物。久之遂

知為電。西人為電學者始此。

商仲丁四年。甲辰。西元前一千三百九十七年希人昔西富至哥林多。築城闢地。自立為

王。以貴紳分治國政。

商外壬二年。辛亥。西元前一千三百九十年德巴王賴得古卒。無子。其臣以利貞攝位。未

幾僭稱王。始造磁器。

商外壬九年。戊午。西元前一千八百八十三年

雅典王以辣第胡立。大行文教。昌教即文教有西里

司者。始造饅頭。國人以為貴品。哥林多設校武臺。阿八司為亞革斯王。

商祖乙三年。辛未。西元前一千三百七十年亞革斯王阿八司卒。二子阿果里休胡。白里

都。植黨爭國。

商祖乙十二年。庚辰。西元前一千三百六十二年

阿果里休胡造甲盾。敗白里都。白里都

奔歐西亞。歐王納之地靈得。

商祖乙十七年。乙酉。西元前一千三百五十六年

雅典王西克魯第二立。

商祖辛七年。甲午。西元前一千三百四十七年

歐西亞亡牛於雅典。歐西亞東境與雅典接壤索之不與。鳩

人而奪之還。雅典王怒。率兵伐之。戰於境上。亡牛者驅其族。躁而突陣。

刺王墜馬死。雅兵大敗。初歐西亞之納白里都於地靈得也。阿果里休

胡懼。降雅典。至是聞王敗死。出師救之。歐人始退。阿果里休胡兼王雅

典。據綱目以雅典王戰死者為班地恩。然編年表載西克魯為雅典第七王。阿果里休胡為第八王。班地恩不知何時所立。此王前後凡三見矣。

商祖丁二年。戊申。西元前一千三百三十三年阿非打、愛山、以雷都並據拉塞的蒙地稱王。

商南庚六年。辛酉。西元前一千三百二十年彌西那設校武會。於是國多勇武之士。時有

來西唵者。設敬神教會。

商盤庚十四年。己卯。西元前一千三百二年彌西那王以喀圖納一作以辣克士能立。以兵事付其

弟四堆尼羅。約曰。兄死則弟嗣。

商盤庚十六年。辛巳。西元前一千三百年彌西那王以喀圖納卒。四堆尼羅立。

商盤庚二十四年。戊子。西元前一千二百九十三年希人覓新地得西齊里。一作細利。一作西利。一作普西利。開

荒墾田。後為名島。島在地中海與意大利隔一海峽

商盤庚二十八年。壬辰。西元前一千二百八十九年彌西那王歐力四地司立。貴紳希辣

克里擅國權。王不能平。偽與宴而禽之。籍其家賞武士。父子均黜為民。

商小乙二年。戊戌。西元前一千二百八十八年雅典王班地恩子埃寄利達。一作愛寄利。來大陰結武

士謀復國。會阿果里休胡死。起兵逐亞革斯人出境。遂王雅典。丕魯伯
壘曼地尼。一作曼提尼亞。一作地阿。新地。土疆日闢。遂建曼地尼國。在拉塞的蒙東北濱海爲巴。稱王。

商小乙九年。乙巳。西元前一千七百七十六年。德巴王以利貞之子耶日剝。一作來鳥。烝於其母。

侍者干畢利懣之王。王逐耶日剝而錮其妻。久之。妻有寵如初。召耶日

剝匿諸宮中。醉以利貞酒而弑之。殺干畢利。耶日剝妃其母。自立爲王。

商武丁九年。乙卯。西元前一千二百六十六年。亞革斯王阿得留胡。阿開明命。並立。斯巴

達王田對留胡立。

商武丁十二年。戊午。西元前一千二百六十六年。哥林多設造船廠。

商武丁十八年。甲子。西元前一千二百五十七年。雅典王德修。一作低修。一作西乎。立。伐阿的加諸城。

敗之。盡收其地。雅典人向分三等。曰爵紳。曰百工。曰農民。爵紳擅國威。

福。虐農工。農工貧乏。不能堪。國勢浸浸弱矣。德修汰官司。抑豪貴。廢諸

部舊政。聯合十二國。選議官。行新法。遠近之人。歸之如市。雅典遂爲希

臘一大都會。其卒也。國人立廟祀之。烏虜希臘貴紳當國之弊。與唐虞以前之世。亡慮畧同。帝鴻氏之渾敦。少皞氏之窮奇。顓頊氏之禱杌。縉雲氏之饕餮。皆貴族也。魯季文子謂四族者。世濟其凶。以至於堯。堯不能去。蓋貴族之柄國。根深柢固。歷世遠遙。雖以堯之大聖。而不能無所遷就。顧忌於其間。逮於有舜。始毅然一矯貴族之弊。流四凶。除四罪。闢門。明目。稽衆。從人。以與天下更始。故當日君臣上下之間。兢兢以違道。干譽。拂民。從己。爲大戒。而諸侯之朝覲。百姓之謳歌。訟獄。翕然有天下。一家中國。一人之風。孔子謂舜爲恭己無爲而治。正以此也。德修承雅典。爵紳擅權之後。獨能汰官司。抑豪貴。廢諸部舊政。聯與國。選議官。以創維新之政。亦可謂傑然不世出之令主矣。

商武丁二十二年。戊辰。

西元前一千二百五十五年

阿喀第亞人耶罕多。率其族至意大

利之拉晝。

一作拉地

是爲羅馬之始。

商武丁二十五年。辛未。西元前一千二百五十年阿喀第亞始習耕織。教書契文字。

商武丁三十四年。庚辰。西元前一千二百四十年約年。萬國史記作埃奧尼中國譯文皆作約年為世所通用故不易人有畜金毛

羊者。斯巴達黑爾古列。一作革里萬國史記謂即鐸利亞求之弗得。率師伐之。敗約年族。悉取

其地。萬國史記載亞革腦的之戰謂惹孫黑爾古列諸將聞黑海東頭哥爾西有金毛羊子欲得之遂發戰船往伐蓋欲據其地以開互市也與綱目所載年代事實互異遂越哥林多與

雅典戰。不克而還。

商武丁三十六年。壬午。西元前一千二百三十九年雅典人地對魯。始作機器。

商武丁三十八年。甲申。西元前一千二百三十七年黑爾古列既敗約年。乘勝侵拉塞的

蒙。弗克。

商武丁四十年。丙戌。西元前一千二百三十五年雅典王衣其烏。一作衣其乎好游畋。不恤國政。

嬉於海。遇颶風。覆舟溺死。子第西烏。一作母西乎嗣立。大修政治。簡軍實。一反

衣其烏所為。國勢再興。

商武丁四十四年。庚寅。西元前一千二百三十一年阿蒙。一作阿密叛阿的加。赫倫助之。第西烏

擊之以兵。受其降而還。

商武丁四十五年辛卯。

西元前一千二百三十年

希人亞公行商地中海。建呂底亞。

一作呂地耳

國爲王。

國在地中海之濱。弗呂家之西與弗呂家對壤。

是爲哈拉利達。

一作海辣理達

朝。後復并弗呂家之地。

商武丁四十七年癸巳。

西元前一千二百二十八年

第西烏伐赫倫。以報阿蒙之役。赫倫

敗乞降。

商武丁四十八年甲午。

西元前一千二百二十七年

曼地尼王丕魯伯。設歐林皮亞節。四

年一舉。

商武丁五十年丙申。

西元前一千二百二十五年

德巴王耶日剝卒。其二子伊的疴克勒。

一作伊的。可以克勒。屬下名。

波里尼思。

一作克勒。波尼思。

爭立。波里尼思少而多助。伊的疴克勒乞師

於埃及。埃王蘭伯西出海。舶救之。波里尼思敗死。殺其六將。一將奔。截

髮爲弓弦。射伊的疴克勒。應聲而絕。埃兵還。國人立耶日剝之弟克勒

恩爲王。

商武丁五十九年。乙巳。西元前一千二百十六年。埃及人以平德巴之亂。求賄於克勒恩。不

與。埃及人怒。率海軍伐之。克其城。克勒恩遁。國人豆山德。率衆入山拒守。

埃及人輦其財帛而還。

商祖庚元年。丙午。西元前一千二百十五年。豆山德率衆還城。遂爲王。黑爾古列聞德巴

失王。伐之。豆山德固守不能下。

商祖庚二年。丁未。西元前一千二百十四年。黑爾古列還師。亞該亞人摩利恩徼之。陷陣

中。黑爾古列射之殪。亞軍亂。大敗。追奔數十里。乃班師。旌功於國。設歐

林皮亞節。

商祖庚四年。己酉。西元前一千二百十二年。彌西那王昂飛的良。一作衣非都懼黑爾古列威名。

不能制。使掌國政。陰結武士圖之。黑爾古列覺之。盛兵自衛。王不能安。

奔突力阿。

商祖庚五年。庚戌。西元前一千二百十一年。昂飛的良再奔特拉幾。特拉幾王昔格司。王

之舊也。厚遇之。黑爾古列兼為彌西那王。

商祖庚六年。辛亥。西元前一千二百十年昔格司謀納昂飛的良。其弟昔格奴曰。黑爾

古列爛於兵。恃強負衆。未易敵也。盍結歐林皮亞圖之。歐攻其西。我攻

其北。彼備多力分。乃可圖也。昔格司然之。使昔格奴入歐林皮亞。說歐

王兪三推曰。黑爾古列負強不道。翦我同盟。彌王畏其疆梁。使執國政。

而又逐之。民心携矣。携而討焉。雖衆不可恃也。王其圖之。歐王悅。與之

約師期。昔格奴返。黑爾古列邀而殺之。途率師伐歐。中流矢乃還。

商祖庚七年。壬子。西元前一千二百九年黑爾古列創劇。以兵屬其黨許羅。立其子于

昔的俄。一作兪力皆的俄為王而卒。許羅勇而險。傲事王。王不能堪。遂相惡。

商祖庚九年。甲寅。西元前一千二百七年許羅弑其君于昔的俄。立王弟阿得里胡而

事之。

商祖庚十一年。丙辰。西元前一千二百五年雅典王第西烏卒。孟第俄。一作門四地俄立。

許羅既弑王。專國政。有雅基姆一作愛姆者。勇士也。從許羅田。爭鹿。許羅罵

曰。余撲殺汝矣。雅基姆曰。若敢鬪耶。毋求助也。許羅諾之。遂殺許羅。

商祖甲四年。庚申。西元前一千二百一十一年以吉朵士殺彌西那王。阿得里胡國人迎昂

飛的良。會昂飛的良死。不果。

商祖甲五年。辛酉。西元前一千二百一十一年革哩底在地中海之中。形如舟。狹而長。腓尼基人。所關長一千五百里。為小亞洲最古之處。王亞伽綿農。一作

阿改門一作阿該孟。一作亞加美嫩。一作阿曉門。一作兼為彌西那王。亞伽綿農之王。革哩底也。除海盜。有威

名。至是彌西那人迎之為王。勤於政治。國民愛之。行商之人。播其德威。

暨於海島。西齊里。哥林多。皆奉之為王。斯巴達王黑尼勞。一作米尼老。一作門伊雷鳴。立。

商祖甲十二年。戊辰。西元前一千一百九十三年希臘聯軍伐禿累。一作士魯。一作德羅亞。一作特羅亞。城在海峽。黑勒斯奔之南端。屬今

東土耳其。近人鮮能指其地。有德國格致士許賴孟者。渡地中海。相度形勢。掘之以驗古史之信否。自同治十年始。凡二年。掘至底分七層。其第一層。掘不甚深。皆草萊瓦礫。第二層。得一大鐘。巨廟高屋。尙完好。考羅馬史實有此鐘。蓋羅馬時代也。

第三層。掘數尺。杳無一物。第四層。淤泥垂盡。得大宮室。庵觀有城垣環之。獲金條脫數枚。金盆金碗甚夥。而金指環至八千七百餘枚。其餘銀質什物。不可勝舉。尋常器皿。悉琢石為之。雜以戰時軍器。箭鏃。皆石質。銅器則寥寥。數種。而鐵器無之。察

驗各物。大都有焦灼痕。證之希史。無不合者。第五層。掘城底之地。又無所見。第六層之下。掘之得一小鎮。略有屋宇。而盡拙。如上古野人銅質石質均粗且劣。禿累城之築。當在此鎮。後數千百年。第七層。忽現磐石。不可掘矣。初彌

西那王亞伽綿農有女。曰希利那。一作克來得乃司。一作赫勒內萬國史記以希利那為亞伽綿農之妹。日本小說作如蓮。美麗而才。

斯巴達王墨尼勞之后也。禿累王布利亞摩。一作伯利暗。一作派阿木。使其子巴利。一作帕利斯。

客斯巴達。墨尼勞宴之。王后與焉。巴利姿容甚都。因侍者通於希利那。

竊之還國。墨尼勞大恚。會希臘諸國聯軍伐之。亞伽綿農為之帥。將海

舶一千二百艘。軍士十萬人。渡海圍其城。

商祖甲二十二年。戊寅。西元前一千一百八十三年。希臘攻禿累。至是已十二年矣。禿累

多名將。善守禦。希人掠敵貨濟軍。春出秋歸。衆多怠敝。久不能克。亞伽

綿農子俄勒士的。或作赫忌多。或作赫革多。造巨木馬。潛兵其中。偽敗走。禿人獲木馬。驅

之入城。兵躍馬腹出。希軍還。內外夾攻之。城遂陷。大將亞猶列。一作亞基列。驍

勇冠諸軍。刺殺禿王。俘巴利。虜王妃子女。奪希利那而還。歸諸墨尼勞。

不納。希利那居彌西那。思巴利謀出之獄。乃弑其父亞伽綿農。而立巴

利為彌西那王。俄勒士的奔亞革斯。希臘志載和墨耳詩以希人內桓桓起極著名者推亞猶列禿人內赫赫烈烈冠軍者推巴利之弟赫忌多是。

赫忌多爲禿累人矣。與萬國史記不同。今從編年表改俄勒士的案和墨耳詩。有足考見當時政治風俗者。謂希地古時聚族爲國。國各有王。稱曰巴西路兼充祭司。復有數族輔王。亦稱巴西路。會議國政。由王可否。以定是非。議定之後。集全國人。民於民會公場。宣布王旨。民中爲首領者。均可自抒己見。惟平民不得擅發言。蓋節制王權者。惟執政人及各族長。非平民也。古時希地盜賊繁多。肆意殺掠海陸諸途。皆有之。防禦不周。即有見擄爲奴之患。俗尚詐僞。以酷烈爲能。然家庭和睦。父慈子孝。夫妻尤篤愛。有太和之景象。其時希地多牛豕。以牛值比例物價。日值若干。牛人以豕皮爲衣。豕肉爲食。凡娶妻者。必兌交銀女家。女家即以其銀購粧奩贈嫁。夫妻離異。則女盡歸以去。但女家必還原聘之銀。男女皆分家產。女視己產同於夫產。倘或離異。則其產仍歸女家。婦女既嫁。權皆在夫。不能自主。希人喜炙肉美酒。佐以饅頭。平時進會。必在日中。城中人則夜餐。必美於晝食。凡攻破敵城。殺其男子而掠其婦女。所得新地。則使其人充佃奴。蓋謂人與地相連也。哥

林多商人伯利。

一作百里

挈其妻海倫航海。遇颶風。漂至埃及。埃王樸魯地胡

奪其妻。伯利還國。訴之哥王。至是王約斯巴達移禿累之師。伐埃及。大敗之。埃王行成。反其商貨。出海倫。希人受之。乃還。

商祖甲二十三年己卯。

西元前一千八百八十二年

雅典王德姆符立。鐸利亞人遷居伯

羅奔尼蘇大地。

鐸利亞希人稱爲北方夷族

分其族爲羣哨旅。俾各治其地。同心協力。攻

逐土人。幅員日闢。遂成衆國之勢。惟舊族亞該亞。居北海濱。連城十二。

其宅中之地曰阿喀第亞。

命名之義。猶言鄉落野人

山環嶺亘。俗樸少文。瀕西海濱。則耶

卑路地。爲北族厄多里。

一作哀多連

所據。餘則盡歸鐸族矣。

商祖甲二十九年乙酉西元前一千一百七十六年亞革斯人立俄勒士的爲王起兵討

巴利並希利那誅之

商祖甲三十一年丁伐西元前一千一百七十四年拉塞的蒙王雅非多一作受立

商武乙六年丁未西元前一千一百五十四年鐸利亞人再伐伯羅奔尼蘇

商武乙十七年戊午西元前一千一百四十四年雅典王俄新帶一作俄心對立

商武乙二十三年甲子西元前一千一百三十七年雅典王俄新帶卒愛非德一作愛非朶立

商武乙二十四年乙丑西元前一千一百三十六年雅典王愛非德以事責小臣小臣置

毒於食殺之子台米第一作大愛米地立

商武乙三十二年癸酉西元前一千一百二十八歐西亞王孫多謀併雅典且以其王

之弱也起兵伐之雅典戰不利孫多圍其城雅將密倫多請戰台米第

不許密倫多曰城危矣外無援內無食坐以待斃不如戰也可以一逞

固請許之密倫多簡精卒三萬分三軍使兩軍夾擊而自率中軍繼之

徇於衆曰。存亡之幾。在此舉也。戰不力者。殺無赦。開城而馳。歐軍大敗。斬孫多。追之入歐境。十日滅其國而還。國人歡迎呼曰。密倫多活我。奉以爲王。台米第乃遜位。

商文丁元年。丁丑。西元前一千一百二十四年鐸利亞人塞力宏的。一作夷力革 一作革力對三伐伯羅奔

尼蘇。西擊阿喀第亞。歐林皮亞。皆克之。諸國人聞鐸族至。皆空城而遁。

鐸族奄有伯羅大地。賤役舊族。奴佃主田。終其身不得他適。呼之曰亥

羅得。一作赫 勒特其鄰居舊族。隸之兵籍。不使預國政。通婚姻。惟不奪其田土。

與亥羅得異耳。舊族不堪其虐。多渡海遷居小亞西亞。開新地者。逮茲

以降。約年。族設埠。西海濱羣島。建以弗所。一作伊匪蘇在亞洲西極。希人建有先農祠。至周顯王十三年。希臘名王亞歷山德生。日其城被火

隨復建造壯麗。過前南懷仁。稱爲字內七。大工之一。後希臘襄地。屬羅馬。耶蘇門徒彼羅。宣教於此。至曹魏景元。咸熙間。先農知安。那之廟燬。其地遂圯。土耳其與取其材。以爲君士坦丁。米勒都。一作密理圖 一作密理多

一作米利都。在亞洲西界。當春秋昭定之世。希臘全盛之時。跨有歐亞。其地爲一大都會。文學昌明。中爲波斯所侵。至戰國時。羅馬與希臘徵其地。遂廢。在今名斯沒爾。舉地南。諸城。謂之約年。衆

埠。亞該亞族。遷里斯波島。設埠西北海濱。謂之哀約利。衆埠久之。鐸利

亞。族。聞。海。東。土。腴。美。亦。東。渡。居。革。哩。底。暨。小。亞。洲。西。南。海。濱。謂。之。鐸。利。亞。衆。埠。其。律。法。制。度。風。俗。均。同。本。國。而。國。皆。有。自。主。之。權。更。有。關。意。大。利。西。齊。里。及。亞。非。理。駕。諸。地。者。於。是。希。臘。殖。民。之。業。徧。三。洲。矣。烏。虜。殖。民。之。政。今。日。歐。洲。諸。強。國。所。奉。爲。競。種。爭。存。之。術。者。也。士。狹。民。稠。謀。生。展。地。亦。天。演。必。至。之。勢。然。任。人。之。孳。乳。蕃。衍。填。塞。蓋。壤。則。徙。民。之。策。會。有。窮。期。環。球。人。滿。之。患。精。言。政。治。者。終。無。善。法。以。求。補。救。於。將。來。於。是。有。爲。汰。繁。之。說。者。酷。施。其。擇。種。留。良。之。術。此。不。仁。之。政。之。尤。爲。凡。爲。人。者。之。所。不。忍。道。竊。獨。以。爲。不。仁。之。政。窮。於。人。而。擇。種。留。良。乃。天。演。自。然。之。程。度。人。實。日。受。其。消。息。而。不。自。知。自。開。闢。以。來。數。千。萬。年。人。之。生。息。蕃。滋。於。員。輿。之。上。者。不。知。凡。幾。其。受。天。之。不。仁。之。禍。而。遺。留。於。兵。戈。水。火。饑。疫。之。餘。者。又。不。知。凡。幾。終。則。洪。水。一。降。而。生。人。之。種。幾。至。大。絕。擇。留。之。術。人。所。不。能。行。者。而。天。乃。泰。爲。之。繼。茲。以。往。遠。暨。於。不。可。億。計。之。

世其汰繁之策。將必更變而不可測。蓋仁與不仁。皆天行之妙用。而人行卽張弛乎其中。吾烏乎定其爲仁。吾烏乎定其爲不仁也。甚矣人不可不爭自存於人之際也。

商帝乙八年丁酉。

西元前一千一百四十四年

塞力宏的四伐伯羅奔尼蘇。鼓行而南。其弟

亞里斯得摩。

一作阿利士的賈果。作阿利多低摩。

驍勇善戰。大敗土人。連克亞革斯。彌西那。斯

巴達。凱旋。大犒諸族。苴之土田。塞力宏的者。彌西那王昂飛的良之裔也。遭黑爾古列之逐。亡國歷百年。至是始滅仇。取彌西那。自爲王。使亞里斯得摩王斯巴達。烏庫嚴。復有言曰。生民之始。如生。獠獠。治教初開。俠烈猶競。至變質尙文。則易於馴伏。偷生而守雌。不幸而遇外仇。驅而縻之。若羊豕耳。悲夫。悲夫。盛衰興敗之由。古今中外。蓋一轍也。自來列國爭存。往往後起之雄。常居勝勢。意大利族起而希臘亡。日耳曼族起而羅馬又亡。逮茲以降。起滅相尋。無或爽者。譬之人。然少壯之人。氣銳

志強以有事為榮而常存進取圖功之念老耄之人氣頹志餒以無事為福而常抱苟全免禍之心蓋志氣之盛衰而事業功名即隨之消長論者乃委之國運此無志氣之尤自誤而誤人者也

商帝辛三年辛丑西元前一千一百一十年斯巴達王亞里斯得摩卒遺命其學生二子歐里得那伯羅刻黎分王斯巴達同朝聽政子孫相繼歷九百年

商帝辛十二年庚戌西元前一千九十一年雅典王哥德落一作果得魯西格祿十六世孫立信雅典妮神

有大政輒禱之

商帝辛二十六年甲子西元前一千七十七年亞該亞人利斯波一作扣德魯斯一作比利司基築城小亞

洲西北島上以己名名之遂稱王

商帝辛二十九年丁卯西元前一千七十四年鐸利亞族伐哥林多取之哥王地拉士

率其族遁之他國

商帝辛四十五年癸未西元前一千五十八年斯巴達愛基司與其子並立為王監土

人以兵殺其壯士。尋盡逐之。斯人多逃入哥林多及海島者。

周武王十七年丙申。西元前一千四百五十五年斯巴達伐雅典。卜之神曰。雅王死。不可敵

矣。哥德落聞之。曰。一身死。一國之福也。易服入敵軍。斯人執而殺之。既

而察其貌。曰。此雅王也。神詔我矣。歛兵而還。哥德落既死。二子爭立。國

人厭君主政。以希人之遷小亞洲者。民多自主。得自由。諸長老創議廢

王。而推一長官治事。曰亞爾干。一作亞耳根權視王稍殺。著為定憲。雅典王號稱巴西路巴西路者祭司

治國二意兼備亞爾干之稱。僅有治國意不與祭司之事。以哥德落子孫為之。於是米頓為亞爾干第一。凡十三傳而亡

萬國史記及通鑑皆以雅王哥德落死為西元前一千一百十六年事。

周成王元年丁酉。西元前一千四百四十四年亞該亞族之逃居哥林多者。鐸利亞復逐之。

其魯尼利亞率之航海。至小亞西亞。開新地居之。

周成王五年辛丑。西元前一千四百四十年希臘諸國均廢王為亞爾干。政治公選。都人數

名充之。然議事之權操諸貴紳。平民不得預國政也。論者謂之寡人政。

治。烏。虜。希臘初開之世。君民共治。並無所謂階級也。久之異族相爭。種類合併。弱肉強食。奴隸其人。於是一國之民。始有貴賤高下之分。階級之風。寢成政俗。亞爾干之政。權操貴族。驕蹇恣睢。雖曰無君。亦無民也。狙公賦芋之智。朝三暮四。君子譏焉。然此風一倡。以至少之貴族。敵至蹟之平民。則民權之日日求伸。民氣之時時思奮。遂成一上下競爭之局。持之既久。卒能合衆力。抵破除積習。以求底於和平之一日。蓋和平之局。成於競爭。吾觀維也納大會之後。民之競爭。可謂劇矣。迄今談天下和平之局者。獨舉泰西爲稱首。西人之言曰。競爭者進化之母。烏虜希臘其知之矣。

周成王十一年。丁未。西元前一千三十四年衣昔恩爲哥林多亞爾干。

周成王二十年。丙辰。西元前一千二十五年。雅典亞爾干米頓卒。果士多一作亞爲亞爾

干。

周康王十二年。乙酉。西元前九百九十六年。愛基拉爲哥林多亞爾干。

周康王十九年。壬辰。西元前九百八十九年。亞基底爲雅典亞爾干。羅庇打。一作來比打。伯利

答尼。一作不利答尼。並爲斯巴達王。

周昭王十二年。辛亥。西元前九百七十年。豆苦布爲雅典亞爾干。

周穆王四年。壬戌。西元前九百五十九年。丕魯列尼爲哥林多亞爾干。

周穆王十年。戊辰。西元前九百五十三年。朵里所。由路母。並爲斯巴達王。

周穆王十六年。甲戌。西元前九百四十七年。福而巴爲雅典亞爾干。

周穆王二十六年。甲申。西元前九百三十七年。希人遮孫。一作者始造護心鏡。用之戰陣。

以金爲之。

周穆王二十八年。丙戌。西元前九百三十五年。巴基。一作八基爲哥林多亞爾干。

周穆王四十年。戊戌。西元前九百二十三年。亞載昔雷。一作亞者昔來乎。巴利克的。並爲斯巴達

王。

周穆王四十七年。乙巳。西元前九百十六年愛格里為雅典亞爾干。

周穆王四十九年。丁未。西元前九百十四年八白昔儿為哥林多亞爾干。

周懿王八年。癸酉。西元前八百八十八年愛打阿利朵為雅典亞爾干。

周懿王十年。乙亥。西元前八百八十六年斯巴達利古爾尼。一作來嘉軋去。一作列考格斯。一作立可古。一作路古耳古。一作來庫古。一作來古二古。

游學小亞西亞諸邦。三年歸國。據萬國通鑑出遊在西元前八百八十四年利古爾尼為鐸利亞族

拉塞的蒙國王子。幼聰慧。負勇力。善技擊。然嘗以匹夫之勇。非經國

之道。聞革哩底王蜜挪善造法律。思用之救世。求其書卒不可得。會其

兄嗣王位卒而無子。其后有身數月矣。呼利古爾尼而謂之曰。強鄰環

伺。國無嗣君。危之道也。吾聞立君以長。繼國以賢。父子兄弟。何常之有。

國之仔肩。在汝身矣。待子之生。其如國何。吾將墮而斃之。立汝為王。汝

其勗之。利古爾尼曰。信若是。是我殺兄子。而負此不義之行。以徼大位

也。強之不可。則祥言曰。娠未必男。斃之何益。且俟誕而後議之。利古爾

尼攝王以待。既而生男。擇乳母善育之。而幽后於他宮。嗣子長。致政而逃。游小亞洲。先至革哩底島。得其法律而學之。復游埃及。入印度。徧讀其書。學大進。至是携其花果書籍回斯巴達。烏虜讓之德尙矣。然孔子所稱以天下讓堯舜而後。推爲至德者。惟泰伯一人而已。泰伯者。心乎周之天下者也。若商之夷齊。乃一家之私讓。與其國無濟焉。自時厥後。若曹之子臧。衛之公子郢。吳之延陵季子。皆當時所謂賢者也。顧不以國爲念。而以讓爲名。君子無取焉。爾下此則魯隱公之於桓。宋宣穆之於夷馮。陳高祖之於蒨。北齊世祖之於湛。趙宋藝祖之於太宗。元文宗之於其兄若姪。明英宗之於其弟。倫常之變。更不忍言。舉無以國計民生爲重者。此泰伯之罪人。不得謂之讓也。利古爾尼。不過鐸利亞族之一貴胄耳。而於託孤寄命之際。從容措置。百折不撓。以一身繫一國之安危。不以一國易一身之禍福。蓋有伊尹周公之任。而雄心大畧。制國

之。才。又。足。以。濟。之。卒。能。轉。弱。為。強。蔚。成。霸。國。孟。子。所。謂。動。心。忍。性。以。增。益。其。所。不。能。者。利。古。爾。尼。之。謂。也。豈。第。讓。之。虛。名。已。哉。

周懿王十一年丙子。西元前八百八十五年利古爾尼回國。斯巴達以為將。大破敵軍。

國人公舉任執政。斟酌法律。大改國制。時兩王並立。王權不甚。暨平民亦無議事之權。民隱多不能上達者。乃設議事

院。置元老二十八人。選貴族賢者年六十以上人為之。以調停上下之

權。名西那多。而以二王為之長。王掌國教。接外交。任海陸諸軍元帥。又

開民會。選都人年三十以上者。使陳所見。西那多每建一政。立一法。必

待民會議決而後施之國中。王於西那多有一議當二之權。然亦必民

會商議以行。初憂貧富之不均也。乃制均田法。簡都人得三萬九千口。

斯巴達人九千口。伯刺斯日人三萬口。劃田畝為三萬九千區。授之為世業。伯刺斯日人得小地一區。世由嫡子掌

之。禁不得出售。奴亥羅得以為之田。分國人為三。上等習武事。人生七

歲。入國學。由朝廷延師教育之。卒業即入伍。不得歸私家。導之以袒裸

角抵飛走游泳之能。坐作進退擊刺之法。口不得言難苦。身不得避險惡。軍糧不足。則入山林。獵禽獸自給。偶或失伍。則於神前杖之。瀕死而後已。二等爲農。下等爲奴。受上等驅使。而爲之服役。由是士習強韌。人以失伍爲恥。戰不勝。誓必死。政府檢察民間生產。資稟懦弱而有疾者。禁不使育。初生則裸置蘆葦上。每歲祭月神。必會少年相撻。至流血。父母在旁勵之。以泣涕爲大辱。垂死噤口不呼痛。雖婦女皆習操身法。不事女紅。國設大館市中。以均飲食。置長几。坐十五人。使都人更番就食。國王亦然。其食品皆黑麩麥。無嘉肴旨味。恐一食肥醲。身體胖重。戰失力也。戰士軍裝用赤色。恐負傷見血。挫銳氣也。劍用短。欲肉薄。決雄雌也。不設樓屋城砦。使人人自爲戰守也。於是國民大業。皆在於兵。以從戎爲美談。以戰死爲正命。工商技藝。目爲奴隸。不許平民爲之。禁民出市外。恐爲他國俗化所移。失其本志。娶妻嫁女。禁論貲財。戒淫佚。杜

驕奢。養廉恥。習強朴。以愛護國本。宣揚名譽。爲第一善行。蓋斯巴達以戰力奪人土地。奴隸異種。土著之族。時伏戎心。當時亥羅得有常思生食斯巴達人之謔而鄰國之畏其強。被其虐者。又人人有報復同仇之志。鐸族以九千之衆。處於叢仇大敵之中。衆寡懸殊。勢同孤立。防維少懈。則內憂外患。羣起而乘之。故其君臣上下之間。汲汲以兵事爲國家性命。而不能不立法以維持之者。蓋處於勢之不得不然。利古爾尼特因其舊俗積習而整齊之。束縛之。獎誘之。激厲之。以定爲國法而已。昔者孔子嘗欲居夷。而或者譏之爲陋。烏虜古者有得其陋而強。失其陋而弱者。若利古爾尼之陋。其亦不可及也。已。利古爾尼改制國律。率其族至猶皮特廟。卜之吉。進國人而詢之。無不呼善者。乃矢於神曰。我將他適。不返國。不得敗吾法也。衆諾而去。至革哩底。絕食而死。案編年表西元前八百七十三年。利古爾尼代查利來阿爲王。其去國及卒年不可考。死之日。謂其人曰。我死。焚吾屍。棄灰於海。勿返葬斯巴達。斯巴達人聞之。哭曰。利古

爾尼。以死殉法。詔我矣。公不負國。國其忍負公。遂誓守其律。歷五百年。且於都城立廟祀之。烏虜國存於競爭。人生於憂患。競爭之心日益烈。則憂患之念日益深。憂患深則不得不爲自營之私。競爭烈則不得不爲不仁之事。自營之私與不仁之事。皆世之所謂惡德者也。而當時國之所以存與人之所以生。則胥於是焉。賴之舍乎。此其能免於死且亡者鮮矣。利古爾尼之制法也。本一己之憂患。以結爲一國之憂患。推一己之競爭。以合爲一國之競爭。其所營者無一非私。其所爲者無一非不仁之事。其始也因習以制法。其終也守法而成習。習之旣成。則雖有大。力者覆其國。繫其人。然非一取其法而大變之。則亦不得而控御之也。若利古爾尼者。可謂深於憂患。烈於競爭者矣。

周懿王十七年壬午。

西元前八百七十九年

亞几來阿爲斯巴達王。

周懿王二十三年戊子。

西元前八百七十三年

查利來阿與亞几來阿并爲斯巴達王。

希臘春秋卷二

新城王樹枏著

周孝王元年辛卯。

西元前八百七十年

希臘開新地於小亞西亞。米勒都人立多埠於

黑海南濱。米加拉人立多埠於黑海西濱。米穀豐殖。商務日繁。按編年表言有一種民曰

夕米尼人開新地於亞西亞。洲夕米尼當係譯文之異。

周孝王二年壬辰。

西元前八百六十九年

亞革斯王非頓始於依機那。一作以共那地鑄銀錢。

造天平砝碼。初希臘諸國無錢幣。以阿比利西哥交易貨物。其形如大

釘。以鐵及紅銅爲之。後有六阿比利西哥者。握之盈手。又造大拉哥美。

畧具錢形。然過重不便交易。至是始鑄銀錢。而造天平砝碼以權其輕

重。希臘權度之法。得之腓尼基。而腓人則採埃及。巴比倫。諸國而參用

之。巴比倫之制權衡也。以立方一足之水為一他倫。欽鎰一作鎰他倫六十分之

六十分之一曰米諾。一作米諾米諾百分之。百分之一曰答連多。一作德拉罕馬一

答連多分之為奧薄羅。希人襲用之。惟一他倫之水。劣輕於巴比倫。故

餘數皆因之而遞減。然希臘各邦之制。亦有參差不盡劃一者。其後雅

典亦倣鑄之。為金銀銅三幣。其金幣一他倫。合之英金為二百三十六

鎊。萬國通史謂英金一鎊按已亥年市價約合華銀七兩遞分之至一奧薄羅。得華銀四分。亦以市價分英金鎊始得此數一奧

薄羅分之為銅幣八楷而可。銅幣一楷而可分之為七雷潑塔。得中國

制錢一文。蓋少弱焉。希臘奸人。常有毀國家圖法。挖盜其金。而實以銅

質者。因定為刑律以制之。雅典金質最精。而商務最盛。凡諸國用錢者。

皆以雅典之答連多為比較。但無紙幣往來耳。當時不知在本生息之法。在銀家中或窖藏之。其度法之

小數。以一指之濶為一指。四指為一手。四手為一足。六足為一奧孤。百

足為一白雷拖。六百雷拖。或百奧孤。為一士他第。一作賜塔地一士他第。得華

里之半。故希人計道路之遠近。必曰若干士他第。其所謂一足者。猶今之所謂一尺。一指者。猶今之所謂一寸。蓋亦古人布指布肘之意云爾。周夷王二年。辛丑。西元前八百六十年非來里爲雅典亞爾干。阿地母爲哥林多亞爾干。

周夷王十四年。癸丑。西元前八百四十八年

斯巴達伐亞革斯。亞革斯爲亞波羅會諸

國主盟。屬疆袤遠。包東海濱而南。斯巴達東侵鄰境。逼亞革斯。亞人怒。遂構兵。蓋斯巴達負其兵力盛強。慨然有併兼諸國之志。思一試之以釁其鄰。楚子西所謂貪味於諸侯。而逞其願者也。

周共和元年。庚申。西元前八百四十一年

亞里勿侖爲雅典亞爾干。

周共和八年。丁卯。西元前八百三十四年

亞利司的爲哥林多亞爾干。

周宣王七年。庚辰。西元前八百二十一年

地司比阿爲雅典亞爾干。

周宣王九年。壬午。西元前八百十九年

特來路爲斯巴達王。設六部。免國人賦稅。禁民

行商貿易。鑄鐵錢。廢金銀貨幣。萬國史記云鐵錢換金銀貨每一元價錢重五十斤貯百兩錢須數十尺地

周宣王十四年。丁亥。西元前八十四年加來奴始建馬其頓一作馬基墩國。馬其頓在希臘

北。其人種族半屬希臘。半屬壹黎里。一作伊來俱一作伊利亞一作以呂利亞多鄉居散處。以耕耘

田獵為生。無城垣塵市。俗弁陋。不事文藝。希臘諸國鄙為蠻野。鮮與通

往來者。至是人口繁滋。始建國。

周宣王十五年。戊子。西元前八十五年斯巴達與彌西那爭疆鄙。失和構兵。連年不

息。

周宣王十九年。壬辰。西元前八十九年業堪得。特拉克魯。並為斯巴達王。

周宣王二十九年。壬寅。西元前七十九年阿其門為哥林多亞爾干。

周宣王三十四年。丁未。西元前七十四年阿格密司為雅典亞爾干。

周宣王四十二年。乙卯。西元前七十六年哥林多始造三重樓艦。為戰船定式。原名賜漆

希臘希臘人海修達始測天文。講航海之術。初西元前九百年間。或云前九百五十年

希臘瞽人和墨耳。創爲詩歌。作懷古二章。其中歷數昴星。觜參及青龍七宿。北斗諸恒星名象。海修達繼起。亦善詩歌。能推測昴星隱見日期。預言其時昴星當隱四十日而復見。蓋其時地之緯度。昴星近日時。合四十日也。昴星隱則當刈麥。見則當耕田。出暗海。則航海者多遭覆溺。出暗海。謂日沒時昴星出地平也。希地值秋分之後。颶風不常。船行危險。故其時希人咸志其言。奉之爲法云。

周宣王四十五年。戊午。西元前七百八十三年亞革斯攻哥林多。不克。愛力克山打爲

哥林多亞爾干。

周幽王三年。辛酉。西元前七百八十年阿米尼。一作西米里在呂底亞之東伐呂底亞。阿米尼者。希人新

開地也。

周幽王三年。壬戌。西元前七百七十九年阿喀未尼。嗣特拉克魯。爲斯巴達王。

周幽王四年。癸亥。西元前七百七十八年衣士古魯爲雅典亞爾干。

周幽王六年乙丑。

西元前七百七十六年希臘元年

斯巴達設歐林皮亞大會。遣使各國告賽

期。路設巡兵。以衛行旅。諸國至者。劃地分居。周以營壘。屆期來會。至千

餘萬人。初歐林皮亞倚特爾斐河。建猶皮特大廟。爲十八城獻祭之區。

耶卑路。德沙利。爭掌會權。耶卑路得斯巴達之助。世爲會長。至是斯巴

達謀奪之。自爲護會盟主。成全希大會。開塲競采。以徵各國。希人因以

是歲爲歷首紀元。

周平王元年辛未。

西元前七百七十一年希臘七年

西亞卜布。嗣業得堪爲斯巴達王。

周平王十一年辛巳。

西元前七百六十年希臘十七年

斯巴達置司法官五員。曰伊佛利。

一作以服利

國人歲舉以糾諸官違法者。王有過舉。亦按律罰之。久之外交內政。悉由伊佛利主持。王與民均受其制。無敢過問者。國之大權。操諸其手矣。烏虜斯巴達之國體。與周時大端相類。其權上不在君。下不在民。近人所謂貴族政治是也。周之周召單劉。魯之三桓。鄭之七穆。齊之國高。楚

之屈昭景。晉之欒郤胥原范荀。皆以貴族秉政。其權力之大。上之可以
 操國君廢置之柄。下之可以通國人好惡之私。當時若鄭之商賈衛之
 芻蕘。晉之老人。魯之曹劌。率以市廛田野之夫。謀及國事。而小民之
 情。亦時時與執政有休戚相關之勢。孟子所謂巨室爲國人所慕者。卽
 謂此也。斯巴達由二王而設議事之西那多。由西那多而置司法之伊
 佛利。緣茲以往。君權漸減。民權漸增。雖曰王政。實則民政之先基也。
 周平王十三年癸未。西元前七百五十八年 希歷十九年體里司的爲哥林多亞爾干。造南北路
 陸軌。通貨舟以達東西兩海。繼於利基雲。一作灘 溪痕北海口。開港汊。停船舶。
 貨商四集。爲希臘造船之第一區。
 周平王十七年丁亥。西元前七百五十四年 希歷二十三年阿拉米恩爲雅典亞爾干。即第十三代之末主
 周平王十八年戊子。西元前七百五十三年 希歷二十四年希人開新地於西齊里。建開太尼亞
 城。

周平王十九年己丑。西元前七百五十二年 希臘歷二十五年 雅典以亞爾干之制。子孫世繼。雖無

王名。實則與王無異。人以爲不便。乃重定亞爾干之制。十年一易。屆期

則公舉一人代之。采挪伯遂應舉爲亞爾干。以代阿拉米恩。

周平王二十四年甲午。西元前七百四十七年 希臘歷三十年 哥林多逐其亞爾干體里司的。尋弒

之。立亞妥米爲亞爾干。

周平王二十六年丙申。西元前七百四十五年 希臘歷三十二年 哥林多更定亞爾干制。一年一易。

由貴紳公舉。哥林多之設亞爾干也。貴紳二百家共治國政。名曰巴基

亞低。一作拔 開亞堤 族。操國威柄。凡國家子弟梗議者。殲其渠。並迫其餘衆航海

遠出。設埠經商。國人側目。鐸利亞同族。亦多被其虐者。然海外貿易。轉

因此繁盛。而殖民之地。亦愈闢愈多。此蓋當時所謂殘政。百姓之所痛

心疾首。而莫可如何者。而其後國家反緣之以爲大利。吾觀泰西之開

通五洲也。其始不過避國亂。實罪人。行商賈。久之殖民之業。幾遍環球。

而○其○國○之○貧○若○富○弱○若○強○卽○視○此○以○爲○盛○衰○消○長○蓋○自○希○臘○以○來○三○千○
餘○年○相○沿○相○習○以○爲○興○國○育○民○之○要○政○而○種○教○起○滅○生○殺○之○禍○至○於○今○
而○未○有○極○也○烏○虜○可○不○懼○哉○

周平王二十八年戊戌

西元前七百四十四年
年希歷二十四年

波利杜

一作頗
立土魯

爲斯巴達王彌西那

及亞革斯西基雲阿喀第亞聯軍來伐斯巴達戰不利結哥林多耶卑
路二國之兵以禦之於是伯羅奔尼蘇大地戰事全起骨山血河人無
寧宇世謂之百年大戰

周平王三十六年丙午

西元前七百三十五年
年希歷四十二年

斯巴達患亞革斯之助彌西那也

分兵伐之曰此肘腋之患也覆之乃可以逞克其南疆瀕海之地驅亞
族悉出境移兵北向取古弩利亞置兵守之由是伯羅奔尼蘇東南大
地西至代基都
東至於海盡隸斯巴達版圖名其地曰拉哥尼亞一作那
珂那亞革斯於是乎
失神會之權亞該亞人遷西齊里建一城曰敘拉古斯一作希臘古斯大
一作西拉古斯

周平王四十年庚戌。西元前七百三十一年 希臘四十六年 克里底孤為雅典亞爾干。

周平王四十一年辛亥。西元前七百三十年 希臘四十七年 斯巴達王波利杜以彌西那久不克。

命士卒携妻子往誓不還國婦女皆執兵助戰死則鰥寡相配以繁生

育波利杜勇而輕戰以密妥莫之役陷陣中彌將赫連刺之墜馬斯人

救之還傷劇而死遂大敗國人立阿利西低姆為王。

周平王四十二年壬子。西元前七百二十九年 希臘四十八年 馬其頓樸的開始立為王。一為第

周平王四十九年癸丑。西元前七百二十八年 希臘四十九年 哥林多人非魯留胡制德巴律法。

周平王四十七年丁巳。西元前七百二十四年 希臘五十二年 期巴達之攻彌西那者至是踰二

十年士卒多罷敝彌人時以輕兵抄其饟道益困餓不能支彌人乘勢

壓其陣而戰斬其驍將斯兵奮鬥彌人僞敗走追之彌伏起焚其營遂

夾擊之斯軍大敗阿利西低姆死之。編年表記其死在平王四十八年 君子曰斯巴達至是喪

二王矣。孟子所謂糜爛其民而戰者也。詩曰大風有隧貪人敗類其斯

巴達之謂乎。

周平王四十八年。戊午。西元前七百二十三年希人開新地於希伯里阿。

周平王四十九年。己未。西元前七百二十二年歇普尼一作吸破米尼爲雅典亞爾干。

周桓王二年。癸亥。西元前七百十八年祖昔對摩。嗣西亞卜布爲斯巴達王。建對

蘇城以逼彌西那。

周桓王四年。乙丑。西元前七百十六年彌西那建麥來城。禦對蘇也。

周桓王五年。丙寅。西元前七百十五年阿喀第亞人弑其王阿里西土克拉的於

女巫家。王信巫。時從之往來。占問休咎。仇人尋之。遂遭弑焉。烏虜。巫之

教舊矣。其源濫觴。始於中國堯舜以前。國語言少皞之衰。九黎亂德。民

神雜糅。家爲巫史。鄭康成之說呂刑也。以苗民爲九黎之君。顓頊伐少

皞。誅九黎。分流其子孫。居於西裔者爲三苗。至高辛之衰。又復九黎之

惡。堯舜禹相繼驅除。竄之西裔。司馬太史所謂遷三苗於三危。以變西

戎是也。地中海諸國。當日皆崇巫鬼。故山海西經。歷述巫山巫國。及十
 巫上下之事。蓋其教之荒唐。鄙悖中國聖人之所不能容者。而西方諸
 國。則遞相傳衍。至數千百年。而後世梟雄之徒。若摩西耶蘇諸子。又復
 同源異流。以神其巫鬼之術。而其教反蔓延布於東土。張其幟以與吾
 道為敵。烏虜教道之盛衰。視乎人心之愚智。吾意天下萬世智學大昌
 而後。必有聖人者出。拒諛行放。淫詞以返之正也。

雅典城比散典。山一作白地恩

周桓王七年。戊辰。西元前七百十三年。希臘六十四年。雅典出其亞爾干歇普尼。君無道也。

周桓王九年。庚午。西元前七百十一年。希臘六十六年。留克拉的為雅典亞爾干。

周桓王十一年。壬申。西元前七百九年。希臘六十八年。歐里克拉的。嗣波利杜為斯巴達王。

周桓王十三年。甲戌。西元前七百七年。希臘七十年。希民謀為亂。不果。建代沙。高西拉。倍力

恩。三城。

周桓王十八年己卯。西元前七百二年 希歷七十五年 愛不山打爲雅典亞爾干。

周桓王二十年辛巳。西元前七百年 希歷七十七年 哥林多大興海舶。利擅全希。雅典兵船。

以哥人阿密奴克里督之。

周莊王七年辛卯。西元前六百九十年 希歷八十七年 衣里西阿爲雅典亞爾干。希人造其拉城。

於西齊里。

周莊王十一年乙未。西元前六百八十六年 希歷九十一年 安奈對。一作唵捺 昔對摩 嗣祖昔對摩爲斯巴達

王。

周莊王十三年丁酉。西元前六百八十四年 希歷九十三年 衣里洗爲雅典亞爾干。

周莊王十四年戊戌。西元前六百八十三年 希歷九十四年 雅典更定亞爾干十年之制。爲一歲。

一易。以九人共和爲政。分執國權。自時厥後。貴族益驕。恣無忌。凌狎平

民。奸宄叢生。事權紛錯。耆舊憂之。烏虜西國民政之制。自希臘開之。變

易紛紜。蓋歷數千百年。而其道始大昌。說者謂民政之制。善於君政。此

所謂朝三而暮四也。古之聖王良法美制。其所以通君民之情。而視國如家者。與今泰西所謂君民共主之政。亡慮相等。後世鑒於暴君專制之弊。甚欲毀彝倫。夷上下。蕩然禮教之大防。而競利爭權。不奪不厭。蓋至於今。囂張不靖之氣。日加烈焉。甚非持久之道也。吾意數百世後。政教昌明。必有悟其非而廢然思返者。不然亞爾干之制。非其殷鑒哉。

周莊王十六年。庚子。西元前六百八十一年。希臘九十六年。黑西阿為雅典亞爾干。阿喀第亞王

阿力斯多克拉。謀鬻國於斯巴達。國人怒。弑之。阿喀第亞遂為民主之

國。西史綱目記此事於周莊王十四年。

周僖王三年。壬寅。西元前六百七十九年。希臘九十八年。斯巴達屢攻彌西那。不克。連失兩王。敗

喪回國。雅典詩人低耳戴斯。一作太爾他。作軍中樂教。國人歌之。以作士氣。斯巴達武

備中。向有樂部。列營赴敵。皆有歌詩。其詞俚鄙。低耳戴斯。作軍中樂歌。大旨以戰而死為榮。敗而生為辱。斯人皆感憤。膽志頓增。傾國赴戰。斃彌

將哥路登。彌人不能支。大敗。退守麥來。斯軍圍之。

周僖王四年癸卯。

西元前六百七十八年 希臘九十九年

阿其卑為馬其頓王。

是為第二王

周惠王元年乙巳。

西元前六百七十一年 希臘一百一十六年

安奈山。

一作喀乃山打

嗣歐里克拉的為斯巴達

王。哥林多之西南。阿喀第亞之北。有國曰西基雲者。與亞革斯壤相接。

其貴紳曰鐸利亞族。築室山坡。而平民則居平原。沿亞梭布河兩岸。貴

紳呼之曰哀加連。譯言居海濱之義 一作優俱阿側其人無充兵卒。及干國政者。時國內多故。

貴紳召哀加連入兵伍。授以粗械。而鐸族則自佩其精與利者。雖曰用

之。適以防之。哀加連不能平。其族中有富人曰俄達哥拉。一作魯代 高爾因民弗忍。

倡衆更國政。逐鐸族出境。自立為王。由是西基雲貴族政體變為一人

主治矣。然當時之人。鮮有目之為王者。率以代蘭得。一作胎 關得稱之。代蘭得

者。削貴族之政。而統諸王。收一國之權。而操諸己。悉廢去希人節制國

王之舊律。其作威作福。一仿東方專制之國。而為所欲為。此蓋希人之

素所罕聞。故深譏而重惡之也。然是後貴族虐民之制。一旦改弦更軌。

咸與維新。使向來國中無分之平民。得進而聞國政。與神祀。又復多方招集文藝才能之士。製詩歌樂章。雕鏤繪畫。營造媚神悅人諸事。以塗飾耳目。於是國人階級之習一變。君民一體。智學大開。蠻陋之風。易而爲文明之俗。則代蘭得之功。亦皇哉弗可及已。烏虜。我國春秋之世。世卿柄國。卽今所謂貴族政治也。逮於戰國。列強相競。角力爭雄。相率以發進人材。恢張國勢。爲當時之急務。故貴族之政。一變而爲說士之政。天下寒畯之徒。抱奇才異畧。揣摩干進。宣言赴功。往往朝爲匹夫。暮爲卿相。貴族之藩。自茲遂決。而聖若孔子。賢若墨翟。又時時譏世卿。明尙賢。以風天下。後王繼起。翕然宗之。秦始皇帝兼併諸王。混一區宇。夷封建。置郡縣。海內之政。統於一尊。其與希人之所謂代蘭得者。大畧相等。劉漢以匹夫得天下。民無貴賤。一視同仁。其間良法美制。所以育人。才而開民智者。後世相沿。取法則焉。蓋亦代蘭得中之俄達哥拉。貝利安。

德也。秦漢以降。至於今。二千餘年。國人階級之風。剷除殆盡。雖屬蠻夷殊域。遠方之族。一經征服。未有不視爲一體。同我皇風者。歐洲則不然。以。一。海。島。之。地。裂。國。數。十。畛。域。之。見。種。類。之。區。相。賊。相。殘。積。爲。政。俗。羅。馬。而。後。羣。雄。並。起。割。土。分。王。以。英。法。俄。奧。之。強。瑞。典。丹。抹。瑞。士。比。利。時。之。小。弱。卒。未。有。能。肆。其。豕。蛇。薦。食。之。心。進。圖。合。併。者。故。中。國。常。爲。一。統。之。天。下。歐。洲。常。爲。列。國。之。天。下。且。夫。一。統。之。天。下。勝。於。列。國。人。人。之。所。知。也。然。狃。於。一。統。之。見。無。列。國。競。強。好。勝。爭。存。之。心。君。民。上。下。蹈。故。躡。常。相。習。爲。苟。安。無。事。而。種。類。之。興。滅。亦。遂。視。爲。固。然。不。復。有。保。固。維。持。敵。愾。同。仇。之。志。則。又。一。統。之。弊。也。

周惠王二年丙午。西元前六百七十五年斯巴達設開尼阿節。彌西那人徙於西齊里。

周惠王五年己酉。西元前六百七十二年斯巴達攻麥來城。陷之。彌人退守以拉。

亞革斯。西基雲。阿喀第亞。擁兵不救。彌人乞師德沙利。德沙利援之。不利而還。君子曰。董仲舒有言曰。得天下之羣者。無敵於天下。孤特不相守。獨居不同羣。遭難莫之救。所以亡也。夫斯巴達。希臘之蛇豕也。伯羅諸族。彼實盡之。同仇禦侮。猶懼不敵。而敗盟墜約。以長寇讐。是自樂其禍也。能無及乎。詩曰。其車既載。乃棄爾輔。載輸爾載。將伯助予。失羣之謂也。

周惠王七年。辛亥。

西元前六十七年
希臘一百七十年

斯巴達圍以拉。彌人并衆以守。攻之不能

下。斯人僞爲攻其都城。非喀里阿狀。而潛以輕兵襲其後。彌人分兵救之。以拉守遂單。斯人厚集兵力。血戰七日。奪其城。彌人死者相藉。乃退保非喀里阿。初。斯巴達之攻以拉也。彌人求救於亞革斯。亞人謀曰。彌軍新挫。斯軍方銳。未可敵也。不如矢兵境上。以觀成敗。斯敗則與彌人合力擊之。斯勝則將必驕。兵必疲。我以生卒乘其老師。蔑不濟矣。至是

以拉失守。彌人告急乞師。相望於道。亞人許之。

周惠王八年壬子。

西元前六百六十九年
希臘一百八十年

亞革斯襲斯巴達。克東鄙數城。斯軍之

在非喀里阿者。聞警。分兵還救。亞人要諸隘。截爲二。大破斯軍。殺三千人。非喀里阿益分兵回國。城圍遂薄。彌人得堅守。派昔特拉爲雅典亞爾干。

周惠王九年癸丑。

西元前六百六十八年
希臘一百九十年

啞的的四的奈爲雅典亞爾干。彌西那人

之遷西齊里者。建彌西那城。

周惠王十三年丁巳。

西元前六百六十四年
希臘一百一十三年

密人建愛克立城於西齊里。

周惠王十八年壬戌。

西元前六百五十九年
希臘一百一十八年

密體阿對第二爲雅典亞爾干。

亞革斯之攻斯巴達也。斯人保壘固軍。以待援師。時時結精卒出戰。亞人知不敵。班師。斯巴達盡收故地。完堡繕守。益師於非喀里阿。遂克其城。奪腴田而棄其瘠者。以奴土人。彌人不能堪。多遁入西齊里。闢新地。

其強黠者。時起義兵以抗。久之始靖。烏虜。斯巴達蠻夷之俗。而卽以蠻夷之法行之。君以是詔民。父以是教子。兄以是誡弟。妻以是勗夫。公廷之律。奉若家私。血肉之慘視爲幸福。孔子所謂衽金革死而不厭者。其斯之謂乎。夫彌西那亦鐸利亞之強族也。斯巴達取威爭霸。搏戰百年之久。喪君有君。挫而不屈。堅韌之氣。習若性成。卒能摧勁敵。懾強鄰。聲威奕張。爲一世盟主。蓋至茲而利古爾尼立法之效始驗也。嗟乎。以蠻夷之族。而創法強國。其收效若此。則夫撫有廣土衆民。苟得利古爾尼其人。爲之制憲法。變國俗。其收效當更有百倍於斯巴達者。孟子曰。吾聞七十里爲政於天下者。未聞以千里畏人者也。古之人豈欺我哉。

周惠王二十一年乙丑。

西元前六百五十六年
希臘一百二十一年

希人通商於埃及。初埃王參美底

格。

一作色實的古一作撒密
提厘一作撒米低古斯

敗於十一國聯軍之役。

埃及分十二省
時皆稱王

遁尼羅河口百路西

澤中。時希人避斯巴達。彌西那之難者。入海爲盜。覷埃王兵敗。劫之王

計禽其渠。說降羣盜。帥之返。與諸國戰。盡逐其酋。王復位。大賚希人。揀

精者為宿衛軍。且命諸王子學其文字。弛外國通商之禁。

埃及向不准外人入內地犯者或殺或囚

或從為奴隸貨物入官

開道路。勸貿易。國勢日張。異邦歸化者。襁至輻湊。至二十四萬

人。烏虜通商之國。智不通商之國。愚通商之國。強不通商之國。弱通商

之國。富不通商之國。貧以言乎古。伊尹佐湯。通商而得天下。管仲相齊。

通商而霸諸侯。以言乎今。彼得興海舶。開港汊。通商而俄以興。明治之

時。弛鎖港閉關之禁。通商而日本以盛。通商者天地自然之利。生民之

所藉以自存也。孟子之策王道也。極言天下之商藏於王市之利。與不

通。工易事。自為而用之。害司馬遷傳貨殖。深斥老子鄰國不相往來之

說。而推極於太公強齊。人物輻湊之功。自古君相師儒。昌明治國之務。

者。莫不闡彰斯義。以垂訓於世。西人講求富國之學。導源希臘。而所謂

日中為市。通天下之民。以聚天下之貨者。實於五帝三王之世。若合符

焉。論者乃鄙為夷俗。深閉而固絕之。蓋亦當日埃人之見耳。

周惠王二十二年丙寅。西元前六百五十五年
希臘一百二十二年古伯西路。一作開割薩儼
一作苦不西覺為哥林多王。

初巴基亞低族有女而跛。鐸利亞平民娶之。生古伯西路。長而才。巴族微之。不為禮。古伯西路善樹民望。曰。苟得國。民政可復也。國人皆喜。羣奉之。逐巴族。自立為王。君子曰。古伯西路。法之拿破崙也。詐民而攘國。既又食之。代蘭得之。稱也。宜哉。

周惠王二十三年丁卯。西元前六百五十四年
希臘一百二十三年馬其頓建二城。曰愛堪杜。曰司

對開拉。

周襄王二年辛未。西元前六百五十年
希臘一百二十七年哲學士非理士典。一作腓
立細底生於希臘。西史綱
目謂生

於西元前六百年
今從古教彙參長而博學多才。徧窺波斯。印度。腓尼基。諸國之學。著書立說。

開希臘文化。是為西國斯文之祖。其言草昧之初。有一大神。其名曰如。

或釋
作突即上帝也。首開水陸。繼而一動一靜。生氣水火三行。三行生五行。五

行生五神。五神者。日星神。氣神。地神。海神。蛇神也。其學蓋出於埃及。埃及以造宇宙萬物者。謂之爲如。而日星牛蛇諸神。並列之。四類禮拜。其學之源流。濫觴印度。蛤必拉之山。基亞教會。所謂創造億靈。誘迪萬物之奧。牢卽如字之合聲。譯者異文耳。當時之教。行於波斯。腓尼基。埃及。而希臘哲學之徒。問道於埃及。祭司者。拾其唾慧。衍爲別派。要皆波羅門教之緒餘。佛經所稱九十六外道者也。

周襄王四年。癸酉。

西元前六百四十八年
希歷一百三十九年

阿其對摩。嗣安奈對爲斯巴達王。

周襄王六年。乙亥。

西元前六百四十六年
希歷一百三十七年

特魯劈雅爲雅典亞爾干。

周襄王十二年。辛巳。

西元前六百四十年
希歷一百三十七年

腓立第一爲馬其頓王。

是爲第三王

周襄王十三年。壬午。

西元前六百三十九年
希歷一百三十八年

打買昔阿爲雅典亞爾干。

周襄王十五年。甲申。

西元前六百三十七年
希歷一百四十年

歐里克拉。嗣安奈山爲斯巴達王。

周襄王二十一年。庚寅。

西元前六百三十一年
希歷一百四十六年

希人開新地於亞非理。駕北境。

之古利奈。編年表謂白度司人開新地於里皮阿之匹里乃城於前六百三十八年覺得之。建古利奈城。繼又立瑠革拉底城。

於古利奈之東。立巴耳基城於古利奈之西。

周襄王二十四年。癸巳。西元前六百二十八年。希歷一百四十九年。米加拉人開新地於比散典。

周襄王二十五年。甲午。西元前六百二十七年。希歷一百五十年。希人開新地於西齊里之立白拉

地。

周襄王二十七年。丙申。西元前六百二十五年。希歷一百五十二年。哥林多王古伯西路卒。子貝利安

德。一作白里噸得。一作潘理安特。立。時年四十矣。編年表謂前六百二十九年。立西史綱目。記於前六百二十六年。今從希臘志略。貝利安德學識淵

雅。傾倒輩流。其少時留心亞洲諸王法制。既卽位。創君臣格言。殫精圖

治。建鉅宮麗殿於哥林多峯頂。置宿衛軍。材官猛士。森植左右。羣臣朝

見者。俯首屏氣。如亞洲王國朝儀。宣令施教。皆仰鼻息。希臘素以神道

治國。貝利安德徵富室金。精製彝器供獻諸品物。以媚國人。廣羅善詩

歌。雕繪才藝之士。館之殿側。訂禮儀。製樂章。聲施赫張。舉世繩之。哥林

多建都海頸。爲商舶繁滙之區。貝利安德益廣開岸塢。招商賈。通貿易。

握海市大權。由海灣口西北直施及各西拉島矣其稅則祇徵船鈔。一切皆弛禁。國勢頓增。然王

性猜忌。以貴紳會柄國。慮其傾側。奪政府權。下令禁貴族聚議。毀議政

廳。民之壯者不得入會。習武藝。時構蜚語。煽國人相猜奪。而已以恩怨

刑賞之。由是王權日尊。士風日靡。強一人而弱一國。君子以爲秦政。愚

民之術。子產所謂犯衆專欲者也。賊民自賊。祚之永不永也。宜哉。

周襄王三十一年。庚子。西元前六百二十一年。希歷一百五十六年。達拉固。一作得來果。一作鐸臘科。一作德拉。哥。一作德拉扣。一作大閣。一作大可。爲雅

典王爾干。希臘志略謂係前六百二十四年。西史綱目同。今從編年表。作刑書。時貴紳柄國。民間有訟者。讞官多

徇貴紳意。爲高下。其律例皆貴紳口傳。無書可稽。民不能平。環求政府。

下其律於國。達拉固乃取貴紳舊律。彙爲一冊。立法嚴酷峻急。行之二

十餘年。國人側足。當時議者謂之血書。然達拉固法嚴而心慈。爲民望

所歸。一日入劇場。國人爭持衣履珍玩諸物。投其前。歡聲雷動。達拉固

年七十餘矣。觀者相擁踏。憊而死於劇場之側。初達拉固定盜賊律。罪
 無纖巨。殺之不赦。有非之者。則曰盜賊之徒。何忌之有。小而宥之。則大
 者將益逞焉。惡不可長。欲不可縱。吾以防其漸也。君子曰。此子產水懦
 民玩火烈。民畏之說。然明反其政。而鄭有萑苻之盜。達拉固其知之哉。
 烏虜。春秋之時。彊族柄政。專威任情。其時國無定法。法無成律。淺深輕
 重之間。因人而施。準事而議。此蓋當時秉國之人。毀則藏姦。專已愚民
 之私計。與雅典舊政。不謀而同者也。晉之范宣。鄭之子產。深鑒其失。創
 鑄刑書。宣示上下。以彰公目。當日之所不利者。不過國中二三貴族已
 耳。而智若蔡墨。賢若叔向。亦復斷斷焉。議而譏之。至詆爲亡國喪家之
 具。甚哉。習俗之移。人爲不可易也。左氏惑於一時貴族之見。而假飾孔
 子之言。以愚後世。藉使孔子果爲是言。不過以宣子所鑄之刑。非唐叔
 之法度。不足以經緯其民。亦非謂刑之不可著於書也。不然。臯陶之作

五刑伊尹之制官刑呂侯之作呂刑孔子刪書獨存之以詔萬世則又何說耶。達拉固血書之謗蓋亦利於下而不利於上與范宣子產同耳。觀於劇場之事民情之愛服顧可誣哉。梭倫一作蘇倫重訂刑律特汰其甚者未聞廢其書而不復用也。上古之世政俗簡樸蒲鞭地牢議事以制降及後世人物繁衍詐僞百出於是防姦禁暴之令不能不順世隨變以爲之制世愈變則法愈繁此自然之勢不第刑律一事然也。漢之高祖初時入關約法三章剗秦苛政及定大業和三章之約不足以馭天下於是使蕭何定律仍用秦舊傳之二千餘載歷代帝王因革損益未有能出其範圍者生今之世麻古之道而必欲爲剖斗折衡上古之治此老莊憤世之說其禍不至於毒亂天下不止子產曰吾以救世耳烏

周襄王三十二年辛丑西元前六百二十七年
希歷一百五十七年雅典貴紳古倫一作西倫
一作坎倫厚結國人謀

不軌。陰召其黨。襲據城中保障山。希臘古城距海較遠。所以防海賊也。城中多有山。山頂有壘。民就壘旁築室以居。久之。民居鱗比。外更築城以衛之。而山巔之

壘則為全城重地。神廟在焉。故人皆視為聖地。無民居。混雜者。以脅執政。希臘志略謂係西元前六百一十二年事。西史綱目則記於前六百十三年。今從編年表。國人無助之者。

亞爾千米加革利一作梅嘉客理帥兵訂之。古倫敗逸。其黨匿神壇下。米加革利

給之出。曰。不汝死也。及出。盡斬之。希制匿神殿者得免死。意為神所祐

也。殺之為大不敬。希人恐。僉曰。欺神大罪也。神其降災罰殄我民。以米

加革利一族。而殃及國人。國人何罪。請鞠之。執政不從。衆益怒。梭倫出

而調之。始定讞。亞革妙尼代族悉出境。亞革妙尼代者。米加革利之族

也。古倫旋被獲。誅之。

底亞基尼一作塔阿俱毅自立為米加拉西史綱目王。米加拉為伯羅奔尼蘇東北之

一國。初時建王政。鐸利亞族入而監之。久之廢王行共和政治。世家大

族。自稱神裔。奴虐平民。不使與廟祀。受神福。其傳國憲典。世家皆口授。

民間秘不得聞。平民惟佃田求食。無敢干國政者。底亞基尼因國人攻

執政。盡更舊制。破世家藩域。以神廟公之國人。立節期。聯神會。無貴賤貧富皆與祭燕。民大悅。

周匡王五年。癸丑。西元前六百八十八年 希臘雅典與米地利一作密得尼里人戰於平西阿。

周定王元年。乙卯。西元前六百六十六年 希臘雅典及米地利修好罷兵。哥林多王平

之也。

周定王五年。己未。西元前六百五十二年 希臘衣魯為馬其頓王。是謂第臣服章利里諸

國。

周定王七年。辛酉。西元前六百七十七年 希臘希人學算於埃及博士。埃及緣尼羅河兩

岸。廣漠無垠。創弧角丈量之法。久之悟諸算法程。代數幾何之術。稱為

絕詣。埃及地氣清明。易於窺測星象。故天文尤精。蓋自西元前一千一

百年間。其學已大著。諸國儒士。多從之受業者。希臘傳之比撒臥拉斯。

一作皮他各拉。一作畢達哥拉斯。一作巴哈國拉士。亞理西質等。遂卓然以天算名家。泰西學者所謂自西

徂東者也。烏虜當中國黃帝之時。隸首作算。吾意崑崙東西諸國。必有傳其術者。幽厲之後。疇人子弟。散在四夷。於是中學大微。而西人之學。天算者。遂私之為不傳之祕。吾讀諸子雜家。多言黃帝以來。大化西被之事。太史公紀五帝。叙歷書。歷述黎苗之教。變化西戎。其跡可推而知也。希臘之學。出於埃及波斯。埃及波斯。本之印度。英人初至孟加拉海灣。及安達曼島。問居民。皆言自北方徙至者。故人死。以足向北。示不忘之遺民也。自東徂西。其謂此乎。

周定王八年壬戌。

西元前五百九十九年
希臘一百七十八年

希人講築屋之法。始以大木為棟梁。

皆初

以石為之。多列石柱。鑲花紋。

營建之方。通於算學。

周定王十一年乙丑。

西元前五百九十六年
希臘一百八十一年

雅最西克里。

一作愛者
西克里

嗣阿其對摩為

斯巴達王。

周定王十二年丙寅。

西元前五百九十五年
希臘歷一百八十二年

西基雲王革雷斯低尼會特爾斐神

廟同盟諸國。伐革利撒。革利撒者希臘之小國也。四方之人朝祭神廟者。道其城。要之納稅。革雷斯低尼聞之怒。率諸國軍伐之。夷其城。沒爲廟地。君子曰。革利撒密邇神祠。徼天王之福。諸國無爭尋常以踐其鄙者。庇神之宇。而反以爲利焉。神棄我矣。棄神怒民。不亡何待。革雷斯低尼。所謂爲匹夫匹婦復仇者也。

米加拉貴族逐其王底亞基尼。平民不服。國中大亂。然自是民氣日強。羣執平等之義。堅拒力爭。不復受羈勒。鐸族寡不敵衆。退出境。米加拉遂改民主國。君子曰。物極必反。天道類然。民政之變端。天特生代蘭得。以爲之藥耳。詩曰。維彼不順。自獨俾臧。自有肺腸。俾民卒狂。其貴族之謂乎。不路都爲雅典亞爾干。愛必未內的人至雅典。逐之至福西司。

周定王十三年丁卯。

西元前五百九十三年
希臘歷一百八十三年

梭倫爲雅典亞爾干。梭倫故貴族。

於生

西元前六百三十八年 家饒於財。至梭倫中落。去而為賈。然性嗜讀書。工詩歌。有聲於

世。適雅典與曼地尼爭一島。戰而敗。雅人議棄之。曰。沙磧之區。得失不

足較也。梭倫排闥入。力陳不可棄狀。賦詩慨歌。聲震聽壁。聞者皆感躍。

曰。梭倫言是也。將謀帥。則又皆曰。無以易梭倫者。率師渡海。一戰敗之。

克其島而還。國人歡呼迎之。使食其所入。後低斯比與白阿西國在雅典西北一作府瓦

庭亞一作派騰波一作伯拉代亞一作不來地阿

構兵。梭倫往來遊說其間。聞古倫亂耗。馳返國。讞定米

加革利之獄。國人大悅。公舉之為亞爾干。梭倫讓不獲。乃與國人約曰。

執我法。順我令。從者今日。否亦今日。勿後言也。國人皆曰。唯命。盟諸神。

遂踐位。首倡清完貸石之策。貸石者貧民貸富家錢。刊貸主姓名。及本

息之數於石。而立之其田之畔。久之本息連環孳孕。民益窶憊。不能償。

多質妻子。鬻奴僕。甚有轉溝壑。逋異域者。貧富皆大困。而豪黨猾徒。時

煽亂。效代蘭得故智。以謀不逞。梭倫改鑄答連多新錢百枚。值舊錢之

重七十三枚。民之償債者。以新抵舊。而蠲其息。積負國家之稅。則一切豁免之。並定鬻奴之禁。已鬻者得贖爲民。於是貧富皆慶更生。人用大治。乃制國憲。分國人爲四級。視田地多寡爲差。田多則稅多。關國事較大。故於國中名分亦較多。歲入金五百以上者爲一級。三百以上者爲二級。二百以上者爲三級。不及二百爲四級。國有大徵發。一級二級三級人供軍食。爲士卒者。甲冑器械皆自備。四級人不納賦。應募爲兵。軍器取諸公。自是族無貴賤。財多者多操國權。希人爲其制。曰低摩革拉低。低摩革拉低者。准貧富爲高下意也。然國有大政。四級之民。年二十以上。但不爲奴者。舉入會議事。凡選立亞爾干。參定律例。及大小職官去任之後。核其功過。一切有是非可否之權。西洋史要云。第一級有舉統領九名之權。其人皆得爲統領及元老院員。統領即亞爾干也。又慮民權之過重也。置議事官四百人。分約年四族。族各百員。歲由民會選立。期滿則視民會之好惡以爲去留。民會有建言。必議官議定。而後下之於國。國中有亞畧巴

古山者。向爲貴紳議會讞刑之所。梭倫置審官。增會中事權。凡曾爲亞爾干者。退位後。卽舉之入會。終其身。故會中多幹濟才。爲物望所歸。國會條教。有不協於人者。會中有禁革之權。而負俗之士。或徑奇袤。背名教。會中皆得而警罰之。其刑律則損益達拉固之書。而汰其甚者。舊例父母有生殺子女之權。無子女而遺有財產者。死後則族人均分之。梭倫定例。父母無恒產。及有子不令執業。或讀書者。不能責子之不孝。壯者不事事。不得與平民齒。老而無嗣。其財產則從心所欲而贈之人。並定婚嫁之制。勿得爭財聘。各視其力。梭倫此律。蓋本之利古爾尼。而各因其舊俗而誘進之。漢武帝所謂因民而作。追俗爲制。殊途而同歸者也。其父子同權。君民同體。及禁鬻奴。救債戶。建議員民會諸法。遂爲歐洲言政治者之先基。至於今。乃益擴而張之。未有能出其範圍者。孔子曰。夷狄有君。不信然哉。天將開萬世文明之運。必有一二達者。出而創

大法。建遠猷。以經綸草昧。爲天下效。則歷變愈久。則其道愈彰。蓋非偶然者也。雅典舊無額兵。詰奸宄。捕盜賊。皆平民爲之。梭倫使一國之人。編爲團族。扶持友助。以聯聲氣。設校場。習體操。以講武備。又以化民陶俗。莫善於樂。於是崇音樂。習弦歌。以養其和平之氣。而制其強暴之情。條教旣成。鐫之於木。揭諸神廟。與衆誓曰。執我法。順我令。期之十年。國人從之。萬國史記謂梭倫與衆約守新法百年人有議其法未盡善者。梭倫曰。予以救時耳。誓言在耳。十年後。自有議之者。請俟之。任滿去國。年八十卒於沙拉漠島。屬家人火其屍。揭灰海中。卒於西元前四百五十九年。周靈王之十三年壬寅也。烏虜吾聞之。禮節民心。樂和民聲。政以行之。刑以防之。禮樂政刑。四達而不悖。則王道備。蓋禮與政刑。皆治人之具。樂之爲用。則和劑乎禮與政刑之間。而通於人心之自然。故曰樂者聖人之所樂。可以善民心。其感人深。其風移俗易。先王著其教焉。蓋壤之大。黔庶之衆。雖殊域異類。情習不同。而喜怒哀樂敬愛。

之。心。感。物。而。動。以。通。於。聲。者。則。無。古。今。中。外。其。歸。一。也。禮。曰。樂。統。同。孟
 子。曰。今。之。樂。猶。古。之。樂。古。之。聖。王。以。禮。樂。為。化。民。之。本。後。世。禮。廢。而。樂
 尤。崩。壞。不。舉。論。者。第。斤。斤。於。今。樂。古。樂。之。異。同。忘。其。本。而。逐。其。末。而。古
 人。所。謂。反。情。和。志。廣。樂。成。教。之。義。蕩。然。無。復。知。者。吾。觀。西。裔。之。書。於。樂
 之。一。事。備。著。而。詳。說。之。絃。歌。之。聲。徧。於。四。境。令。人。穆。然。於。三。代。之。遺。孟
 德。斯。鳩。之。論。梭。倫。也。知。樂。之。用。大。而。又。以。樂。為。形。下。之。物。非。進。德。之。要
 圖。烏。虜。其。亦。未。聞。我。先。王。樂。教。之。神。且。大。也。

周定王十四年。戊辰。西元前五百九十三年
希臘一百八十四年。利恩。嗣。歐。里。克。拉。為。斯。巴。達。王。推。元
 必。對。為。雅。典。亞。爾。干。

周定王十五年。己巳。西元前五百九十二年
希臘一百八十五年。歐。克。拉。的。為。雅。典。亞。爾。干。

周定王十六年。庚午。西元前五百九十一年
希臘一百八十六年。西。未。來。對。為。雅。典。亞。爾。干。

周定王二十一年。乙亥。西元前五百八十六年
希臘一百九十一年。愛。美。西。阿。為。雅。典。亞。爾。干。

周簡王元年丙子。西元前五百八十五年 希歷一百九十二年哥林多王貝利安德卒。王喜怒無常。暴

而多忌。妃梅麗些固諫。抽劍殺之。已而悔之。盡取都中婦女衣。焚之以

祭。妃生二子。長無慧。次路哥佛倫。一作雷可芬皆居外祖家。聞之返國。恚其父。

不與語。貝利安德逐之出。嚴禁國人居與食者。交言亦罪之。路哥佛倫

數日不得食。王召之還。路哥佛倫詔曰。王命人不言。胡自言而違禁耶。

王益怒。放之各西位。一作哥古拉 一作哥西利 一作哥耳古拉 一作哥耳鄂島。王老。謀嗣位者。而長子不能人。

王有女。路哥佛倫之妹也。駕王命。往各西拉。召路哥佛倫。且諭之意。路

哥佛倫曰。父在無相見也。女還。王知不可奪。命其居島中。遙領哥林多

王。島人聞之。懼而謀曰。若為代蘭得。虐必滋甚。吾屬無噍類矣。執而殺

之。希臘志略謂王讓位。退居各西拉。命路哥佛倫返國。為王哥林多人聞而殺之。王怒。率師伐各島。師還而卒。凡在位四十年。

其猶子色買的古嗣立為王。君子曰。以暴得國者。必以暴失國。以詐得

民者。必以詐失民。假仁假義。王者所不為。况詐以濟其暴乎。孟子曰。苟

推恩足以保四海。不推恩不足以保妻子。烏虜。若貝利安德者。可以鑒矣。

周簡王二年丁丑。

西元前五百八十四年
希臘一百九十三年

哥林多王色買的古庸闔不道。斯巴達

助國人廢之。復貴紳政治。時伯羅奔尼蘇諸國。遂鐸族貴紳。行代蘭得政。斯巴達恐其國之尤而效之也。謀盡覆代蘭得。與諸國盟曰。不去國賊。大難未已。凡我同族之人。恤禍亂。同好惡。毋留毒。毋蓄姦。有不虞者。兵以夷之。於是貴族復興。代蘭得勢大衰。而伯羅奔尼蘇大小諸國。羣倚斯巴達爲齊盟之主矣。烏虜。希臘之生代蘭得也。歐洲之生拿破崙也。皆爲轉旋民政之樞機。斯巴達出而主盟諸國。以力維貴族之權。英吉利出而大會普京。以力保君主之權。當是時也。以斯巴達兵力之強。神聖同盟之盛。其所以羈勒其民。隄防其國者。亦可謂法嚴而勢鉅矣。然而朝廷壓制之力。愈堅。國民競爭之心。愈烈。卒至衆議。蠶湧。舉國沸。

騰。上。下。相。殘。蕭。牆。喋。血。君。政。之。天。下。一。變。而。爲。民。政。之。天。下。吾。觀。代。蘭
得。之。世。拿。破。崙。之。朝。倡。行。民。政。攘。竊。神。器。其。時。國。人。脫。專。制。之。軛。講。自
主。之。權。民。智。日。開。民。心。亦。愈。不。靖。譬。之。已。羽。之。禽。久。化。之。蛹。復。欲。取。而
納。諸。繭。卵。之。中。其。必。不。可。得。之。勢。矣。世。之。變。也。循。環。無。端。有。變。而。不。易
其。宗。者。民。是。也。孟。子。曰。得。天。下。有。道。得。其。民。斯。得。天。下。矣。得。其。民。有。道。
得。其。心。斯。得。民。矣。古。未。有。不。得。民。心。而。昌。失。民。心。而。亡。者。昔。者。天。子。諸
侯。自。稱。曰。孤。曰。寡。人。孤。與。寡。者。對。衆。人。之。謂。國。者。衆。人。之。所。積。離。衆。以
爲。國。直。獨。夫。而。已。且。未。有。一。二。人。之。力。能。敵。一。國。之。衆。者。聖。王。制。其。稱
而。思。其。義。蓋。兢兢。焉。春。秋。書。宋。人。弑。其。君。杵。臼。稱。君。君。無。道。也。衛。侯。出
奔。齊。春。秋。以。其。自。取。奔。亡。之。禍。故。諸。侯。失。國。者。皆。不。書。逐。君。之。賊。師。曠
曰。君。民。之。望。也。百。姓。絕。望。將。安。用。之。弗。去。何。爲。天。之。愛。民。豈。其。使。一。人
肆。於。上。以。從。其。淫。而。弄。天。地。之。性。必。不。然。矣。烏。虜。古。人。之。垂。誠。至。矣。世

變之來益又亟矣。書曰：人無於水監，當於民監。吾故論而著之。爲凡有國者告焉。

周簡王八年癸未。西元前五百七十八年
希臘一百九十九年色非開留爲馬其頓王。是爲第五王始鑄錢。

周簡王九年甲申。西元前五百七十七年
希臘二百零一年阿及司特地爲雅典亞爾干。

希臘春秋卷三

新城王樹枏著

周靈王二年。辛卯。

西元前五百七十年
希臘歷二百七十年

阿里司土密爲雅典亞爾干時全希臘尙

喜蓄奴。其人或俘諸敗軍。或掠諸海寇。以及窶家子。亡國之民。土番之裔。皆取之爲奴。男役耕商。女爲婢妾。呼呵鞭箠等諸馬牛。不以人類視之。並禁其婚嫁。其爲佃奴者。與田房並售。同於產業。當時諸國皆有鬻人之市。鄉居者養之。而城居者買之。多有以鬻奴致富者。故富貴之家。甯無牲畜。不可無奴。雖理學名儒。亦以奴僕爲天然等級。甚至狎優妓。比頑童。相詡爲風流韻事。人類相殘。傷風毀教。孟子所謂洪水猛獸。蓋不若是之烈也。烏虜。吾聞雅典上級之人。僅三萬餘。而奴僕至四十萬。

西基雲上級之人。十五萬餘。而奴僕至二十四萬。哥林多奴僕四十六萬。斯巴達亦十倍於上級之人。故豪家貴子。多不事事。諸所操作。皆委之於奴。酗酒酣歌。流爲游蕩。上級之人。有爲工商之業者。則下等於奴僕。國人皆賤之。甚哉習俗之移人。乃至此也。法人盧騷有言曰。亞拉斯德。一作雅里大德。即亞歷山德之師。嘗謂人之等級。本於天賦。有君主之性。有奴僕之性。論者多宗之。此不揣其本。而齊其未也。夫生於奴僕之中。始則威之虐之。使其俯首聽命。而不敢逆已。終則昏之愚之。使其以賤業爲快。而絕其羞惡之心。習慣自然。幾於天縱。於是逞臆說者。愈謂奴隸之性。賦之於天。天其任咎哉。烏虜。以亞拉斯德之賢。而誣人誣天。終亦不能自拔於蠻夷之俗。相沿相習。二千餘年。逮於今日。歐洲文化昌明。始大悟其非。嚴申奴禁。南北花旗之役。至血戰而後定之。此公羊氏所謂夷狄而進乎中國者也。希臘奴僕之制。惟雅典脫畧名分。待之最優。而梭倫改定國

憲鬻奴之禁。又益加嚴。遂以天賦之公。開後世焉。宜乎世之論者。以雅典爲泰西之鄒魯也。

周靈王四年。癸巳。

西元前五百六十八年
希歷二百九十九年

亞革斯伐曼地尼。滅之。

周靈王十年。己亥。

西元前五百六十二年
希歷二百五十五年

雅典創爲劇戲。以教國人。希臘古詩無

用韻者。句之長短。皆遵定式。詞曲中之科白。亦然。凡歌優登場。科白於

臺前者。不過三二人。餘皆分司歌與吹彈之事。其戲目大抵皆取象古

人遺蹟而損益之。希人每值會集賽跑之年。取文人詞曲樂譜之完善

者。錫之橄欖冠。以爲光寵。其劇場之中臺旁座。均以美石雕鏤。至今猶

有存者。近日歐洲演劇吟詩奏樂。皆本之希臘。一時名人學士。爭譜爲

詞曲。以授伶人。登場排演。而法人哥內羅。拉先。摩列耳。之徒。率守希曲

舊例。無更易者。西人以此爲文學中之盛事。非精詣者不能爲此也。烏

庫。吾觀西元一千八百三十年。法國革命報達比利時。值比律悉劇場。

演○馬○撒○羅○尼○舉○義○兵○於○拿○破○里○觀○者○感○動○直○去○劇○場○毀○荷○蘭○新○黨○報○館○
襲○宰○相○府○全○國○皆○舉○義○旗○以○應○卒○敗○荷○軍○保○國○獨○立○不○覺○喟○然○歎○息○天○
下○感○人○之○事○固○有○出○於○德○教○政○刑○號○令○之○外○者○楚○莊○王○陳○靈○公○之○時○皆○
以○優○俳○諧○語○警○悟○其○君○而○淳○于○髡○至○稱○謳○歌○哭○泣○之○細○能○變○國○俗○故○古○
聖○王○訓○俗○化○民○之○法○本○乎○人○之○所○易○感○使○之○寓○目○警○心○以○助○政○教○之○不○
逮○而○過○化○存○神○之○妙○卽○於○是○乎○具○焉○所○謂○事○猥○而○功○鉅○者○此○其○倫○也○泰○
西○戲○劇○詞○曲○多○粧○演○基○督○教○徒○書○及○古○之○英○君○賢○士○忠○孝○義○烈○之○事○其○
大○旨○不○外○詆○譏○哀○怨○二○途○使○人○感○觸○悲○笑○不○能○自○己○舉○無○以○淫○穢○怪○亂○
無○稽○之○詞○敗○溺○風○化○者○孔○子○曰○吾○觀○於○鄉○而○知○王○道○之○易○易○也○是○在○爲○
民○上○者○之○善○導○之○而○已○

周靈王十二年辛丑

西元前五百六十年
希臘二百一十七年

愛納山得對及阿立司登並爲斯巴

達王斯巴達旣滅彌西那伯羅奔尼蘇南海諸地悉隸版圖土廣兵強

益爲恢張國勢之計。其西北有底基亞者。

在斯巴達西北
阿喀第亞東南

率師伐之。斯人各

繫一鐵鏈。日軍出則禽而縛之。不待汚吾刃也。及戰。斯人大敗。俘三千

人。以其鐵鏈縛之。而返。使爲奴僕。斯巴達益師攻之。戰久不決。底基亞

請成。斯巴達亦憚其強也。遂與之平。底人盡釋其俘。立柱石於特爾斐

河源之上。以鐫和約。曰。底基亞以斯巴達爲盟主。斯巴達以底基亞爲

友邦。儻渝此盟。有如河水。斯人感其勇且能讓。出軍之日。底東斯西。希

人以東爲上。故尊異之。君子曰。以大事小者。樂天者也。以小事大者。畏

天者也。樂天者保天下。畏天者保其國。交鄰之道。二國有焉。

苛米阿。及合其司特拉。並爲雅典亞爾干。雅典自梭倫改定國制。平民

得自由。志氣驕亢。貴族以失國權。常怏怏仇視梭倫。交爭不靖。國人分

三黨。一居平原。耕田爲業。號曰平原黨。一居海濱。經商爲業。號曰海黨。

一居山中。獵生爲業。號曰山黨。山黨多窮。勇而好亂。梭倫族必士踰拉

都

一作比西德拉都一作派思他圖
作白西特拉度一作敝歷思他圖

爲之魁。

海黨則米加革利爲之魁。米加革利者。

西元前六百二十年亞爾千米加革利之孫也。梭倫改制之年。赦之還國。偵知必士跖拉都有異志。輕財結士。陰爲之備。必士跖拉都性黠多才。善收民望。值國中饗會。謀篡王會。民甫入城。必士跖拉都散髮裂衣。以血塗體。立通衢號於衆曰。吾欲分貴族之權。以拯國人。遭此大戮。吾已矣。其奈國人何。貪民聞之。皆裂眦戟手。其黨躍而出曰。是可忍也。孰不可忍。有肉心者。從我行。不雪此恨。非人也。遂得壯士五十。執梃行市廛中。譟聲達闕下。須臾增至四百人。必士跖拉都知民心已附。率之襲取保障山。數執政之罪而逐之。自立爲王。

呂底亞王古勒索。

一作革雷蘇
一作寇禮侯

伐約年諸埠。希人建呂底亞國於西元前一

千二百三十年。與地中海濱約年十二城埠。通商往來。共奉一神。情好稠密。呂王有事。恒詣壇獻祭。祈叩吉凶。數百年以來。玉帛周旋。從無睚

隙爭尋常者。西元前七百二十年。呂王漸有啓封疆之志。取約年四城。至古勒索國富民強。逕取約年諸埠。拓爲屬地。然仍聽各城自主。歲輸銀幣。奉爲國主而已。越十四年。西元前五百四十七年。周靈王二十五年。波斯主居魯士。一作古列。一作古魯烈。滅其國。縛古勒索。置積薪上。將焚之。古勒索大慟曰。悔不納忠言。宜其死也。初梭倫之去雅典也。嘗游呂底亞。古勒索偏示以宮中之寶。曰。公閱世多矣。曾見天壤間有奇福如某者乎。西人謂古勒索爲古今第一巨富。梭倫曰。有奇福者必有奇禍。榮枯得失。循環無端。今日富貴。安知不異日貧賤耶。君子之所謂福者。榮名畢世。考終而後定之。王之言。非僕之所知也。至是憶其言。連呼梭倫者三。居魯士詢知其故。惻然釋之。待以賓禮。歷二十年乃卒。周靈王十八年。丁未。西元前五百五十四年。希歷二百二十三年。雅典米加革利。陰賄特爾斐廟祭司。使宣言神怒。必士路拉都狀率亞革妙尼代族伐之。必士路拉都戰敗。出奔米加革利。遂爲亞爾干。

希人蘇郎。至埃及。講格物學。撒摩斯名賢比撒臥拉斯卒。比撒臥拉斯

生於西元前六百三十一年。

哲學史謂生於西元前五百七十八年間。後游意大利之苦羅多南。遂居之立協會以數弟子。前五百年間卒於苦羅多南之美大達冬。故稱。

意大利學派

幼善音律。工詩歌。勇而多力。名冠當時。然思爲名世之學。遊學西

方。嘗至埃及。王薦之於國中。大廟祭司。秘其學不肯納。轉送之他廟。其祭司懼逆王意也。故難之曰。廟規重苦練。就學者須割額上皮。乃許入。比撒臥拉斯欣然就割。居二十二年。盡得其學。繼游巴比倫。習天文醫學。復往波斯。印度。從游於道學專家。殫見洽聞。學成返國。設講堂於城之南鄙。聽講者常數百人。堂分內外。外舍僅讀書識字。教之五年。擇其優者升諸內舍。內舍所學。皆高深機秘。不輕爲人言。常言人能嗜學。則道理實於心。私欲自無容留之地。人當以天下爲己任。非僅獨善己也。每日立言行功過格。以自省察。及門者踵相接。敬之如神。有過則嚴責之不貸。五年內不令出言。其能悔艾者。亦必二年而後誨之如故。後弟

子散處四方。各以書札問訊辨難。卒後其弟子滙其言行。勒爲一書。後世所傳者。僅此而已。比撒臥拉斯於學。無所不窺。而尤深於格致。創論算學。幾何要理。能知形學中九十度之三角形。一面方與兩面方相稱。謂萬數起於一。一必函二。二而二。所謂有奇必有耦也。萬物由眞宰而生。宇覆於上。宙奠於下。日輪麗於中央。萬物皆繞之而行。眞宰之寶座也。永靜而不動。其中含四象焉。一曰太空。二曰物。三曰時。四曰命。四象既定。萬物乃分。物數自五遞推。五爲死物。六爲植物。七爲動物。八爲人。九爲來生。十爲神世。且更卽此計數。以定萬物之重輕。曰一者萬物之元也。二自一生。一二相生而成數。數生號。號生形。有虛形卽有實蹟。有實蹟卽有知覺。知覺之中。厥函四行。一曰火。二曰水。三曰土。四曰氣。四時相合。成地如球。地球爲宇宙之心。晝夜推遷。運動不息。人與物生於地球上下。而不墜落者。地心吸聚之力也。人物之分有三靈焉。一曰覺。

二曰理。三曰心。君覺與心。君動物之所同具。而理則獨具於人。君在心
 中。覺與理在腦中。人之五官特靈之分現者耳。覺與心。君日久隨五官
 而並滅。而理則永不能滅。靈為血所養。覺與理為靈之氣。靈無形。覺與
 理與心。君三者皆無形。無以擬之。其意達乎。意達譯言宇宙間之微氣也靈之所舍。在血
 管腦管。西醫言腦家譯氣筋腦其盛也。無為之為。在於言行。人之靈。身死而不滅
 者也。善則盛而傳人。惡則衰而傳畜。西人論者謂其以數學通理學之
 微。然傳人傳畜之說。蓋雜糅印度埃及諸儒之教。而未能自抉其籀者
 也。至言數。由一而至十。中有等差。其最重者為一。為三。為七。為十。且恃
 此而生之形學。亦隨之而加重。則實有通於易道之精微。厥後諸弟子
 同衍其學。因言一三七十諸數。有相和者。有不相和者。其相和者。如律
 呂學中之宮商角。能和少宮少商少角是也。嘗過鐵肆。聞攻鐵聲。有清
 濁高下之殊。遂恍然曰。五音之理。具於是矣。天上行星五。五星相去遠

近不易。繞地而行。如琴徽之有定位。由地球至月球。是爲全部。由月至水星。由水星至金星。爲半部。由土星至恒星。則爲一部。有半。泰西人以天學名家者。聞比撒臥拉斯說出。遂知啓明長庚。係一金星。歷二千餘年。歌白尼。一作寇倍尼。生當中國明代。始推得地與五星皆繞日而行。稱爲天文家之創學。而不知皆比撒臥拉斯之緒論也。一日出門。一人問曰。爾何人。曰。吾愛道人也。曰。何爲愛道。曰。子不見夫國中大祭乎。競詩歌。矜勇武。角談辨。皆愛名之徒也。商者賈者。網貨殖財。皆愛利之徒也。今有人於此。不爲名。不爲利。奪探性命之本原。揭乾坤之奧蘊。洪纖畢具。以餉來學。可不謂愛道人乎。比撒臥拉斯教人男女並重。曰。男職外。女職內。無相踰也。命其妻並建講舍。以教婦女。弟子中有名於時者。三百餘人。亦各立講堂。傳其教。由是教會日興。聚徒益衆。官民交忌。羣起攻之。殺其弟子數十人。遂比撒臥拉斯出境。卒年七十有八。吾聞比撒臥拉斯言。

人之靈魂歷久不變。死則或託諸禽獸。印度賢人在周初有名哈必拉者立山基亞教會嘗言靈魂落在犬身便是犬落在牛身便是牛落在人身便

是人輪迴無定不可拘泥。比撒臥拉斯此說全出印度。

而吾之精神則嘗憑孔雀而存。凡為其弟子者禁殺

性畜。忌食魚及豌豆。

埃及祭司終身不食豬魚葱豆。

此蓋習於埃及祭司之陋說。所謂習俗

移人。賢者不免也。至其言輪迴四世。

此亦襲衛世勢十世之說。

聞犬吠之聲。知為前生知

已。則又假印度婆羅門之教。以眩人。妄誕不經。皆為哲人之所不道。然

其格致算數諸學。多出創論。為西士所宗。而教人之法。分班遞進。規制

森嚴。尤為歐洲學堂之先範。中古之世。神道盛行。二三講學者流。多遭

遏抑。逐戮之禍。使當日有權位者。為之獎藉宗風。提倡天下。則文學彬

彬。當更有斐然可觀者。嗟乎。獨行孤詣之士。往往抱其絕學。困頓阨塞。

殺之而不悔。辱之而不變。晦於一時。而光於異世者。所在皆是。殆所謂

人之有德。慧術。知困心衡慮。而後達者也。天將開萬代文明之天下。若

抑之。若揚之。若塞之。若通之。中國之孔子。印度之釋迦牟尼。皆與希臘

諸賢一時前後接踵。並生東西。豈非天哉。豈非天哉。比撒臥拉斯弟子。有菲羅拉者。堅守師說。謂世間萬有。有形無形。皆由數理而成。如點生線。線生面。面生物體。物體生生命。生命生意識。意識生精神。故宇宙久而不敝。而有全知全能之神。以權衡之。神者永遠無量而不變者也。惜其著作多亡佚。傳世者皆非真本。不足貴也。

周靈王二十二年。辛亥。西元前五百五十七年
希歷二百二十七年馬其頓分民爲六等。貧民免賦。造

城垣。濬河渠。

周靈王二十四年。癸丑。西元前五百四十八年
希歷二百二十九年必士踰拉都。焚特爾斐神廟。流

言於國曰。米加革利獲罪大神。不歆其祀。故自焚也。因率徒黨攻之。米加革利出奔。必士踰拉都復篡國。自立爲王。

周靈王二十五年。甲寅。西元前五百四十七年
希歷二百三十年亞革妙尼代族起兵。再逐必士踰

拉都出境。

周靈王二十七年丙辰。西元前五百四十五年 希臘二百三十二年必士踰拉都復入雅典。據保障

山為王。盡逐亞革妙尼代族。募外兵為衛士。專以威力壓懾世家。諸部

大臣。則以同族人為之。然為政平恕。一守梭倫之制。立禮神新節。以會

國民。修城垣。建廟宇。立公所以興工藝。修道路以通行旅。築水槽以利

農田。廣延博雅能詩之士。哀集希臘古詩。校字正音。都為一集。家絃戶

誦。海內稱之。

周景王元年丁巳。西元前五百四十四年 希臘二百三十三年天文士推里司。一作德黎一作他里斯一作他勒一作

人卒。推里司為腓尼基大族。後遷希臘新開地之米勒都。遂為希人。古

彙參謂生於西元前六百四十四年推至卒年年歲不合幼好天學。常夜覽天象。失足墮溝中。有老嫗援之出。

曰。何為視天不察地耶。曰。吾足踏地。嫗幸勿使吾頭上觸星辰也。時希

人文藝蔚興。無治天學者。獨推里司與其徒喜談天。總角時出門訪道。

從名師遊。居埃及數年。學算數。兼通格物之學。觀察自然之現象而推見其全體筆創幾何學又知摩擦琥珀使熱則能引輕

物初希人航海者。以北斗爲北極。推理司始以極星爲北極。推得太陽平徑。亦密合焉。遂倡言地爲球體。月亦似球而小。預推某年月日當日食。當月食。屆期皆驗。哲學史云推里司預知西元前五百八十五年五月二十八日蝕。又謂三百六十五日當爲一年。此皆西土所創聞者。嘗究造物生之妙術。積思日久。遂恍然於水爲萬物之本。凡山林原隰草木胎卵。必中溼而後生之。溼能生熱。卽萬物皆生於水之據也。推里司於格致一學。得其確據。方示於人。而教人之道。則謂一言一行。皆有上帝監之。上帝者萬物之本原也。故人莫要於盡本分。蓋約年理學中之最質實者。其弱冠時母命之娶。辭曰。遊學弗暇也。及老。終不復娶。卒年九十有六。是爲希臘七賢之首。其弟子噠那昔滿的。一作阿那吉米大。一作亞諾芝曼德。一作噠那雪漫的。一作安那西米尼。亦米勒都之名士也。生於西元前六百十年。哲學史謂生於西元前六百十一年。卒於前五百四十六年。研求弧角勾股之法。創製羅鏡土圭。凡日月之遠近。星辰之大小。皆有術以測量之。嘗言月無光。其光乃日所照也。

西元前五百六十八年。始創輿地學。繪地圖一幅。山川陵阜。水陸遠近。望之瞭然。而海島人物土產。尤詳誌之。泰西輿地之學。此其權輿也。噫。那昔滿的。雖學於推里司。然不信其水為物原之說。謂萬物之有原質。如人之有靈魂。永存不滅。且無限量。而要非人耳目所及。是即全知全能。無窮無盡之理也。

也。嘗謂萬有之本體。惟亞羅羅。即無性無限之意。萬有者。由無性無限而來。而又歸之者。其量無限。其實無定。使有物以運動之。則漸次分離。而生萬有。其初分。突熱為二次。則此二者。即生溼氣熱氣。又生土木火。然土之初。雖為流動體。後漸凝乾。而生生物。生物者。由熱力而進化者也。故陸地動物。始為魚形。後因土地乾燥。乃各呈其

象。又有生命。若空氣之說。後嘗往來於亞革斯。執國政焉。著有天然論。今行於世。當時米

勒都哲學士德黎米力士。一作阿那基美內士。一作亞諾芝。綿尼或云。唯那昔滿的弟子。亦不信水為物原之說。謂

人之身心。必有物焉存乎其中。以運動而知覺之。是豈水之所能為耶。因究呼吸之理。徧察五穀之暢茂。百卉之榮生。飛禽走獸之胎卵。遂恍然曰。萬物之本。生命之原。天下之主宰。一言以蔽之。曰氣而已矣。空氣彌綸於宇宙之間。終始運動而變化生焉。其空氣乃又由運動而受二

者之變化。則收縮與膨脹是也。膨脹生熱。收縮生寒。膨脹成火。收縮成
 風。終乃生木石諸物。此即莊子所謂雜乎芒芴之間。變而有氣。氣變有
 形。形變而有生之說也。德黎米力士生於西元前五百二十年。於西元前五
 百八十八年卒於
 前五百二十四年幼學推里司之道。精天文。首創黃赤道之說。後世宗之。君子
 曰。希臘諸賢。精言格致。溼熱氣數。議論紛紜。蓋皆囿於形下之一偏。非
 本中之本。原中之原也。理學之傳。中國自孔孟而後。至有宋諸儒。其說
 大備。然歧形上之道。與形之下器。離而二之。亦一弊也。德黎米力士有
 弟子曰狄拉知內士。一作敵惡
 知內士者。革哩底之亞波羅米亞人。生於西元前
 四百九十年。幼從其師之說。以氣爲物本。久之曰。物生於氣。氣生於魂。
 先而氣後。則氣非物本。魂乃物本也。繼而曰。物必能生而後有魂。生先
 而魂後。則魂非物本。生生不已。乃物本也。既又曰。物不能自生。必有主
 宰之者。而後能生生不已。所謂靈也。靈先而生後。則生非物本。靈明之

主宰乃眞物本也。

此即莊子問景之說

嘗謂天地之間萬物散殊莫非呼吸爲之。

中有靈魂亦有肺腑與人無異海岸之雨霧日出而散其吸也日入而出其呼也至於血氣之倫饑而思食是爲吸食足而厭是爲呼萬物有相親相愛之道是由物之有吸力萬物有相尅相殘之意是由物之有呼力推之一物一事莫不皆然有難之者曰人之肺腑在腹中宇宙之肺腑果何在乎答曰在星辰之間又曰氣雖一而清濁不一地氣皆濁天氣皆清故畜類之首向下其吹氣濁宜其愚也人之首向上其吸氣清宜其智也著書甚富多創論世人稱哲學家之一烏虜地圓之說見於周髀及曾子諸書而春秋元命苞河圖括地象皆言地動譬之掩牕居舟蓋中國成周以前說地者皆謂其體渾圓所由準北極高下分里差時差以驗交食蓋天實具渾天之法也周末疇人子弟散在四夷而印度埃及亞述諸邦皆遞傳其法推里司學於埃及印度衍其緒論教

授○生○徒○遂○爲○西○國○天○學○家○之○創○解○然○又○遲○而○久○之○歷○一○千○五○百○年○之○遠○
而○其○說○始○大○昌○近○世○咫○聞○淺○見○之○儒○述○典○而○忘○反○斥○爲○妄○誕○不○經○之○異○
說○噫○何○其○弇○也○天○子○失○官○學○在○四○夷○古○學○之○失○傳○衆○矣○豈○第○今○時○已○哉○
周○景○王○二○年○戊○午○西元前五百四十三年
希歷二百三十四年波○斯○王○居○魯○士○伐○小○亞○洲○約○年○諸○城○約○
年○人○請○於○波○王○曰○若○能○以○呂○底○亞○之○待○約○年○者○使○國○各○自○主○而○備○王○外○
藩○不○敢○辱○大○軍○也○居○魯○士○不○從○期○一○月○納○地○約○年○人○議○曰○國○失○自○主○與○
無○國○同○惟○有○背○城○一○戰○耳○求○援○於○斯○巴○達○斯○人○不○許○屆○期○波○斯○大○將○哈○
巴○古○進○取○其○城○約○年○十○二○城○各○保○疆○土○不○相○援○而○波○斯○皆○百○戰○勝○兵○嫻○
陣○法○器○械○又○精○利○及○戰○先○以○驃○騎○衝○擊○後○以○大○軍○繼○之○約○年○人○大○敗○固○
守○不○敢○出○波○斯○弓○兵○仰○面○射○守○陣○者○多○死○乃○斷○城○中○人○樵○採○絕○其○水○路○
駕○衝○輶○穴○地○道○不○數○月○盡○克○其○城○毀○污○聖○廟○約○年○人○多○汎○舟○遁○至○答○拉○
西○史記又譯作得來斯一作特來西阿一作塔雷西一作德拉西意○大○利○諸○地○建○城○居○之○答拉西建亞底拉城意
大利南境建伊利亞城方○波○斯○

攻佛西亞時。佛人請停戰出降。至期。佛人已載其妻孥財貨。登舟渡海而去。波人所得僅空城而已。佛西亞商務最盛。甲於小亞洲。久之。約年人有返其國者。希臘

賢人別斯一作斐亞告約年人曰。波斯吾仇也。不能報。又事之。恥孰甚焉。意大

利之西。有撒低尼亞島者。徙而城之。十年生聚。亦一大都會也。衆不從。

周景王五年。辛酉。西元前五百四十年。希歷二百三十七年。晦明德。一作亞敏達。爲馬其頓王。是爲第六王。

周景王十八年。甲戌。西元前二百五十七年。希歷二百二十年。必士路拉都卒。長子義比亞。一作西別斯。一作黑皮阿。

一作吸比阿。一作喜披雅。立爲雅典王。編年表列之。西元前五百二十八年。與其弟並爲王。性和平。政無苛虐。國人安之。

周景王二十年。丙子。西元前二百二十五年。希歷二百五十二年。雅典始作大書院。博儲書籍。廣招四

方賢俊。講究格致之學。中分數科。以天文、地理爲首。定恆星方位。測行

星軌道。考日月遲速。用三角法量弧角餘度。一時歷法。皆得之實測。冠

諸國焉。

周景王二十三年。己卯。西元前五百二十二年。希歷二百五十五年。希人開新地於苦士妥。開地阿。以

果頗退摩。

周景王二十五年辛巳。

西元前五百二十年
希歷二百五十七年

克里亞密尼第二。

一作客里奧曼殺
一作革留米尼嗣愛

納山得對爲斯巴達王。

周敬王元年壬午。

西元前五百十九年
希歷二百五十八年

雅典哲學士仁諾法蘭斯

一作仁諾
法內士

卒。仁諾

法蘭斯。溝羅汾人。生於西元前六百十八年。幼好學。精究萬物之理。不喜蹈人窠臼。善詩歌。說道尤精。能發前人所未發。名賢議論。多匡正之。時希人好妃神。仁諾法蘭斯則謂上帝而外無他神。力斥歌詠鬼神之事。爲怪誕誣世。推里司以水爲萬物之本。比撒臥拉斯以數爲萬物之基。仁諾法蘭斯則謂未有本未有基時。必有一主宰。創造此本與基者。比撒臥拉斯立教嚴於擇人。而仁諾法蘭斯則謂人同此心。心同此理。智以用而出。才以用而增。雖愚可以智。雖柔可以強。不必過爲區別。阻人向學之誠也。其足迹徧全希。以傳道爲務。凡從游者皆未嘗拒之。其

門弟子最多。而黑拉克利底。一作額拉吉來圖，一作希拉革雷都，一作希拉基都士。尤著名當世。國有大祭大

會。登高賦詩。觀者如堵。有嫉之者。訟諸官。流之遠方。怡然就道。不易其

素也。初居西齊里。後至意大利紳鄙。年百歲而卒。君子曰。比撒臥拉斯。

似子夏。仁諾法蘭斯似子張。二子者不同道。其趨一也。其聖門狂狷之

徒與。黑拉克利底者。以弗所人。生於西元前五百三十五年。古教業參謂幼受業於仁諾法蘭斯。

西史綱目記黑拉克利底之生在前五百三年。距仁諾法蘭斯生年相去一百十五年矣。今從天演論。父比利士。擁厚貲。黑拉克利底獨嗜學

向道。幼游仁諾法蘭斯之門。書過目輒不忘。壯走四方。足迹徬波斯。印

度。埃及諸國。見世道人心。日益澆薄。因果報應。常乖盪不足憑。與人言

輒哭。時人稱之曰流涕賢人。以弗所王召之為相。黑拉克利底掩耳而

走。曰。富若貴。溺王心矣。又欲汚吾耳耶。波斯王大流士既滅以弗所。聘

之不往。曰。吾聞之。非義之人。不食其穀。無道之世。不踐其土。况尊我乎。

人生富貴。如電光石火。忽焉而已。吾將鶉居而鷄食。縱履而天行。與世

絕矣。幸勿漫我以天吾年。遂去國入深山中。授徒講道。聆其言者多善。悲故世譏之爲暗教。黑拉克利底常言萬物之生氣爲之主。始也氣生之。繼也氣長之。終也氣運而動之。故能作聰明。職萬物。氣屬煖。以火爲根。火能變化萬物。不受萬物之變化。不第變化萬物已也。能使物之弱者強。短者長。小者大。日惟火體。故受其光者。萬物蕃蘖。生生不已。卽下至爐中之火。猶可以之炊爨。養人不夭。不折。世界爲永生不死之物。爲具有靈性之火。故也。譬謂宇宙之物無不變。化火爲物之本體。變化最多。故火爲凡物之父。其變化有二。卽火生水。水生土。土之謂反。之則土成水。水歸於火。是也由火成土。謂之下路。歸於火。謂之

上路。凡物皆有自下而上之變化。以全地而論。其始亦由於火。而漸成爲水。終乃成爲土。故世界有由上路之變化。終乃至於燒點也。人之精神亦爲火。火之純粹者於人成完全之知力。故精神乾燥者爲最善之精神。始諸國皆拜偶像。黑拉克利底謂此與家中牆壁同一泥塗耳。又力闢婆羅門苦鍊之謬。謂不能潔其心。而徒苦其身。如浴於泥水之中。求潔而反垢也。人生斯世。有過去。未來。並無現在。譬如濯足。長流抽足。再入。已非前水。是混混者。未嘗待也。方云一事爲今。而言之。今其今已古。且精而

核○之○。豈○僅○言○之○之○時○已○哉○。當○其○涉○想○。所○謂○今○者○。固○已○逝○矣○。黑○拉○克○利○底○
生○平○著○作○微○言○精○義○。號○稱○難○讀○。實○爲○歐○洲○天○演○學○家○之○初○祖○。其○言○人○生○
而○神○死○。人○死○而○神○生○。人○之○與○神○。不○相○並○立○。此○則○與○莊○生○同○旨○。薪○盡○火○傳○
之○義○也○。後○入○山○洞○中○。食○草○木○根○以○終○。後○人○列○之○七○賢○之○一○。同○時○有○巴○門○
義○兌○者○。謂○人○之○智○慧○有○二○。一○有○定○。一○無○定○。有○定○者○發○之○於○心○。無○定○者○受○
之○於○五○官○百○體○。有○定○之○智○慧○。如○數○目○之○奇○偶○。算○學○之○面○積○方○里○。人○之○良○
知○良○能○。及○飲○食○男○女○之○性○。皆○一○定○而○不○可○移○。無○定○之○智○慧○。如○目○能○察○物○
之○美○惡○。然○安○知○察○爲○美○者○之○非○惡○。察○爲○惡○者○之○非○美○。抑○且○視○爲○美○矣○。使○
更○有○美○者○並○列○。則○前○所○謂○美○者○。又○變○而○爲○惡○。視○爲○惡○矣○。使○更○有○惡○者○並○
列○。則○前○所○謂○惡○者○。又○變○而○爲○美○。目○之○視○物○如○是○。則○聲○香○味○觸○。亦○何○莫○不○
如○是○。黑○拉○克○利○底○則○謂○心○之○智○慧○。亦○屬○無○定○。譬○之○魘○鬼○。愚○夫○愚○婦○。往○往○
執○所○見○聞○。以○駭○人○觀○聽○。然○自○明○道○者○觀○之○。知○天○地○間○皆○實○理○。卽○誤○聞○誤○

見無不知其妄者。世之譸張爲幻者衆矣。而察色徵聲。舉莫逃智人之
逆億。非心之智慧。無定之確據乎。按智慧因物而施。無定而仍屬有定。以在物。無定而在心。有定也。巴門氏之說不可易也。故一人之
心思才力。因應萬事。常慮其不足。必合千萬人之心。思才力而成一人
之心。思才力以之爲學。而學無不精。以之爲國。而國無不治。羣學之不
可以己。實心之智慧。消長之樞也。巴門義兌論萬物之生。皆地中熱力
爲之。草木非熱不生。果實非熱不熟。卽以人而論。非煖氣無以生。無以
長。無以發其靈明。故人煖氣少則多睡。過少則易老。盡則死矣。此則與
黑拉克利底以火爲天地秘機之說。相爲發明者也。巴門義兌。曼地尼
人。先黑拉克利底一年生。幼時不守父教。少長折節讀書。殫精刻意。以
明道爲務。與黑拉克利底齊名。嘗謂凡物先有身。後有心。有如何之身。
而後有如何之心。犬之善吠者。非心之能吠也。以有犬之身也。牛之善
觸者。非心之能觸也。以有牛之身也。人心之知覺運動。其本於身者。亦

猶是耳。又謂萬物皆幻境。由生至死。如夢中耳。其中有靈機焉。無始無終。無限無量。最純粹。最潔淨。寂然不動。感而遂通。稱之爲神。不可也。稱之爲帝。不可也。命之曰一。其庶幾乎。後爲本地牧。有政聲。著律例一書。民皆悅而遵之。相謂曰。吾儕行事。但求無違巴門義兌之律足矣。其爲人信慕如此。其知名弟子曰仁諾。猶庇亞人。生於西元前五百年。周景王之二十年辛丑也。家素豐。有權力。名重一鄉。然性喜讀書。恒杜門不預世事。得一新理。拳拳如獲拱璧。有膽識。而望之如不能。及至利害之交。雖赴湯火不顧也。其學以利物濟人爲務。嘗言自反不忤。何恤人言。篤信其師。有非之者。輒抗辨不少屈。其所著書。皆明正道。黜淫辭。後世辨論家宗之。年三十後。隨巴門義兌至雅典。與諸大儒游。數年不返。適聞猶庇亞人米二極一作綱作亂。僭稱王。乃使人告其族黨曰。能助我者。當殲此賊。族人許之。卽回國與賊戰。敗而被執。賊詰所與謀。則牽其左

右以誣之。米二極怒。鞠以酷刑。仁諾嚼其舌。以血噴賊。賊置之白中。以石杵碎之。民聞其死也。噪而起。卒殺米二極。以報仁諾。論者謂仁諾以死勝賊也。英人赫胥黎曰。希臘猶太意大利諸國。當姬漢之際。迭爲聲明文物之邦。而希臘開化最先。米勒都尤多學士。黑拉克利底生與釋迦相接。其學苞六合。闡造化。爲數千年格致之先聲。而不斷斷於民生日用。修己治人之事。洎乎數傳之後。明哲挺生。咸殫思於人道治理之中。以黑拉氏爲窮高務遠。其所謂檢押大字。櫛括萬類之學。亦隨之而不可見矣。中古理學家有索克拉的。與其徒百拉多。天演論作蘇格拉第伯拉圖又作愛素格刺諸二人者。以爲天地六合之大。事繁理頤。決非生人智慮所能周。於是反而求之。人事交際之間。以期學之翔實。不知理無間於大小。苟有脊倫對待。皆爲學問之所資。方其可言。不必天難而人易也。至於無對。雖在近習。亦有難窺者矣。是以格致實功。恆在名理氣數之間。而絕口不言神化。

彼索克拉的之學未嘗諱神化矣。而轉病有倫脊可推之物理為高遠。而置之名為崇實黜虛。究乃捨全而事偏。求近而遺遠。此所以不能引黑拉氏未竟之緒。而大有所明也。夫薄格致氣質之學。以為無關人事。專以修己治人為切要者。索克拉的之宗旨也。此其道後之什匿克宗用之。厭惡世道。刻苦厲行。有安得臣。知阿直尼。其傑也。再傳之後。亞拉斯德崛起於馬其頓之南。其神識解悟。凌轢古今。然尚不知物化遷流。宇宙悠久之論。為前識所已言。故黑拉氏為天演學宗。而真傳所在。前不屬於索克拉的。後不屬於亞拉斯德。惟特母克理底。生魯哀公時以富人子游學。盡散其資在古人中最為獨得其傳。但其時民智未開。阿伯智拉。特母克理底所生之地所倡高言。尚未為衆心所止。至斯多噶之徒出。乃大闡徑塗。上接黑拉氏宗派。為天演家中興之主。然斯多噶所為造物真宰之說。則又黑拉氏之所未言。黑拉氏之論。以火化為宇宙萬物根本。皆出於火。皆入於火。

先創化學中所謂突破微塵之說者。最小質點名曰莫破也。

特母克理底

由火生成。由火毀滅。盈虛終始。如海濱小兒。聚沙作壘。任情剗築。成壞循環。初不必有物焉。以綱維張弛之也。自斯多囁之徒興。乃謂宇宙冥頑中有真宰。其德力無窮。其悲智並大。無所不能。窅然居萬物之先。而永爲之主。此則黑拉氏之學之所本。無而純爲後起之說也。

周敬王五年丙戌。

西元前五百十五年
希歷二百六十二年

答拉西稱藩於波斯。初貴族米力泰底。

一作米里的阿地一作米勒大阿氏一作
米他雅第一作米底亞底一作黑斯提哲

繼其兄鐵若誇辣爲答拉西給爾孫索

一作寇
沙泥嬰

州牧。叛賊乘鐵若誇辣之喪。蠡起爲亂。米力泰底抵任。閉門示弱。亂黨魁欲覘其人。僞爲來弔者。米力泰底設計囚之。亂黨悉平。乃置常備兵五百人。娶鄰國王女。結爲外援。其權益固。以波斯逼處。勢不敵。請爲藩屬。歲修朝貢。波王許之。君子曰。能強能弱。智者之善謀也。答拉西馬其頓。其太王勾踐之智乎。詩曰。畏天之威。干時保之。米力泰底可謂能畏者矣。

周敬王六年丁亥。西元前五百十四年 希臘二百六十三年 雅典王義比亞之弟義巴爾孤。一作希巴歌 一作喜巴歌

一作黑 一作亞利多基頓 一作阿俚德套俱有 掠取都人黑爾摩受。一作哈摩丟 一作哈摩憐 妹黑爾摩受怒。偕其友亞里斯日敦。

刺殺義巴爾孤。將及王。而黑爾摩受被執死。捕其友亞利

斯日敦。送諸義比亞誅之。義比亞由是深惡都人。以酷法馭下。多被屠

戮者。民皆重足立矣。君子曰。傳有之曰。以亂取國。奉禮以守。猶懼不終。

多行無禮。而又繼之以虐。弗能在矣。

周敬王十年辛卯。西元前五百十七年 希臘二百六十七年 波斯既降答拉西。大流士傳諭馬其頓

王。曉明德。尊波王為主。曉明德從之。獻水與土。遵波俗也。馬其頓遂入

波斯版圖。

亞革妙尼代。雅典之富族也。必士踰拉都篡王。逐之境外。常謀返國復

仇。聞特爾斐廟災。曰。此其會也。出其家財。獨任廟工。加鉅麗焉。都人大

歡。革雷斯低尼。一作寇來思太穀 一作盛思他尼 米加革利子也。多才而智。厚賄特爾斐女祭

司。凡斯巴達問國事者。屬託神語答之。俾去王復民政。斯巴達藉藉傳神語。王惑其言。潛率精卒襲雅典。敗而再戰。卒禽義比亞子女而歸。辱之奴隸。義比亞聞而悲之。來請成。斯王曰。舍雅典而去。則歸其孥。義比亞如約遜位。奔波斯。革雷斯低尼返國。爲平民之魁。與貴族以撒歌拉一作伊爭權相軋。革雷斯低尼深結民黨心。而又得母族西基雲之援。西基雲代廢約年四族。混而一之。析全地爲百數十區。名曰低模。立十新支。取不相毘連之低模。民之不同族者。併爲一支。向時團居舊族。皆散置各區。以杜結黨紛爭之禍。梭倫設議會四百員。革雷斯低尼增爲五百。使十支各舉五十人。家有財產至二千答連多者。則公選時皆有發言之責。凡居雅典之人。土著客居。均列之低模之內。更增益民權。分五百議員爲數部。每一部使一支所舉之議員司之。無論貴紳富室。均不得使一

蘭得革雷斯低尼之女爲革雷斯低尼之母故襲其姓氏

貴族不能敵。革雷斯低尼遂爲亞爾干。重改梭倫之制

西基雲代

爭權相軋。革雷斯低尼深結民黨心。而又得母族西基雲之援。西基雲代

入署作證。凡一切過犯。以有意者爲重。以無心及暴怒而犯者爲輕。如甲乙互賢。甲怒殺乙。而賄其親屬。使不控者。則士師亦不過問。如有意行竊。或橫行街市。則罪必死。其虐待奴僕者。亦刑之。雅典刑制大略如此。希地各國雖互有同異。亦皆不甚相遠。今日歐洲諸國。革雷斯低尼痛抑貴族攬權之弊。而又慮覲爲代蘭得者。

之潛圖不軌也。因立一新章。名曰貝殼彈劾法。凡都人所疑忌。犯衆怒者。則羣記其姓名於石牌之上。牌數足六千者。逐其人出境。限以十年。籍其財產。返國而後還之。當時凡有名望。爲衆所妬者。多中此法。復設一法。防貴族之結黨圖權位者。凡舉亞爾干。如二人者。牌數相等。則拈鬮決之。惟居要位之官。及統軍總帥。不以鬮法爲決。必慎擇出之。由是圖權位者。雖有朋黨。無所施其計。而平民之權。無一夫不獲矣。君子曰。梭倫正而不譎。革雷斯低尼譎而不正。皆天下才也。事之變也。天啓之人。成之時。局造豪傑。豪傑亦造時局焉。書曰。若作室家。旣勤垣墉。惟其塗墍茨。梭倫蓋垣墉之。而革雷斯低尼則墍茨之。民政之全模。開萬代矣。

周敬王十二年癸巳。西元前五百八十八年 希臘二百六十九年以色列果拉為雅典亞爾干。

波斯既混一小亞洲諸國。大治海軍。修兵西畧。波王大流士檄約年諸

王助戰船六百。徵其兵以從。指大腦。一作多腦 一作大奴比 一作多澤河北行。伐西翅的。一作細地 一作細

西地一作斯古低西翅的為裏海游牧夷族。嗜殺善戰。趨捷耐勞苦。喜剽人顛骨。醜

酒牛飲。西元前六百五十年。出黑海東北。逐塞爾達人入高盧。今之法國白里

登。今之英國諸地。遂居黑海之旁。大腦河之北。今之俄地出沒無常。為亞洲諸國患

者。百餘年矣。大流士命撒摩斯。一作砂漠島工師滿多革利。一作桃客李造浮橋牛渡

年諸艦亦出牛渡。入大腦。比船為橋。與波兵相會。大流士諭諸王守此

橋。約六十日必返。遂濟師。擊西翅的。西人幕居無定地。見波兵至。皆遠

徙。不覩一人。波軍失道。無所得食。大流士知失計。夜然列炬。縛疲驢營

外。潛師而逃。西人偵知追之。要諸隘。強弓毒矢。狙而射之。波兵傷折。不

外。潛師而逃。西人偵知追之。要諸隘。強弓毒矢。狙而射之。波兵傷折。不

即他大尼里在黑海與外海通之東海峽為歐亞分界處一作寶酒波瀟一作濤持乃來

復能成列。米利泰底說約年諸王曰。波王逾約不歸。戰必蹶矣。吾裂其

橋。西人從而蹙之。大流士其為囊中之鼈乎。米勒都王希爾周一作希斯臘斯

曠曰。不可。吾曹之有今日者。波王之力也。王死吾其逐矣。衆然之。堅守

以待。波王既還。命大將米加巴蘇一作梅排率師八萬。討答拉西諸城之未

服者。全境悉定。立一方伯於歐洲以治之。大疆河至俄林都山盡為波屬與德沙利為鄰大流士嘉希爾

周守橋。功賜之以斯的里門。一云木耳基奴即答拉西之斯代河口也之地。

周敬王十六年。丁酉。西元前五百四十四年。歷二百七十三年。希雅典以撒哥拉謀覆民政。貴族羣附

之。以抗革雷斯抵尼。不能敵。乃求援於斯巴達。且譖之曰。西基雲之於

鐸利亞。君之所惡也。革雷斯抵尼尤而效之。虐將滋厲。豈唯敝邑。以歲

之不甯。社稷之多故。不克事君。苟假大國之威。謀其不協。二三內臣。將

世帥其屬。以藩於王。王亦無所不利焉。斯王克里亞密尼蹶然起曰。天

與不取。是自棄也。傳檄雅典。聲亞革妙尼代之罪。以撒哥拉從中間之。

斯軍遂入城。逐民黨七百餘人。革雷斯低尼出奔。除其新法。國人大譟。起兵攻戍軍。以撒哥拉率斯兵守保障山。國人不願結仇於斯。縱之去。誅雅人之通敵者。克里亞密尼再起兵攻雅典。謀立以撒哥拉爲王。而屬其地。檄召伯羅奔尼蘇同盟諸國。會兵於雅典之伊路西。一作薩西聞其謀皆散去。惟德巴及猶庇亞島之加勒基斯。一作坎河溪人以師從。雅典謀知同盟軍散。櫻陣固守。分兵逆擊德巴軍於猶利布。一作油灘坡海峽破之。渡海伐猶庇亞。盡克其地。戍之以農卒四千。斯巴達氣奪旋師。復召同盟諸國。謀納義比亞復位。哥林多使索細扣儷。執不可。曰。民之苦。代蘭得甚矣。貝利安得之禍。我敝邑民。到於今痛之。天厭其德。而亂以成之。違人背天。以長寇虐。曲在我矣。大國唯霸之是圖。而誨人以亂。其誰服之。諺曰。人之行也。不以所惡廢鄉。今王以私惡而廢公義。將焉用之。君命祗辱。不敢從也。衆踴其言。事遂寢。君子曰。臧文仲有言曰。以欲從人則可。

以人從欲鮮濟。克里亞密尼以貪勤諸侯而召之。以詐其能濟乎。斯王所謂一舉而兩失者也。西阿司土爲雅典亞爾干。

周敬王十九年。庚子。西元前五百年。希歷二百七十六年。波斯方伯米加巴蘇上書告米勒都

王希爾周有異志。大流士召之朝。羈諸書山。以其壻亞里斯達弼刺。一作亞利

大斯拉一作喀內山。栗賴一作阿爾德他。估喇。代爲代蘭得。適拿革梭。一作諸。一島貴紳被逐。求救於米

勒都。亞里斯達弼刺欲乘機取其島。脫波斯羈勒。時米加巴蘇老矣。大

流士命其甥亞答希爾倪。一作阿他西倪。一作亞達佛尼。一作安天播尼。代爲波斯方伯。亞里斯達弼刺

說之曰。君若助我以兵。定拿革梭之亂。則比鄰諸島皆重入波斯籍矣。

亞答希爾倪貪而寡識。計之。助以戰船二百。水軍將不聽命。師出無功。

亞里斯達弼刺懼見誅。始萌叛志。希爾周陰使人慫恿之。志遂決。集國

民於廷。去王號。曰。今而後國家之政。與民共之。不復爲代蘭得矣。並以

危辭激國民。使共仇波。馳檄約年諸城。廢代蘭得政治。約期同反。不復

受波斯節制。

周敬王二十年辛丑。西元前五百七十七年慕魯為雅典亞爾干愛立克山打為馬

其頓王。是為第七王

周敬王二十一年壬寅。西元前四百九十九年亞里斯達哥刺既得約年之助并

結哀約利族鐸利亞族諸城及居比路。一作居伯魯島同時叛波立一城有

事諸城互援之約復渡海乞援於希臘斯巴達不為之動以奴隸說激

雅典雅典以義比亞事與波斯有隙。義比亞之亡也按撒底乞亞答希爾倪以兵納之約以雅典屬波斯雅人聞之使告撒底謂亡人怨言不可信亞答

希爾倪曰誠欲無事可召還義比亞以是有隙允助戰艦二十艘猶庇亞島之以里底亞。一作以連登利人益

以五艘亞里斯達哥刺率水陸諸軍合攻撒底撒底者亞答希爾倪所

駐之呂底亞都城也出其不備。亞里斯達哥刺既萌叛志亞答希爾倪欲招撫之故不備拔而焚之波人之居

撒底者殺掠殆盡亞答希爾倪奔書山。

希臘春秋卷四

新城王樹枏著

周敬王二十三年甲辰

西元前四百九十七年
希臘二百八十年

波斯王大流士使亞答希爾侏將

兵三萬人還攻撒底。不利。大流士大怒。指天發一矢。誓復雅典仇。每食必使人呼曰。大流士爾忘撒底之恥乎。遂益軍十萬。使大提士一作達底米

人願將之以救亞答希爾侏。復徵兵於馬其頓。使攻答拉西。以綴約年。哀

約利。諸軍之後。大提士多謀善戰。亞利斯達哥刺不能敵。固守撒底。波軍圍之三月。克其城。潰兵退走。伏而要諸道。前後夾擊。大破之。約年人多戰死。亞利斯達哥刺退保米勒都。雅典及以里底亞人甫及海。追兵至。殺傷過半。餘皆泛海歸國。波王遂移戰勝之師。進攻約年諸城。

周敬王二十五年丙午西元前四百九十五年 希臘二百八十二年波斯大將大提士攻約年諸城

諸城誓死拒彼此援助師久無功大提士督水陸大軍並進塞米勒都

出入要道約年諸城聚而謀曰波斯陸兵勢方銳不易敵不若先集戰

艦以占海上之權水師破則陸兵奪氣不攻自潰矣乃合戰艦三百五

十三艘羣泊於拉代一作瀨堤一作臘丁編年表 記於西元前四百九十四年海島與米勒都作對鎖之勢波

將率腓尼基戰船六百蔽海而至橫梗其中約年舟師見衆寡不敵咸

愕眙不敢進佛西亞人丢尼修一作倪西曰事急矣諸君苟不以余爲不肖

假以水師節制之權波船雖多不足饜魚腹也衆從之以諸艦屬丢尼

修連日夜教之戰法至第八日約年人不堪其苦登岸而嬉波將諜知

之問諸城曰苟悔禍不汝疵也諸城多陰諾者波軍乘勢攻之兵未接

而撒摩斯島先以其船四十九艘遁撒摩斯戰艦 共六十艘利斯波島從之諸城之戰

艦遁者相踵留者惟米勒都該約斯佛西亞三城而已丢尼修檢之得

戰艦二百許。遂誓師曰。戰之勝敗。氣之勇怯。爲之不在軍之多寡也。彼氣已餒矣。強之適以僨吾事也。諸軍勗哉。國之存亡。在此役也。丟尼修率諸艦衝波師。波師張兩翼圍之。諸艦殊死戰。波師陣開而復合者再三。以寡不敵衆。爲波斯所殲。丟尼修死於軍。米勒都大震。大提士攻之三日。陷其城。殺亞里斯達哥刺。縱兵淫掠。屠其男而據其女。遇神廟輒燬之。以報撤底之役。大提士繼攻海濱及海島諸城。次第皆下之。焚殺俘掠。至千萬人。大流士收希爾周棄市。

周敬王二十六年。丁未。西元前四百九十三年。希歷二百八十四年。拜圖克利多爲雅典亞爾干。

周敬王二十七年。戊申。西元前四百九十三年。希歷二百八十四年。波斯伐答拉西。初米力泰底因亞

利斯達哥刺之亂。取列磨。威摩捕洛。二島。在地中海與答拉西相近。以畀雅典。雅典德之。

大流士以米力泰底爲始禍之魁。且怒其取二島也。至是移軍伐之。米力泰底度不能敵。潛駕兵船五艘還雅典。波軍奪其子所乘艦。追之不

及遂取答拉西。米力泰底至雅典。民政黨以其為代蘭得時。多變易革。雷斯低尼之制。排之於刑官曰。是虐民者。請罰之。刑官議曰。答拉西之事。與雅典無與也。民政黨固爭之。卒以其取二島功。釋不問。

周敬王二十八年己酉。西元前四百九十二年 希臘二百八十五年大亞其尼為雅典亞爾干波斯

王大流士使馬多牛一作馬多紐 一作馬道倪將水路大軍伐雅典。陸師渡地中海。與水

師相會而南。船至亞突斯一作亞多。山海角。颶風起。覆三百艘。軍士溺死者二

萬餘人。答拉西聞之。復叛。襲波斯。馬多牛倉皇禦之。大敗。矢貫其臂。遁

還波斯。西史綱目記於西元前四百九十三年 希臘志同

周敬王二十九年庚戌。西元前四百九十一年 希臘二百八十六年非尼布為雅典亞爾干。波王大

流士聞西征不利。提戈而起。會師於西里亞。一作叙里亞檄海岸諸部。造軍艦

運船。期必滅雅典。馳使希臘。諭諸國王曰。自日出之鄉。日沒之處。諸生

民之主。波斯大王。告爾多邦。越爾御事。天降威用於雅典。予不敢閉。爾

尙弼予一人。致天之罰。獻水若土。夾有我波。順命有厚賚。逆命有顯戮。

諸君曷哉。毋忽我言。希臘聞之。皆震恐稱臣。哀基那。一作威幾利那。一以其那。一作其那。海中

強島也。與雅典有兵釁。藉傾覆之。亦納欵降。波使至斯巴達。斯王底末

拉士。欲獻水土稱臣。此王不知何時所立畧尼達。一作留尼達。一作留大克低。不可。曰。斯巴達創霸。

垂三百年矣。不戰而臣。辱莫大焉。何以示後。王不從。畧尼達率國人逐

之。底末拉士奔波斯。畧尼達嗣立為王。執波使投之井。留其一人。使還

報。曰。波王能取我土。則取之。不能獻也。

周敬王三十年。辛亥。西元前四百九十七年。希臘二百八十七年。波斯王大流士命大提士將兵十一

萬。戰艦六百艘。伐雅典。亞答希爾。倪副之。巴比倫。印度。居比路。推羅。猶

太。以色列。皆以兵會。義比亞導之。徑米勒都出海。而陰使其黨入雅典。

約為內應。軍經拿梭倫。島人遁入山。大提士火其城市而去。遂擊猶庇

亞。圍以里底亞。雅典遣四千人救之。以里底亞人辭曰。敝邑有內亂。重

以外寇亡無日矣。救之奚益。君其慎守爾圍。勿兩敗也。雅兵乃還。波軍攻之六日。城中火起。內變作。遂陷屠其城。囚其俘於哀基那。曰。俟吾還

師。與雅俘並戮之。乘勝渡猶利布海峽。逕趨雅典。屯於馬拉頓。一作瑪拉頓

一作瑪

瀨墩

地長十八里中央廣六里兩端稍狹

之原。馬拉頓距雅都六十六里。鏡海屏山形如半環。中

央有一谷南通小徑。凹凸不平。山巒環匝。多松柏檉樹叢蒼蔽天。日平

地澤沼。至春夏溷燥。可用騎兵丘陵纍纍不絕。蓋古時陣亡者之墟。墓

也。雅典見波兵大集。求救於斯巴達。斯人行兵必俟月圓滿時。值朔後

六日。月如鈎。心憂不利。延不出師。他國皆服屬波。無應者。雅人籍見兵

九千。使奴隸皆執兵。從白阿西感梭倫之義。傾城來助。益以千人。數始

盈萬。加利馬古。一作賈理馬為總帥。十軍帥分領其師。營於馬拉頓山上。

以瞭波軍。皆股慄失色。時米力泰底為十軍帥之一。數與士卒談。馬拉

頓古時英雄。哈幾烏利威斯遺蹟。及馬卡利耶人祈死之事。士卒皆感。

奮請戰軍帥有主速戰者五。不主速戰待斯巴達兵至而後戰者五。米力泰底素悉波斯兵制其聯軍之衆率脅於威力人懷二心且勞師遠攻老而無繼速戰則克否則變生未有不敗者因以目視加利馬古坐而言曰先人者制人後人者制於人軍志之善謀也將士之心繫乎一帥君戰之主也事之成敗國家之榮辱君之一言定之雅典之人貪利忘義勤於速成而惰於持久君之所知也朝氣銳晝氣惰暮氣歸故善用兵者用銳氣焉語曰師克在和不在衆波斯挾我罪人間我雅典君若憫時玩禍以怠衆志敵張於外義比亞之黨誑於內人和去矣後時之悔庸可及乎戰而死與不戰而死惟君以一言決之而已加利馬古蹶然起曰戰未必亡不戰未有不亡者遂以軍事屬米力泰底米力泰底曰善戰者出其不意攻其不備勢如彊弩節如發機殺敵致果在此會也遂登壇誓師以加利馬古將右軍希人自阿西人將左軍示與雅典軍敵體底

米利多基利

一作地米多其利一作太米師叨客例

將中軍亞利低代

一作亞利斯多智特一作安里周知田斯一作阿例師太第

佐之米

力泰底率其屬為前鋒變雅典方陣為疏行長與波兵齊

恐方陣為波軍兩翼包抄率於中腹且繞

出後路而圍攻也

分其中軍之兵以厚左右翼

中軍者以一人拒一人耳左右兩軍拒敵騎包抄兵力遂加厚

皆被甲嬰冑擁盾

杖矛間以短刀植然而立軍既定醑祭天神祈大福卜之吉令曰徐行

者斬

雅典舊例兵皆安步徐行

下山呼而馳直撲波軍時大提士候義比亞黨內變軍未

及備驟見塵起障天地始傳令屬地諸軍倉皇備戰諸軍皆各操土音

多不諳令者米力泰底馳據平原摩其壘以矛隊擊之當者輒蹈大提

士登臺望之分屬地軍為左右翼而自揀波斯精銳當雅典之中底米

斯多基利戰不利退入山谷雅典左右翼大敗屬地兵米力泰底合左

右為一軍擊波斯中軍底米斯多基利重整隊自谷中出夾擊之呼聲

撼山士卒皆執長矛蒙堅甲張陣成凸形波兵無甲冑擁小盾以短兵

鬪戰一日不能支大敗而奔死者山積雅軍躡其後蹙之海濱列炬而

鬪。大將加利馬古及軍帥斯鐵斯拉皆戰死。米力泰底奪其軍艦七艘。大提士躍舟而逸。是役也。陣斃波軍六千四百人。雅典死者僅一百九十二人而已。戰甫罷。回顧山巔。樹燈牌其上。而波船又易向。米力泰底曰。此內應也。反旆以待。大提士沿阿的加海東南行。趨雅典。比明至。見雅典城守嚴。兵容甚熾。曰。何其備也。蓋米力泰底慮兵少。多爲旗幟以疑之也。大提士沮而退。遂班師。君子曰。知彼知己。百戰不殆。米力泰底可謂操勝算矣。孫子曰。上兵伐謀。其次伐交。其次伐兵。三者俱備。能無勝乎。波斯所謂越人之兵者也。翼日斯巴達率援兵二千至。時涼秋九月。月圓如鏡。登山望戰地。伏屍亘十數里。贊歎悔恨而歸。初波兵壓雅境。以爲戰不克。一府焦土而已。軍旣捷。有一卒馳報。血流被體。杖矛而立。不能言。衆謂軍果敗矣。良久呼曰。我軍大勝。仆地而斃。都人歡聲雷動。立碑紀戰績。日張盛宴。饗米力泰底。作詩歌贊其功烈。後遂以戰勝。

之日定爲國之吉辰。雅人取波斯陣亡士卒封爲一冢雅人亡者封爲一冢爲其主將加利馬古獨建一瑩立十石柱於陵之四旁銘十新族之功鏤死者姓名於柱上周維翰

曰。馬拉頓雅典之要隘也。大提士不知據險。而陣於平原。使雅軍得建

餽之勢。失地利矣。以十一萬大軍。麇集於一原之地。猶鼠之鬪穴。雖衆

奚用哉。設當日者。分水陸軍之半。兼襲雅典。則義比亞之黨內。應必易

而。馬拉頓雅軍之戰志。必不能堅。其成功。未可量也。計不出此。殆狃於

積勝。所謂驕兵必敗者歟。

周敬王三十一年壬子。西元前四百八十九年 希臘二百八十八年米力泰底率水師襲巴路斯。一作巴

乃克色司 一作派啤島。西史綱目記於西元前四百八十七年今從編年表報私怨也。圍攻二十六日。不能克。島之女祭

司有謀內應者。約米力泰底潛夜往。比至則廟門闔。不可啓。踰垣墜而

傷其股。鼻之還。遂班師。初馬拉頓之捷。雅典推首功。擢米力泰底爲總

帥。求戴橄欖冠。國人不許。其伐巴路斯也。人無知之者。至是忌者始劾

其擅專罪狀。法司以誑欺律治之。當論死。援議功故事。改爲罰鍰。米力

泰底以其財產盡沒於答拉西。貧不能出。下獄。傷發。恚而死。君子曰。以米力泰底之智。而不能衛其股。所謂明於謀人。而暗於謀己者也。以破敵之首功。身爲總帥。而五十答連多。至不能償其時。將帥之廉。國法之肅。可以規後世矣。大提士之征雅典也。載文石以行。備鏤戰功。植之雅地。及大提士敗歸國。米力泰底得罪死。雅人就其石。雕難禰禰像。巨大冠諸神。希人傳言。國有淫刑。人有隱慝。方榮而忽悴。方盛而忽衰。實難禰禰神司其事也。蓋諷之云。

周敬王三十三年甲寅。西元前四百八十七年 希歷二百九十七年馬其頓聞波兵敗狀。畔而自主。絕其貢使。

周敬王三十四年乙卯。西元前四百八十六年 希歷二百九十六年西翅的取答拉西。報波斯之役也。雅典既敗波斯。恃勝而驕。率耽逸游。忘遠慮。底米斯多基利獨憂之。曰。匹夫之讎。猶不忘報。況大國乎。馬拉頓之役。怒波甚矣。撻大國之怒。而

我○又○汰○焉○其○禍○滋○烈○波○王○鑒○於○前○恥○其○再○至○也○必○以○全○力○圖○之○渺○茲○雅
典○其○能○敵○乎○吾○聞○之○築○室○者○高○其○垣○墉○以○備○盜○也○國○之○有○備○何○莫○不○然
海○者○雅○典○之○垣○墉○也○比○來○由○斯○海一作密邇都○城○距雅典十二里兩面
有海灣可泊多船島○嶼○縈○環○形
便○勢○要○宜○築○巨○塢○造○兵○艦○立○海○上○之○軍○無○事○則○招○商○賈○阜○貨○財○有○事○則
縱○橫○各○島○以○禦○外○侮○如○是○國○可○富○兵○可○強○垣○墉○鞏○固○雅○典○安○矣○亞○利○低
代○曰○不○然○陸○軍○之○效○既○驗○之○矣○舍○其○舊○而○新○是○圖○墮○已○成○之○功○營○不○測
之○業○灰○夙○士○之○志○養○無○業○之○民○棄○農○競○商○驚○末○忘○本○國○法○中○變○大○權○下
移○民○其○肆○矣○儻○邀○天○之○功○倖○而○濟○焉○是○更○益○其○疾○也○其○若○國○法○何○底○米
斯○多○基○利○曰○君○知○其○一○未○知○其○二○吾○聞○善○保○國○者○守○在○四○境○未○有○四○境
不○守○而○鬪○賊○於○堂○闔○之○間○者○我○之○陸○師○其○衆○幾○何○語○曰○瘠○牛○償○豕○其○懼
不○死○不○早○爲○之○所○而○漫○以○致○寇○衆○寡○之○勢○其○能○敵○乎○國○之○不○保○何○有○於
民○民○之○不○存○何○有○於○法○存○亡○之○機○惟○君○圖○之○且○波○斯○之○涉○海○而○來○也○以

舟○濟○師○非○長○於○舟○戰○也○。修○我○之○長○攻○彼○之○短○。雖○衆○將○焉○用○之○。不○然○亡○無○日○矣○。亞○利○低○代○端○人○也○。然○忠○有○餘○而○智○不○足○。底○米○斯○多○基○利○多○智○而○才○長○於○料○事○。二○人○者○皆○負○物○望○。民○會○互○爲○黨○。相○持○力○爭○。久○不○決○。乃○用○牌○足○六○千○國○法○判○可○否○。亞○利○低○代○遂○出○境○。於○是○底○米○斯○多○基○利○始○行○其○志○。專○練○水○師○。歐○洲○之○海○軍○自○此○始○也○。

周敬王三十五年丙辰西元前四百八十五年
希歷二百九十二年波斯王大流士憤馬拉頓之敗恚

而卒子澤耳士一作西耳西
一作愛西司
一作斯耳革斯嗣立波斯志記於西元
前四百八十六作

周敬王三十六年丁巳西元前四百八十四年
希歷二百九十三年雅典伐哀基那島爲其黨波斯也

底米斯多基利欲張水師廣造戰艦而慮其貲之無出也言於衆曰哀基那腹心之疾也波斯之西彼實主之圖之不預後必爲厲彼恃海島之險輕我久矣非多其艦以制之不可以得志雅典於是乎取銀鑛之財以造三層樓艦護商民之往來貿易者而征其稅以營商澳比來由

斯遂成重鎮。至是擊哀基那敗之。取其城而還。

周敬王三十八年。己未。西元前四百八十二年
希臘二百九十五年。波王澤耳士徵水陸諸軍。大伐希

臘。西自小亞洲。東至印度屬地諸國。皆以師從。

周敬王三十九年。庚申。西元前四百八十一年
希臘二百九十六年。波斯屬地四十六國之兵。史記作五十六國

會於加伯多迦之革利大喇。將士雲屯。史記作三百五十萬。併役夫為五百萬。
人以萬將。將之希臘志作百萬壯丁。軍衣幟

械。舉從本國制。聯巨艦。作浮橋。二於他大尼里。一作希利斯
本一作西勒海峽。長二千丈。

取道答拉西。沿俄林都山。經馬基頓。德沙利。入希臘東北境。屯積軍食。

於答拉西瀕海諸城。發戰艦一千二百艘。輜重船三千。會於約年。腓尼

基。二海口。鑿亞突斯西北土股。開新河而入。是年冬。澤耳士親將大軍。

馬多牛副之。發波斯至撒底度歲。希臘諸國聞軍報。大震。雅典。斯巴達。

遣使諸國。會於哥林多。商守禦策。伯羅奔尼蘇諸國。惟亞革斯。亞該亞。

不至。亞革斯與斯巴達有隙。亞該亞向未與斯巴達同盟。德巴與雅典相惡。亦不至。低斯比。白阿西。德沙利。

俱遣人來會。哀基那新與雅典和。亦來會。同盟七國。使海外希臘諸城。埠乞援師。無應者。各西拉一作寇島允助戰船。觀望不即發。西齊里之叙拉古斯王基倫一作兵最強。欲為總帥。雅典不許。不果來。七國推雅典為盟主。斯典讓之。斯巴達斯王畧尼達遂統水陸諸軍。盟曰。壹乃心。協乃力。同惡相恤。以濟大事。甯為希鬼。毋為波奴。有貳志者。明神殛之。又曰。勝波之後。則移師以討地中海之翼波為虐者。獻其俘獲之一。以供大神。諸國則藉其九而均分之。盟既宛遂。治兵。雅典以底米斯多基利為亞爾干。

周敬王四十年辛酉西元前四百八十七年春澤耳士大軍發撒底。至他大尼里。風大作。浮橋壞。澤耳士大怒。戮船匠。投其首。數海神之罪。鞭浮橋三百。沈鐵鎖而繫之。橋成大軍渡之。七日夜不絕。澤耳士登亞布多山在海峽。踞白玉寶座。下顧戈旗蔽海。陸亘數百里。泣然流涕。曰。人生如逝。波百。

年。後。無。復。立。此。世。者。矣。大軍抵兌里斯哥。一作多里斯古與水軍合。乃拽船上岸。入新開河。駢驅并進。次低耳馬海灣。波希交界地。一作馬連。七國聯軍。聞波兵至。籍戰士不滿萬人。議曰。彼衆而我寡。利於隘擊。不利於野戰。兵法所謂背固前隘。以寡擊衆者。爲圍地也。旣而諜知波兵由德沙利進。略尼達曰。德沙利北界有典比者。叢篁密林。山廻路狹。伏而擊之。可克也。底米斯多基利曰。是山也。有他途可以越我後。非圍地也。德沙利東北山嶺。濶不易守。吾聞德爾摩比勒。一作德摩買力。一作德摩比來。一作提瑪皮利。密邇低耳馬海灣。左負高山。右連巨浸。嶙峋逼仄。僅通隘道一線耳。其守之便。畧尼達從之。時斯巴達國人守六月祭神期節。從軍者僅得壯士三百人。佃奴千人。伯羅奔尼蘇諸小國。益之以三千人。略尼達將之以行。道經低斯比。復裨以七百人。師次德爾摩比勒。佛西亞。羅格利。皆以兵來會。共七千人。底米斯多基利以斯帥猶利別低統戰艦二百七十一艘。泊於猶庇亞海汊之北。

亞的密修。

一作亞低米西
一作阿地米西

防波船進汊登岸。爲德爾摩比勒後援。德爾摩比

勒者。熱泉之謂也。畧尼達察山後有路可繞越。令佛西亞以千人扼守

之。波師自德沙利進軍熱泉口外。畧尼達整隊以待。軍皆左手執盾。右

手提鎗。叢鋒若櫛。波軍不敢逼。相持四日。波斯後軍至。澤耳士督前鋒

搏戰二晝夜。斯軍更番禦之。波軍死者萬餘人。前鋒皆退走。澤耳士鞭

之曰。汝曹當以此爲墳墓耳。踏屍而進。再戰再卻。陣堅峙。卒不可搖。澤

耳士氣沮。謀止軍。會有土人之室。爲斯軍所毀者。道旁之室。廢於軍行故毀之。銜之。密告

波王以山後之路。澤耳士夜選死士三千人。踰嶺穿林而下。晨光微熹。

佛西亞軍聞林間嘶馬聲。猝起不及備。潰而走。略尼達聞之。驚曰。大事

去矣。斯巴達軍律。至死不得離戰守地。揮與國兵皆散去。留麾下三百

人自衛。冠服拜國神。命衆蓐食。低斯比兵不肯去。誓與同死。夜斫波營

入帳下。澤耳士方臥。赤足跳而免。殺千餘人。波軍驚而相鬪。死者無算。

天曙退保德爾摩比勒。波軍前後夾擊。略尼達提矛血戰。傷而死。其親軍及低斯比兵踞高阜。環而拒敵。波軍圍之。數重。更番攻之。皆戰死。無一降者。是役也。波軍死七萬人。斯軍死者千人而已。澤耳士歎曰。希人眞鐵漢也。後希人施摩迪立碑頌其烈。過其地者。率下馬指顧爲之悲歌。泣下。低徊不置。德爾摩比勒大戰之三日。波船入亞的密修汊口。底米斯多基利懼不敵。沿海汊而南。退入加勒基斯峽。峽隘可以扼戰。軍之以待。聞波船遭颶覆。駛回攻之。猶利別低怯而逃。猶庇亞人賚銀三十他倫。每一他倫約合中銀二千三百犒希師。底米斯多基利分啖船長。俾力戰勿退。衆得金。志始固。波軍謀出希船後。堵之汊中。分戰船二百。遶行猶庇亞島。希人撲攻。奪其艦三十。夜風作。猶庇亞島之船盡覆。次日雅典增戰艇五十。猛戰兩日。波船多折傷。翌晨。略尼達敗耗至。急揚帆去。退保撒拉米島。亞的密修所以保德爾摩比勒後路。今德爾摩比勒既失。守之無益。故退師沿海。澤耳士以精兵三

島。亞的密修所以保德爾摩比勒後路。今德爾摩比勒既失。守之無益。故退師沿海。澤耳士以精兵三

十萬。付馬多牛。伐德沙利。而自將大軍。焚掠而進。時同盟諸國。皆懼。無戰志。德沙利以波軍壓境。謀自保。斯巴達議保哥林多。要隘爲守。衛伯羅奔尼蘇全地之策。底米斯多基利曰。善禦敵者。禦諸境外。無雅典。是無哥林多也。斯巴達大將保撒尼一作實不許。白阿西國在哥林多之北聞之。遂班師。爲自守計。底米斯多基利以同盟軍散。雅典不能支。悉城中之衆。遷於撒拉米。哀基那德來賽諸島。九月。波軍次城下。四門皆洞啓。入而視之。則空城矣。縱火焚之。率水師諸艦蔽海而下。據法來倫灣。底米斯多基利合戰艦三百三十六艘。內雅典二百四十艘。斯巴達五十艘。哥林多四十艘。哀基那六艘。合之奪獲波船三十則。三百六十六艘。扼撒拉米海港以待。在阿的加撒拉米之間。與諸帥議方略。斯帥猶利別低欲退守哥林多。爲陸軍援。哥人然之。底米斯多基利執不可。曰。出撒拉米一步。則衆皆鳥獸散矣。不然者。惟有留雅船於此耳。以波師之衆。并力敵之。猶懼不及。况分之乎。死無地矣。因固請戰。猶利別低不應。乃急遣腹心一人。僞爲叛。

者。詣。波。王。曰。希。船。將。以。明。夕。遁。不。速。攻。必。失。之。波。王。整。隊。繚。希。船。而。陣。
翌。日。黎。明。亞。利。低。代。駕。飛。艇。穿。波。船。叢。中。詣。希。軍。見。底。米。斯。多。基。利。曰。
波。船。逼。矣。與。諸。軍。帥。登。船。樓。瞭。望。左。右。前。後。皆。波。軍。也。波。王。踞。高。阜。設。
寶。座。指。揮。船。皆。三。面。進。希。人。知。已。合。圍。無。遁。路。戰。志。始。決。初。亞。利。低。代。
爭。禦。波。策。議。不。合。去。國。及。聞。略。尼。達。敗。狀。知。陸。軍。不。可。恃。乃。喟。然。歎。曰。
底。米。斯。多。基。利。真。神。算。也。因。說。巴。路。斯。米。羅。底。羅。一作羅洛斯 一作地羅司 一作底羅斯 一作堤崎 三。島。
得。兵。船。十。八。艘。率。之。以。行。夜。爲。商。舶。飾。始。得。達。君。子。曰。亞。利。低。代。所。謂。
觀。過。知。仁。者。也。忘。己。之。私。急。國。之。難。從。人。之。謀。仁。之。屬。也。詩。曰。兄。弟。鬩。
於。牆。外。禦。其。侮。每。有。良。朋。烝。也。無。戎。其。亞。利。低。代。之。謂。乎。波。王。督。戰。艦。
四。百。聯。檣。而。進。希。人。知。必。死。皆。自。爲。戰。希。船。狹。身。尖。首。運。掉。靈。捷。便。馳。
突。會。風。浪。作。波。船。自。相。擊。希。人。乘。之。截。其。軍。爲。二。底。米。斯。多。基。利。率。死。
士。躍。而。登。奪。五。十。艘。戰。至。午。波。船。覆。二。百。艘。浮。屍。覆。海。沈。船。塞。港。路。後。

軍不能進。港內之艦悉奪燬。四百艘無一存者。澤耳士踞寶座。使史官紀諸將戰功。見敗報涕泗收兵。爭奪港路以走底米斯多基利。欲波王之速去也。宣言曰。雅人將燬浮橋。絕波軍歸路。澤耳士聞之。懼令其餘艦歸守浮橋。留馬多牛統精兵三十萬戍希臘。遂乘漁舟出雅典。糧械盡萎棄。狼藉於道。至答拉西度歲。嚴冬寒冽。人馬多凍餒以斃。烏虜吾聞諸孫子曰。疾戰則存。不疾戰則亡者。爲死地。兵士甚陷則不懼。無所往則固。深入則拘。不得已則鬥。是故其兵不修而戒。不求而得。不約而親。不令而信。撒拉米之役。御不齊之軍。貳心之士。速敵以蹙之。陷衆以生之。兵法所謂致之死地者也。底米斯多基利其神於謀者歟。波王恃衆而不善用其衆。宜乎其澤若蕉也。底米斯多基利謀大創波軍。收復小亞洲。約年諸部。與諸將議曰。撒拉米之戰。波之水師。膽已折矣。我若率戰勝之師。逕搗米勒都。以徼其歸。則小亞洲脅屬之邦。必有倒戈應。

者○波○斯○水○師○可○盡○覆○也○夫○地○中○海○所○以○界○東○西○也○收○我○之○族○以○為○外○援○
我○憑○其○膺○而○約○年○諸○城○拊○其○背○其○敢○復○肆○西○封○乎○夫○而○後○莫○能○為○希○臘○
毒○已○衆○皆○躍○然○起○曰○此○萬○世○之○策○不○可○失○也○遂○率○各○國○海○軍○東○發○出○底○
羅○拿○革○梭○二○島○之○間○屯○於○拉○代○

周敬王四十一年壬戌西元前四百七十九年
希臘二百九十八年春截波斯水師於密加勒一作麥加利
一作美加利

一作米
安河德口波師怵於水戰謀拽船登岸與陸軍合禦之底米斯多基利乘

風縱火聚而殲其師揮兵升岸與其陸軍戰於米勒都城外約年諸族
皆叛波反刃腹背夾攻呼聲震天地波軍死者數萬人澤耳士僅以身
免引殘兵四萬狼狽回國如送葬者約年十二城遂叛波復自主時雅
典曹兵燬神殿民廬無一完者都人還國締構新居波帥馬多牛既克
德沙利馬其頓耶卑路在西元前四
百八十年傳檄希臘諸國使納降無應者雅典且
辱其使夏馬多牛率大軍三十萬發德沙利進至阿的加雅典無城守

再燬於兵。雅人乞援於斯巴達。斯人聞警，徵兵於國，得十一萬人。以保撒尼爲帥。保撒尼者，斯王略尼達季子之師也。秋八月，馬多牛次德巴。德巴怨雅典，助之以兵。保撒尼軍於白阿西。雅將亞利低代帥師會之。兩軍相持，至十日。希軍患渴，諸將請速戰。保撒尼不應，傳令退師。依水草以屯陣，儼不成列。左右軍又相去遠。亞利低代率雅典兵爲左軍，哥林多爲右軍。波軍乘之，直薄中軍。前立木牌，矢從牌後發。萬鏃蝗飛。斯軍擁盾伏不動。多矢傷者。保撒尼卜之神，不吉。衆大恚，再禱於禧禩。一作希來大。女神低斯比人憤而起，曰：厲兵坐甲，以求敵也。敵至而禱，又何求焉？乃先以其師出而禱於女神者。兆亦變。遂羣出搏波軍。波人以短兵接戰。希人披重甲，擁盾持刀，間以長矛，如堵牆而進。白阿西復出軍蹙之。波人大敗，匿壘下，堅守不敢出。適雅典破德巴軍，斬三千人，捷而歸，躍登其壘。內外擊之。馬多牛乘白馬潰圍走。斯人追而斬之。波軍三十萬，無倖脫者。希人以所獲輜重獻

其十之一於特爾斐廟。復取其二以與白阿西。葬戰死者而守其墓。餘則藉諸國出軍之數而均分之。並相約以戰勝之場。尊爲聖地。底米斯多基利自小亞洲返國。引兵會之。諸國論功。皆曰。徹底米斯多基利之力不及此。贈以橄欖冠。車一乘。勇士三百。巡行希臘諸邦。所至張盛宴饗之。踰月而返。烏虜。希臘之人。貪利而忘義。徇私而廢公。國各一心。散而多忌。爲波斯計者。苟持久以疲之。分兵以渙之。則全希臘合之師。不降則潰耳。斯巴達與雅典貌合心違。且以軍國大事。安危呼吸之間。而聽命神巫。遷延觀望。勝敗之機。其間不能以寸也。底米斯多基利勇而好謀。敏而能斷。其慮事之豫。操心之堅。赴機之速。兵法所謂巧能成事者也。易曰。師貞丈人告。底米斯多基利有焉。

周敬王四十二年癸亥。西元前四百七十八年
希臘二百九十九年雅典築新城。底米斯多基利議擴其基而三倍之。以備鄉民之避亂入城者。並築堅城於比來由斯海口。

以爲扞蔽。哀基那、哥林多聞而妬之。唆斯巴達阻其工。底米斯多基利
 說保撒尼曰：波師之不敢復西者，君之賜也。雖然，語有之曰：除惡務本。
 勿使能殖。答拉西波師之所出入也。不早圖之，後必爲厲。今波人在
 比散典者，賊我商旅，掠我船舶，實逼處此，以爲後圖。君若潛師取之，一
 舉而國可復也。夫比散典，東海之富都也。比散典即今之君士坦丁在答拉西海濱一作白山地恩一作根斯丹典君得其
 國寶，我亦恃陋而紓其難，取威樹德，以濟同欲，其榮多矣。君其圖之。保
 撒尼從之，師遂東。旣而知其謀，將阻之，而城已成矣。初，白阿西之役，保
 撒尼見波帥服用華美，羨之。至是破比散典，藉其財產，得珍寶美姬，窮
 奢極侈，心益動。因繫波王族，盡知其御國儀制，曰：希國不及也。頓萌異
 志，作威福，不恤軍士。且奉書於波王，以王女請，曰：苟不以爲辱，而聯兩
 家之好，則全希之地，皆王屬也。事洩，斯巴達召之還，而約年諸城之來
 會者，亦惡之。以雅典水軍帥亞利低代主其軍，及斯巴達代者至，而比

散典已歸雅典。無聽其節制者。

周敬王四十三年甲子。西元前四百七十七年亞利低代會小亞洲之約年。哀約利。

鐸利亞諸埠於底羅之亞波羅廟。編年表記於西元四年四百七十年締新盟。定載書曰。同心并

力。以禦波斯。各量其力。藉兵與艦。以備不虞。無者輸金代之。有渝此盟。

俾隕厥世。歲入之數。儲之公庫。置官司守之。於時小亞洲諸城奉雅典。

為盟長。主水軍。伯羅奔尼蘇諸國。奉斯巴達為盟長。主陸軍。主民政者。

向雅典。主紳政者。向斯巴達。交讐互忌。相為雄長。而底米斯多基利益。

修戰備。招俊父。開商塢。築海塘。高六十尺。歲造戰艦二十艘。以益海權。

國富兵強。遂霸西方。底米斯多基利之力也。

周元王元年乙丑。西元前四百七十六年米力泰底子西門。一作克門伐西魯。司克之。

周元王六年庚午。西元前四百七十一年底米斯多基利出奔亞革斯。初保撒尼

回斯巴達。國人控其有異志。案未定。潛走小亞洲。誘諸國起兵。斯人知

之復召之返。乃與亥羅得謀革斯巴達舊政。伊佛利訊得其狀。詞連底米斯多基利。定賣國重罪。保撒尼避入神廟。餓而死。希臘志謂其死在四元前四百六十七年底米

斯多基利之說保撒尼伐比散典也。為築城計。非有異謀也。有忌其權者。控其居亞洲索諸國財賄。用牌滿六千公決法。逐之出境。奔亞革斯。

烏庫。吾觀希臘之制。國人之登仕版。隸軍籍者。率不給祿。其下吏則薄予餼。凜以瞻其身。厥後雅典取外藩之地。始日得金幣三奧薄羅。故多

以賄行者。甚非先王重祿勸士之道也。上失其制。而責人以廉。豈平情之論哉。底米斯多基利之初禦波師於亞的密修也。猶庇亞贈之銀三

十他倫。底米斯多基利遂藉以分啖船長。而戰志始固。其所謂受各國財賄者。大抵即此類也。希人私而多克才智之士。鮮有以功名終者。若

底米斯多基利者。尤可痛也。底米斯多基利居亞革斯七年。憤懣不得志。奔波斯。時澤耳士為其臣所弑。西元前四百六十五年太子亞答澤耳士一作緯克西斯嗣作亞哈綏營嗣

立。因上書曰。先大王之敗。臣無所逃罪。苟徼君之惠。不以羈臣釁鼓。錄之左右。則請以事希者事波。波王得書大喜。待以賓禮。未幾病卒。君子曰。底米斯多基利之在雅典。斯巴達之所畏也。保撒尼之獄。以無稽之語。間而去之。雅人不察。墮人之術。自壞長城。詩所謂彼求我則如不得。執爾仇仇亦不我力者。如與得德也皆通字言既求我之法而又不德我執爾之仇仇亦不以爲我之力也詰者多失之其雅人之謂乎。

周元王七年辛未。西元前四百七十年希臘三百七十年亞利低代爲雅典亞爾干。國人負戰勝波

斯功。平民皆思充官吏。預國政。與富室等。亞利低代爲富室魁。創議改國制。且告諸貴族曰。民心易矣。守舊不變。以犯衆怒。則蕭牆之禍。可立待也。貴族然之。乃改舊章。齊貴賤。雖貧而無業者。苟有德孚衆望。悉得入民會。舉亞爾干。於是民政之權。又一變矣。

周元王八年壬申。西元前四百六十九年希臘三百八十年西門掠答拉西。

周貞定王元年癸酉。西元前四百六十八年希臘三百九十年雅典亞爾干。亞利低代卒。西門爲亞

爾干。斯時之亞爾干非若前之一年一易矣。

西門性正直誠厚。善將略。有父風。其為治先義後利。崇實黜華。而尤以結好斯巴達。合同盟諸國。共禦波斯。為外交政策。識者韙之。亞革斯滅斯西那。

周貞定王三年乙亥。西元前四百六十一年希歷三百六十一年

波王亞答澤耳士。以海軍伐約年諸

埠。大臣希斯姆諫曰。我軍新立。未可以逞。以我之驕。敵彼之堅。戰必敗

也。師不可以重辱。君其止之。王弗聽。自將之而行。雅典救之。敗波師於

歐里麥同。在西頓相近處。一作猶利米頓。

陸師亦潰。西洋史要云。雅典率同盟戰艦。以喀蒙為將。再破波軍於蘇烈司。復敗其陸軍於尤利美頓。尤利美頓即歐里麥同。喀蒙即西門。得

其濱海之地。求桑。設戍而還。

周貞定王四年丙子。西元前四百六十二年希歷三百六十二年

雅典造大書院。

周貞定王五年丁丑。西元前四百六十三年希歷三百六十三年

斯巴達地震。死三萬人。亥羅得作亂。

斯人征之不克。赴雅典乞援。衆曰。斯人不道。以怒其民。彼之禍。我之福

也。奚救為。西門曰。拯災急難。親鄰之道也。且與彼有成約矣。不可以貳。

帥師伐之。叛黨平。而斯人疑西門有異志。促其歸國。雅人以爲病。怒斯

巴達。并及西門。希臘志謂在西元前四百六十二年。編年表記於此年。而終於西元前四百六十一年。

周貞定王七年己卯。西元前四百六十五年。希臘三百六十五年。雅典再敗波斯軍於海上。

周貞定王八年庚辰。西元前四百六十六年。希臘三百六十六年。底羅公庫還於雅典。初底羅同盟之

後。諸國之應守年例。納船及兵者。久之皆以銀代。貢之雅典。儼同屬藩。

諸國亦無遣官會者。歷十有七載。遂遷諸雅城。攘其金爲官吏私俸。會

中二三小國。始有離志。拿革梭島首背盟。雅典伐之。復謝罪聽命。然小

亞洲諸城之服屬波斯者。藉此會均復自主權。故亦相與安之。不以爲

暴也。

周貞定王九年辛巳。西元前四百六十七年。希臘三百六十七年。埃及聞波斯敗於雅典。謀自立。國人

依奈路。一作阿爾。與阿完第。一作羅。起兵。殺波斯方伯。亞答澤耳士發軍三十

萬。使其大將麥加比斯。一作末加皮。率而伐之。埃人求援於雅典。雅典許之。波

師乃還。

周貞定王十年壬午。西元前四百五十九年。希臘三百十八年。雅典亞爾干西門被逐。編年表記於四百六十一年。謂西門又助斯巴

達斯巴達不納遂逐西門西門為貴紳黨魁。善將知兵。有大功。以救斯巴達。為國人所惡。

時亞革妙尼代族有比哩吉。培一作不里格異一作貝里革利一作力歷一作伯理起一作沛俚客例者為平民黨魁。見

雅典自戰勝波斯後。政俗大更。向之鄉居野處。專力農耕。不入城市。不

預國務。朴順而樂從令者。至此一變。而為貿易繁勝之區。交涉往來。肩

摩。擊。濱。海。新。城。多。事。商。賈。殖。貨。財。以。成。巨。富。者。俗。尚。華。靡。知。識。開。達。

無。復。舊。時。固。陋。之。風。且。其。水。師。戰。艦。雄。峙。海。東。權。力。所。伸。有。大。莫。與。京。

之。勢。世。變。已。極。若。一。矩。舊。章。而。不。知。因。時。赴。會。達。變。適。宜。無。論。二。三。貴。

紳。挾。制。之。力。才。智。之。私。不。能。馭。其。衆。而。愚。其。心。也。而。舉。國。之。民。習。為。驕。

奢。囿。於。習。染。學。識。不。進。禮。義。不。知。上。與。下。不。同。心。貴。與。賤。不。同。體。首。尾。

橫。決。國。制。槍。攘。是。摻。亂。業。握。危。勢。也。且。謂。斯。巴。達。政。治。向。與。雅。典。志。術。

不。同。雅。典。今。日。之。勢。尤。爲。斯。人。所。深。嫉。世。之。論。者。欲。以。斯。巴。達。之。政。改。治。雅。典。所。謂。非。徒。無。益。而。又。害。之。也。兩。國。之。交。必。不。可。恃。衣。裳。之。會。已。伏。戎。機。不。久。必。有。以。干。戈。見。者。爲。今。之。策。惟。有。廣。開。民。會。興。文。藝。俾。人。人。盡。其。才。懋。其。德。擴。其。智。公。其。議。共。其。政。富。益。求。富。強。益。求。強。永。主。齊。盟。恢。張。國。勢。要。在。利。導。之。教。誨。之。整。齊。之。而。已。論。旣。出。與。西。門。政。策。反。雅。民。翁。然。宗。之。西。門。遂。以。牌。滿。六。千。公。決。法。出。境。於。是。平。民。悉。入。國。會。理。庶。政。審。訟。獄。量。大。小。官。吏。給。以。俸。銀。廢。亞。略。巴。古。會。阻。撓。新。例。之。權。而。公。諸。一。國。以。米。加。拉。山。屏。蔽。雅。都。因。與。結。盟。息。兵。以。爲。將。來。抵。禦。斯。巴。達。之。策。兩。國。之。交。遂。絕。烏。虜。哲。學。出。而。羣。學。興。羣。學。興。而。羣。治。乃。盛。西。人。赫。胥。黎。斯。賓。塞。之。徒。集。希臘。以。來。格。致。諸。學。之。大。成。始。撮。其。大。旨。著。爲。書。以。昌。言。之。至。於。今。而。其。效。遂。益。彰。大。行。於。世。何。其。懿。也。然。吾。讀。管。荀。莊。莊子天董。春秋繁露之。書。皆。善。言。羣。班。孟。堅。氏。亦。言。不。能。羣。則。不。勝。

物。不。勝。物。則。養。不。足。而。溯。其。原。曰。愛。推。其。弊。曰。爭。此。皆。唐。虞。三。代。聖。帝。賢。王。相。傳。之。羣。學。故。其。說。時。時。見。於。百。家。諸。子。之。編。可。覆。而。稽。也。及。反。復。於。六。經。孔。孟。所。言。成。己。成。人。之。道。蓋。無。一。非。羣。之。治。卽。無。一。非。羣。之。學。今。之。論。者。乃。以。爲。世。所。創。解。而。人。所。創。聞。豈。不。弇。哉。赫。胥。黎。之。言。曰。合。羣。之。道。平。爭。而。已。平。爭。之。道。去。私。而。已。私。一。日。不。去。則。爭。一。日。不。除。則。羣。一。日。不。合。故。進。羣。之。道。必。自。治。私。始。吾。謂。私。也。者。天。之。所。賦。而。人。之。所。同。不。可。去。亦。不。能。去。者。也。善。治。私。者。推。一。己。之。私。以。絜。衆。人。之。私。卽。積。一。國。之。私。以。成。一。國。之。羣。其。所。以。平。羣。以。內。之。爭。者。在。此。其。所。以。敵。羣。以。外。之。爭。者。亦。在。此。雅。典。之。梭。倫。革。雷。斯。低。尼。亞。利。低。代。比。哩。吉。皆。善。積。其。私。以。合。其。羣。者。也。私。之。數。積。之。愈。多。乃。羣。之。力。合。之。愈。大。惜。乎。希。臘。諸。人。知。合。一。國。之。羣。而。不。知。合。衆。國。之。羣。乃。終。以。爭。喪。其。國。也。悲。夫。

周貞定王十一年癸未西元前四百五十八年希臘三百十九年哥林多哀基那怨雅典懼西門不

敢發聞其出也聯軍伐之雅典以水師封哀基那海哥林多進攻米加

拉時雅典大軍戰波斯於埃及乃徵額外兵老稚皆執戈救之大捷立

碣紀功於米加拉城

周貞定王十二年甲申西元前四百五十七年希臘三百二十年白阿西畔德巴與雅典盟德巴為

比約低亞盟主由是怨雅典以斯巴達為紳政國喜其類已也與之盟

強諸國改紳政雅之貴紳潛赴斯巴達乞為之援斯巴達乃大會德巴

以里底亞佛西亞羅格利諸使於猶庇亞還道雅典謀襲之比哩吉潛

完守具戰於達那革拉一作淡那格拉雅人敗斯巴達以城中有備班師越二月

雅典入以里底亞伐德巴克之逐貴紳易民政佛西亞羅格利聞之懼

皆改民政國於是雅典轄屬之權直闕及德爾摩比勒矣

周貞定王十三年乙酉西元前四百五十六年希臘三百二十一年雅典以西門有將才召之歸國時

雅典與鄰國多兵事。築長城二道。扞敵人之陸路。圍雅者。起雅典至比來由斯。長十二里。中濶六百尺。以通海運之糧。駐水師海口以鎮守之。

編年表始於西元前四百五十八年。三年始成。西史綱目謂西門創設非也。

周貞定王十四年。丙戌。西元前四百五十五年。希歷三百二十二年。雅典取哀基那爲屬地。比歲一頁。

著之爲令。

周貞定王十五年。丁亥。西元前四百五十四年。希歷三百二十一年。白的開第一一爲馬其頓王。是爲第八王。編年表

云是年與斯巴達攻雅典。羅馬遣三大臣入雅典學律法。三年歸國。頒行之。

周貞定王十九年。辛卯。西元前四百五十年。希歷三百二十七年。西門以波將麥加比斯征埃及久

不下。與衆議曰。波師老矣。若覆其海軍。以斷埃軍之饗道。則阿完第之

圍可解也。西元前四百五十五年。波斯破埃惟阿完第守險不下。乃率水師攻波軍於毆里麥同河畔。斬其

將阿得倍助。奪師船百艘。波軍大敗。埃及之師。聞饗道絕。均無鬪志。有

潰而還國者。西門與斯巴達講和。訂息兵五十年之約。希臘志謂在西元前四百五十二年。今從編年表。

周貞定王二十年壬辰。

西元前四百四十九年
希臘三百二十八年

波斯王亞達澤耳士聞毆里麥同

之敗。悉發水師屯居比路島。以爲麥加比斯援。親師大軍以伐約年諸
埠。西門擊之。盡覆其舟。水師大敗。居比路島降。麥加比斯班師至基利
家。西門登岸邀之。波軍見雅典旗幟。皆股慄奪氣。西門蹂以鐵騎。士卒
爭奪路走。相踐踏而死。狼藉數十里。麥加比斯廕以身免。亞答澤耳士
方攻約年。敗耗至。夜起繞帳行。平明。卑辭求成於西門。約棄小亞西亞。
約年復獨立。並禁波船往來希臘海中。遂罷兵。兩國相爭。垂四十年。至
是始定。西門歸國。尋卒。國人惜之。西門沈毅多謀。每戰皆身先士卒。雅
典名將。鮮有及之者。然主紳政。與比哩吉不同術。初比哩吉亞革亞略
巴古大會之弊。以哀法體主其政。貴紳惡之。賊於途。議者藉藉羣指西
門。其被逐也。比哩吉實援薦之。烏虜是亦西國之廉頗藺相如也。

周貞定王二十二年甲午。

西元前四百三十七年
希臘三百三十年

比哩吉爲雅典亞爾干。比哩吉

忠廉莊實。殫心國事。能與時變通。拚廢起墜。庶績咸舉。而以振興文藝。闢地通商。爲富強之本。以順民心。開民智。伸民權。爲政治之原。自柄國政。皆大反西門所爲。其鼓舞國民之方。率皆本俗之所習。爲人之所性。喜誘而進之於高明之域。禮義之鄉。故當時文學大行。其詩歌技藝。雕繪諸事。卓絕全希。神廟巨工。一變而爲幽靜安閑之式。並集古今戰事。繪之廟壁。設賽樂會。延善詞賦者。製劇場諸曲。排而演之。以爲興觀羣怨之助。愛西古羅一作哀斯基路作傳奇本六十六種。善爲疆場戰鬥之狀。馬其頓之戰。仗劍軍中。故所製皆實境。激昂喟歎。觀者多感奮。發人忠愛。此爲

第一詩人亞那格來恩一作佛革利善言兒女情私。贈佩題襟。冶辭蕩志。此爲第一家繼有毆里比代一作利比低猶者。所作傳奇。多閨闈之事。聽之靡靡。令人悲涕。此爲第二家嗣亞里斯多法尼出。善戲謔。詼諧百出。見者恒破涕爲笑。然性喜守舊。見新政出。諷詠刺譏。輒於戲文中發之。更爲延致。約年格致諸家聚雅。

典。雅典風俗以天地間萬事萬物皆有神司之曰為尊神之一比哩吉之師安那薩哥拉嘗祭日輪元質適如頑石與地球同類衆指為大不敬幾殞於死

是哲學蔚興。神人雜糅之俗。又為之一變。比哩吉善辭令。洪聲如雷。聽者各厭溢歡。持無不如志者。主盟希臘十有餘年。威震四鄰。國人尊之曰阿林皮。譯言天人也。初時庶尹百司奉職效國。皆無俸。有戰事。民始納稅助國用。比哩吉為定軍官爵祿之制。通制國用。年納稅如常。初年歲入四百六十他倫。季年增入六百他倫。烏庫郁郁乎文哉。比哩吉懿文典冊。墜夫學校神宮。審院劇臺石鏤諸像。宏規遺址。今猶有存者。西人珍羨之曰。亘古末之匹也。司馬氏有言曰。夏之政忠。忠之敝。小人以野。故殷人承之以敬。敬之敝。小人以鬼。故周人承之以文。文之敝。小人以僿。故救僿莫若以忠。三王之道。若循環。終而復始。吾觀希臘之世。終始三代。曠若合符。何其類也。比哩吉當國。工商之盛。文學之隆。正值周人文盛之時。豈非天運哉。然人文物巧。隨世嬗遷。嚮時雄偉。駿爽朴直。

之風一變而爲靡聲曼色嘽緩驕淫之習則又盛衰之機相爲倚伏者子貢曰見其禮而知其政聞其樂而知其德君子於此覘世變焉

以里底亞諸城貴紳歸國奪民政權雅典攻之戰於哥羅尼亞一作可雅

將圖魯米一作土的魯米的死之以里底亞遂脫雅典羈勒佛西亞羅格利均自立

周貞定王二十四年丙申西元前四百四十五年希歷三百三十二年米加拉猶庇亞畔雅典歸斯巴

達斯巴達以息兵期滿從同盟之請擊阿的加比哩吉賄其軍將使撤

兵而自將大軍征猶庇亞米加拉平之斯人聞之復伐雅典雅典行成

斯將曰以里底亞佛西亞羅格利諸國永復自主則和可議也比哩吉

許之立息兵三十年之約於是屬雅典者僅瀕海諸島而全希之國皆

奉斯巴達爲盟主矣

周貞定王二十五年丁酉西元前四百四十四年希歷三百三十三年希人希羅多都士偏游諸國徵

文考獻證以己所見聞著史九卷詳載波希戰事嘗往埃及得古書考

其輿地城池廟宇墳墓宮室器用衣服禮儀風俗政教事無鉅細皆博

咨而詳記之是為西人歷史之祖。

泰西文字創於埃及其文初多象形繼乃益以諧聲之字自漢以來文失其傳鮮能識者近德法英意博學之儒廣搜當日石

柱石楮石室及古墓河所鑄之古文窮探冥討譯為西文蓋始自嘉慶年間寬得三種語言合璧之碑詳審校勘以希臘古文為據遂得彼二種文字大意先即其國王姓名細譯其文為何等音韻之端倪漸及他石推尋比例久之始曉然於埃及

爭諸事伯路大弧之史則甄取希臘及羅馬英偉之士才德功業相伯

仲者於其治國治軍比附而較論之分為立傳以定優劣之三人者泰

西後學所謂歐洲之班馬也烏虜周秦時若孟荀莊列之書稱述唐虞

夏商以往多稗官小說荒誕無稽之辭故太史公謂其言不雅馴孔子

收錄古文削自堯舜尚矣然帝王佚事簡略滅沒十不具一泊乎周季

左邱明鐸椒虞卿之徒上采春秋下觀近世始創為史體以詔後世東

周以下治亂之迹燦然灼人耳目天下之事日富以新由簡而之詳由

質而之文由味而之智自然之勢也希臘上古無史冊傳世才穎之士

古代帝王事蹟西人之好古蓋有甚於我中國者埃及帝王陵冢至今猶存六十餘座其大者而闊七十五丈高四十八丈皆方形形繼有都基底底詳載希臘諸城戰

相爲演說古事。口受傳指。人人異端。因事挹損變亂。儻忽不可究詰。希臘多都士出。網羅舊聞。著之於冊。後賢踵起。相與紹述。而後希臘之事。始稍稍有可觀者。其功蓋不在左氏下也。伊考其時。中西史學。皆在東周之後。遙遙相望。後先輝映。詎不奇哉。

周貞定王二十六年。戊戌。

西元前四百四十三年
希歷三百三十四年

雅典開瑪革尼新地。

在呂底亞之西
年表作土力恩

周貞定王二十八年。庚子。

西元前四百四十一年
希歷三百三十六年

雅典之開瑪革尼新地者。漸闢

而東。近撒摩斯。

一作黑
木斯

城。城在呂底亞之東。跨河而居。皆希臘人也。聞約

年諸埠叛波斯。謀復自主。乃通欵雅典。乞師臨之。而約爲內應。比哩吉以撒摩斯爲約年屏蔽。爲之出師。約年皆以兵從。

希臘春秋卷五

新城王樹枏著

周考王元年辛丑。西元前四百三十七年雅典攻撒摩斯。城守甚完。久不下。阿的

滿尼製攻城具。希人應之。城遂陷。取爲屬地。

周老王三年癸卯。西元前四百三十八年雅人作大樂院。

周考王五年乙巳。西元前四百三十六年哥林多屬島各西拉。畔而自立。哥人征

之。

周考王六年丙午。西元前四百三十五年各西拉敗哥林多於海。得愛必打羅。

周考王八年戊申。西元前四百三十三年各西拉遣使至雅典。立相助之約。雅典

徵會地中海島。及同盟諸國。白阿西不至。

周考王九年己酉

西元前四百三十二年
希臘三百四十五年

哥林多以水師伐各西拉。雅典救之。哥

林多敗績。乞師於斯巴達。斯巴達大會紳政國。咸不直雅典。德巴、佛西

亞、羅格利、以里底亞、及伯羅奔尼蘇諸國。皆以陸師會。哥林多、叙拉古

斯。皆以水師會。惟亞革斯、亞該亞不至。雅典聞之。檄約年。哀約利、答拉

西、及地中海諸島。皆以師從。答拉西內地王西達基一作薛他俱新與雅典。亦

師師會之。時貴紳向斯巴達。平民向雅典。斯巴達拘守舊章。不若雅典

之聰明善變。而待同盟諸國。皆有恩。得人死力。雅典視與國若臣僕。而

諸城民心。率喜雅典。貴紳則爭思背雅典。斯巴達合斯巴達。強於陸。雅

典強於海。比哩吉定議。不與斯人角戰於陸。其兵至則遷民入城。堅壁

清野。時出戰。船焚劫。伯羅諸地。多方擾之。斯巴達則以劫奪雅地之糧。

離間其同盟諸國為要策。由是希臘之地。兵連禍結者二十七年。希臘

歷法。以十二月為一年。二十九日半為一月。每年二十九日者六月三

十日者六月。嗣以其不合。乃以八年爲一周。每逢第三年第五年第八年。則各加一閏月。是年有美吞者。創爲細法。以十九年爲一周。但以日爲衡。不以月爲衡。亦不置閏。人多不便之。數百年中未有能通行之者。

周考王十年。庚戌。西元前四百三十一年。希歷三百四十六年。斯巴達王亞基達木及德巴。以里的亞。耶卑路。歐林皮亞。佛西亞。羅格利。哥林多。曼地尼。拉塞的蒙。阿喀第亞。彌西那。西基雲。叙拉古斯。聯軍伐雅典。雅典遷民於城。取其禾稼果木而還。此爲第一役。雅典與答拉西立約。

周考王十一年。辛亥。西元前四百三十年。希歷三百四十七年。斯巴達聯軍復伐雅典。城中人滿。疫

癘大作。死者相枕。執政諸人。多染疫亡者。田禾果木。盡爲敵所劫。海運

之糧不時至。百貨昂貴。雅人大困。是爲第二役。

周考王十二年。壬子。西元前四百二十九年。希歷三百四十八年。斯巴達伐白阿西。保撒尼之敗波師

也。約以白阿西爲聖地。共保護之。至是斯人以白阿西不與盟。且阻德

巴之轄屬以里底亞也。德人訴之斯巴達。斯王亞基達木廢約攻之。白阿西守城者僅四百人。雅典八十人而已。

雅典亞爾干比哩吉卒。比哩吉博學多文。外和而中介。嬉遊燕會。皆屏絕之。孜孜以憂盛危明。振興國務爲事。善談辨。每與國人昌言利弊。先禱天自矢。以示無欺。故人皆樂聞而堅信之。波斯之亂。神廟焚碎。比哩吉募金修之。人有言其不實者。比哩吉懸金葉於偶像之身。使人衡之。無絲毫差。雅典商業之盛。文學之隆。皆比哩吉開之。爲希臘第一名國。服官四十年。忌者撫其娶外國妻。疑有外私。及稽其所設施。皆利於國。無可疵者。病革之日。自言吾一生無他心。惟愛國愛民而已。雖異己者。不宿怨也。卒年七十。感疫而歿索克拉的聞之。出涕曰。胡天之禍我雅典也。國人以克勒恩一作革利豐爲亞爾干。克勒恩素業皮。爲民政黨。以口辨得民望。貴紳皆不悅也。烏慮口辨之學。盛於希臘。當時王權輕而會權重。國家

定法律更政典。暨夫戰和賦役通商諸事。必召集國人聚議於民會之

廳。登臺演說。其臺曰發言臺國人環聽其下而可否之。大都以事理詳實。辭旨昌

明。洽衆心而孚衆望者。決其行止。其言之不善。則交口議之。往往有辨

論未終。而汗顏嬌舌而去者。故當時之人。爭爲辨學。其掉三寸之舌。藉

以弋功名。覲非分者。比比皆是。雅典之亞爾干。辨學家最易得之。諸國

皆然。惟斯巴達無之。遐稽其時。核其事。蓋與戰國挾策游說之風。相韻

頡也。然彼則以口辨傾其君。此則以口辨餽其民。抑何東西之學。不謀

而合如此哉。孔子曰。不有祝鮀之佞。而有宋朝之美。難乎免於今之世

矣。口給之學。蓋萌芽於春秋。扶疏於戰國。揣摩馳騫蔚爲風尚。然而籌

時建策。高識名議。足以爲天下後世法範者。亦於是乎徵焉。劉知幾曰。戰國虎

弄丸之辨。家挾飛錙之術。沔魏以降。周隋而往。運籌畫策。自具於表章。獻可替否。總歸於筆札。宰我子貢之道。不行。蘇秦張儀之業。遂廢矣。不第利祿之途然也。今日歐洲

之士。益踵希臘之故。智而昌之。以言取人。其所由來者。尚矣。書曰。敷奏

以言明試以功。其斯為善取者歟。

斯巴達伐亞加難亞。雅典以戰艦二十艘救之。亞加難亞者。雅典之同

盟國也。初亥羅得叛斯巴達。雅典平之。以彌西那餘民。置諸哥林多海

灣口內之璠巴革都。其地有泊船大埠。可屯水師。再西而北。則亞加難

亞也。斯巴達既圍白阿西。復以水陸之師。與其友邦安伯拉加。乃一作特分

攻亞加難亞。欲盡取雅典同盟之在內地者。雅將佛妙一作福徼之於璠

巴革都。斯人以四十七艦乘之。佛妙善指揮。進退疾徐。能出人不測。其

初戰也。以二十艘。勝斯艦四十七。斯人復以七十七艦來犯。誘雅船九

艘困之淺灘。勢瀕危。佛妙將十一艘。自璠巴革都駛出。大戰勝之。獲其

六艘。安伯拉加亦敗於雅之陸軍大將低摩底尼。一作田門斯師遂奔。

周考王十三年。癸丑。西元前四百二十八年。希歷三百四十九年。斯巴達率聯軍伐雅典。分遣辨士。赴

雅典同盟諸國。說之叛雅。絕歲貢。利斯波一作不從之。此為第

哲學士安那薩哥拉一作阿那哥拉士一作阿拿卒。安那薩哥拉一作克呂底亞一作克人。

客沙哥喇一作恩薩可拉

鑿們尼

生於西元前五百年。家富厚有勢。然刻志攻學。不役於物。弱冠游雅典。知名士見者皆傾倒。引爲忘年交。無敢以師禮自處者。學成而家落。衣食常不給。曰。田之第荒。困吾身心之荒。則窳吾神。吾甯饑吾身。必不使塞吾心也。乃立講堂以教生徒。英才輩出。索克拉的。畢立吉。等皆出其門。嘗言。凡物各有元質。至無而舍。至有。至小而成。至大。萬物之始。元質爲之。萬物之終。亦元質爲之。然第恃元質。而無至聰至明者。位置其間。亦不能合小大精粗。而無不貫也。其中有形有神。形顯而頑。神純而全。此靈明之府。所以爲貴也。萬物之本原。論者或謂之水。或謂之火。或謂之氣。不知水火氣三者皆蠢物也。烏能布置此無萬體質。使之釐然各當耶。蓋有至大至妙至一之精。以主之也。其論心之智慧。則折衷仁諾法蘭斯。黑拉克利底。二子之說。謂心之智慧。非耳目之官。無自入。耳目

之官。非心無自察。如外有薰蒸之氣。目見為煙。實心知為煙故也。使心不在焉。則所見之煙。與雲霧同。不可得而辨也。外有鼓吹之聲。耳聞為樂。實心知為樂故也。使心不在焉。則所聞之樂。與牛鳴犬吠同。不可得而分也。安那薩哥拉善談名理。而元質之說。為千古創論。後世化學家宗之。安氏分物質為無量數。特母克理底伊璧鳩魯皆言物質之數。有限而可得。剖分剖分至極微。以不可剖為限。命之曰阿屯。數學星學。亦有名於世。雅典

以其不拜神。忌者搆之。逮諸獄。論死。畢立吉以貴紳力救之。得減為流。有嘲之者。曰。非我棄雅典。雅典棄我也。窮達死生。夫何損於我哉。正恐無益於雅典人耳。後病篤。門人請立碑誌其教。安那薩哥拉曰。汝曹於吾去世之日。歲解館休息一日。以誌哀思足矣。年七十三卒於配所。門人厚葬之。立碑於其墓道之旁。世稱希臘七賢有溫白德爾。一作曉披鐸黎。一作恩多比吉。者。不信安那薩哥拉無數元質之說。謂天地間元質。土氣水火四者而已。一作地水火風。一作土水木火。四者互相調和。無物不生。無物不成。奚俟此無數

立去。一作思。備德。牟利。

一作曉披鐸黎。一作恩多比吉。

之元質爲耶。元質之位置。有幹濟而不恃乎幹濟。有智慧而不恃乎智慧。則愛之原動力也。試觀五穀百果。有何幹濟。有何智慧。而乃饑而食。食而飽。其中滋味。咀嚼不厭。非有愛之心存乎其中。烏能使人若是哉。難者曰。萬物之生成。皆愛之原動力爲之。若傷殘萬物。滅亡萬物者。誰耶。曰。此憎之原動力而已矣。或曰。憎之原動力。有神主之乎。曰。有愛之神。有憎之神。自古相與爲敵者。同一人也。一欲其生。一欲其死。同一物也。一欲其成。一欲其敗。卽此二神爲之也。愛之主宰。雖無四支五官。而固無所不見。無所不聞。無所不至也。蓋無目而一身皆目。無耳而一身皆耳。無手足而一身皆手足。所由以簡御繁。以一統萬。而有管理世界之能也。溫白德爾。西齊里之叙拉古斯人。生於西元前四百八十年。謂或

生於西元前四百九十年間

世爲貴族。富而嗜書。游學東方。工詩。善醫藥。卜筮。有生知之目。

喜施與貧民。長於政治。爲共和黨魁。島民舉爲王。不屑就。其貌魁偉。服

飾甚都。金帶珠履。常戴橄欖冠。望之儼然。年老愈狂誕。信輪迴之說。不嗜葷酒。自言有神術。能呼喚風雨。顛倒萬物。不疾而速。不行而至。蓋其學本之印度之婆羅門。波斯之祆教。無足稱者。一日設宴。飲親朋。忽失所在。或曰。天降寶座。溫白德爾乘之。飄然去矣。後埃德納火山崩。得其所著銅底一履。人始悟其投火而死。欲人之神之也。

周考王十四年甲寅。

西元前四百二十七年
年希歷三百五十年

斯巴達攻白阿西。築長垣困之。絕其

糧道。白人議曰。事急矣。出城人之半。則少食而糧可久也。會天寒。夜大風作。守陴之士三百二十人。梯垣而逸。盡殺其戍卒。斯軍追之。獲其一人。久之城中糧絕。出降。斯人屠之。夷其城。遂率聯軍伐雅典。此爲第四役雅典封利斯波之大城美低利尼。一作密利尼口食盡而降。克勒恩命籍其人。年二十以上者盡屠之。既而悔之。收其令。則已殺千人矣。斯巴達救之。弗及乃還。

各拉西貴紳謀傾民政。絕雅典盟。乘機奪軍械局。踞船廠。殺民會黨魁。國人怒。攻之。七日夜。貴紳敗。戮其孥。脫者五百人。壘山而守。國人周其壘。貴紳哀之。請致諸雅典。曰：生死唯雅典命也。國人僞爲諾者。及其出也。盡斬以徇。

周考王十五年乙卯。

西元前四百二十六年
希臘三百五十一年

雅典地震。大疫不止。死者無算。斯巴

達安伯拉加合攻亞加難亞。雅典陸軍將低摩底尼率師救之。斯人安人釋亞加難亞之圍。與雅典戰。安軍居前。斯軍繼之。低摩底尼伏諸隘以待。安軍過。起而截之。誓於衆曰：攻其前。斷其後。安人敗。則斯軍不戰而走矣。諸君勉之。底摩底尼先士卒出。斬其將。張左右翼圍之。戰竟日。安軍大潰。死千餘人。斯巴達阻於伏兵。不得前。聞安人敗。收軍而遁。底摩底尼乘勝檄海艦載陸軍而東。取比路。一作派魯海角。築塞壘。繕甲厲兵。蹈隙以取彌西那。游弋伯羅奔尼蘇各海口。復間亥羅得使叛斯巴達。斯

人大震。此為第五役

周威烈王元年丙辰。西元前四百二十五年 希臘三百五十二年斯巴達率水陸軍攻雅典，營於斯法

底利島。距比路甚邇雅典以水師圍之，逼入港內，斯船膠於淺，雅人封其口不

得出，並困其陸軍於島，時以比路之師分擾彌西那，所至焚掠一墟，斯

人大困，伊佛利來請成，克勒恩曰：改民政，奉雅典為主盟，則和可議也。

斯人恥之，雅典以克勒恩為水軍統領，命尼施亞一作尼加斯 一作仁志惠斯攻取古低

拉島。在伯羅奔尼蘇東南 海外一作古地阿雅人既得此地，與比路相犄角，以規斯巴達緣海諸

埠，斯人益蹙。此為第六役

周威烈王二年丁巳。西元前四百二十四年 希臘三百五十三年雅典伐德沙利，初兵之起也，比哩吉

戒雅人勿爭陸戰之權，至是驟勝而驕，不復守初議，德巴救之，戰於低

連。一作地 里恩德沙利僞敗走，雅人追之，德巴潛師奪其壘，德沙利返兵與德

巴夾擊，大敗之。

斯巴達王亞基達木親帥大軍攻比路。並救斯法低利之圍。雅人之屯古低拉者偵知之。圍其都城。亥羅得族皆叛而應雅。雅人燒其市肆。火光燭天。連七日不息。斯民多遭屠掠者。亞基達木聞警回救之。雅人微而敗諸隘。王奔入城。固守不出。斯法低利援絕食盡。藉其船。降於雅典。雅人斬其貴胄之統軍者。俘四百人。致之雅典。此爲第七役

周威烈王三年。戊午。

西元前四百二十三年
希歷三百五十四年

斯巴達求成於雅典。克勒恩堅持前

議。斯人請先停戰一年議之。克勒恩許之。君子曰。見可而止。知難而退。國之善謀也。雅典狃於一時之勝。而淫以要之。怒仇甚矣。語曰。小國猶競。况大國乎。君子是以知克勒恩之不能終也。雅典伐德巴。攻地司皮愛克之。與馬其頓和。

周威烈王四年。己未。

西元前四百二十二年
希歷三百五十五年

停戰期滿。斯巴達水軍大將伯拉西

達。與國人議曰。雅典水師不可敵也。吾聞之。兵形象水。水之行避高而

趨下。兵之形避實而擊虛。今雅之大軍雲屯斯境。我若潛師至答拉西。諸部煽其與國。携彼同盟。則斯巴達之圍不攻自解矣。此撤薪釜底之計。兵法所謂奪其所愛。伐交之上策也。伯拉西達敏捷善談辨。有膽勇。國人愛之。恃爲腹心。乃帥師至答拉西。數雅典之罪以聳諸城。且曰。諸君舍自主之權。而爲人奴妾。辱之大者也。安非波利一作愛里惑之。率鄰界諸城。首先叛雅。伯拉西達以水師護之。克勒恩聞之。親統水師連檣而下。伯拉西達曰。克勒恩狃勝而驕。可一戰禽也。駛人陣中。持矛搏戰。躍登雅典船。奪其五艘。負重創。裹傷而鬪。日暝始收軍。伯拉西達以創劇不能治。將死。謂其副曰。戰不捷。勿殮我也。詰朝復戰。斯軍積忿。皆致死。大敗雅軍。克勒恩立船首督戰。一卒跳而刺之。克勒恩仆。斬之。左右救之。不及。殺其卒。雅軍奔撤拉米。克勒恩狃於常勝。欲立奇功。然不善將。失操縱法。故軍多於斯。卒爲所敗。雅典自立水師以來。未之有也。君子

曰。克。勒。恩。之。死。也。宜。哉。國。之。不。恤。而。日。淫。於。兵。所。謂。無。德。而。強。爭。諸。侯。安。人。之。亂。以。爲。己。榮。者。也。吾。聞。善。用。兵。者。役。不。再。籍。故。兵。貴。勝。不。貴。久。兵。久。未。有。利。於。國。者。傳。曰。兵。猶。火。也。弗。戢。將。自。焚。不。其。然。哉。

周威烈王五年庚申。

西元前四百二十一年
希歷三百五十六年

尼施亞爲雅典亞爾干。不善克勒恩

所爲。斯巴達來請和。有索克拉的弟孔塞亞基庇亞底一作阿西拜阿氏一作阿而昔巴地者。固

阻之。尼施亞不聽。乃與斯將布利亞那基相議。各還俘虜。以比路歸斯

巴達。以古低拉。璫巴革都。地司皮愛。歸雅典。安非波利。則聽雅典自征

之。哥林多諸國聞之。譁然不悅。呼斯巴達爲滅公。世謂之尼施亞約。

周威烈王八年癸亥。

西元前四百十八年
希歷三百五十九年

伯羅奔尼蘇諸國之不服斯巴達者。

新立一盟。以亞革斯爲盟長。亞基庇亞底謂雅典預其盟。則伯羅奔尼

蘇諸國之事。皆得與聞。力勸國人從之。亞基庇亞底與比哩吉同族。年

少美姿容。善詞令。喜游俠。智勇有威權。敢任大事。然狂誕不自檢束。索

克。拉。的。憂。其。輕。躁。數。誨。誠。之。不。能。聽。嘗。謂。立。不。世。之。功。唯。在。於。戰。自。克。勒。恩。死。亞。基。庇。亞。底。遂。爲。主。戰。黨。魁。廢。尼。施。亞。約。會。亞。革。斯。同。盟。諸。國。伐。阿。喀。第。亞。斯。王。亞。基。達。木。救。之。戰。於。曼。地。尼。同。盟。軍。不。利。盟。遂。解。雅。人。獨。率。兵。伐。米。羅。島。島。屬。斯。巴。達。雅。典。招。之。不。從。以。兵。攻。之。一。日。而。覆。殺。其。壯。丁。擄。其。婦。孺。移。國。民。實。之。於。是。希。臘。羣。島。盡。歸。雅。典。

周。威。烈。王。十。年。乙。丑。

西元前四百十六年
希臘三百六十一年

敘。拉。古。斯。攻。哀。基。達。

一作里島

島。島。人。赴。

雅。典。乞。援。師。敘。拉。古。斯。爲。西。齊。里。紳。政。最。強。之。國。

國在西齊里東濱海

濱。海。之。岸。形。

如。北。斗。都。城。據。南。大。灣。其。小。灣。東。南。有。小。島。峙。海。中。者。卽。哀。基。達。也。敘。拉。古。斯。謀。并。吞。鄰。島。以。哀。基。達。當。其。國。之。衝。擊。之。以。兵。不。能。下。哀。人。乞。援。於。雅。典。且。啖。之。以。西。齊。里。全。地。曰。苟。憑。大。國。之。威。乘。勢。取。之。以。爲。外。藩。則。地。中。海。西。境。可。畧。而。定。也。雅。人。謀。之。尼。施。亞。曰。勞。師。襲。遠。古。人。所。難。今。興。無。名。之。衆。櫻。不。測。之。險。以。圖。不。可。必。得。之。地。非。國。之。福。也。亞。基。

庇亞底曰。此天與我也。以我水師之強。何敵不克。撫弱者味。以張國權。則地中海皆我有矣。取威定霸。其在斯乎。遂允其師。以尼施亞將右軍。亞基庇亞底將中軍。拉麻古一作羅麻迦斯將左軍。備戰艦出征。會民政黨所奉之神像。毀於盜。曳之街衢。國人懼其覆民政也。告者詞連亞基庇亞底。亞基庇亞底請面質而後出師。告者利其行。無佐證。故宕延不至。雅師遂行。

周威烈王十一年。丙寅。

西元前四百六十五年
希臘三百六十二年

雅典水軍至各西拉。同盟軍來會。

共戰艦一百三十四艘。餽械船五百。敢戰之士五千人。亞基庇亞底將至。敘拉古斯。雅人褫其職。逮問。亞基庇亞底懼。奔斯巴達。諸軍奪氣。拉麻古謀於衆曰。我軍遠來。利於速戰。宜乘其未備而擊之。衆議俟同盟之軍畢集。而陰購西齊里內應之人。相持不能決。自夏徂冬。遷延數月。未有尺寸功。敘拉古斯得以間修守備。城衛益堅。更遣使至斯巴達求

助兵。亞基庇亞底力勸斯人允其請。斯人以乞栗布一作古利布一作魏理拔一作采三德耳為將。

帥師三千救之。斯兵一千哥林多及伯羅奔尼蘇同盟軍益以二千共得三千人聽其節制乞栗布勇而銳敏老於戎事然性貪鄙故斯巴達不輕以大軍與之

周威烈王十二年丁卯。西元前四百十四年 希臘三百六十三年春。雅典攻敘拉古斯。三戰不利。拉

麻古死之。尼施亞統水陸軍。築長垣二道。自灣口以達威披樸利山。圍

而困之。復以師船塞其口。斷外糧運道。久之城中食盡。將議降。乞栗布

至大希臘。聞城尚未陷。潛遣一船偵之。突入港內。艦將樂痕而斯。至議

院。告以斯巴達救兵至狀。城人復固守待援。時雅築長垣尚未合。乞栗

布出墨西拿海峽。登西齊里北岸。闖缺隅入城。殺人觀聲雷動。兵氣復

振。乞栗布休兵一日。戰於威披樸利山。逐雅軍。橫築一墉。以斷其圍。雅

軍輟工。屯垣外。師老且敝。船朽蠹。久失修。水手多逃逸者。乞栗布益練

士卒。造船械。以備一戰。秋九月。尼施亞寓書雅典。求增兵。且乞病解職。

雅典執政疑其規避。堅不之許。

周威烈王十三年戊辰

西元前四百十三年
希臘三百六十四年

乞栗布造新船三十艘。同盟軍益

發兵資之。與雅典水師戰於港外。不利。喪艦六艘。乞栗布知雅典大軍
麇集於海。潛軍出威披樸利。掩襲陸營。雅典倉猝不及備。大擾而奔。遂
斷其垣。劫水師軍械以去。哥林多將亞里斯託痕帥水師復戰。大敗之。
尼施亞意氣沮喪。旁皇蹠躩。不知所爲。適雅典命低摩底尼將軍艦七
十五艘至。軍容始振。低摩底尼沈毅有謀。老於兵事。既至。周視地形曰。
必除橫塘而後可。指威披樸利曰。此敍拉古斯鎖鑰也。奪而復之。以破
其塘。屯軍於高阜之巔。更築長圍。絕其饗道。則敍城可垂手得也。留尼
施亞守營。躬率精兵三千。夜出齎五日糧。携築城具。隨其後。潛沿威披
樸利南麓。進轉西而行。攀巉巖。捫藤牽葛而上。踞威披樸利絕頂。分屯
兵卒。平明。馳下山。擊敍軍支隊。直樸橫塘。守兵不能支。棄之而走。低摩
底尼急命士卒毀其塘。栗布自將爭之。又擊敗之。同盟軍大潰。乞栗布

率步卒五百返旆以樸雅軍大呼陷陣同盟軍均返鬪低摩底尼收隊還山天暮誤陷澤中斯軍要之雅兵自相踐死數百人退軍山頂低摩底尼以乞栗布善戰不可得志告尼施亞曰我師老矣不速班師大禍將至尼施亞從之議於八月二十八日啓師而前一夕會月食祝者卜不吉日天示兆矣以一月爲期可也尼施亞酷信巫者久之敍人諜知雅軍有歸志以師船截海口而以小船貯石鑿而沈諸口內雅人竭死力衝突不得出船多受擊傷敍民登海岸列觀雅軍屯於對岸者整隊而鬪兩岸觀者視勝負呼躁應之血戰久雅軍不能支低摩底尼曰事急矣棄舟登陸以圖再舉不然殆矣遂駛至西齊里北岸而奔死傷藉地同盟軍追之六日夜底摩底尼尼施亞俱服毒死萬國史記作禽兩將斬之雅軍無主斬馘一萬禽一萬人致之敍拉古斯皆使爲奴是役也雅典陸軍凡四萬戰艦二百餘艘無一人一艦還者警耗至雅典男婦哭聲達於城

野。雅典自用兵以來，未有若是之大敗者也。烏虜孫子曰：戰久則鈍，兵挫銳，屈力殫貨，諸侯乘其弊而起。雖有智者，不能善其後。故兵聞速拙，未睹巧之久也。雅典勞師襲遠，不明主客之勢，不知進退之機。師銳而不之戰，城殆而不之攻，援至而不之遏，需濡玩愒，以待其敝。吾觀毘陵十失之論，有餘痛焉。兵志有之曰：將者國之輔也，輔周則國必強，輔隙則國必弱。尼施亞忠謹有謀，然善於慮小事，不能當大任。雅典以水陸數萬之師，不度其才而輕以付之，其輔隙矣。人謀之不臧，而聽命於神，豈非天奪之鑒耶？亞基庇亞底以神像之故，無辜構怨，棄以資敵，所謂隨會在秦。賈季在狄，難之至也。其無日矣。乞栗布捷報至斯巴達，亞基庇亞底說斯王亞基斯曰：敍拉古斯之敗雅人，膽已折矣。若以大軍搗其都，勢如破竹耳。不然，則進取底基利亞之山，阿底加居中之地築堅壘，戍重兵，以其間四出，劫其財物禾稼。雅人必坐困，亦策之善者也。亞基斯從之。

攻奪底基利亞。雅人遂大擾。不復能耕穫。畜收。道路梗塞。荆棘叢生。城市蕭條。百物昂貴。非復昔時之繁富矣。亞基庇亞底。又命造戰艦。赴亞洲。助約年諸城叛雅。而自說約年之大島基約斯。一作坎斯。一作坎斯。一作坎斯。開叛雅。釁端基約斯。故為紳政。國事雅甚謹。至是惑之。首背盟。米勒都利斯波亦相繼叛雅。

阿格來胡為馬其頓王。是為第九王

周威烈王十四年己巳。西元前四百一十二年。希歷三百六十五年。波斯方伯底撒非尼。亞洲小使使與斯

巴達連盟。以傾雅典。約曰。斯人。有事於約年。糗糒之費。波人供之。希人之在小亞洲者。波人主之。君子曰。甚哉。斯巴達之失計也。爭鷓蚌之勢。以利漁人。適為波斯役耳。揚子曰。交于烏鼠。費其資。黍夫何益哉。雅典自西齊里敗後。日討軍實。修國政。練水師。謀為復仇之計。進攻米勒都。斯巴達波斯合救之。為雅人所敗。乞栗布率師船自敘拉古斯駛至。雅

軍始還。是年撒摩斯島貴紳叛雅典。國人不從。攻謀叛者。殺二百人。逐其黨四百人出境。雅典義之。待以友邦。不復以奴僕視之。盡屯水陸大軍於撒摩斯。以護約年諸埠。而征其不服者。斯巴達約波斯合擊撒摩斯。並乞饗。亞基庇亞底適奔波斯。亞基庇亞底爲斯巴達建築不見貧且爲斯人所忌謀殺之亞基庇亞底覺之奔波斯謀敗兩國。盟說底撒非尼曰。斯雅相競。以角雄雌。勝而強者有其一焉。皆非波斯福也。爲波斯計。莫若俟其兩敵而坐收其利。夫斯人何厭之。有因糧於波。以逞其欲。未得尺寸之土。而日困誅求之禍。是亞洲未克。而波斯先受其敝也。克而負我。我爲斯欺。克而歸我。斯爲我役。斯人雖愚。當不至此。惟君圖之。底撒非尼曰。然則若之何。曰。許其出師。而遲歸其饗。俟其財窮力竭。而徐以圖之。可也。底撒非尼從之。斯巴達延不給饗。斯師屯泊海上。不敢動。亞基庇亞底遣人至撒摩斯。告雅人曰。請君勿復憂禍將畢矣。小子若藉諸君之力。重返故都。變民政爲紳政。則波斯之兵。吾

能致之。轉危爲安。在此時矣。撒摩斯軍中之富紳。皆喜更紳政。故亞基庇亞底以此言誦之。

周威烈王十五年庚午。

西元前四百六十一年
希臘三百六十六年

雅典亂。敍拉古斯之戰。議由民黨。

貴族怨之。時經喪亂。國用浩繁。兵需官祿。皆仰給於富紳。故富紳貴族。權力頓增。其在撒摩斯軍中者。聞亞基庇亞底之請。潛使其黨比散德。赴雅典。約富紳貴族。訂改革策。議既協。凡民黨之不從者。悉殺之。傳檄國人。數民政黨誤國辱師之罪。並以兵威脅之。裁民政諸官。設議士四百。以執國權。更立民庶五千議政會。備顧問。徒具其名而已。亂耗至撒摩斯。軍中之民政黨怒曰。是棄國法也。相誓堅楛舊政。別立民會於撒摩斯。其所選大吏軍長。皆亞基庇亞底舊友。思得波斯援。議推亞基庇亞底爲統帥。招之歸。亞基庇亞底既得志。遂與雅典貴紳絕。而雅典議士復恃氣爭權。分爲二黨。一黨納款於斯巴達。請由比來王斯口進兵。

以脅其異己者。謀洩。平民羣起。撤四百議士。復民政舊法。其畧異者。惟人民會之人。必有恒產。平民議國事。與鞫獄諸官。皆不給俸耳。事定。取前殺民會之黨。誅其魁。議士有抗執者。以國律治其罪。於是雅典與撒摩斯復合爲一。時斯軍屯底基利亞山。久不退。四出劫掠。猶庇亞不能堪。叛附斯巴達。雅典之糧。由猶庇亞輸入者。路遂絕。而地中海道。斯人復以師船截塞之。雅人大困。君子曰。叔仲惠伯曰。兵作於內爲亂。於外爲寇。寇猶及人。亂自及也。雅典外逼強寇。而內亂日作。以啓寇讐。能無及乎。

周威烈王十六年。辛未。

西元前四百一十七年
曆三百六十七年 希

斯巴達水軍統帥敏大路。移軍黑

勒斯奔海峽。小亞洲北地波斯方伯巴孛巴蘇。謀與敏大路聯軍護其地。叛雅諸城。敏大路以黑海濱產糧諸埠。爲雅人所仰食。思截其路。扼哀潘提海而守。亞基庇亞底偵知之。帥師尾擊敗之。黑勒斯奔。敏大路

益師禦之。復敗。二月。亞基庇亞底圍其師於古西故。在哀潘提海之中。有城在小士股而狹。敏大路衝突不得出。曳船登岸。雅人蹙之。大敗之。陣斬敏大路。盡奪其艦。無得脫者。雅典軍聲復振。斯人懼。請和。黑海濱諸城。皆以次收復。仍歸雅典。

周威烈王十七年壬申。西元前四百九年。希臘三百六十八年。波斯王索克待奴。一作所哥。疊奴斯。見雅典強

盛。知為亞基庇亞底所給。而深懼小亞洲諸埠。不得為波屬也。決計助

斯人戰。遣其少子西洛士。一作古列。代底撒非尼為方伯。至約年。與斯帥利參

持。一作來。散德。訂盟。繳軍費。並私贈多金。為利參持壽。結為密友。二國之交遂

固。利參特精韜略。善用兵。敏大路戰歿。代之為水軍帥。縱橫海上。軍勢

甚張。

周威烈王十八年癸酉。西元前四百八年。希臘三百六十九年。哀約利諸埠歸於雅典。亞基庇亞

底進攻約年埠。利參特禦之。輒敗。利斯波。剔加摩。連戰克之。撒摩斯以

北。皆望風來附。亞揭西勞一作亞該西一
作四白山地爲斯巴達王。

周威烈王十九年。甲戌。西元前四百七十年
希歷三百七十年雅典召亞基庇亞底裁整國憲。亞基

庇亞底屬軍事於安提阿克。戒之曰。利參特善用兵。勿輕敵也。遂歸雅

典。利參特諜知之。廣布流言。且洩其在波斯時與貴紳私約改紳政事。

雅人疑之。安提阿克違其令。與利參特戰而敗。國人歸罪亞基庇亞底。

亞基庇亞底忿而請督師。擊斯軍破之。論者猶詰責不已。亞基庇亞底

知不免。奔黑勒斯奔。投波斯方伯巴拿巴蘇。君子曰。廉頗去而趙殲。樂

毅奔而燕敗。古之善用兵者。未有不善問者也。亞基庇亞底。斯巴達之

所畏也。雅人不察。自壞長城。蝸蟻沸羹。以長仇寇。今而後斯人之喜可

知矣。詩曰。心之憂矣。自貽伊戚。念彼共人。興言出宿。豈不懷歸。畏此反

覆。其亞基庇亞底之謂乎。利參特聞之。謂諸將曰。吾無懼矣。安提阿克

輕敵寡謀。易與耳。吾當取其全師覆之。

周威烈王二十一年丙子。西元前四百五年 希歷三百七十二年利參特與雅典戰。遇安提阿克

支隊常僞敗以驕之。案編年表於西元前四百六年載雅典敗斯巴達於海有人談雅典之將者即實之法或指此戰而言

安提阿克初畏利參特。凜凜不敢懈。至是漸輕之。帥大軍出。追之於黑

勒斯奔。利參特與波斯方伯西洛士合禦之。亞基庇亞底知雅軍必敗。

贈書戒之。安提阿克不以爲意。屢挑戰。斯軍持重不出。雅人以爲無能

爲。棄船上陸。利參特覘其無備。擊之於哀哥波大米。在答拉西雅人狼狽而奔。

安提阿克赴水死。獲其船三百餘艘。得逸者僅八艘耳。陸軍聞之膽落。

悉出降。哀約利約年。諸埠均相率歸斯巴達。惟撒摩斯不下。冬十月。利

參特乘勝擊雅典。封比來由斯海口。斯王亞揭西勞。自率陸軍圍雅典

都城。層層困之。

周威烈王二十二年丁丑。西元前四百四年 希歷三百七十三年斯軍圍雅典四閱月。糧盡而降。

斯人壞長垣。奪船艦。要盟曰。毀比來由斯城。不得以地中海島爲屬地。

備兵艦無過二十艘。助貴紳改國法。剗民會。選都中三十人治之。而以革利低亞爲之長。戍之以兵。革利低亞酷虐不仁。淫刑以逞。無辜被殺者數百人。國人重足而立。呼爲三十代蘭得。亞基庇亞底聞之。謀起兵誅其黨。革利低亞等大懼。使人刺之。巴拏巴蘇以一砮居亞基庇亞底。斯人移書切責。巴拏巴蘇不得已以兵捕之。而畏其勇不敢近。火其所居之室。亞基庇亞底提劍躍出。衆射殺之。貴紳自是益猖獗無忌。斯軍之戍雅者凡八閱月。雅典逐臣達拉西溱路。一作推來由德巴返國。集黨五百人。潛兵襲擊。殺革利低亞。逐貴紳。戰退戍兵。復自主。立議政者十人。世人論雅典以四百議士。三十虐官。爲窮凶極惡之世。斯雅戰爭二十七年。至是始息。君子曰。哀哉。貴族之愚也。螳雀相持。弋人之利。揚子所謂。擢其角。殄厥類者也。內難之不恤。而日競於兵。前尸後喪。終以貪敗。軍志曰。兵久而不亡者。未之有也。亶哉言乎。亞基庇亞底。祖斯則雅危。

祖雅則斯敗。儀秦之雄者也。雅人張弧脫壺，使我出走，喪其服馬，割其股肱。非天奪之鑿哉。雖然，語有之曰：弓善反，弓惡反。亞基庇亞底多才而詐，亦自取之也。詩曰：其車既載，乃棄爾輔。君子所為賦陰雨也。

周威烈王二十三年戊寅。西元前四百三年 希臘三百七十四年 雅典達拉西淳路逐議政十人。

復民政，以歐克力地為亞爾干，烏虜古稱希臘，為人才之藪，而雅典尤

盛。雅典自戰敗波斯之後，兵力之強，甲於海陸。向使連盟諸國，同仇禦

侮，併力東向，以誅無道之波斯。波斯暴主代興，叛藩四起，以傾側反復

之卒，敵安制綦節之師。孫子所謂以焦熬投石者也。吾讀色諾芬一作賽挪芬

萬軍言旋錄一書，波斯之兵，籠東疲靡極矣。希人不務遠畧，同室操戈，

卒至兩敗俱傷，反受制於積弱之波斯，而奉為上國。毘陵史氏所為太

息於古今中外之謀國者，為一邱之貉也。

周安王元年庚辰。西元前四百一年 希臘三百七十六年 希人新製字母。

周安王二年辛巳。西元前四百年希歷三百七十七年波斯方伯西洛士畔求助於斯巴達募希

人一萬三千厚其糧饟以客里阿哥為統將徵呂底亞弗呂家加帕多

家。一作客必梁司一作伽帕都家三省兵都十萬人進至古那撒。去巴比倫五十里波王泥蒙率大軍九

十萬禦之西洛士分軍為三自將呂底亞兵為中軍當波王步兵客里

阿哥將希兵為右軍當波左軍底撒非尼之馬兵以弗呂家軍一萬為

之援亞將阿里雅將加帕多家軍及弗呂家之半為左軍當波右軍右

軍者重鎧持盾埃及兵也波軍結方陣而進佞蒙率健卒六十人躍馬

出麾其左軍緣由發拉的河而北以刀車當陣前刀車者繫利刀於輪

輪轉則刀斫而下而以馬推之蓋波人以希軍雄銳故製此禦之也客

里阿哥見敵陣迫高歌策馬而前萬眾和之。希臘戰例交綏之時大將擊節而歌萬口和而應之歌愈急行

愈疾聲震原野左軍驚慄棄刀車走後軍相繼潰一健將率屬三千突

希軍而二之出其陣後客里阿哥以一隊敵之而合軍擊其潰卒波斯

左軍遂大敗。西洛士率衛騎六百突中軍，斬波王御前大臣，佞蒙返走。西洛士單騎追之，衛兵後大呼曰：「我見若人矣，聲未絕，已及王。」以刀刺其胸，甲破傷乳，佞蒙墜馬。西洛士方舉刀斫之，一將至，格其刀，一將以槍刺其目，墜馬。波人叢槍殺之，衛兵救之不及，突圍出。亞軍殊死戰，薄暮始收兵。希軍之追波斯左軍也。底撒非尼潛率壯士襲其營，希軍三千守之，不能克。遂與中軍合，斷其歸路。客里阿哥聞之，回救其營。左軍之潰者，亦返戈與中軍夾擊之。客里阿哥高歌突，其中軍當者披靡。戰而北，指抵一鎮，據高阜，見波軍遠，始下馬小憩，旋歌聲復起，驅戰馬蹂波陣。波人死者如開血渠，夜深始罷戰。檢士卒傷亡者三百人而已。亞軍聞西洛士死，夜潰。客里阿哥謂其屬曰：「我軍深入重地，不速歸，必死。然來途紆遠，且險，不可出。若至亞述，取道阿米尼，以達黑海，叢山迴繞，波軍必難追躡也。」衆從之。然孤軍行四千五百里，山巒起伏，榛莽蔽天。

山夷時狙擊之。客里阿哥殿後。日與波斯追兵戰。卒爲所斃。其副將以下二十人。皆戰死。有索克拉的弟子。色諾芬者。抱文武才。代統其衆。出奇應變。終率之出險。既達黑海。檢其士卒。存重鎧軍八千六百。軟甲軍一千四百人。凡歷大戰一。小戰數十。傷折僅三千人。俗謂之萬人生還。戰。佞。蒙。以。斯。巴。達。人。之。助。西。洛。士。也。遣本剔山勿尼。伐之。逾年罷兵。

周安王三年壬午。

西元前三百九十九年
希歷三百七十八年

雅典殺其大賢索克拉的。

一作蘇克拉第一作
所哈達底士一作梭

噶第一作瑣格底一作梭格
拉底一作革拉低一作索家樣

索克拉的。雅典人。生於西元前四百六十九年。貌醜

而奇。皮皺面黑。鼻反孔。眼突。脣厚。不掩齒。軀短。腹垂下至膝。步履跛欹。

父工彫像。

哲學史云父名梭發龍士
荷母名汎耐利德業產媿

索克拉的習其藝。尤精巧。世人寶之。年十七。

雅典富人吉多。愛其才。資之讀書。才性穎異。有操行。娶妻散尺伯。生三子。性兇悍。常詈索克拉的。有嘲之者。索克拉的曰。此天勵我以進修之益也。常從軍。驍勇善戰。輒冠軍。統將奇其勇。稱爲無敵將軍。賜之橄欖

冠不受。居貧食糲。短褐不完。會大雪。天氣寒慄。士卒皆蜷伏不出。索克拉的抱膝長吟。聲琅琅出營外。怡如也。無事輒至僻區靜坐。澄心思道。常忘寢食。一日恍然有所悟。向天拜謝。緩步而歸。其於學無所不通。能深究事物之理。年四十。爲希臘大儒。嘗謂天地六合之大。事廣理蹟。決非生人知慮所能周。窮神竭精。何裨日用。故格致氣質之學。皆存而不論。專以事天修己。忠國愛人。爲切要之圖。時有歐洲聖人之目。從游者甚多。其教人也。或街衢市肆之中。或人之居第。以二術施之。一舉一端。以爲問。使人不能答。而自愧其愚。一因人含此意而不能自伸。則爲之徐引而出之。迎機而導之。使人豁然而自矜其智。其論難之際。亦必待人盡其辭。而窮詰之。俟其辭屈。然後以正學訓迪之。罔不愜服者。時希臘學派甚多。而以黑拉克利底。特母克理底之二派。爲極盛。入主出奴。相掎相軋。爲調停之說者。遂謂世界之理。無定。人心之智。無定。學問之

醜○疵○亦○無○定○一○時○風○會○皆○以○論○辨○爲○學○不○求○其○本○源○而○取○辨○於○捷○給○流
風○既○廣○衍○爲○學○派○其○名○爲○所○肥之即智慧索○克○拉○的○深○惡○之○辨○斥○尤○力○所○肥
好○言○天○索○克○拉○的○曰○何○爲○天○其○日○月○乎○其○星○辰○乎○抑○蒼○蒼○者○乎○有○目○能
視○乎○有○耳○能○聽○乎○有○心○能○知○善○惡○乎○所○肥○言○無○能○生○有○索○克○拉○的○置○一
物○於○前○曰○此○中○無○金○能○使○之○生○金○乎○此○中○無○水○能○使○之○生○水○乎○無○金○無
水○卽○不○能○生○金○生○水○惡○乎○其○無○能○生○有○也○所○肥○言○世○無○眞○是○非○但○須○取
信○於○一○時○足○矣○索○克○拉○的○曰○求○之○高○遠○是○非○誠○不○可○定○然○求○之○淺○近○則
是○非○自○有○定○而○不○可○易○者○故○君○子○之○道○己○之○所○好○者○使○人○有○之○己○之○所
惡○者○使○人○無○之○所○肥○宗○比○撒○臥○拉○斯○之○說○以○一○生○二○至○十○各○有○偶○以○生
萬○物○一○曰○始○終○二○曰○奇○偶○三○曰○分○合○四○曰○左○右○五○曰○陰○陽○六○曰○動○靜○七
曰○曲○直○八○曰○明○暗○九○曰○善○惡○十○曰○橫○縱○索○克○拉○的○曰○十○者○既○能○生○萬○物○
試○問○土○生○於○何○數○水○生○於○何○數○所○肥○曰○其○動○靜○乎○曰○動○靜○何○以○生○水○土○

如何動。如何靜。且人生何數。所肥曰。陰陽之氣爲之。曰。陰陽有體質乎。何者爲陰體質。何者爲陽體質。體質在陰陽前乎。在陰陽後乎。所肥曰。體質先於陰陽。曰。然則體質又何由生耶。又問所肥曰。何爲一。所肥曰。太極。西語曰阿爾胡之謂也。曰。何爲太極。太極何由生。所肥曰。生於無極。曰。何爲無極。生者死者乎。精者粗者乎。所肥多不能答。其言存誠爲學之急務。誠與誠合。無間彼此。苟知誠之原本。則人未有不善者。人而不可須臾離者。善心也。善心所生之理。如拋磚委地。無不實在。如二成四。不可虛假。天地萬物。皆至誠無僞。無父母不能生子女。無主宰不能生萬物。故修己之事。莫要於尊上帝。孝父母。愛人民。戒欺妄。有以上帝爲疑者。索克拉的曰。天地四時萬物。使無主之者。則位育行生。烏能不悖不害。若此。譬之百體五官。雖各具能力。苟無靈魂主宰之。未有不相凌躐者。上帝之不可知。猶魂靈之不可見也。然因好爲論辨。毀之者多。遇人

之過恒面斥。雖權貴不稍假。議事神敝俗。尤叢謗於衆。有善爲詼諧。詩

人阿麗思禿髮倪者。一作亞利士德芬士哲學史云亞利士德芬士好談往古索克拉的則欲以古代所禁之學變易今日之政教人心而又好刺譏近代詩人故櫻衆怒美拉德士首發其罪恩

德士與露公繼之皆守亞利士德芬士保守之義者美拉德士即米力大撰一詩名曰雲痕以刺之。付之優人。演爲戲劇。或

作索克拉的升天求道狀。或爲捫蝨莊論狀。極情盡態。狎侮百端。人多疑之者。而國家初不之禁也。年六十三。鄉人舉之仕。鞠獄平允。有貴官命執撒拉米人李昂。索克拉的爭之不從。乃使他人拘之。利參特海軍之役。貴紳陣亡者。舟載其帥回國。覆於颶。尸家控之。論者欲罪統帥。索克拉的曰。此天意也。於統帥何與。論者竟置統帥於法。索克拉的曰。刑法不中。何以爲國。乃謝病歸。雅典既衰。國人皆求福於神。索克拉的曰。人事之不修。而聽命於神。土木何知。適速其亡耳。所肥中人有米力大者。控以三罪。摘阿麗思禿髮倪詩中神不可信。萬事必衷諸理。數語實之。法曹指爲謗毀神聖。陷溺子弟。定以死刑。使自誣服。索克拉的曰。余

講道三十年。律已教人。無一非爲國育才耳。不知其他。今日死其感我敬我。愛我惜我。必有逾於生前者。生死一也。何誣服爲哉。其弟子百拉多。並立堂下。以古事爲諷。乃囚之。有明於希臘律法者。作一論。以貽索克拉的。並語之曰。持此以抗政府。獄當緩。索克拉的謝而卻之。辨對從容。不欲爲高論。充言。恐激動民心。仇視政府。惟曰。世不我容。死無所憾。何必問罪之有無也。希俗歲遣使泛海。求貢神珍品於海島。使貢舶返。始可行刑。故索克拉的之死。得緩三十日。百拉多以重金贖之。不能得。諸弟子賄獄卒使出奔。索克拉的不可。曰。余非貪生畏死者。遵道而行。居易俟命。可也。及期。弟子羣至獄。與之訣。其妻携幼子亦來哭訣。從容講道。自辰至申。曰。人之靈魂。永存不滅。吾與汝固守此道。生死不渝。區區世網。何足懼哉。刑人執野胡蘿蔔酒至。悲不自勝。索克拉的坦然受而飲之。弟子皆哭。叱曰。何爲者。行步良久。疲而倒。毒大發。兩足寒。如冰。

氣息纔屬。張目謂門人曰。汝等爲吾供一雄鷄於耶土古刺布。遂卒。年

七十一。雅人聞之。如喪考妣。法官旋亦悔之。誅誣者數人。雅人爲作巨

像。祀之爲神。案西史。糊且俄其生於西元前四百七十年。如此則卒當七十二歲。今據李提摩索克拉的

生平無著述。及死。百拉多以其所嘗言者。筆之於書。得三十四卷。哲學史云百拉

多所著書凡三十五種。真偽互出。泰西學者言人人殊。又有箋牘十三通。問答書七種。皆疑其非真書。又言其弟子芝諾封記其師言行書。稱曼謨雷別立亞小冊子。芝諾封卽色諾芬也。分爲三。曰性理。

曰天理。曰心理。李提摩太所爲百拉多傳。作一爲論法。一爲性理。一爲德行。西學略述作一曰至誠。一曰至美。一曰至善。蓋譯者不同耳。雅典學者遂以事索

克拉的者。事百拉多。猶孔子門人以百拉多。一作浦賴透。一作百拉圖。一作雅里大各史。有若似孔子也。百拉多。記作拉的。中國學者習用百拉多。故不易也。雅典校

倫之後。或云生於哀基那。生於西元前四百二十七年。或云西元前四百二十八年。狀魁梧。膂力兼人。少

習武事。精體操。擊刺超距。搏躍之技。冠其曹。其師字之曰百拉多。譯言

大膊也。後折節爲學。能詩歌。年二十。聞索克拉之道。棄舊學而從之。

游。會有軍事。戰而勝。凱旋出仕。與官吏處。鄙其狡獪。棄官而歸。事索克

拉的十年。師死。爲訟冤。國人疾之。而守其師說。益力以堅。復謁于吉立

於梅革拉訪提約多。囑於西齊里。得其師微言秘旨。既又游埃及。走意大利。盡交其賢豪長者。觸紱拉古斯王忌。鬻於哀基那爲奴。主者知其大儒。釋之。返雅典。時年四十二矣。居亞克特美園。設講幄。園距城三里不受人脩脯。學者擔簦負糧。走數千里從之。其教人重在法。得其法。自能知所未知。及門之士。不肯用苦心者。則拒而不納。標其塾門曰。非知形學者。不可入吾室也。後人重之。卽以其園爲學號。著作繁富。奧衍多稱。師說雜出。已意。其文作主客問答體。答者索克拉的也。至今歐洲言古學者。必稱索百。其書善言天人之際。謂上帝無始終。其能力無窮。盡以至強不息。生萬物。始善而終惡。譬如苗之有莠。芸其莠而去之。則苗益茂也。人之靈魂發而爲聰明。人之聰明運而爲能力。人一小天地。與上帝一體者也。上帝以仁人心畀之人。人當完仁人心。充仁人量。以還之上帝。否則非上帝人也。其爲學之要。重在思。思非偶然。而有卽上帝示人之

式也。先有式而後有思。思者實理。非虛物也。故後世之講意理者皆奉百拉多爲始祖。時人有聚訟萬物有定無定而不決者。百拉多曰。試置物於此。或圓或方。形無定也。或黑或白。色無定也。然形色無定。而著其形。形色之象。以反照於心者。則有定。但恐人智慧無定。則不能必物之皆有定耳。當日東方諸國皆惑於宗教。百拉多作國家論曰。國家者。由道義相聚而成者也。百官庶人各任其職。不相侵雜。則國本植矣。人之身家產業性命。皆爲國而設。此非一人之事。而衆人之事也。百拉多嘗虛構一大同國

家之想以爲大同之世。人不得有私財。當奉爲國家公產。其奴隸乃外國之人。則使爲國服役。貨財所出。分少許以給之。且不第共產已也。乃欲並妻子而共之。不獨妻其妻子。其子。貨不藏己。力不爲己。則姦淫不興。盜竊不作。而世乃太平。後知其說之難行。而所著論法律書中。稍稍切實矣。然猶倡限民名田。禁民早婚。及政府監督農工商業。諸議蓋雖許有私財。而猶欲限制干涉之。以求平等也。論者謂索克拉的出於寒素。持平民主。義無甚關。當時政治。百拉多生於豪門。放於政治界。獨

致意焉。吾之算學。非欲人用之事物。事物迹也。藉此以求其精者焉。學以窮

理爲指歸。以法律爲政策。以工藝爲非治國之要圖。其友愛刻特嘗用量法。造一機器。百拉多戒之曰。此工藝之事。非格致之事也。其說頗與

中國言格致者相合。又曰。萬物皆有一真者在焉。凡人目之所能見者。幻也。人必盡取目前可見之幻。以求其不可見之真。其為學大旨如此。年六十三。西齊里王但英一作台翁聘之。論治不合。復歸雅典。年八十三卒。提李

摩太所撰。傳作八十一歲。卒。哲學史作八十歲卒。蓋亦希臘七賢之一也。希臘沿巴比倫法。分一日為十

二時。百拉多始創滴漏之法。是為西方滴漏定時之始。百拉多雖創滴漏之法。然平民則分日為七分。晝四

夜三。其晝之四分。一為黎明。一為上午。一為日中午。一為將曉。為日晡。夜之三分。一為燈時。為一半夜。百拉多平生不娶妻。無嗣。不入城市。不

履戲場。惟孜孜以講學為事。後西諺云。愁如百拉多矣。百拉多負衡人

鑒。品第精確。後人操月旦者。珍視其書。若採金之礦穴。歐人謂地球古

今名人之著者十人。百拉多必與其列。其學如金星在天庭之中心。普

照大宇。諸國之奉為師者。二千餘年不絕也。美國大儒艾深默曰。百拉

多即理學。理學即百拉多。蓋言歷代之言理學者。無能出其範圍也。拉百

多理學大興於埃及都城歷一千年之久。以後漸衰。再閱千年。歐洲不講理學。惟信從天主教。而原本於亞。拉斯德之論法。至明時土耳其占羅馬都城希臘名士多遷往歐西各國。再講理學。皆以百拉多之說為本。于吉立

亦名猶該第。一作歐克立德生於西元前四百四十四年。家居雅典三十里之梅

革拉。一作曼格拉。索克拉的死後其門弟子多移居於此以避國難。雅典官吏與梅革拉人有隙。遇者輒殺之。于吉

立悅索拉之之道。夜服婦人衣入城。無覺之者。索克拉的死。其弟子多

受業於其門。著書六種。亦問答體。大旨謂天地間有獨一無二之真宰。

其聰明無窮盡。其作用無偏倚。其心悠而久。公而溥。人能法之。則爲善。

反之。則爲惡。爲善則心逸而祥。降如金之在冶。煉而益精。爲惡則心勞

而殃集。如源之不澄。流而益濁。此希臘理學說之最醇者。烏虜自地中

海希臘諸儒。創爲格致之學。於是學者多務高遠。人自爲說。變而流爲

所肥之學。韻滑解垢。堅白異同。而人倫國事之大。中庸之道。置焉不講。

索克拉的。百拉多之徒。始出而拒淫詞。放邪說。反高遠之務。近而求之

身心日用之間。性善之旨。尤與孟子相近。孟子曰。陳良楚產也。悅周公

仲尼之道。北方之學者。未能或之先也。其斯人之謂與。

馬其頓王阿格來胡被弑。立亞泄牢為王。表一作亞基老，一作亞齊力士編年。是時各
 國兵爭不息。亞泄牢獨習文治。延希臘工詩雕繪諸士教其國人築城。
 關塗大興利盛。國日富強。是為第十王。

希臘春秋卷六

新城王樹枏著

周安王四年癸未。西元前三百九十八年
希臘三百七十九年撒摩斯降斯巴達。利參特脅地中海諸

島。皆改紳政。以其地貴紳十人分治國政。而立一人為之長。名曰哈摩

斯低。以約年諸埠皆隸波斯方伯。深以為恥。遂背約興兵擊之。二國復

交惡。

周安王七年丙戌。西元前三百九十五年
希臘三百八十二年波斯方伯法那巴蘇。以腓尼基水師攻

斯巴達。益之以戰艦。命雅典古農一作古龍一作哥嫩統之。軍甫立。屢為斯敗。斯

軍進攻腓尼基諸地。古農令堅守不出。散萬金以間希臘各國。斯王亞

揭西勞。偃僂善用兵。然恃功而驕。苛稅諸國。厲於雅典。皆陰懷二志。雅

典治師。船謀恢復。亞揭西勞聞與波斯通。自小亞洲馳歸。先伐哥林多。

德。巴。與。雅。典。和。復。結。亞。該。亞。亞。革。斯。合。攻。斯。巴。達。雅。典。乘。間。以。師。船。出。黑。勒。斯。奔。收。復。舊。屬。之。地。愛。加。布。為。馬。其。頓。王。是為第十

周安王八年丁亥。西元前三百九十四年 希臘三百八十三年古農教波斯海軍成。全師出戰。利參特

以大隊逆擊之。大戰於羅底島東之革尼都。一作四力度雅。典。人。忿。斯。巴。達。皆

致。死。搏。戰。竟。日。古。農。率。壯。士。直。取。利。參。特。斬。其。首。奪。船。而。呼。波。軍。噪。而

應。皆。一。當。百。斯。人。大。敗。喪。二。百。餘。艦。餘。皆。束。手。降。其。海。上。之。師。不。復。能

軍。地。中。海。各。島。盡。逐。哈。摩。斯。低。回。國。古。農。遂。渡。海。歸。雅。典。重。築。長。垣。及

比。來。由。斯。城。壘。盡。復。其。舊。四。伯。失。為。馬。其。頓。王。尋。遇。賊。而。死。是為第十二王

周安王九年戊子。西元前三百九十三年 希臘三百八十四年斯。巴。達。敗。希。臘。聯。軍。之。師。阿。明。大。為。馬

其。頓。王。以。里。阿。逐。之。是為第十三王

周安王十年己丑。西元前三百九十二年 希臘三百八十五年斯。巴。達。復。伐。哥。林。多。

周安王十二年辛卯。西元前三百九十年 希臘三百八十七年斯。巴。達。大。敗。雅。典。於。哥。林。多。雅。將。達

拉西淳路死之。編年表作敗於小亞西亞

周安王十五年甲午。西元前三百八十七年希臘三百九十作斯巴達以波斯爲希臘各國之助。且

資之饜甚苦之。因使其臣安達基大求成於波斯。約曰。亞洲希臘諸城。悉隸波斯。希臘有戰事。波王可命之和。而權其是非。剖斷之。論者謂安達基大約。是使希臘諸國奉波王爲主盟矣。恥莫甚焉。此雅典斯巴達之終局也。波王澤耳士以數百萬兵。不能得志於希臘之一隅。而佞蒙以譎謀交構其間。不折一兵。損一甲。以坐收全希之利。此兵法伐交之要策也。希人自相魚肉。兩敗俱傷。而謂他人父。謂他人兄。斯巴達乃自喜過望。以爲得計。可不謂大愚乎。此約既立。諸國皆從之。德巴舊盟。因之瓦解。諸國皆改紳政。並有求斯巴達戍兵以保其國者。希臘之勢。至此始衰。

周安王十九年戊戌。西元前三百八十三年希臘三百九十四年阿明第二爲馬其頓王。是爲第十四王

周安王二十年己亥。西元前三百八十二年。希臘三百九十五年。俄林都一作歐奧陵士。一作歐林國。一作俄利地亞。與鄰城立攻守

同盟約。斯巴達以其背安達基大約令廢之。俄林都不從。斯巴達遣弗

耶丕達。一作地魯地司。帥兵伐之。時德巴貴紳平民二黨爭政。交持不下。德巴本民政國其制立亞

爾干二人。亞爾干之下。為行政部。置行政議員九人。皆取諸世族。國中有立法部。公會一議員四百人。由通國選舉。又有民會一。則平民會。集以議國政者也。貴紳黨魁曰令溫知平

民黨魁曰以斯明。以斯明為亞爾干。令溫知副之。積不相能。而行政議

員皮貞亞留知。公會員比律布。黨令溫知。行政議員安度俱。百路丕達。

一作貝羅比達。一作培拉比大。公會議員越巴美納達。一作意巴米能達。一作伊帕米南大。圭皮度多莫俱。黨以斯明。

令溫知聞斯軍道出德沙利。潛使其黨導弗耶丕達襲德巴。德巴正值

穀神節期。向祭穀神例。婦女為之。男子不得預。城守兵皆嬉游不事事。

令溫知與斯人約乘是日入城。紳黨助之。越巴美納達聞其謀。入公會

密偵之。公會之制中築一小臺為會長及書記生之座。其前即演說臺

也。方。正。議員列坐兩旁。紳黨居左。民黨居右。中立黨左右無定位。人民聽

講者。則環立於左右迴廊。越巴美納達至。時紳黨比律布方登臺演說。謂人民參政。朋黨相爭。政策不能定。法律不能齊。殺國勢。損國威。雅典民政。其前車之鑒也。今欲救其失。惟有法斯巴達以改憲法。國其庶有瘳乎。越巴美納達登臺駁之曰。雅典之衰。政教頹夷之所致。非民政之弊也。若以雅典之衰。委咎於民政。則前之強者。獨非民政耶。使當日者無紳黨內訌。同仇禦侮。則雅典亦何至夷於今日也。言未畢。聞者皆鼓掌。而斯兵八千人入城。捕祀神諸婦女爲質。攻克加特美亞。一作開砦。砦據德巴城中。四圍築小壘。形勝地也。貴紳率之捕以斯明。窮搜民政黨。執越巴美納達於公會。執須杜倫於私第。百路丕達。偕其黨禮溫瑪留。殺捕役。出奔雅典。隨而亡者三百人。越巴美納達貧而好學。有才辨。善用兵。嘗救百路丕達於萬衆之中。厚酬之不受。結爲死友。百路丕達親賢下士。恂恂如不能言。然有文武才。瑪留負勇力。性質而莽。禮溫善射。

皆民黨名人也。弗耶丕達留兵一千五百人，使曼度具登將而戍之。諸國聞之，咸議其不直。斯人乃褫弗耶丕達職，且罰之金，而戍兵不撤。全希諸國益鄙之。

周安王二十一年庚子。

西元前三百八十六年
希臘三百九十六年

德巴民黨謀劫以斯明出獄，令溫

知聞其謀，欲殺之，而懼國人之不服也，請斯人主其獄。斯人難之，迫於令溫知再三之請，乃許告同盟諸國，宣言以斯明罪狀，爲列國公犯。約同遣士師會鞠。斯巴達以士師三人先至，德巴同盟十一國士師皆先後繼至。希臘內政他國不能干預故以爲公犯則各國可會鞠之也。立以斯明於堂下，德巴法官莊誦其罪狀，以擾全希和局，並受波斯賂，連合馬其頓，以陷害列邦，誣之。以斯明笑謂斯巴達士師曰：貴國昔受波斯厚賂，侵略列邦，汝之所知也。誰則鞠汝國者？己之不責，而以誣人，其疇服之？我爲亞爾干，連合與國，保我獨立。此交鄰之道，亦亞爾干之職也。執是以爲罪，則我求爲列國罪人，不可

得矣。何勞鞫乎。同盟國士師皆默然不復發一語。斯巴達士師曰。爾秉國鈞。而偏執民政。國人怨汝甚矣。負職之罪。其能辭乎。以斯明曰。國人在環而聽者。可呼而問也。怨我者誰。是可誣耶。且我國之內政。善與不善。有德。巴法司在列邦例。不得預也。況更無與於汝耶。斯巴達士師瞪目不能答。命仍錮之獄。次日竟誣以公犯罪而殺之。國人皆憤怨。多流涕者。

周安王二十三年壬寅。

西元前三百七十九年
希臘三百九十八年

德巴殺其亞爾干令溫知。復民

政。初百路不達之奔雅典也。值民會聚議國政。遂登臺演說。斯巴達傾覆雅典事。以激發國人。衆皆拊膺裂眦相視。因又進曰。斯巴達者諸君之國仇也。今又以待雅典者待德巴。雍獮我人民。攘竊我砦堡。汨陳我憲法。箝繼我自由。是豈第德巴之禍哉。德巴盡則雅典隨之。所謂穿鼻貫目。剝膚及肉。必至之勢也。夫雅典與德巴皆民政之國也。語曰。鬼死

狐○悲○悲○其○類○也○德○巴○果○亡○則○斯○巴○達○雅○典○之○盛○衰○實○係○乎○紳○政○民○政○之○消○長○爲○雅○典○計○救○德○巴○即○所○以○自○救○義○聲○所○馳○全○希○民○政○之○國○必○有○延○頸○企○踵○以○溪○來○蘇○之○師○者○霸○業○可○立○復○也○豈○唯○德○巴○實○受○其○賜○諸○君○爲○子○孫○計○亦○不○可○失○之○機○也○言○畢○衆○皆○鼓○掌○繼○復○相○與○歎○息○曰○義○士○義○士○百○路○不○達○旣○出○徧○說○雅○典○議○員○多○主○出○兵○救○之○者○有○李○志○者○年○五○十○許○嘗○逐○三○十○虐○官○爲○民○政○黨○首○主○出○兵○之○議○尤○力○紳○黨○亞○留○知○以○雅○典○創○痍○未○復○不○宜○預○外○事○沮○之○李○志○不○得○已○乃○招○百○路○不○達○寓○其○家○令○溫○知○以○民○黨○多○亡○雅○典○募○刺○客○入○雅○典○殺○安○度○俱○於○途○百○路○不○達○變○姓○名○伏○李○志○家○餘○黨○皆○散○居○鄉○里○以○一○人○司○傳○遞○書○信○李○志○有○女○曰○令○南○慧○而○美○見○百○路○不○達○非○常○人○思○委○身○焉○德○巴○刺○客○皆○主○亞○留○知○謀○誘○百○路○不○達○出○而○殺○之○亞○留○知○與○李○志○有○連○告○之○實○令○南○之○婢○聞○之○詣○百○路○不○達○而○百○路○不○達○已○他○出○乃○告○瑪○留○瑪○留○遇○刺○客○殺○之○護○百○路○不○達○以○歸○得

免於難。百路丕達潛使安知本回雅典。覬紳黨被獲。刑訊其狀。知不可
以刺客殺。乃請斯巴達使索民政黨。斯王移書雅典政府。使捕獻亡人。
期七日。決復雅典紳民二黨。議相持不下。付公會議之。議員伊曾久曰。
雅典獨立之榮。人民參政之益。我國之人。當無不知。今者斯巴達破我
獨立。壞我民政。此我雅典痛心疾首。不世之仇也。當日豪傑之士。若達
拉西淳路者。亡居德巴者也。卒受其伏翼之力。戡我大難。復我邦家。今
雅典之強。倍於德巴。而畏寇崇仇。不能庇一亡命之士。是人以義待我。
而我以不義報之。我國之人。其何面目自立於天地間乎。古今無不亡
之國。無不死之人。但視其義不義耳。言畢。五百議士多是之者。遂拒斯
巴達。然民黨久羈於外。瑣尾流離。波莫忠俱利。皆相繼病。悉以死。百路
丕達潛使其親信人。夤緣國之貴紳。得充獄卒。久之。掌重囚。乘間破獄。
偕越巴美納達。出奔佛西亞。令溫知以平民不服紳政。國事日棼。謀伐

佛西亞使國人疲於兵。消其自由之志。然恐雅人助佛不能敵。乃使比留利聘於雅典。比道副之。結兩國之好。且請其中立也。比留利臨行。託言挈其子就學雅典。既至。百路丕達謀諸李志。使宴比留利。命其友同日宴比道。比留利遂獨至李志家。與百路丕達密約。易裝返國。舉大事。畀之入境。憑照十二。而又慮其疑也。因其子付李志爲質。比留利使歸。令溫知宴而勞之。比留利酬宴紳黨。以雅典女樂侑觴。及期。令溫知辭不至。皮貞有疾亦不至。亞留知、比律布、方柳知、久理知、次苦列、納多善、嘉武利知皆紳政黨首。盛陳輿衛而來。酒酣。比留利散其鬮。從留侍者二十人。飲之別室。夜深。百路丕達與其徒十一人。蒙婦人衣帕其首。闖入席。殺方柳。知久理。史記亞基軋當即久理知也禽比律布。次苦列。納多善。瑪留與亞留。知鬪而殺之。圍嘉武利。知於庭。禽之。均幽諸密室。悉捕其從者二十人。百路丕達。圭皮度。率二十餘人。赴令溫知室。瑪留。加倫。率二十餘人。

赴皮。貞室。皆謀而入。百路不達。斷令溫知首。瑪留縛皮。貞至。紳黨五十餘人。皆首惡。無得脫者。乃破牢獄。救同黨二十餘人。出。刼武庫兵。仗擁至民會。鳴警鐘。吹角於市。國人皆驚起。爭執兵。集會堂。百路不達告之。故并謝不請命。國民擅殺奸黨罪。都人歡聲若雷。議攻斯巴達。戍兵之策。越巴美納達。適率二十餘人至。百路不達喜曰。君至。斯兵不足平也。都人皆踴躍以從。簡之得四千人。越巴美納達部署甫定。天已曙。斯兵至。越巴美納達使邊禮仁當其左。多莫俱當其右。吳兒陀當其中。越巴美納達自將千人。與邊禮仁合擊左軍。左軍敗。自擊右軍。右軍亦敗。斯將具登將中軍。銳甚。吳兒陀不能支。敗而走。具登追之。越巴美納達出其後。吳兒陀返而夾擊之。具登大敗。追保加特美亞砦。捷聞。壯丁至者益衆。圍而攻之。三日。百路不達大開民會。盡復舊政。國人大悅。越巴美納達與百路不達謀縱斯軍回國。曰。斯軍食仰紳黨。今將竭矣。糧盡。援

絕。必。致。死。所。謂。困。獸。猶。鬪。也。兵。法。有。之。曰。全。軍。為。上。鬪。而。不。止。則。全。城。之。中。其。擾。滋。甚。且。斯。人。必。以。為。大。詬。而。合。全。國。之。力。以。圖。我。也。不。如。縱。之。以。全。吾。民。其。益。多。矣。百。路。不。達。從。之。使。邊。禮。仁。入。砦。諷。之。去。遂。相。與。

立約撤兵。

一許斯兵携軍械護轎重回國二許在德巴境內照市價購買軍食三黨人之逃入砦中求助於斯巴達者准擊之回國四交約之後限斯兵一晝夜退出 雅典聞之。出兵

二千。

史記作五千

待於境上。為德巴援。百路不達厚犒之。使還。郵死事者以斯

明。安。度。俱。等。而。流。比。律。布。次。苦。列。納。多。善。嘉。武。利。知。於。海。島。斯。軍。回。國。斯。王。怒。殺。曼。度。具。登。德。巴。知。斯。人。必。復。仇。大。開。軍。政。局。舉。百。路。不。達。越。巴。美。納。達。吳。兒。陀。邊。禮。仁。比。留。利。杜。倫。明。甯。陀。七。人。為。軍。務。長。會。商。拒。斯。策。討。國。人。而。訓。練。之。吳。兒。陀。曰。喪。亂。以。來。人。民。殄。瘁。府。庫。空。虛。進。無。以。戰。退。無。以。守。為。今。之。計。惟。有。申。厲。忠。義。上。下。同。心。效。死。而。已。比。留。利。曰。斯。軍。精。銳。不。易。敵。也。戰。之。不。足。守。則。有。餘。國。之。西。北。有。平。昆。嶺。焉。東。南。有。巍。鐵。崙。焉。敵。人。所。必。爭。也。請。分。兵。守。之。以。備。不。虞。百。路。不。達。曰。雅

典者斯之仇也。結二國之好。合力禦之。以二當一。可以一戰。斯王亞揭西勞。雷音武長於外交。不先則必間。雅典以孤我勢。不可失也。衆騷其言。以邊禮仁。比留利。將兵二萬五千。守平昆嶺。以百路丕達。瑪留。吳兒陀。將兵一萬五千。守巍鐵崙。百路丕達。屬軍事於吳兒陀。偕瑪留至雅典。謁其外交李志。法禮馬阿慈頓。商聯軍禦斯之策。李志屬其女。令南欵客。令南屬意。百路丕達。屏人密語。情意甚稠。會斯王雷音武將兵十二萬伐德巴。百路丕達倉皇未及締約而還。雷音武渡哥林多海峽。分軍爲二。使仁洪量帥六萬攻平昆嶺。而自將六萬攻巍鐵崙。圍月餘。平昆嶺破。將合師擊巍鐵崙。百路丕達知不敵。棄之回守都城。斯兵萃攻久之。不能克。糧竭。班師。留兵四萬。使仁洪量統之。軍羅格利。未幾復以蘇方度代其軍。時人笑其辱師糜財。徒使德人習戰也。斯軍之伐德巴也。亞揭西勞慮雅典與德巴合。嗾亂黨黑搓擾雅典內政。許助以兵。黑

搓率其黨入雅典。煽言民政黨助德巴。獲罪於斯巴達。贖兵禍國。宜正
典刑。並倡平民會。支國庫俸銀之議。國人多附和者。紳黨亦力助之。珂
理。杜朗曰。亂作矣。不早圖之。後必噬臍。李志。法禮馬。易之。不以爲意。珂
理曰。君其悔是哉。不告而逃。黑搓黨日猖獗。蔓延四境。據民會。鳴警鐘。
使其黨登臺演說。阿慈頓駁之。亂黨殺之。泰明。法禮馬。皆及於難。遂擯
民政黨。爲國法外人。捕殺五百議士。李志死之。石死於百路不達。聞雅典亂。
使瑪留馳救之。至則令南負重創。翼之出。越日死。百路不達厚葬之。亂
黨旣得志。與紳黨不協。紳黨皆奔斯巴達。亂黨復爭權相傾軋。有柳奎
太者。倡均貧富之說。黑搓謀引斯兵制之。柳奎太覺而錮之獄。由是國
中殘殺無虛日。民不甯生。百路不達懼亂黨聯合斯巴達。不可制。遣其
腹心。僞爲雅典商人。說蘇方度襲雅典。蘇方度夜失道。亂黨知之。嚴爲
之備。斯兵不克而還。亂黨使智猛周。解武利。將大軍禦諸境上。而又恐

其叛已也。乃劃界於都城外十里。曰。軍回至界而不解兵者。殺無赦。且使其黨監之。智猛周偶出游。珂理杜朗農服見之。說以靖國難。智猛周奉命班師至界。解武利密謀討賊。令未下。軍中司角者。誤吹追軍曲。萬衆洶如怒濤。越界而進。智猛周不得已。以大軍繼之。抵都城下。珂理草檄數亂黨罪。都人開城納之。焚會同館。斬其渠。誅黑搓於獄。亂始定。號召都人議事。盡復民政。德巴使百路丕達。匹方善入賀雅典。且尋好焉。烏。摩。吾。觀。歐。洲。黨。禍。之。烈。蓋。三。千。年。於。茲。至。今。而。未。有。艾。也。法。王。路。易。十。六。以。來。之。史。君。子。不。忍。卒。讀。焉。夫。一。閩。之。市。必。有。平。羣。盜。之。中。必。有。長。況。一。國。之。大。萬。民。之。衆。乎。善。乎。荀。子。之。言。曰。有。天。有。地。而。上。下。有。差。明。王。始。立。而。處。國。有。制。兩。貴。之。不。能。相。事。兩。賤。之。不。能。相。使。是。天。數。也。勢。位。齊。而。欲。惡。同。物。不。能。澹。則。必。爭。爭。則。必。亂。亂。則。窮。矣。先。王。惡。其。亂。也。故。制。禮。義。以。分。之。使。有。貧。富。貴。賤。之。等。足。以。相。兼。臨。者。是。養。天。下。之。

本也。書曰：維齊非齊。此之謂也。夫天下重器也。若人人視爲可爭之物。則閤干名器。覩覩非常之徒。必至公冒不韙。接踵而起。孟子所謂上下交爭不奪不厭也。希臘民政之國。蝸蟾沸羹。種類相殘。歲無寧宇。獨斯巴達力搢國制。境內宴然。羅馬自改民政以來。紳民爭權。日爲仇敵。殘殺尋復。其禍更烈於君政之時。法黨之亂。震動全歐。幸者各邦兵力之強。法政之善。足以維而制之。若一旦潰裂敗壞。則君父之禍。生民之憂。不至如洪水猛獸不止也。夫自私自利。自尊自大之心。凡人之情性。大抵類然。故民權之說。易於動人。而難於持久。此所謂墨者之道也。禮書曰：聖人一之於禮義。則兩得之矣。一之於情性。則兩失之矣。儒者將使人兩得之。墨者將使人兩失之。故禮義者治辨之極。所以節其性。束其情。整齊萬民。而宰治羣動者也。世之論者。舍兩得之道。動言民政。烏虜民政尚矣。若希臘者。非其鑒哉。斯王聞雅典亂黨平。怒蘇方度擅開釁。

禡其職。遣使修好於雅典。且告無罪。雅典集議。籌外交之策。珂理杜朗曰。雅典不聯德巴。不能均斯巴達之勢。斯強則德亡。德亡必及雅典。斯雅世仇。其可恃乎。遂謝其使。與百路丕達盟。時亞揭西勞將兵十餘萬。巴越巴。伐德美納達禦之。英峨山不利。退保都城。斯軍圍之。百路丕達因請兵。且相約斯兵退後。則聯合兩國左右諸城。結一大會。以雅典爲主盟。雅典許之。爲出師三萬。使解武利帥之以行。亞揭西勞聞之。曰。越巴美納達。解武利。皆大將才。夾而攻我。必不敵也。乃班師。途經佛西亞。留吳後禮。番蘇陀。以兵三萬攻之。討其貳於德巴也。百路丕達帥護廟神威軍三百。兼程馳救。天大霧。失道。陷入帝慈陣中。斯軍九千人。前後夾擊。百路丕達提戈衝突。驟如風雨。旣出陣後。見斯兵儼復回擊之。出入凡數四。斯軍大亂。潰而奔。嗣聞佛西亞城破。收軍而返。是役也。以神威士卒三百。敗其大軍。不折一人。各國皆驚異。羨歎呼之曰。帝慈之役。

德○巴○始○知○斯○巴○達○不○足○畏○而○其○同○盟○諸○國○亦○皆○懷○二○心○無○固○志○矣○

周安王二十四年癸卯

西元前三百七十八年
希臘三百九十九年

德巴雅典徵會各國阿的加比約

低亞與地中海羣島七十四城同會於雅典推雅人主盟立約章五事
其一曰凡我同盟之人彼援此助好惡同之其二曰海上之戰雅典主
之軍實所需則藉各國夫家之數以均供用其三曰陸地之兵自備餼
械其四曰盟內諸國有異議者同會之人判其曲直其五曰雅典人民
有違戾約章倡言於公會者雅典政府懲而逐之斯王聞雅德同盟恐
合兵窺鐵崙塞其陸路乃起弗耶丕達將兵三萬出海道至勾令彎登
岸軍猶庇亞島弗耶丕達老而勇有驍將名羅格利等同盟軍來會者
三萬人覘德巴守單戰敗德將吳兒陀圭皮度刈其麥輸之猶庇亞德
人命加倫帥兵一萬五千神威軍一千爲二將援加倫曰弗耶丕達勇
而寡謀戰輒輕身先士卒可計取也以輕軍肆之弗耶丕達率大軍迎

擊德兵佯走追之神威軍忽返鬪勢如湧泉斯人大敗弗耶丕達中流
矢卒斯軍退屯猶庇亞喪志而歸初神威軍之出皆分配諸軍其功不
甚著百路丕達自帝慈還見賽馬馬甚疾悟曰神威軍宜專用之必能
以少勝衆立奇功也由是神威另爲一軍每戰輒勝無與敵者編年表載雅
典與德巴合
攻斯巴達斯巴達敗於海上在
西元前三百七十七年國人因舉百路丕達越巴美納達爲正副亞爾干益
修內政明軍令增練馬兵間以步卒越巴美納達創爲方陣法四面排
拒堅如壁牆復興貿易以富國民採紅平湖之竹製笛以崇音樂一年
民氣和二。年。國。用。足。

周安王二十六年乙巳西元前三百七十六年
希臘歷四百一年雅典名賢安得臣一作恩
鐵曾尼卒安得臣

初從所肥游開堂講學既聞索克拉的說恍然曰道在是矣立散其弟
子盡棄所學而學之惡衣疏食問難不殆然性亢峻好陵人索克拉的
斥其驕不能戒也索克拉的死關射圃立講堂名什匿克一作雪
納克卽其學

派也。學之宗旨以窮極幽渺爲無當。以絕欲遺世克己勵行爲歸。而質
确之餘。難以任達。其流極則貧賤。驕人。窺丐。狂。僇。刻。自處。禮法。蕩然。
弟子學成多散去。惟直窩尼士。一作地傲皆內士事之終其身。著述多問答體。反復
發明。進德與背德之事。辨多神假神說。尤力。或問之曰。明道有益乎。曰。
人能明道。是得良友。而獲其助也。有譽之者。則蹙然曰。吾何辜。乃至是。
生平不近女色。年七十卒。直窩尼士。白阿西人。希臘七賢之一也。慕安
得臣之學。踵門受業。安得臣揮之去。擊以杖。直窩尼士曰。杖能擊我。杖
不能逐我也。安得臣受之。刻苦勵學。夏臥於熱沙。冬坐於冰雪。衣僅一
襲。寒暑不易。凍則反疊衣之。食咽粗惡。人不能堪。手一杖。腰一囊。其飲
也。初以瓢。後則棄其瓢。以手掬而飲之。其寢也。置木槽一於通衢之中。
晝則荷之以行。談學講達。立於槽上。溲溺不避人。與人言輒爭。如犬之
見人而吠。世多惡之。目之爲犬。呼什匿克犬窩。方其曉曉講畫時。觀者

輒驚叱笑。嘗漠焉不顧也。其言曰。今之儒者。佔嘑而已。考日月星辰而已。而身心之要弗察也。工商之流。自利而已。利人利國弗知也。嘗白晝持燭環雅典而走。人詢其故。曰。吾足徧此城。不見一男子。真可悲也。雅典皆婦人耳。無丈夫也。白阿西皆童子耳。無成人也。一日忽出槽呼曰。人來。人來。聞者趨而觀之。則又怒曰。去去。吾呼者人耳。非爾曹也。百拉多宴客。客皆衣冠至。直窩尼士大踏步闖入其室。踞上座曰。吾聞百拉多傲。吾將折之。百拉多曰。子謂我傲。今錚錚然入人之室。屋瓦皆震矣。果孰傲者。遂相與握手大笑。後爲盜掠去。鬻之哥林多爲奴。主人重之。使課其子。馬其頓王亞歷山德之伐哥林多也。貴紳傾城出。謁諸道。獨直窩尼士不往。亞歷山德聞其名。就見之。直窩尼士修槽不顧。亞歷山德曰。先生母乃太苦乎。直窩尼士曰。爾營爾國。吾修吾槽。王其速去。勿蔽我日光。使人寒悶也。亞歷山德歎息而去。曰。吾威加海內而不能屈。

一。直。窩。尼。士。今。而。後。知。士。之。可。貴。也。直。窩。尼。士。生。於。西。元。前。四。百。十。二。年。年。至。九。十。蒙。袂。臥。人。簷。下。而。卒。烏。庫。此。蓋。莊。周。列。禦。寇。之。流。所。謂。以。天。下。爲。沈。濁。不。可。以。莊。語。者。也。吾。讀。讓。王。諸。子。以。爲。述。者。甚。其。辭。耳。而。詎。知。富。貴。不。能。淫。貧。賤。不。能。移。威。武。不。能。屈。遙。遙。相。望。於。東。西。數。萬。里。之。外。者。復。有。直。窩。尼。士。其。人。耶。原。憲。居。魯。環。堵。之。室。茨。以。生。草。蓬。戶。不。完。桑。以。爲。樞。而。甕。牖。二。室。褐。以。爲。塞。上。漏。下。溼。匡。坐。而。弦。曾。子。居。衛。緇。袍。無。表。顏。色。腫。噲。手。足。胼。胝。三。日。不。舉。火。十。年。不。製。衣。曳。縱。而。歌。商。頌。聲。滿。天。地。若。出。金。石。天。子。不。得。臣。諸。侯。不。得。友。之。人。也。蓋。有。快。然。自。足。於。己。而。無。待。於。外。者。非。故。爲。亢。節。戾。行。以。絕。於。世。也。養。志。者。忘。形。養。形。者。忘。利。致。道。者。忘。心。不。其。然。歟。什。匿。克。之。徒。著。述。闕。焉。不。少。概。見。然。其。學。出。於。索。克。拉。的。必。有。可。觀。者。蓋。狂。簡。之。士。也。孟。子。曰。伯。夷。隘。柳。下。惠。不。恭。隘。與。不。恭。君。子。不。由。也。然。賢。者。身。處。污。俗。託。爲。縱。脫。之。行。猖。獗。刺。

譏。以。期。聞。者。之。一。悟。其。志。亦。可。悲。矣。

周烈王元年丙午。

西元前三百七十五年
希臘歷四百二年

德巴淫雨傷禾。國饑。運糧於海。斯巴達

使仁洪量將戰艦六十。斷其運道。德巴請雅典出師。解武利。自比留港。帥六十艦。赴援。益以德艦二十艘。擊斯軍於能季灣。獲其艦四十九。餘皆逸去。初雅典艦將貪功。追敵。棄傷卒不顧。國人疵之。黜其功。自是定水軍法律。戰捷之後。先療傷卒。不務追敵。故是役斯軍得逸者十一艘。不然覆矣。

周烈王二年丁未。

西元前三百七十四年
希臘歷四百三年

斯巴達以韋洪良爲水軍大將。帥戰艦

六十。與雅典水師戰於老佳斯海峽。雅將智猛周以十艦突之。截爲二。縱橫衝擊。奪其堅舶三十艘。餘者多傷折。不復能軍。由是海上之權。遂歸雅典。雅典以軍費繁。同盟諸軍協饒不足用。復徵會求增饒。諸國許之。德使陀仁布曰。能季灣之役。敝邑助艦二十。約章之外。所益多矣。且

執干戈以從左右。與有功焉。今不能滅。忍復加乎。雅人曰。能季灣之戰。敵國爲救德巴。德巴亦自救也。今我同盟諸國。未獲海軍之益者。已許之矣。德巴獨異議乎。兩國遂交惡。君子曰。修好事鄰。要結外援。以衛社稷。忠信卑讓之道也。德巴受人之庇。而好命不終。其諺所謂庇焉而縱尋斧者乎。阿的加北境。有胡耳魏者。同盟國之一也。其紳黨以德雅不協故。告斯巴達。且召其伐己。以除民政。斯人徵戰艦八十艘。陸軍四萬。使無南瑟將之。圍胡耳魏城。胡耳魏告急於雅典。時同盟軍方散歸。乃命志定帥陸軍五千。轉戰而入。無南瑟汰而無道。同盟軍怨之。莫有鬪心。志定曰。無南瑟專欲失衆。若合兩國之兵。萃於斯。卒鮮不克矣。遂攻之。大敗之。斬無南瑟。同盟軍不戰而歸。由是斯令不行。諸國無樂爲之用者。德巴盡覆比約。低亞諸城。紳政逐斯巴達。戍兵出境。復十二國會舊盟。

周烈王五年庚戌

西元前三百七十一年
希臘四百六十六年

哥林多安太留游說希臘諸國開弭兵

大會時諸國皆敝於兵財物凋殘民不堪命獨哥林多專修內政休兵

息民四境平康貿易繁阜其國中學士昌言和平之義謂天以好生爲

德人以合羣爲義舍和平之福而相殺相奪同類摧殘報復循環以賊

天下是人與人相食也夫國之有法律所以平爭也國與國爭獨無法

律以平之競亂尋仇其有極乎力勸境內諸國撤戍兵復獨立權開和

平大會其交涉有不協者諸國公判之數年之間會益滋盛會長安大

留執哥林多國政欲廣其法行之全希先說斯巴達斯人以兵屢敗許

之繼至雅典雅人以國用不給許之至德巴德人難之越巴美納達曰

斯雅大邦皆許之矣且弭兵美名也我何得辭亦許之遂徧告諸國開

弭兵會於斯巴達

編年表謂立約於雅典誤也

以正月爲期至者一百五十國雅典使王

德加利珂理杜朗至德巴使越巴美納達勢應本加倫至諸國使至者

凡五百人。斯巴達以皮邊耳爲外交官。先與雅典私議約條。安太留周旋之。半月議始定。安太留告越巴美納達曰。弭兵之會。幸有成矣。其可久乎。越巴美納達曰。吾子創議寢兵。調和海內。汎愛兼利。以聃合驩。豈唯敝邑。全希之民。所謂生死而骨肉之也。君惠宏雖。然國之大小。勢之強弱。至不齊也。人之狡焉。思啓其封者。自古逮今。實無法律可以制之。其必地醜勢均。莫能相尙。而後和平之局。可俯就也。否則一國之強大。邦畏其力。小邦懷其德。以此令天下。天下之人。唯恐後也。誰敢不從。今則不然。國之大小。如歷級。然不均甚矣。不均則以強凌弱。以衆暴寡。勢所必至。孰能禁之。雅典斯巴達。大國之匹也。水陸之軍。相爲雄長。各懷其私。以爭尋常。公判之責。其誰任之。以吾觀之。禍亂之興。其未有艾也。雖然。君子成人之美。吾與子皆樂其成者也。亦視行之何如耳。安太留憮然良久曰。斯雅二國狎王齊盟。君其許之乎。曰。存亡榮辱。苟無與於

敝○邑○敢○不○唯○命○若○有○之○亦○不○敢○畏○也○今○日○之○會○請○無○私○國○無○畸○權○無○使○
一○二○大○邦○壟○斷○其○利○以○賊○和○平○之○局○則○吾○子○之○賜○多○矣○及○期○會○於○斯○巴○
達○國○神○廟○斯○王○亞○揭○西○勞○蒞○會○爲○會○長○率○其○同○盟○二○十○四○邦○及○伯○羅○奔○
尼○蘇○諸○國○北○列○南○向○雅○典○率○阿○的○加○同○盟○二○十○四○國○東○列○西○向○哥○林○多○
率○西○希○諸○國○西○列○東○向○德○巴○率○比○約○低○亞○同○盟○十○二○國○南○列○北○向○皮○邊○
耳○起○立○勞○各○使○遠○來○安○太○留○起○立○道○五○百○使○人○姓○字○且○明○此○會○和○平○之○
旨○皮○邊○耳○起○取○條○約○朗○誦○之○一○曰○凡○我○友○邦○彼○疆○此○界○毋○侵○毋○踰○二○曰○
大○小○強○弱○皆○獨○立○之○國○也○其○權○不○可○以○假○人○三○曰○會○盟○之○後○凡○戍○兵○於○
他○國○者○悉○罷○之○四○曰○陸○軍○之○權○斯○巴○達○尸○之○海○軍○之○權○雅○典○尸○之○五○曰○
海○陸○之○國○有○違○約○者○尸○者○討○之○諸○國○之○師○或○助○或○否○不○相○強○也○讀○已○哥○
林○多○雅○典○德○巴○均○無○異○辭○將○盟○皮○邊○耶○曰○斯○巴○達○全○權○使○人○謹○代○表○斯○
巴○達○及○同○盟○二○十○四○邦○永○守○斯○約○神○人○鑒○之○言○畢○簽○字○諸○國○皆○愕○眙○不○

敢言。越巴美納達起立曰。德巴全權使人。越巴美納達謹代表德巴及
 比約。低亞同盟十二邦。永守斯約。神人鑒之。將簽字。皮邊耳止之。曰。列
 國有獨立之權。載在約章。何故違之。越巴美納達曰。比約低亞建國以
 來。裂爲十二。即今之同盟國也。同盟同體。未之敢違。且斯巴達能代表
 二十四邦。德巴獨不可代表十二國乎。亞揭西勞怒驅之。出比約低亞
 諸國。遂不與盟。亞揭西勞徵同盟軍四十萬。伐德巴。會疾作。乃屬雷音
 武。越巴美納達還國。集十二同盟軍。得三十萬。已爲大將。百路丕達副
 之。軍尙未集。越巴美納達先令加倫。以三萬人守巍鐵崙。令智留。以三
 萬人守平昆嶺。誠之曰。力守十日。則同盟軍集矣。斯軍至哥林多。揚言
 待後軍。雷音武陰帥精兵三萬。出海道。徑襲平昆嶺。取之。分兵攻巍鐵
 崙。加倫不能守。退與大軍合。斯軍四十萬。麇至。雷音武以十五萬付仁
 洪量。取道羅格利。攻德巴都城。而自帥二十五萬。進掠比約低亞諸國。

時德兵至者二十三萬。越巴美納達使加倫智留副勢應本將七萬人。當仁洪量自帥十六萬。當雷音武士氣皆慷慨有致死志。神威軍喪服。出國門告送者曰。戰而捷也。鼓樂迎我。不捷則人奴國墟。吾曹惟有以血淬鐵耳。不能以德。巴人爲斯巴達作馬牛也。大軍兼程進。至隆具。希歷得拉路。登山而望。不見敵軍。越巴美納達喜曰。天助我也。分軍十八隊。環山而陣。吳兒陀瑪留將神威軍。邊禮仁將馬軍。武蘭知圭皮度勇具貞。匹方善多莫俱將步軍。雷音武至投戰。書曰。斯巴達馬騰人勇。詰朝請與將軍獵於隆具之野。越巴美納達復書曰。敬聞命矣。敢駕敝車策羸馬。以從執事。不敢後也。百路丕達夢乘馬行於野。見兩少女坐而哭。頃之一叟至。泣而告曰。此吾二女也。辱於斯人久矣。今假手將軍以復宿仇。明日有栗色毛處女。殺之祭我。可大捷也。寤而詢之土人。土人曰。信叟者周季多也。斯軍前戍於是。刼其二女不從。淫而死之。叟訟諸斯王。

王不直亦自殺。此三古墓者即其人也。百路丕達曰：安所得栗毛處？女者乃殺牝馬代而祭之。及戰，越巴美納達分四隊。第七第八為前鋒，使武

蘭知圭皮度，勇具貞，率五隊。第一第二第三為左翼，使四方善多莫俱，率五

隊。第四第五第六為右翼，使百路丕達將神威軍六千，出斯軍後擊之。而自

率四隊。第七第八策應之師，為諸軍援。前鋒闖入斯軍結方陣，四面攻

拒人，皆一當十。戰自辰至午，越巴美納達度神姤軍將至，麾左右合擊。

之雷音武以大軍接戰，邊禮仁蹂以馬軍當者，輒辟易。雷音武持短劍

督戰士馳驚往來，陣始合，百路丕達率神威軍騰躑而至，鱗其後而擊

之。荀子大燕鱗也結四十小方陣，離合翕張，焱拉雷厲，不可方物。斯軍大亂，

越巴美納達呼曰：敵敗矣！諸軍奮勇，駢驅吳兒陀瑪留，直撲雷音武，傷

肋而奔。斯軍死者萬人，他藉滿山谷。越巴美納達曰：斯人此敗，銳氣盡

矣。震金鼓，夜擾之，使邊禮仁率馬步軍攻奪巍鐵崙，要其歸路。斯人皆

○膽○折○不○能○軍○拔○營○而○退○躡○之○至○巍○鐵○崙○合○擊○復○大○敗○之○傷○亡○無○算○雷○音○
○武○創○劇○卒○於○軍○仁○洪○量○聞○大○軍○敗○耗○退○師○勢○應○本○追○擊○之○亦○敗○而○潰○遺○
○棄○餼○械○層○積○如○山○阜○全○希○聞○之○大○震○皆○遣○使○至○德○巴○賀○捷○稱○越○巴○美○納○
○達○爲○西○方○第○一○將○軍○是○年○斯○巴○達○地○震○陷○二○城○日○雅○里○希○日○布○拉○萬國史
記載三

百七十一年斯巴達大舉侵德巴雅典與諸國援之德巴幾不支越巴美納達將中軍督戰百路丕達別提精兵會之號神
威軍德巴兵凡六千與斯巴達二萬五千人戰於流克多拉殺其一千四百人斯王與其親臣戰歿餘衆逃竄德巴威名頓
顯案雅典因徵會加饗與德巴有贊斯巴達遂乘機伐之必無雅典來援之事其言德巴兵六千者神威軍也全軍之數實
不至此史記所敘略而多誤余嘗爲希臘戰事本末亦誤據史記載之以當時無他書可證今謹據西史綱目詳叙之流克

多拉當即隆具○鳥○虜○老○子○之○剖○斗○折○衡○墨○子○之○寢○兵○非○鬪○其○不○能○行○於○今○也

○久○矣○有○齒○者○噬○有○爪○者○距○有○羽○者○擊○有○角○者○觸○物○之○生○性○類○然○而○況○在○
○於○人○乎○人○生○有○心○則○有○欲○有○欲○則○有○爭○爭○之○善○者○強○而○不○善○者○弱○爭○之○
○善○者○存○而○不○善○者○亡○此○古○今○之○大○較○也○粵○自○開○闢○以○來○無○日○不○在○爭○之○
○中○卽○無○人○無○物○不○爲○爭○之○事○陶○誕○比○周○以○爭○與○汗○漫○突○盜○以○爭○地○拮○挈○
○連○摟○以○爭○霸○并○兼○誅○撻○以○爭○王○殘○殺○相○尋○更○興○迭○蹶○肉○陵○血○海○草○芥○其○

民。此。許。由。庚。桑。子。逃。世。之。民。所。謂。天。下。後。世。其。人。與。人。相。食。也。當。是。時。也。蒼。蒼。者。既。無。法。以。維。之。而。一。國。之。法。又。不。能。檢。制。天。下。蒿。日。流。涕。莫。可。如。何。於。是。莊。老。之。徒。激。爲。愚。民。之。說。欲。盡。去。其。知。毀。其。制。以。返。之。太。古。之。初。而。墨。翟。禽。滑。釐。宋。鉞。諸。子。又。馳。其。汎。愛。非。攻。之。言。以。謀。寢。世。之。兵。而。救。民。之。鬪。強。聒。而。不。舍。上。下。見。厭。而。不。休。此。蓋。今。弭。兵。會。之。嚆。矢。然。以。此。周。行。天。下。而。天。下。卒。無。取。者。不。揣。其。本。而。欲。齊。其。末。是。直。吹。劍。首。者。之。一。吹。也。中。國。弭。兵。之。會。創。於。向。戍。西。國。弭。兵。之。議。始。於。希。臘。徐。無。鬼。曰。爲。義。偃。兵。造。兵。之。本。也。其。不。成。也。宜。哉。人。不。能。平。其。爭。之。心。而。第。欲。去。其。爭。之。事。是。猶。掩。目。而。使。之。不。視。塞。耳。而。使。之。不。聽。也。若。司。城。子。罕。及。越。巴。美。納。達。者。非。誠。有。見。乎。其。言。之。哉。

周烈王六年辛亥

西元前三百七十年
希臘四百七十年

越巴美納達謀墮斯巴達霸權以計間伯

羅奔尼蘇諸國更合阿喀第亞素不蒞謀諸城結一大會築巨城曰麥

加羅波理。在伯羅蘇地戍之以兵。諸城使者以時會之。而以德巴爲盟長。斯

巴達。霸業衰微。束手視之而已。愛力克山打第二爲馬其頓王。是爲第十五王

周烈王七年。壬子。西元前三百六十九年。希臘四百八年。德巴伐斯巴達。亞揭西勞逆戰而敗。圍

其都。斯人完城固守。婦孺皆執兵。越巴美納達知不能克。退兵至彌西

那。謂其國人曰。諸父老苦苛虐久矣。今而後莫能爾毒者。其復國自主。

吾爲爾等一城居之。初彌西那亡。有貴族李宗明者。年八歲。其母挈之

奔雅典。李宗明長。母告之以國讐。遂習武事。驍勇邁等倫。誓摧覆斯巴

達。復彌西那國。後見雅典衰。聞德巴多名士。携其母及二妹適德巴。會

越巴美納達。百路丕達。偕諸名士。蕩舟紅平湖。一鳥應弦而落。越巴美

納達驚覓其人。則李宗明也。携之登舟。貌如美玉。風流俊逸。傾倒座人。

詢知爲彌西那逋客。諸名士均愛慕之。與訂交。越巴美納達邀居其家。

其妹一曰貞納。一曰裕綺。娟靜淑麗。精音樂。越巴美納達因娶貞納。而

以裕綺歸百路不達。李宗明旣聯姻。見亞揭西勞屢伐德巴。謀殺之以危斯勢。伺其班師時。伏哥林多叢木中。射之傷股。斯軍執之。鞠得其故。亞揭西勞曰。義士也。釋之。李宗明歎曰。國讐未復。不殺之。非吾志也。然斯王釋我。而又求殺之。是人義我。而我以不義報人也。乃自殺。德人哀其志。立碑記之。彌西那失國四百餘年。至是始復自主。列於同盟。越巴美納達曰。可以成李宗明之志矣。越巴美納達聲名隆起。論者推爲希臘第一良將。國人有忌之者。以明甯陀甯具爲首。論議時齟齬。甯具輕躁妄誕。擅伐切比羅格利。致召斯兵。且開雅典釁。國事幾敗。越巴美納達與百路不達竭力維持之。然其黨不悅。煽構益力。弭兵會之役。明甯陀甯具昌言宜殺越巴美納達。以謝斯巴達。國人不許。至是使其黨劾其擅權。且城彌西那。爲私於妻族。法官不得已。落其職。使灑掃街衢。越巴美納達執役不忤。諸將皆助之。役百路不達。遂獨將烏虜希臘功名。

之士。鮮有終者。以越巴美納達之豐功偉烈。而讒構一言。幾不免於殺身之禍。甚哉。民政之弊也。夫天下之人。同宇而異體。同求而異道。同欲而異知。此三語出荀子使合智。愚賢否不齊之衆。人人得操其黜陟。賞罰之私。則相爭相尙之心。必至釀爲相軋相傾之禍。勢齊則不壹。衆齊則不使。此二荀語亦出其道然也。故荀子曰。無君以制臣。無上以制下。天下害生縱欲。欲惡同物。則樹事之患。爭功之禍。不至覆國喪家不止。吾觀德巴一孱國耳。越巴美納達以介然亡逐之身。卒能定內亂。張國權。挫斯巴達五百年强大之威。殺其名王。而墮其霸業。名號顯赫。爲羣辟主盟。明甯陀甯具之徒。無端傾覆。顛倒是非。而天下之民。囂然應之。法官知其誣。亦不聞有敢執法以與國人抗者。此蓋所謂無君以制臣。無上以制下之弊。語曰。羣而無分。則爭不信爲哉。

馬其頓王愛力克山打第二被害。帕的加第三嗣立爲王。是爲第十六王

希臘春秋卷七

新城王樹枏著

周顯王二年甲寅

西元前三百六十七年
希臘四百一十年

斯巴達敗亞革斯、阿喀第亞、彌西那三

國之師。

周顯王三年乙卯

西元前三百六十六年
希臘四百一十一年

哥林多與非利司立約。

周顯王四年丙辰

西元前三百六十五年
希臘四百一十二年

阿喀第亞與衣利司一作伊勒司戰。時麥加羅

波理同盟諸國未久多貳志。啓忿爭。有推曼地尼爲上國。而附斯巴達

者。德巴之盟遂敗。

周顯王六年戊午

西元前三百六十四年
希臘四百一十四年

百路丕達伐曼地尼。斯巴達救之。戰於

非勒亞。百路丕達負傷力戰而死。警耗至。國人痛悼。復起。越巴美納達

爲將。百路丕達爲德巴世族。獨主持民政。折節下交。才華倜儻。與越巴

美納達並名於世。百路丕達既死。德將加倫退守阿喀第亞。

周顯王七年己未。

西元前三百六十二年希臘四百五十五年

斯巴達圍阿喀第亞。阿人聞越巴美納

達至。出城擊之。敗其前鋒。斯軍退走。越巴美納達追擊於城南之原。張

兩翼以戰。而自率精卒千人。親突斯陣。陣開而復合者三。卒截爲二。居

其中左右擊。兩翼軍復夾攻之。斯人大敗。亞揭西勞單騎走。越巴美納

達追之。幾獲矣。一斯將至。矛洞其胸。越巴美納達折其矛而斬之。刃陷

於內。醫曰。拔之輒死。衆皆哭。越巴美納達談笑指揮不少。輟獻捷者至。

曰。吾死無憾矣。拔刃而死。是役也。斯巴達銳氣挫折。沮民多喪亡。門

闕弄權。憲法廢弛。無復昔時剛毅。素朴之風。而德巴名將相繼隕喪。精

銳折耗。繼起無人。威權頓爾墜地。論者謂百路丕達及越巴美納達之

亡。亡於獨將。皆明甯陀等之讒構爲之。君子所爲。讀河麋之詩。爲之太

息不置也。越巴美納達學宗比撒臥拉斯。其律身甚嚴。終日皆有常程。

晨起習武事。早餐後入政府。蒞公會。午餐返宅讀書。晚餐畢。則與同人談學講道。至夜分不倦。自幼至壯。無一日不學。待人慈厚。然正直不可干以私。終身不見喜怒之形。雖遭大難。處之泰然。人無能測其際者。當出軍時。貞納送之。以保身相勗。越巴美納達曰。胡不言保軍耶。士卒聞之。皆感泣。爲致死。當日希人言名儒名將者。必曰越巴美納達。夫亦可謂魁梧卓越一代之偉人矣。

周顯王八年庚申。

西元前三百六十年
年希歷四百六十六年

波斯王阿克

斯。一作啞古斯。一作阿對愛西。萬國史記作亞答澤耳。土誤。

勸

希臘諸國媾和戢兵。命大邦還侵地。小邦得自主。諸國從之。希人稍蘇。

周顯王九年辛酉。

西元前三百六十年
年希歷四百六十七年

雅典率師伐俄林都。初二十七年之戰。

安非波利首叛雅。未之討也。安非波利之西百餘里。有俄林都者。爲加

基低該。

在馬其頓東
南隔海土股

諸城之長。其盟曰俄林都會。至是安非波利亦入是盟。

雅人怒。遂與俄林都戰。

周顯王十年壬戌。西元前三百五十九年希臘四百十八年雅典伐猶庇亞降之。馬其頓王帕的加

第三伐意大利戰死。其子腓立第二嗣立。是為第十七王雄武有權畧。少時質德

巴三年。從越巴美納達學陣法。並強己弱人之策。既即位。勤求國政。尤

注意於兵。馬國人民。素以漁獵為業。精勁耐勞。耕蠶諸事。皆以婦人為

之。腓立揀其壯者。練之為兵。變通其師兵法。新編一隊。分東西南北四

向。為方陣。披重甲。把堅盾。持長槍。跪以待敵。敵闖入。無一能脫者。號曰

欲鑿斯。一作法耶司縱橫揮霍。所向無敵。時希臘諸國。方務息兵。耽逸安無遠

畧。腓立乘時崛起。招賢下士。四方豪傑之士。多歸之者。運籌建策。遂有

囊括全希之志。

周顯王十二年甲子。西元前三百五十七年希臘四百二十年亞加克禿里為雅典亞爾干。馬其頓

王來修好。且請代討安非波利。曰。克則歸之雅典。遂起師。一戰克之。收

為屬地。既恐雅典與俄林都之合以圖己也。割其一城以畀俄人。而與

之盟。乘勝渡斯德來門。提曼一作斯河。攻答拉西。克其西鄙。得金礦。立一城於海濱之區。以己名名之曰腓立比。君子曰。腓立其知兵者哉。張儀獻秦地六百里於楚。懷王以絕齊。腓立割安非波利一城於俄林。都以絕雅典。兵法所謂善間者也。

初西基雲之滅革利撒也。同盟諸國。以地畀佛西亞耕之。使護特爾斐聖廟。自德巴戰勝斯巴達。蔑視同盟諸國。佛西亞苦之。謀自立。因結歡於雅典。斯巴達以抗德巴。德巴聞之。約同盟諸國會議。索聖地租金而均分之。佛人遂據特爾斐廟。以廟庫所儲金募戰士。攻德巴與羅格利。雅典。斯巴達。德沙利。皆助之。是爲聖廟第二次戰。

周顯王十三年乙丑。

西元前三百五十六年
希臘四百二十一年

希臘名賢特母克理底

一作底摩革利都一
作德謨頓來圖一作

德謨吉利圖
作敵魔基都士

卒。特母克理底。答拉西人。生於西元前四百六十年。幼時家

雄於貲。波斯王亞答澤耳士幸其家。留其傳馬支。

古神誨之學。業成。東游

波斯、印度、埃及、諸國。求師訪道。學益精博。能預知陰晴諸事。號前知。野史所傳。多神異不可信者。歸里家中落。囊橐蕭然。然聲名益高。與諸儒談說。莫能測其涯際。又性善笑。見者傾倒。時謂之笑智者。國人求可以為相者。僉舉特母克理底。却之不就。以火鏡自灼其目。使之瞽。冥探幽討。學以精絕。其元質論。謂天地之間。形色皆虛。其實而可徵者。祇此元質。及元質配合。兩端而已。其說頗與溫白德爾及安那薩哥拉元質之說相異。同而辨之尤晰。溫白德爾以土水火氣為四元質。特母克理底則謂萬物各有元質。即各具一行。土水火氣為者。必不能數萬物之用。安那薩哥拉謂萬物元質雖多。而各有定理。

特母克理底則謂元質之大小不等。形象不齊。運動亦異。其初原無定理。所謂有定理者。自象元質配合之後言之耳。安那薩哥拉謂智慧之心。配合元質。溫白德爾謂仁愛之心。管攝四行。特母克理底則謂其中有智慧。而不恃乎智慧。有仁愛。而不恃乎仁愛。

者則有命存焉。嚴復謂其學以覺意无妄。而見塵非真為旨。蓋已為特嘉爾之嚆矢。又黜四大之說。以莫破質點言物。此質學之根。近人達爾敦演之。遂為化學之權輿。英人赫胥黎著天演論一編。以特母克理底為真傳之所在。所以崇之者至矣。特母克理底嘗謂五味由五官而別。口覺其甘。則無往非甘。口覺其苦。則無往非苦。故同一物也。平時食之。如齋者。疾時食之。如茶。可知味在人。

不在味推之溫熱寒涼莫不皆然。心在內物在外各不相謀。而能使萬物形象即之於心者。則五官通其消息也。放心雖不存一物而無一物不存之於心。人之智慧其體本虛。其用有限。試置一物於此。見其外不知其內也。見其表不知其裏也。即剖之碎之。見其內矣。而內之內仍不可知也。其倫理學說以快樂爲主。所謂快樂者。非身體上之快樂。乃精神上之快樂也。人之快樂存之於內。非求之於外。抑情慾。拒邪諛。凡動作希幸之心。以己之性質與能力限制之。若賤己之所有。以望己之所無。是愚者之行。智者弗爲也。故其學以知足爲基。以克己爲範。此揚子雲氏所謂苦顏子之苦樂。顏子之樂者也。特母克理底著書七十二種。文體華麗。羅馬施祿稱其文與百拉多相韻。惟其書殘缺有間。譯其言者。未能深造。有不精不詳之憾。是可惜耳。時人稱特母克理底爲希臘七賢之一。卒年一百有五。卒後一十五年。有伊壁鳩魯者。生於阿的加。西元前三百四十二年酷嗜特母克理底之說。精研哲學。遂獨創一派。以懲忿窒欲。遂生行樂爲宗。而仁智爲之輔。講說名理。治化諸學。多補前人所未逮。其言物理。本之特母克理底。謂物與心。不得分爲二致。故有

相感之機。宇宙之物。由分子與虛空而成。虛空則無限者也。此無數之分子。運動於無限之虛空而不絕。造天地而人與物錯孕其間。人之心靈。亦物質也。特其性質。爲物之最精微者。而麗於人之肉體。故人爲萬物之靈。其言倫理。亦主特母克理底快樂之說。謂快樂有二。一爲靜時之快樂。一爲動時之快樂。靜者消極之快樂。動者積極之快樂也。進而論之。則有心神快樂。與身體快樂之分。身體之快樂。轉瞬卽消。心神之快樂。則貫過去未來。而至於無限。然心神之快樂。恒由身體之快樂而起。則身體之快樂。常爲主。而心神之快樂。常爲從也。故平居以衛生節欲。爲行樂之具。弟子之從游者。先務修容。衣服必都。身軀輕弱。等於婦女。索克拉的之弟子譏之曰。是道也。何道也。不論天人之奧。而惟營營於服食之間。與禽獸何異。故雅典人目放曠恣肆者。皆謂之伊壁鳩魯弟子。因有豕圈之誚。門戶相非。失其實也。實則其教清淨節適安遇。

樂天爲古學之一大宗。至於近世英國之霍布士、陸克謙、復大倡之。而佐里迷邊沁、約翰彌勒以樂利之義，詔示後世。倫理政治之學遂生。一大變革矣。

雅典人夏倫助波斯小亞洲方伯阿得培助爲亂。波王阿克斯詰責雅典人懼，召夏倫還國。阿得培助兵敗，奔馬其頓。是年以弗所先農知安那神廟災，而腓立之子亞歷山德適於是日生。先農廟者，宇內七大宏工之四也。隨復建創壯麗過前。曹魏時又燬於火。土耳其與其材營君土坦丁宮殿。

周顯王十四年丙寅。

西元前三百五十五年。希歷四百二十二年。

德沙利平民逐其貴紳出境。貴紳求

救於馬其頓。腓立喜其隙之可乘也。自將大軍與佛西亞人戰於德沙利。勝之。長驅入城。盡收其地。乘勝進擊佛西亞。雅典援師扼之於德爾摩比勒。腓立知不可勝。退屯德沙利。時德城毀於兵。築之艱於費。有名妓費而內者。謂腓立曰。王以豐碑銘我。則築城之役。我自任之。雖巨萬

不惜也。

周顯王十七年己巳。西元前三百五十二年 希臘四百二十五年斯巴達與羅格利戰。特摩士的侂一作低尼

為雅典亞爾干時雅典國人皆主結好馬其頓。獨特摩士的侂知腓立

有吞併全希之志。著論數篇。剴切指陳。極言腓立之可畏而不可恃。且

曰。不早圖之。後必噬臍。雅人皆無遠志。習於汰侈。宴游怠傲。無復昔時

同仇禦侮之心。而富紳亦相率厭兵吝財。避匿賦稅。不樂輸國帑。達官

巨儒。雖若仁諾。百拉多等。漸於淫佚。漁色狂蕩。衍為國俗。時雅典風甚盛。名妓服食居處有如王公。惟

婦女之禁。蓋嚴不令外出。相言婦女不可使有權。以其嫉妬淫狠。較之男子為尤甚云。無以國事為念者。其不振也宜哉。詩曰。維此

聖人。瞻言百里。維彼愚人。覆狂以喜。君子所為賦。柔而長歎也。雅典

人二千遷於撒摩斯。一作失摩斯

周顯王二十年壬申。西元前三百四十九年 希臘四百二十八年俄林都人見德沙利滅於馬其頓。懼

而求援於雅典。特摩士的侂告於眾曰。腓立廣而多詐。貪而無厭。甘言

厚幣餌我也。同心協盟，猶懼不敵。況懷貳心，樂大禍乎？吾聞之，脣亡者齒必寒。俄林都雅典之唇也，亡德沙利不懼，以翫寇仇，行及齒矣。因與俄林都盟，以抗腓立。

周顯王二十一年癸酉，西元前三百四十八年 希歷四百二十九年腓立伐俄林都，雅典救之。兵少爲

所敗，同盟三十城，以次皆覆。加基低該全地，悉入馬國版圖。俄林都降

者，均鬻爲奴。前編年表記於西元前三百四十七年君子曰：息侯屈於鄭伯，趙信降於單于，兵法所

謂小敵之堅，大敵之擒也。雅典以積敝之師，當馬其頓方張之卒，而又

少以嘗之，玩寇甚矣。識者是以知雅人之無志於戰也。

周顯王二十三年乙亥，西元前三百四十六年 希歷四百三十一年腓立謀取佛西亞，恐希臘諸國之

助之也，因大會諸國，攢佛人不與盟，遂率師入佛西亞。佛有善射人亞

士的者，投其軍，弗受。亞士的怒，入圍城，射腓立，眇其目。城旣下，縱兵焚

掠殺戮，取其婦女，分賜諸將士之有功者。遂據特爾斐廟，集希臘十二

族。會議廟事。佛人城鎮。盡夷滅之。其老弱遺民。擯居鄉野。不使預神會。諸國公奉腓立為亞波羅天神護主。凡有會議。馬國使人居首位。有不敬於神者。執詞伐之。希臘諸國。儼如附庸。腓立為所欲為。無敢阻者。

周顯王二十五年丁丑。西元前三百四十四年。希臘四百三十三年。腓立謀間全希諸國。散金帛以收

人心。又陰嗾之使相惡。而密結越巴美納達所建麥加羅波理及彌西

那二國。聯為友邦。藉以干伯羅奔尼蘇國事。特摩士的伉懼同盟諸國。

為腓立所給。親赴伯羅奔尼蘇。說諸國曰。馬王之心。何厭之有。同惡相

恤。以維簡書策之上也。若尋小嫌。忘大患。豈惟雅典覆亡之不暇。凡我

同盟。將實盡之。國不十年。希其虜矣。乃為建合從聯城。以保自由之策。

而當時諸國。狃於苟安。且與腓立新定盟。無從之者。編年表謂是年斯巴達降於腓立。案西史綱目載腓立末年為全希

統帥惟斯巴達不從。則表說誤也。烏虜六國之從散而秦興。吳蜀之交離。而魏勝。古今中外興

亡成敗之機。若出一轍。至可悲也。吾聞特摩士的伉。有口才善詞令。至

今○讀○其○所○論○馬○其○頓○諸○篇○世稱激論捷語曰非立皮克士即本此也蓋○亦○蘇○季○子○之○流○亞○也○希○人○玩

近○憂○而○無○遠○慮○同○讐○異○黨○屠○火○忘○焚○一○特○摩○士○的○侂○其○如○希○人○何○哉○管

子○曰○獨○王○之○國○勞○而○多○禍○獨○國○之○君○卑○而○不○威○彼○特○摩○士○的○侂○者○其○知

之○矣○

周顯王二十六年戊寅西元前三百四十三年 希歷四百三十四年雅典遣亞格那伐馬其頓

周顯王二十七年己卯西元前三百四十二年 希歷四百三十五年腓立擊答拉西各城不三月皆下

之○雅○典○出○師○遇○諸○海○濱○腓○立○責○其○違○約○興○兵○失○友○邦○之○誼○特○摩○士○的○侂

斥○之○雅○人○至○是○始○悟○其○言○相○與○聽○約○束○協○力○以○抗○腓○立○

周顯王二十八年庚辰西元前三百四十一年 希歷四百三十六年腓立進攻比散典使其世子亞歷

山德監國時年僅十六耳雅典益師屯於比散典西境腓立以師老而

勞雅軍氣銳不易敵班師特摩士的侂商之民會節神期巨款以濟軍

需激勸貴紳大族輸水師餼整軍教戰昕夕不遑更厚結德巴以訂

友助扶持之約。

周顯王三十一年癸未。

西元前三百三十八年
希臘四百三十九年

雅人哀基斯亞

一作哀斯基尼

以特爾斐廟

會小嫌。達戰書於安非撒城。陰召腓立之兵來會。哀基斯亞有辯給才。腓立以重金結之。故爲之耳目。腓立得書。率師而南。以其子亞歷山德將後軍以從。特摩士的侂曰。安城之師實託名也。倘入佛東。據以里底亞。而有之。則扼要以圖比約。低亞出入雅典之郊。希其危矣。乃與德巴合兵拒諸比約。低亞。秋八月。特摩士的侂將軍一萬屯於薛羅尼。一作該羅尼亞德巴使老儒伊索克提拉斯將軍一萬會之。腓立至。詰其故。怒而攻之。以亞歷山德當德巴。而自當雅典。伊索克提拉斯故善用兵。然心輕亞歷山德弱。不以爲念。及戰。亞歷山德揮左右翼圍之。而自策五十騎縱橫馳突。當者輒靡。德軍大潰。伊索克提拉斯憤而自殺。腓立與雅典方相持。亞歷山德橫擊之。雅軍亦潰。追殺三十里。兩國之兵得免者僅三

千人。各國大震。俱遣使尊腓立爲統理全希之主。雅人亦逐特摩士的
侃求成。孟德斯鳩曰。吾聞特摩士的侃之言曰。雅人之畏腓立之也。非
畏腓立之威。有害於雅典之獨立也。所畏者有妨於雅人之逸樂而已。
其時定制有建議擲用戲
場經費作軍餉治以重罪夫雅典抗波斯百萬之師。屢戰不屈。城池燼毀。卒再以

興而薛羅尼一戰。乃至一敗塗地。而不可收拾。烏虜今也。克雅典之兵。
如是其易。昔也。克雅典之兵。如是其難。雖曰天命。蓋亦有人事存焉。

周顯王三十三年。乙酉。西元前三百三十六年
希臘四百四十一年腓立被弑。亞歷山德爲馬其頓王。

時全希諸國。皆舉腓立爲諸軍統帥。惟斯巴達不從。腓立徵諸國大會
於哥林多。議伐波斯。區國之大小出軍。事竣旋國。蒐軍實。繕甲兵。校士
馬。以師期赴告列邦。腓立有愛女姑婁巴多拉者。字之耶卑路。屆婚期
矣。腓立張宴筵。與諸賓客豪飲。酒酣。衛士包撒尼抽劍搃之。洞其胷。乘
間而逸。包撒尼爲馬國貴紳。以衛士居王側。王族傷而辱之。腓立不問。

故以是怨王。腓立既死，亞歷山德即位。國人有謀叛者，立率衛兵捕其黨，盡誅之。赦名士，頻大陸司，並宥其家。自是通國帖然，無敢懷異志者。烏虜，腓立雄才大畧，固秦皇魏武之雄者也。希臘各國，干戈擾攘，兵爭之禍，垂二百年，民生糜爛極矣。孟子曰：天下惡乎定？定于一。腓立蓄精藏銳，以乘列國之敝，一鼓作氣，遂霸全希天下。之生一分一合，豈非天道哉？司馬法曰：新氣勝舊氣，古今治亂興亡之機，未有不由此者。語云：後起者常居勝勢。新舊之謂也。腓立受越巴美納達強已弱人之術，其要在於用貨財。設耳日。管子二語出披離與國遠交近攻，此兵法伐謀伐交之善策。當時知之者，惟特摩士的佞一人而已。謀之其臧，則具是違謀之不臧，則具是依悲。夫非腓立之能亡希臘，希臘自亡之也。腓立嗜酒多失德，一日飲酒斷訟，訟者不服，有後言立平反之。一婦來訴，腓立辭以事。婦曰：王不以民事爲事，是無王也。腓立感其言，聽斷益勤，然沈湎無

虛日。卒以此致禍。雅典人聞腓立死。大喜。以金冠賞包撒尼。希臘列邦皆叛而自主。編年表謂腓立陣亡於雅典非也。

雅典人克立。始測日月食交周。及月掩日。地掩日之理。

周顯王三十四年。丙戌。西元前三百三十五年。希臘四百四十二年。亞歷山德偵知希臘諸國有叛志。

帥師至伯羅奔尼蘇。遣使徵會於哥林多。諸國咸懷懼奉命。遵亞歷山

德爲統理全希之主。還國北征西翅的。道答拉西。至大腦河。且行且戰。

悉定其地。乘勝平月氏。哥一作哥氏。渡河而歸。擊取壹黎里。收爲版圖。時希地

有謠傳亞歷山德戰歿者。德巴聞之。圍保障城。馬國戍兵馳使告變。亞

歷山德趨救克之。夷其城。鬻其人民。悉爲奴隸。由是全希震懾。無敢復

萌他志。初希臘諸國無常兵。有事始入行陣。其爲將帥者亦民所公舉。

又往往爲國會牽制。不能自專。馬其頓獨以兵爲本。已隸行伍。不復習

民間事。專心衛國。聽主指揮。其軍帥皆命於王。無撓其權者。故主與將

一心將與卒一體。兵權專壹。所向有功。腓立所練長矛密隊。亞歷山德

更精究而變通之。矛長二丈一尺。軍士列為十六伍。每後一伍。去前伍

三尺。人皆持矛。手去矛鋒十五尺。去柄端六尺。其第二伍。矛鋒出前伍

外十二尺。三伍四伍五伍。矛鋒出前伍。皆遞縮三尺。第三伍矛鋒出前伍外九尺第五伍外三尺

伍各十六人。蒙甲帶胄。前隊進。後隊繼之。進退坐作。分合馳驟。

快如風雨。堅如堵牆。敵人之交戰者。非衝越矛鋒三重。不能傷及其卒

也。其隊都一萬八千人。分六旅團。團三千人。有聯隊。有小隊。間以別隊

補之。地勢或不便。則陣於對面。乘機以為進止。長矛軍卒。選於國民。帶佩

之器為希人常用之盾與鎗其精騎軍二隊。亦簡之士著。操重器者一。操輕器者一。操重器者帶厚刃

短槍輕騎軍但持長矛便於馳逐扈從之隊。名曰親軍。則馬國貴族為之。將帥之才。多出其中。

此外復募希臘各邦之馬步軍。為輕兵隊及雷石隊。輕兵者。弓矢鏢鎗

諸器。雷石則礮石攻城之具也。亞歷山德凡有衆四萬。其行兵也。恒以

他軍迎敵。乘勢以長矛軍擊之。當之未有不敗者。然長矛隊法。利於平原。羅馬之戰勝馬軍。每要諸隘地。從旁斜擊。執短鎗。舞刀劍。進退疾徐。無不捷於馬軍者。蓋行軍之器。愈出愈奇。制敵之方。因時而易。守舊者。敗。善變者。強。不然。馬國之軍。天下所稱無敵者也。而前後懸絕。若此。易曰。功業見乎變。又曰。日新之謂盛德。有國者可以知其故矣。

周顯王三十五年丁亥。

西元前三百三十四年
希歷四百四十三年

亞歷山德議伐波斯。成父志也。會

各國使臣於哥林多。大徵兵馬。命大將安提巴的留守馬其頓。自帥精兵三萬五千。伐波斯。盡散其財。分貽士卒。渡黑勒斯奔海峽。至小亞西亞。過突累。謁古豪將。亞猶列之墓。進次格蘭尼古。一作革
拉尼古河。初波王大流士第三聞腓立卒。大喜。以爲亞歷山德弱。易與耳。及聞大腦河之捷。大驚悸。恐禍及己。波相孟韜建議徵所募希兵。嚴守黑勒斯奔。檄沿海諸方伯。各簡精兵爲之援。大治戰船於地中海。波王簡孟韜爲水陸軍大

都督孟韜受命不即發。濡滯中途。諸方伯又狃於承平積習。陽奉陰違。兵無部署。軍之精者。惟綿農一作門嫩所將希兵數隊而已。綿農者。孟韜之弟也。西元前三百五十六年。阿得培助之亂。綿農奔馬其頓。綿農為阿得培助妻弟腓立以其有將略。寄之專閫。綿農辭及其還也。西元前三百五十年腓立餞之。亞歷山德方七歲。侍側。詳問波斯政俗山川形勢。及波王之為人。綿農異之。謂其人曰。他日為波斯患者。必此子也。及亞歷山德立。綿農徧說亞洲方伯。請嚴為之備。諸方伯不聽。至是。告諸方伯扼要守隘。焚城外積聚。堅城以老其師。且曰。馬王以威力脅制希人。非心服也。若乘其遠出。分遣腓尼基戰艦。潛赴希城。煽兵內亂。則亞歷山德救亡之不暇。何有於波。從而擊之。必得志矣。諸方伯以其策迂緩不從。禦之於格蘭尼古。亞歷山德策馬亂流而濟。諸軍繼之。綿農麾馬隊河南岸。馬其頓右軍副將阿利頓田民多利買刺基。一作他勒密別號索即爾取王旂。率先登岸。綿農與子

躍馬搏戰。二將敗落水。中亞歷山德衝入波軍。諸軍皆騰蹕而上。左軍渡淺水。與中軍合。長矛隊戰甚銳。輕甲兵持短刀。滾舞陷陣。中波軍前鋒亂。後兵見之。驚潰四走。綿農麾步兵進。亞歷山德率長矛軍奮擊。大破之。斬首二萬級。馬軍亡者僅百餘人。波軍既敗。孟韜始至。波方伯僉悔不用綿農之策。乃堅禦要隘。以待馬師。綿農整備海軍。告急於海中羣島。島國多從之者。綿農旋以疾卒於軍。客兵無主。皆解體。亞歷山德乘勝攻弗呂家。克其城。時歲已暮。暫息兵。且知綿農將才。不可輕敵。故緣海而行。兼防希地之內亂也。

周顯王三十六年。戊子。

西元前三百三十三年
希歷四百四十四年

亞歷山德聞綿農卒。喜曰。波斯不

足平矣。時春和草長。遵海而南。與海軍夾進。迭克約年諸埠。至答索蘇。

一作米
安德

有病浴於河。骨節皆震掉。色變。從者大驚。扶之起。服軍醫腓立藥。

即愈。聞波前王遺輦一乘。其纒爲樹果所製。循環不見其端。傳言能解。

者。後爲全亞洲之主。亞歷山德舉斧斷之。次基利家。

其地連伊
斯索府

踞伊斯索作一

蘇伊山門之隘。曰天助我也。波王大流士第三帥軍五十萬。出巴比倫。星夜馳行。爭之不及。遂屯西里亞。以希兵爲中軍。波兵爲左右翼。別以馬軍三萬陣於海涘。爲策應之師。亞歷山德踞牙牀。揮長矛軍突出。戰於山麓。萬矛叢刺。波軍擁盾禦之。更番迭進。久之戰不決。亞歷山德詭以小隊牽制其師。而自帥全軍襲其馬隊。海濱多港。汊橫阻。兩軍發勁弩相激射。未幾馬國步兵繼至。亞歷山德帥之越港而馳。波騎不能當。潰而走。連擊波軍左右翼。皆敗之。惟波中軍屹立不爲動。亞歷山德將移軍出其後。波王恐。鞭馬車而退。爲僵屍所遮。易馬而馳。全軍相繼奔潰。亞歷山德登高望之。有繡旂錦甲。萃於一隊者。曰此大流士宿衛軍也。追之。波王妹羅翠那。史泰綺蘭。返旆與亞歷山德戰。王母及后夾攻之。時大流士去已遠。宿衛軍三千。爲馬軍所圍。羅翠那傷胸。亞歷山德生

禽之。史泰綺蘭馬中矛仆而就縛。全軍喪膽。乞降。王母及后皆被禽。后王

被禽編年表在年三百三十一年

再追之。又獲其子。王母見大流士乘輿。哭曰。吾子死矣。亞歷

山德慰之曰。波王已遠遁矣。且馬其頓所爭者。波王之土地耳。王室妻

孥之樂。固無恙也。余非食言者。其勿恐。厚待之。是役也。波軍死者十一

萬。生禽四萬人。馬軍傷亡僅四百餘人。王輦王盾及彤弓冕旒輜重。皆

為馬軍所得。甲仗糧餼積如山阜。虜波斯達官妻妾尤多。乃帥師南行。

進克西里亞、巴勒斯坦諸城。

周顯王三十七年己丑。西元前三百三十二年 希歷四百四十五年大流士遁歸書山。亞歷山德移師

攻腓尼基。諸將請入米所波大米。亞歷山德曰。腓尼基水師縱橫地中。

海。此吾後顧憂也。掃蕩海氛而後入之。謂入其內地則波斯為掌中物矣。遂次

第攻降腓尼基諸城。惟首城推羅不下。推羅高峙海中。推羅為海中一島。高出海面十尺至十五尺。長二里。

廣一里。自島達岸約一里有半。

環以堅垣。戰船林立。亞歷山德招之降。不可曰。祖宗以鎖鑰

之地付我子孫當以死守之可殺不可降也亞歷山德建石路起海岸

達城濶二十丈今有人險之所築之石路為海潮沙礫所益已至一里之廣矣迭築迭摧以西頓戰艦護之八月路

成薄城下圍攻一月陷之屠八千人虜三萬人為奴城垣屋舍毀為平

地轉戰至迦薩攻二月拔其城掠一萬人拒抗不服者以車輪轢殺之

於是波斯海岸悉淪為馬其頓版圖乃遣使至耶路撒冷傳諭猶太祭

司納土地獻糧犒軍緇年表在前三百三十一年祭司長雅鐸一作晏陀雅一作亞作亞不從曰吾不能有

貳心於波也亞歷山德遂伐猶太猶太大震初雅鐸夢國人張燈彩插

花於門率眾祭司服白衣冠迎降道左至是寤其夢乃降亞歷山德見

雅鐸曰吾嘗夢一人傳上帝命曰必滅波斯即此人也入聖殿見但以

理書預言希臘滅波之事其書言但以理見牡綿羊立河濱先後生二角後生者角尤高自西而南而北羣獸無敢當者又見牡山羊自西方來遍行天下額際生大角觸牡綿羊犄之

於地無救之者未幾牡山羊角折復生四角東南西北各據一方但以理尋思其故有百列告之曰牡綿羊者米太巴西列王也牡山羊者雅番王也巨角既折四角代立國必四分也按米太即米顛巴西即波斯雅番即希臘舊約稱希臘皆謂

之雅番由是伐波之志益堅而待猶太人益加厚國律教規一仍其舊閱六

年。則免徵賦稅一年。裨將之任。多以猶太人爲之。恩施重疊。國人大歡。

乘勝至埃及。編年表在前三百三十一年埃及人久苦波斯之虐。侮其俗所敬禽獸諸神。痛

銜刺骨。聞馬王至。皆歡呼以迎。畧定全疆。兵不血刃。亞歷山德悉反波

王所爲。親獻祭物神前。以收人心。遂蹕呂底亞。一作米利亞大沙漠。降阿比西

尼。謁入必的安門。一作歐西利廟而還。亞歷山德謀建都城於開羅之地。夢一

老人歌和墨耳詩曰。度陰兮帶江河。法洛斯兮帝所都。挹海兮注

尼羅。寤而登法洛斯島。覽其形勝。宅中馭外。又便互市。歎曰。和墨耳真

天下才也。乃築城於尼羅河西口。以己名之曰亞歷山德。設埃籍希籍

兩方伯。分治之。後歷二十年。富庶繁華。甲於天下。爲羅馬都外第一巨

城。埃人感其德。咸呼萬歲。烏虜亞歷山德之得國也宜哉。俗教之移人

舊矣。強有力者。能滅其國。不能服其心。能殺其人。不能變其習。孔子曰。

善人爲邦百年。又曰。王者之仁。要之必世。蓋難之也。不其然哉。希臘之

世。雅典、斯巴達、德巴諸國更盛迭強，爲列邦盟主。然皆各私其族，賤踐屬民，以爲異類。天下之衆，懷仇伺變，以乘其敝。故皆不久崩裂，不能長有其國。賈誼有曰：并兼者高詐力，安定者貴順權。亞歷山德獨操其術，以翦天下收入心所至之地，安其性命而守其政俗。古之王者混一區宇，功業長久，聲施赫然，未有不由此道者也。吾聞亞歷山德之去埃及國人，皈依慕戀，皆相對下泣，至不忍別。及滅波斯，首與通婚姻，糝化種類，以爲聯合東西之法。非甚聖智，知順權者，孰能語於此哉。

周顯王三十八年庚寅

西元前三百三十一年
希臘四百四十六年

亞歷山德自埃及還，復伐波斯。大

流士遣使贈黃金一萬，答連多。且請納女，獻幼發拉的

一作歐伯拉的

河。至黑勒

斯奔之地。亞歷山德不許，曰：波王來，吾善遇之可也。大流士懼，益募士卒，修戰備，蓄軍儲，練象隊，製刀輪車二百兩，鐵刺球數萬枚。亞歷山德由西里亞北折，渡幼發拉的河。大流士使其大將馬席威亞斯扼河而

守。亞歷山德擊之。不戰而奔。遂渡河。冒暑行烈日中。越米所波大米。至低格里士河。將東趨米顛。大流士禦之河側。其軍皆印度。阿富汗。布哈爾。耆波。吐蕃。皆今名耐勞善戰之人。屬地騎兵皆來會。士卒號百萬。屯河左岸。盛積軍儲於密尼佛州城外之亞伯拉。一作阿倍羅。一作亞比粒。密尼佛即尼尼微。馬軍循河而上。既渡。按兵不動。次日。沿岸南行。行四日。遇敵騎。亞歷山德曰。此斥候者也。波斯大軍近矣。營而息者四日。黎明。親率衛軍。登高阜絕頂。窺波斯士卒。皆荷鋤除路。亞歷山德曰。敵其設陷阱。阻我騎乎。諸將皆請戰。亞歷山德持重不進。先使多利買刺基。密偵虛實。是日還營。集諸將謂之曰。賴諸君之力。得踐茲土。功之成敗。名之立不立。在此一舉。詰朝而戰。生死以之。其各勵爾士。繕爾兵。勗哉桓桓。毋替余命。日暮。多利買刺基回營。曰。彼衆我寡。夜襲之必得志。亞歷山德曰。不告而襲之。不義。賊而勝之。不威。吾不欲爲詭道以示天下也。翌日昧爽。亞歷山德率步兵

四萬騎兵七千。陣於平原。分軍為三。輕甲馬兵及步兵居前。為右軍。重甲步兵居中。騎兵夾左右為左軍。其一軍則輕甲馬步兵。執鏢槍弓矢。

防敵之圍攻其後者。亞歷山德自將右軍。大將塞留孤。

通史作巴米尼一作西略古一作式里幼加斯一作

西魯庫一作安底哥略奴一作尼亞古

將左軍。鼓行而前。瞭見波軍前隊。刀輪車疾馳平地。其左

右翼長過馬軍。乃命全軍向右斜行而進。攻波右翼。大流士在中軍。見馬軍斜行。愕而惡之。急命展其左翼之眾。直出軍前。馬國後軍步騎已風馳而至。鏖戰久之。亞歷山德且戰且走。益督軍向右斜行。波之左軍遂與全軍相隔。大流士出刀輪車。衝近衛騎兵。騎兵瀕亂。輕甲兵猝至。槍殺其馬。趨車旁。斷其韁。御者驚潰。反走。波兵自相蹂死者無算。刀輪再出。再奪其車。波以騎兵包馬國右騎軍。將安禮天斯帥後軍馳擊之。大流士揮中軍出援。亞歷山德覩其虛。率健卒馳而入。以長矛刺波兵。面目親擲一槍。斃波王御者。自心達於背。波軍大呼曰。王死矣。中軍遂

奔。大流士單騎走。時波斯左右翼夾擊塞留孤左軍。幾殆矣。亞歷山德方追敵。聞之反旆以救。亡親兵六十人。波軍殊死戰不屈。亞歷山德益怒。策馬而先。卒大破之。波之左軍亦相繼潰敗。聞王遁。從之。渡利卡斯河。爭橋。橋斷。士卒多溺死者。大流士收兵。嬰亞伯拉城以守。是役也。波軍死三萬。或作死者三十萬。降者五六十萬。馬軍亡者僅一千二百人而已。時斯巴達有作亂者。雅典應之。留守安提巴的擊破斯軍。徵其質子。捷報至。大流士聞之。志氣益沮。從兵一萬而東。西史綱目言此戰。馬國分爲三軍。亞歷山德衣鮮甲。自將騎兵。陣右軍之前。孔累曾利斯比刺累夫斯處老柴米亞阿利頓田民安提俄那米利非比儀

路典。不比魯庭斯分將近衛騎兵八隊。陣右軍之右。米加能帥步兵擁盾。次其後。更以六旅。別次步兵之後。一旅圍陣。步兵之右。大將塞留孤將左軍。巴傳亞加斯。米利非。凡禮。主巴。高信。武爾。惠斯。四將副之。孔瓦。低。羅斯。帥步兵。陣其後。伊利。具。以亞斯。帥希臘聯軍騎兵。次步兵之後。非立。巴斯。帥答拉。西騎兵。陣左軍之左。以旅團密隊爲後軍。使其將安太羅斯。帥輕兵半隊。次其後。武利。孫。帥弓兵。古利。多。帥聯陣步兵。又次之。米爾。傳。斯。安禮。天。斯。非。羅。達。分。帥。騎。兵。又。次。之。新。瓦。安。斯。安。我。孫。各率騎兵。又次之。安武。國。魯。馬。加。斯。爲。後。軍。後。隊。輕。步。兵。執。鏢。槍。弓。矢。分。爲。右。翼。前。鋒。防。敵。軍。兵。車。馳。突。波。斯。分。三。軍。陣。而待戰。其左軍以米。頤。阿。富。汗。布。哈。爾。騎。兵。陣。於。前。以。書。山。派。里。尼。步。騎。次。於。後。其。右。軍。則。罷。寇。第。米。所。波。大。米。諸。兵。也。大。流。士。自。帥。印。度。阿。美。基。考。燧。斯。及。波。佛。國。槍。兵。爲。中。軍。更。以。密。尼。佛。巴。比。倫。紅。海。兵。編。爲。密。隊。別。募。希。兵。列。左。右。以。當。馬。王。部。下。馬。兵。密。隊。而。使。米。頤。兵。一。千。密。尼。佛。刀。輪。車。一。百。兩。爲。左。軍。前。鋒。使。瓦。米。尼。等。騎。兵。象。隊。及。密。尼。佛。刀。輪。車。五。十。兩。爲。右。軍。前。鋒。亞。歷。山。德。以。衆。寡。懸。殊。防。波。軍。左。右。翼。護。擊。乃。揮。左。軍。直。攻。波。右。波。之。左。軍。騎。兵。繞。出。王。右。軍。側。將。橫。擊。之。亞。歷。山。德。令。後。軍。米。爾。傳。斯。騎。兵。接。戰。更。遣。古。利。多。步。兵。爲。之。援。擊。破。之。大。流。士。遺。中。軍。騎。兵。救。之。戰。甚。猛。馬。國。兵。多。死。傷。者。亞。歷。山。德。

德益督兵進大流士以刀輪車衝其近衛騎兵亞歷山德急以弓槍兵防之槍兵刺傷其御殺馬斷覆兵車敗走再出再敗
 盡奪其車波之騎兵謀包馬國右軍後安禮天斯帥後軍馳擊之大流士遣中軍騎兵出援亞歷山德見波王中軍虛衝以
 騎兵大破之盾兵亦乘勢襲擊密隊五旅圍揮矛血戰波軍死者山積大流士督之益力亞歷山德以密隊逼之不能入亞歷山德
 大流士單騎走中軍遂大敗時波斯左右軍方夾擊塞留孤左軍圍之數重信武彌惠斯帥六旅圍援之不能入亞歷山德
 乘勝追波王聞左軍困於敵返旆救之內外夾擊亞歷山德親兵六十餘人皆戰死益急攻之右軍
 潰塞留孤與信武彌惠斯亦破其左軍波斯諸將聞大流士通意氣沮喪羣潰而奔死者三萬人 亞歷山德入

亞伯拉掠其珍寶復追之克巴比倫時其師亞拉斯德方從巴人嘉臘

提受日食表具載巴比倫一千九百三年中所見之日食休兵一月復攻書山一作蘇繳一作壘沙波之京城也克之連陷百

泄波利一作波斯伯利一作衣司百罕一作伊斯巴罕等州凡波人所敬之神皆親祭之並建已毀之廟

以收人心括其庫儲金銀財物充大軍糧餼大流士遁入亞拉伯沙漠

亞歷山德追之全軍盡渴一卒掬水以進亞歷山德覆之地曰吾何忍

獨飲此水也將士皆感泣西史綱目以此為大流士事忍渴窮追大流士至依帕多利一作伊巴

其州牧別索一作比蘇一作培茲隨斯一作庇素執之繫以鐵索置車中追兵至刺其王鞭馬

而走大流士被創未絕乞水追兵汲而進之一咽稍蘇謂之曰余已矣

不能報汝一掬水之恩矣亞歷山德必酬汝也亞歷山德善遇吾母澤

我妻孥。皇天上帝。實降臨之。神之所勞。將在王矣。言畢而絕。亞歷山德至。撫其屍。悽然流涕。送諸百泄波利。波王之陪都也葬先王之兆域。於是波斯盡亡。入馬國版圖。分立諸方。伯治其地。烏庫波斯自居魯士建國。歷君十一。歷年二百二十八。土地之廣。人民之衆。鷹瞬虎視。雄蹲亞洲。希臘非其匹也。然而大流士及其子澤耳士。兩入希臘。喪師百萬。廬以身免。馬其頓以彈丸之地。兵不滿四萬。孤軍轉戰。蹂波斯一百二十七州。摧百萬之衆。有若振槁。四年之內。卒沼其國。夷其王。爲世大僂。其故何也。傳曰。師克在和不在衆。周書曰。受有臣億萬。惟億萬心。予有臣三千。惟一心。蜀之伐吳也。舉全國之師。連檣東下。獠亭一敗。三軍盡燬。秦符堅泚水之役。江流未斷。而輿尸百萬。身喪國亡。至於不可收拾。夫空國之衆。冒然徼倖於一戰。而又昧於倍則分之之術。駢攢累積。萃於一隅。適足爲強敵巧者的耳。太公曰。不能分移。不可以語奇。波斯之兵。二十倍於

馬其頓而聚烏合之衆恃力浪戰無奇正之變寡敵之方孫子曰寡者備人者也衆者使人備也此澤耳士前車之覆轍兵家之所忌也而尤而效之能無敗乎亞歷山德懸軍深入波斯之地暴師殫貨利在速戰所謂千里遠鬪其鋒莫當者也司馬景王高壘以弊諸葛恪劉曜堅壁以緩伊餘梁實固險以挫羅喉之鋒季靖勸河間王孝恭泊南岸以折蕭銑之氣兵法曰銳卒勿攻避彊氣也古之善戰者莫不皆然使當日大流土而或出此則堅城深壘嚴守要隘以老其師歛兵不戰以觀其變諸州之兵相爲犄角以逸待勞馬兵雖強亞歷山德雖善戰而有分備之形無聚殲之勢波斯卽甚敗而不至於亡悲夫悲夫波斯知兵之將惟綿農一人而已使不早死則波斯之勝敗尙未可知烏虜波斯之亡若有天焉不然何若是之暴也

周顯王三十九年辛卯西元前三百三十七年希臘四百四十七年亞歷山德居波斯羨其繁富起居

冠服。及上下節儀。日傲波王。羣臣朝見。皆改從波制。然兢兢求治。不少
耽安逸。因俗立法。手訂規章。無不精善。以歐亞兩洲民情多扞格。下互
通婚姻之令。首取羅翠那爲后。並納史泰猗蘭。其將帥以下及諸軍士。
皆使娶波斯人女爲妻。民心遂大洽。又以希臘語言文字教波人。簡波
人之壯者。編爲勁旅。教以馬軍陣法。授之利械。得三萬人。遂定巴比倫
爲京城。有遷都之志。希臘祭司加以冕。稱爲猶皮特天王之子。亞歷山
德大悅。性漸驕侈。使歐亞軍民以神視之。波斯名士加爾利斯。一作尼加不
肯拜。囚之鐵檻。拷而殺之。古利多爲腓立舊臣。有戰功。低格里士河之
戰。脫亞歷山德於難。亞歷山德乘醉。自詡其功。歌伶媚之。嘲國人多怯
戰者。古利多正色曰。低格里士河之役。誰脫王者。此豈懦夫所能耶。且
王。之。有。今。日。皆。國。人。以。血。肉。致。之。隕。萬。卒。之。命。成。一。人。之。功。聽。細。人。之。
歌。灰。將。士。之。志。王。心。蕩。矣。遂與相詬。亞歷山德不能堪。擊以杯。曳之出。

古利多復入門而詈。亞歷山德投槍殺之。酒醒。乃大悔。伏屍而哭。如嬰兒之啼。閉居三日不出。尋復忘之。暴戾如故。敵帥之被禽者。囚服繫車後。鞭馬而馳。嘗捕一海賊。至。責之曰。汝何權敢行劫。賊曰。王何權敢掠人國乎。小人以小衆行小劫。大王以大衆行大劫。小人與大王特大小之區耳。亞歷山德笑而釋之。是時裏海以南大地。皆入版圖。復發大軍東南行。經阿富汗之希拉德。立一城曰亞歷山德亞連。地即阿富汗西界要害地也一作澳那恩稍南。至富拉。一作波達非亞今名布哈拉屬俄羅斯駐軍二月。虐殺其騎將非羅達。並其父巴米尼。約殺之。非羅達有大功。刑非其罪。君子是以知其王業之不能終也。居比路島人支諾。一作仁諾一作柴那諾創斯多噶。學於雅典。支諾父業賈。往來雅典。廣購名人書籍。支諾幼嗜之。後繼父業。至雅典。覆舟。盡喪其資。備於書肆。得百拉多所述索克拉的之學。問肆主曰。索克拉的弟子。猶有存者乎。曰。什匿克中葛第。一作柯拉台者。即其人也。支諾從之受業。既覺其學不合。

去之。復從底士伯游。又以爲不合。卒求得百拉多。學之二十年。盡得其蘊。遂以市樓爲講學之所。希人呼闐闐爲斯多噶。一作斯多噶故以是名其學。嘗言太初有兩端。一曰元質。一曰理。理動乎元質。而萬物以生。畀之於人。則爲良知。良知者理也。大而無外。小而無內。誠實而无妄者也。故順理而行者爲善。逆理而行者爲惡。無一念之私。無一言之欺。無一事之僞。不屈於貧賤。不淫於富貴。不喪於患難。不動於死生。塞欲絕情。委心任運。其學大抵以格致爲修身之本。更創爲上帝造物之論。謂冥頑宇宙之中。有一至仁極義。無所不知。無所不能之眞宰。以彌綸施設於其間。人之承天者。乃常處於化工美備之中。而毫無缺陷。嘗爲天訟。直曰。造化無過。曰。患難玉成。曰。疾怒之威。歸於好生之德。當時學者翕然宗之。歐洲人心風俗之成。實源於此。竊嘗以爲斯多噶學派。與我中國孔孟以來諸儒言天言理言性。大旨相同。而質理並言。尤可以證有宋程朱

之說。此韓子所謂儒術之大醇者。英人赫胥黎氏。不揣其學之本末。乃
 以天行人治。相反異趨之義。強詞佞辨。而疵摘於天。並舉斯多噶以人
 學天之功用。而概置之。以爲盡絕修爲。任天演之自然。而無所事事。不
 知攻之益堅。其道益固。而法天爲治。率性爲生之說。終無以易也。斯多
 噶之言性也。謂凡自然者謂之性。與生俱生者謂之性。生人之性。有禽
 且賤者。如飲食牝牡。與舍生之倫同者也。有精且貴者。如四端五常。所
 以異於禽獸者也。而是精且貴者。賦於人。人既有等差之殊。其用之亦
 常有當否之別。故果敢慧辨貴矣。而小人或以濟其奸喜怒哀樂精矣。
 而常人或以傷其德。然則性分之地。貴之中。尙有貴精之中。尙有精者。
 人唯具有是性。而後超萬物而獨尊。而一切治功教化之事。以出有道
 之士。能以理定志。而云爲動作。胥於此聽命焉。此則斯多噶所率以爲
 生之性也。是性也不獨生之所恃以靈實。則羣之所恃以合。治化風俗。

視其民之率。是性力不力以爲歸。故斯多噶。又名此理曰羣性。蓋惟一羣之中。人人以損己益羣爲性分中最重之事。夫而後其羣有以合而不散。而日以强大也。天演之學。發端於黑拉克利底。而中興於支諾。支諾之意。謂天者人道之標準。所貴乎稱天者。將體之以爲道德之極隆。卽率性爲生之謂也。中庸曰。天命之謂性。率性之謂道。修道之謂教。易曰。窮理盡性以至於命。古今中外之學。蓋有不謀而合者。孟子曰。陳良楚產也。悅周公仲尼之道。北方之學者莫之或先也。若支諾者。非其人哉。支諾生平不見喜愠之色。教人尙仁果。重犯難設。然諾貴守義。相死有不苟榮。不幸生之風。身頡而癯。不食雜品。惟以無花果及蜂蜜充饑。其爲文不事華麗。亦不喜辨論。及門弟子多博學碩德君子。年九十八。躓於門闕。折一小指。遂厭人世。自經而卒。雅典人士厚葬之。鑄銅爲像。今西人稱節烈不屈男子。猶曰斯多噶。蓋所從來舊矣。

周顯王四十年壬辰西元前三百二十九年
希臘四百四十八年亞歷山德發富拉東南行至干達哈

耳在阿富汗國內立一滅復折而北立一埠於加布勒北輸印度古矢一作鷹山崎嶇

雪中軍士多凍餓死築路以進別索謀邀之巴勒革城懼而北遁騎兵

追獲之亞歷山德手割其耳鼻使大流士之弟誅之釘之十字架以戒

為臣之不忠者大隊北行不止取馬拉干達今俄羅斯之屬國賽馬爾

罕也文獻通考謂即漢之屬賓其時屬波斯渡阿拉海一作滙亞勒勒海之亞沙底斯一作歐蘇即隋書之藥殺河河與西翅的

人戰勝而立一城曰亞歷山德伊斯加氏以亞沙底斯河為其疆北界

西翅的人擒捷善狙擊剿撫兩年四境始平

周顯王四十二年甲午西元前三百二十年
希臘四百五十年亞歷山德既平定葱嶺以西諸國

乃下令曰上帝命予一人宰制天下予其觀兵東方致天之罰以征不

甯勗哉夫子毋怠予命遂發大軍伐印度軍士有憚遠行者亞歷山德

曰懦夫也悉逐之凡一萬人親帥精兵四萬至亞多革渡印度大河入

咀又始羅。時印度日月朝相兵爭。國力凋敝。至西印度。君長皆納欵獻幣。列東藩。移軍擊北印度。陣安日。一作海達比河。有烹渣。一作齊國王波路者。率大軍出拒。待馬軍半濟。擊之。一夜大雷雨。亞歷山德揮軍潛渡。烹兵驟出。猛鬪。且驅象隊蹂之。亞歷山德以密隊持長矛刺象鼻。象痛返奔。馬軍乘之。大敗其師。虜波路。鐵鎖繫之。至波路。身長七尺有半。儀貌壯偉。亞歷山德驚問曰。吾其何以遇汝。對曰。請以王遇我。亞歷山德笑曰。吾爲汝虜。亦當如此耳。釋之。還其侵地。更與他邑。烹渣國自是亦列屬藩。是役也。亞歷山德所愛駿馬不色哈祿死。因就其他建一邑。名曰不色哈祿。北印度諸國見波路敗。皆來降。亞歷山德將窮亞西亞東極。東行至海法西河。即蘇德利支河嗜酒醉殺三將。軍士皆解禮。不欲東。會謁其他婆羅門鉅廟。祭司匣以枯骨獻。亞歷山德怒而擲之地。祭司拾而進曰。此奇寶。黃金不能比其重也。試之果然。纍以多金。骨重如故。亞歷山德詢其故。

祭司曰。此貪人眼。眶骨也。骨雖小。食金多矣。耳食出史記。目食出佛書。蘇東坡白書亦璧賦。墨蹟作而。而吾與子之所共食。即本此。今

作適者取土一撮。糝骨上。骨頓輕。亞歷山德。大悟。遂議班師。作祭壇十高。

出城樓。將行。登山。東望流涕。嘆曰。吾馬足盡。東方見日出矣。時四方以印度東境為日所出。不知

復有中國竝世。乃無復可征之國。是可悲耳。時印度四司乃加朝。建國已三百六十年。其末玉山羅克都。不恤政事。全國播擾。有稱陀羅笈多者。月朝王也。其都

與摩揭提近。殊華美。山羅克都。好土木經營。其都城壯麗。軼月朝。陀羅笈多以為欺。已。遂伐之。摩揭提接戰三年。各徵其同盟國。助戰。五印度各國。無大小遠近。悉以兵從。戰爭最烈。為全印百古未有之奇慘。亞歷山德伐之。各國兵力皆罷。敵紛紛

請降。戰事始中止。亞歷山德乘勝。本欲渡恒河而東。攻取摩揭提。不果。而還。及亞歷山德卒。二國復戰。摩揭提與國多降。於馬其頓。助之者。少。致為月朝所敗。至是。陀羅笈多。盡克其國。執山羅克都。殺之。四司乃加朝。遂亡。陀羅笈多。自立為毛利耶

朝。是為印度日月二朝之戰。馬國祭司長百羅。布倫從軍至印度。作詩以頌其功。亞歷山德

厚贈之。百羅與佛人商訂學術。謂人之智慧無定。外而五官內而心志。俱無定境。世謂之有疑無信之教。

希臘人利斯特拉。始造蠟燭。

希臘春秋卷八

新城王樹枏著

周顯王四十四年丙申

西元前三百二十五年
希臘四百五十二年

亞歷山德次安日河。分水陸二軍

並發。塞留孤將水軍。半乘舟。半緣岸行。順流達亞該西尼。以入印渡河。

立一城於二河交會之區。並築修船廠。水陸諸軍均相會。登舟數日。達

海口。入印渡洋。至巴比羅尼亞。一作百辣一
作伯拉底河口。歸波斯。亞歷山德自帥陸

軍西行。巴克提亞。今俾
路芝沙漠曠地。軍士皆饑渴困敝。明年始至波斯。

周顯王四十五年丁酉。西元前三百二十四年
希臘四百五十三年亞歷山德居百泄波利。深喜波俗。

凡創建諸政。皆順民心所欲爲。賦稅之法。一仍其舊。懲方伯權重。乃嚴

考核。書其功罪。罰其不職者。分兵駐重地。諸方伯皆俯首聽指揮。時雅

典亞爾干海几西阿。乘馬軍東征兵。敝首畔之。敗其海軍。亞歷山德以

不能大肆東封。心怏怏不懌。終日沈湎於酒。廣選四方美女。實之後宮。漁色淫荒。不復恤士卒。一夕開盛宴。諸姬環侍。有說其縱火為樂者。亞歷山德一炬焚之。東京府城化為焦土。內外三宮無一存者。大流士第一及澤耳士所築離宮波

斯本族多居此城蓋以報前五百十年波人伐希之役也。乃挈諸姬還書山。

周顯王四十六年。戊戌。西元前三百二十三年。希臘四百五十四年。亞歷山德還巴比倫。塞留孤入見。

陳歸途所見狀。心艷之。謀伐亞拉伯。命腓尼基造戰艦。拆而運之。幼發拉的河濱之達巴撒古城。配合成船。入水順流至巴比倫。將啓師矣。會宴諸國使臣。醉而病熱。彌留二旬。浴畢。召大臣議國事。越四日。疾大漸。昇至祭壇。躬行祭神禮。將崩。諸臣問所立。曰。才德出眾者。可也。既而又曰。余死之後。國大亂。遂殂。疾凡二十八日。在位十四年。年三十四。諸書均作三十四

三歲以生時計。之蓋三十四也。諸臣以香油塗屍。葬之埃及之亞歷山德城。近英人得其石槨。輸送倫敦博物院。初亞

歷山德母烏立比之歸腓立也。夢雷電繞腹。腓立亦夢以獅子印加后。

體。遂。娠。亞。歷。山。德。生。而。頭。角。嶄。然。隆。準。豐。頤。目。炯。炯。有。光。髻。齡。有。大。志。
嘗。曰。憑。祖。父。之。業。而。不。自。樹。加。名。垂。宇。宙。者。非。丈。夫。也。每。聞。其。父。克。一。
敵。得。一。土。輒。皇。皇。惟。恐。後。時。不。我。待。者。人。有。以。其。善。走。勸。赴。歐。林。皮。亞。
會。者。曰。吾。當。與。天。下。帝。王。馳。騁。中。原。耳。紛。紛。餘。子。安。足。較。哉。一。日。試。悍。
馬。控。縱。如。志。馬。頓。馴。腓。立。抱。之。膝。上。曰。兒。才。如。此。御。天。下。不。難。矣。區。區。
馬。其。頓。何。足。算。也。亞。拉。斯。德。者。西。國。之。大。師。也。亞。歷。山。德。從。之。學。問。疑。
辨。難。悉。得。其。經。濟。格。致。天。算。兵。法。擊。技。之。術。年。十。四。學。成。有。神。力。善。使。
刀。劍。豪。情。勝。概。有。吞。吐。一。世。之。心。亞。拉。斯。德。嘗。戒。之。曰。馬。上。帝。王。不。可。
訓。也。十。六。監。國。擘。畫。羣。政。秩。秩。有。章。及。其。嗣。位。以。兵。力。雄。長。歐。亞。諸。州。
創。建。七。十。餘。城。十。年。之。間。朝。諸。王。而。蒞。天。下。烏。虜。何。其。偉。也。西。人。稱。述。
亞。歷。山。德。才。力。蓋。天。下。神。於。用。兵。撫。視。將。卒。如。家。人。子。弟。與。同。甘。苦。寒。
熱。飢。渴。嘗。先。士。卒。士。卒。步。亦。步。趨。亦。趨。不。獨。乘。馬。故。皆。感。奮。爲。之。致。死。

不。忍。言。勞。難。赴。敵。效。功。事。無。失。機。諸。將。校。軍。卒。皆。知。其。無。敵。天。下。戰。必。克。攻。必。取。故。皆。敬。畏。之。如。天。神。無。敢。異。議。者。然。好。賢。樂。士。知。人。善。器。使。嘗。曰。生。我。身。者。吾。父。母。也。生。我。智。慧。者。吾。師。亞。拉。斯。德。也。亞。拉。斯。德。喜。格。致。其。在。軍。中。見。異。物。奇。事。必。書。告。其。師。使。勘。其。理。四。境。之。內。漁。人。獵。夫。得。珍。禽。異。獸。必。致。諸。其。家。爲。之。服。役。者。日。嘗。數。千。人。奉。銀。六。十。六。萬。六。千。兩。爲。之。壽。印。度。名。士。加。拿。奴。年。七。十。禮。致。軍。中。多。奇。策。載。歸。書。山。中。疫。自。焚。亞。歷。山。德。爲。垂。涕。者。久。之。親。臣。喜。非。生。卒。亞。歷。山。德。哭。之。痛。厚。葬。之。曰。喜。非。生。好。官。不。易。得。淚。交。橫。下。哀。動。左。右。臨。終。之。日。遺。屬。羣。臣。以。治。國。得。賢。爲。要。言。不。及。私。而。建。埠。興。商。淪。通。民。智。使。希臘。文。字。徧。於。亞。洲。尤。爲。西。方。開。化。之。祖。惜。其。東。征。而。後。侈。功。窮。欲。荒。於。酒。色。凶。暴。猜。狠。專。以。威。力。私。智。銜。勒。上。下。內。政。不。修。而。淫。於。外。畧。此。與。秦。皇。漢。武。何。異。使。不。中。道。早。死。則。猛。趨。不。止。其。不。蹶。者。希。矣。瑞。典。之。甲。列。十。二。法。

之拿破崙。非其殷鑒哉。孫子曰：招近募遠，隆執詐，尚功利，謂之盜兵。君子不由也。亞歷山德處歐亞兩洲，麋爛之世，當列邦隴種，東籠之兵，以強役弱，以巧禦拙，其去盜兵，蓋亦無幾。所貴權謀，執利也。所行攻擊，變詐也。惡識仁人之兵，王者之志哉。荀子出西人喜功名，尚勇力，不究其本，要其終，輒驚異，夸羨以爲古今不世出之主，慕其風者，至今未息也。孔子曰：暴虎憑河，吾不與也。孟子曰：行一不義，殺一不辜，雖得天下，不爲也。彼亞歷山德者，烏足以語此。亞歷山德有二子，其一爲亞歷山德第三，后羅嫔那所生，其一爲亞利丟，妃巴甲所生。羣臣奉亞利丟，一作亞而里代士西洋史要謂爲王，嗣位庸闇，無君道，廢之，立亞歷山德第三。百爾寔格，一作信武彌惠斯一作培耳代喀一作佩加土爲監國攝政，分全國爲三十六州，使諸將分鎮其地。於是多利買刺基爲埃及大都督，安提巴的爲馬其頓大都督，兼轄希臘各國塞留孤爲巴比倫大都督。時諸州將爭權不相下，各懷異心，憚百爾寔格威權，不敢發會。

百爾寔格爲部下兵刺死。安提俄那一作安提勿奴一
作安提第哥那思繼掌國政。與多利買

刺基不協。遂引兵畔。據埃及。安提俄那使波的加討之。不克。多利買刺

基自立稱王。以亞歷山德爲都城。西至呂底亞。南至阿比西尼。東北至

紅海。蘇彝士。悉入版圖。多利買刺基益興商務。招賢士。理庶政。希波之

人至者如歸。是爲多利買朝。後傳十三王。至女主姑婁巴多拉。一作婁
畢巴爲

羅馬所滅。凡歷二百九十三年。

周顯王四十七年。己亥。西元前三百二十二年
希臘四百五十五年雅典聞亞歷山德卒。召特摩士的

倪。還國。與該培里。游說諸國。同起兵。圍特爾斐城。馬其頓大都督安提

巴的。戰不利。固守待援。馬將加拉的路。馳救之。潰圍而出。合兵擊雅典

破之。雅人懼乞降。安提巴的曰。特摩士的倪。亂之首也。其縛之以出。特

摩士的倪仰藥死。遂定和議。廢雅典民政。鎮之以兵。是年亞歷山德之

師亞拉斯德。一作亞里大德一作阿里士多得一作培
耳代喀一作亞力士多得卒。亞拉斯德。德沙利人。生於西

元前三百八十四年。父爲馬基頓御醫。哲學史云。父爲擊柯麥荷。幼時嘗隨父入宮。因與

腓立善。父母歿後。遺產饒富。依義父以居。性嗜書。嘗以金一千五百講

書一部。慕百拉多名。年十七。入雅典。適百拉多出外。待之三年。百拉多

自西齊里歸。西史綱目作自羅馬。歸今從地球名人傳。因從之游。凡十七年。好學深思。夜讀書。手握

一球。置銅器上。倦則球落器中。有聲戛然。破睡再讀。衆稱之爲學塾之

心。而諸生則百體之從令也。亞拉斯德身短瘦。目深而小。善談辨。雜以

談諧。口吻翕張。有聲如咀嚼。食物者。其學雖出於百拉多。而時有異同。

往復辨難。或詰之曰。非敢故違師說也。疑故問。問故明。道雖萬殊。理歸

一致。吾之往復辨難者。所以求其真而祛其惑也。性喜格致之學。研究

天文。知地爲球體。而測算其周徑。徧考動植諸物。而分類以求。警區動物爲九類。一胎物生

四足類。二鳥類。三卵生。四足類。四鯨類。五魚類。六輓體類。七輓足類。輓殼類。八多足數類。九無足有殼類。其所謂胎生。四足類者。即今所謂哺乳類。蝙蝠亦歸其中。鯨類以無足之故。不歸於此。然知其有肺。以呼吸且屬胎生。故別之於魚類之外。其

弟子阿美拉士。專心植物。所著植物書。與其師動物書同。爲世所寶貴。又推至萬靈。以及天地之主宰。始論圓錐形算法。

繼自天算而返之心。性正理文學之事。靡所不賅。其言理也。分四大部。曰理。曰性。曰氣。而最後曰命。推此以言天人之故。嘗謂理學之真。不可託諸空論。必恃五官之所歷而實驗得之。其說較諸百拉多之以形數推理者。尤爲精確。嚴復之論亞拉斯德也。曰。西人言理以來。其立論樹義。與中土儒者所明。最爲相近者。亞拉氏一家而已。元明以前。新學未出。泰西言物性人事天道者。皆折中於亞拉氏。其爲學者。崇奉篤信。殆與中孔子侔矣。洎有明中國葉柏庚起英。特嘉爾起法。倡爲實測內籀之學。奈端。加理列。倭哈爾維。諸子。踵用其術。而古學雖微。百年以來。物理大明。學者乃取亞拉氏舊籍考而論之。削其蕪類。載其菁英。而亞拉氏之奧旨微言。卒以不廢。嗟乎。如亞拉斯德者。不可謂非聰穎特達命世之才也。亞拉斯德廣交游。皆知名士。自立講堂教弟子。朝教通才。晚教淺學。終日閉戶著書。舉世推爲大師。有國王曰希爾米亞者。從游三

年。借亞拉斯德及其弟子仁諾哈拉士。克一作芝諾歸國。將授之政。會王死

國亂。亞拉斯德及仁諾哈拉士。挾王女而逃。匿之得免。哲學史云亞拉斯德居小亞洲亞端半迎海梅挨王

之妹柏嘉士貴女為妻不數年王為波斯人所殺亞氏與妻逃住於廟奇來耐海梅挨即希爾米亞也適腓立召之。歸馬其頓。其國王祇此一女孩歸仁諾哈拉士生一女而亡使

教其世子亞歷山德。構一精舍於山水竹林之交。朝夕講習其中。盡以

所學霸王之術授之。卒成帝業。亞歷山德雕其像於府內事之。贈以研

究學術之資。都金八百答連多。開哲學講筵於雅典。凡十三年。其著述

多成於此。及亞歷山德卒。亞拉斯德方講學雅典。雅人以其為亞歷山

德師也。謀殺之。而誣以不敬神之罪。亞拉斯德聞之。逸入猶庇亞曰。吾

不忍雅典之人。重被以殺聖人之名也。乃自著書明無罪。雅典士師卒

判以死。會病卒。年六十三。其生平所著書。有通法各法之殊。通法者。天

理自然之公。而非專為國家說法者也。各法者。各國因時制宜之國法。

而不以法典為據者也。著書凡一百四十六種。今存者十九種云。烏虜。

美哉。富乎。其書之傳不傳。蓋亦有天焉。若亞拉斯德者。爲尤可惜也。吾聞亞拉斯德倉猝遭禍。出雅典。其高弟曹弗拉圖。搜集遺書。未刊而歿。有再傳弟子耐留者。携歸小亞洲鄉間。值剔加摩一作波格謨斯王開圖書館。括民間藏書。耐留恐爲所奪取。隱置穴中。凡百五十餘年。而亞拉氏全書遂湮於世。西元前百年。有雅典人亞伯力公者。傳亞氏之學。購其殘稿。羅馬繼作。占據亞洲。亞伯力公所得之書。悉爲羅人持去。納諸王府。希臘學者施祿戴倫涅等。奉政府之命。校訂其書。刊行於世。今所傳者。庶此而已。然而眞實之間。學者復不能無所疑焉。此蓋古今中外之所同慨。吾又不獨爲亞氏惜也。

周慎靚王元年。辛丑。

西元前三百二十七年
希臘四百五十七年

塞留孤據西里亞。

一作敘里亞
即條支國

畔。時安提

俄那執政專權。凌轢諸將。多不服者。塞留孤久典兵。得將士心。屢與安提俄那爭。不聽。且謀殺之。塞留孤因舉西里亞畔。以安提阿爲都城。其

地東至印度河。西至地中海。縱橫數百千里。儼爲望國。是爲塞留孤朝。歷二百五十七年。至智格拉尼。爲羅馬將紉標所滅。改爲省。

周慎觀王二年。壬寅。西元前三百十九年
希歷四百五十八年馬其頓母后羅嫫那。見埃及。西里亞。

均畔而自立。乃以安提俄那爲亞洲大都督。留守巴比倫。挈亞歷山德

第三。還馬其頓。於是亞洲諸將蠶起。立剔加摩。猶太奔多。一作本都
作旁朶司庇亞

尼。加帕多家。巴弗拉。莪尼。巴爾的。亞爾美尼。一作阿
米尼阿諸國。割據稱王。其屬

安提俄那者。僅波斯之半而已。

周慎觀王四年。甲辰。西元前三百十七年
希歷四百六十年馬其頓大都督安提巴的。使其子甲

撒得。一作格
山打駐德巴。以威制阿的加諸國。使波斯百遜駐哥林多。以威制

伯羅奔尼蘇諸國。甲撒得性剛躁喜事。虐雅典人不能堪。舉兵畔。甲撒

得擊降之。明年城德巴。防雅
典也

周赧王四年。庚戌。西元前三百十一年
希歷四百六十六年馬其頓大都督安提巴的卒。亞歷山德

第三。以甲撒得爲騎將。以波斯百遜爲輔政大臣。甲撒得自負有戰功。而位出波斯百遜下。心怏怏。與王相惡。覷其出獵。弑之。復弑其后。再立亞利丟爲王。羅嬰那與波斯百遜謀誅之。事洩。甲撒得引兵攻波斯百遜。縱火焚其第。波斯百遜自殺。遂入宮。弑羅嬰那。及亞利丟。納王妹德沙路尼斯。自立爲馬其頓王。徵安提俄那之子特麥多留。一作地得留爲希臘大都督。使以重駐雅典。逾年。復取亞歷山德族人盡殺之。是爲馬其頓後朝。烏虜亞歷山德以神武之才。抱席捲四海混一寰區之志。使天假之年。極其功力之所至。則安提俄那塞留孤多利買刺基安提巴的諸人。皆佐命之英也。不幸中道早殂。國基未固。寡妻弱子。寄之於悍將驕臣之手。居之於波斯新造之邦。反側者未安。天下之心未定。而亞歷山德。又素無恩信。禮義足以結上下臣民之心。徒以武力貪暴威制天下。一旦失勢。則羣伺環起。以希非常。孟子所謂上下交征不奪不厭也。坏

土未乾而四字崩裂。妻孥族黨相與駢首就戮。至無噍類。豈不哀哉。諺云。暴興者必暴亡。悲夫。古今中外。若出一轍。可歎也。

周赧王八年甲寅。

西元前三百七十年
希臘四百七十年

希臘大都督特麥多留。以水師攻多利買。

刺基於撒拉米。克之。初多利買刺基據撒拉米島。以窺希臘。至是遁還。特麥多留既勝而驕。遂不受馬其頓節制。自立爲希臘王。許各國皆復自主權。人心向之。

周赧王十四年庚申。

西元前三百一十六年
希臘四百七十六年

亞洲大都督安提俄那。侵猶太。塞留

孤患之。與多利買刺基盟。多利買刺基偵知甲撒得與特麥多留相惡。

遣使甲撒得。約會攻安提俄那。安提俄那有大將里西馬孤者。

與別加摩王同名被

黜家居。頗怨望。多利買刺基約爲內應。遂與西里亞聯兵入亞洲。甲撒得渡黑拉斯奔海峽會之。步騎凡八萬四千五百人。安提俄那起里西馬孤於家。且召特麥多留。回援巴比倫。里西馬孤與三國聯軍合。反擊

安提俄那。戰於弗呂家家之伊布蘇。一作伊皮蘇塞留孤。與多制買刺基。夾

擊安提俄那。特麥多留。將後軍爲之援。甲撒得以馬其頓兵橫擊亞軍。

亞軍大敗。安提俄那手刃奔卒。復揮軍叱咤進。西兵以石碎安提俄那

首。衆大潰。聯軍并力合攻特麥多留。希兵亦不支。駭走回國。於是塞留

孤。厚犒馬其頓。埃及兩軍。而已與里西馬孤。分割安提俄那之地。低格

里士河以西。塞留孤治之。低格里士河以東。里西馬孤治之。

周赧王十八年。甲子。西元前三百九十七年。希臘四百八十年。希人歐几利德。著幾何原本。初比撒

臥拉斯講幾何之理。埃及諸儒。多精其學者。歐几利德旅居埃及。輯諸

家之說。爲幾何原本。間出創論。闡線面體積方圓三角勾股弧弦之法。

書凡十六卷。計界說十三卷。論體三卷。末附一卷。不知何人所爲。明時

徐光啓譯前六卷。至近時海甯李善蘭乃續成之。其第十卷。理術精深。

故西人通習者。亦僅前六卷而已。西人謂是書譯本。惟中國最善。此二

千餘年以來之絕學也。

周赧王十九年乙丑。

西元前三百九十六年
希歷四百八十一年

馬其頓王甲撒得死。其長子雅知不

達。

一作也
知北達

與次子亞利先達。植黨爭國。亞利先達召特麥多留攻雅知不

達。殺之。乃使特麥多留輔國政焉。

周赧王二十年丙寅。

西元前二百九十五年
希歷四百八十二年

特麥多留滅雅典。遂執馬國兵權。雅

典自西格祿建國。至是凡一千二百五十一年而亡。烏虜西方開化。權

輿雅典。創制型俗。學術蔚興。二千餘年以來。歐洲言憲法者。奉爲圭臬。

誠所謂郁郁乎文也。然雅典自梭倫定制而後。民智大開。民心益競。紳

政民政。植黨尋仇。卒釀全希之禍。易之履曰。君子以辨上下。定民志。古

未有民志不定。而國家可以相安無事者。悲夫。此適足資王者并兼利

耳。亞歷山德之所爲。深慕亞洲政治。而急思一變其俗者。有以也。夫有

以也。夫。

周赧王二十一年丁卯。西元前二百九十四年 希臘四百八十三年特麥多留殺亞利先達。夷其家。報父仇也。

周赧王二十三年己巳。西元前二百九十二年 希臘四百八十五年甲撒得族人地卑士起兵討特麥多留。

周赧王二十五年辛未。西元前二百九十年 希臘四百八十七年特麥多留敗地卑士降之。

周赧王二十六年壬申。西元前二百八十九年 希臘四百八十八年特麥多留將伐耶卑路。國人惡其

瀆武。逐之。而以騎將卑登爲王。甲撒得族人安提西勞那。一作地土馬季又逐卑

登而自立。

周赧王二十九年乙亥。西元前二百八十六年 希臘四百九十一年特麥多留奔西里亞。降塞留孤。

周赧王三十一年丁丑。西元前二百八十四年 希臘四百九十三年耶卑路王菲爾留。一作皮薩 一作比魯伐馬其

頓。菲爾留者。亞歷山德之甥也。雄武有將略。痛亞歷山德之亡。誓復仇。

與希臘諸國共伐之。馬其頓王安提西勞那。櫻城固守。攻之不能克。遂

入伯羅奔尼蘇大掠而還。

是年埃及海濱築白石大望臺高數十丈置儀器以備天算家實測是為西國天文臺之始亦七大宏工之一也延攸摩斯人亞里達古精研天算始定

歲實為三百六十五日又四分日之一立測地距日法論者謂較今人所測其法尙疏以未能求月光恰半之真時刻也亞里達古從比撒臥拉斯地球繞日之說有詰之者曰如此恒星何以無視差答曰地繞日之軌較恒星之距如一微塵耳後

復考定冬夏至其所著書惟日月大小遠近說傳至今其言日徑三十分今僅差二分康熙二十七年英人華力校而重刊之時猶太人之居亞歷山德城者皆能希臘語言文字因以希文譯摩西五書祭司長西門品端學富善理國政葺聖殿

築城垣鑿大池城內以備火災收先知以士喇哈基撒加利亞尼希來以士帖馬拉基諸書合譯為舊約全書譯者凡七十人皆猶太博學士也後人稱之曰塞百多金得即拉了語十之義博士之中有撒得者創撒吐該教以摩西後之默示盡

屬偽託乃一屏荒唐之說反而求之切近之間後世從耶蘇教者皆以罪人自之

周赧王三十四年庚辰。西元前二百八十一年希臘各國會於哥林多立約擊馬

其頓以西齊里王亞臘的功多推為盟主。

周赧王三十五年辛巳。西元前二百八十年耶卑路王菲爾留興師救答通的。

一作達倫屯答連的者希臘之屬地也。南海西元前二百八十二年答連的演劇

海濱羅馬兵船十艘駛入港內答人疑有他變羣起覆其舟殺其將羅

馬遣使詰之答連的統領菲祿尼的嘲使者溺其衣羅馬怒興師伐之

答人知不敵求救於菲爾留菲爾留素慕亞歷山德之為人至是喜曰

吾將追蹤盛烈。於是役發其軻耳。乃率精兵二萬五千。大象二十。既渡海。使謂羅馬曰。予來無他。欲解兩國之怨也。羅馬峻拒之。菲爾留揮軍出戰於希臘基亞之利黎。一作利斯河。鬪力酣。菲爾留驅象隊出。戰士騎象背。矢注如雨。羅軍馬驚逸。遂大敗。菲爾留曰。羅馬真勁敵。我雖勝。精銳喪矣。乃禮葬羅人之死者。遺辨士施尼亞。一作西議和。厚賂權要。議事官將許之矣。有曾爲公修爾者。一作根蘇曷彪革老。士老而且瞽。使奴舁榻臨公會。謂議事官曰。吾怨吾目盲。今則吾又深冀吾耳之聾。而不願聞此辱國墮名之語也。言已逕去。於是國人更相議。辭使者曰。子之君不去意大利。勿言和也。施尼亞返告菲爾留曰。戰無益也。其議會之父老皆執國權。上下倔強。不可威劫。不如還師。會羅馬有祀事。遣西那多發利修。入菲爾留營。請還俘。菲爾留見其衣履敝陋。厚賂之。金不受。菲爾留欲試其量。匿象於室。招發利修與語。目侍臣驅象出帷中。大吼搖長

鼻。作。擢。狀。發。利。修。從。容。言。曰。今。日。不。畏。象。者。即。昨。日。不。受。贈。金。之。心。也。
非。爾。留。心。高。其。人。爲。縱。所。俘。約。祭。畢。再。至。則。盡。還。之。後。果。不。留。一。人。

高盧酋不連那。侵馬其頓。三道入寇。安提西勞那。禦之敗死。大掠而南。

美利斯立爲馬其頓王。編年表在壬午年

周赧王二十六年。壬午。西元前二百七十九年 希歷四百九十八年耶卑路王菲爾留。再敗羅馬於亞

斯古倫。耶軍死亡益衆。

周赧王三十七年。癸未。西元前二百七十八年 希歷四百九十九年雅典亞爾干德穆谷里。一作得木谷里聞高

盧南下。集阿的加。比約低亞。各國聯軍。禦之於德爾摩比勒。高盧有衆

十六萬五千。奮勇爭之。且踰山襲其後。希兵不支。高盧進掠特爾斐神

廟寶貨。會風雷晝晦。地大震。護祠之衆。揮劍擊之。高盧相對不辨人。自

相踐殺。斃者數萬人。不連那受創而逃。後中酒死。

周赧王三十八年。甲申。西元前二百七十七年 希歷四百九十八年耶卑路王菲爾留。移兵救敘拉古

斯擊迦太基亞斯古倫之戰。菲爾留侍醫。贈書羅馬大將發利修。謀毒其王。要重賞。發利修曰。羅馬堂堂之國。豈為譎道以陰殺人者耶。以其書貽菲爾留。菲爾留大驚。捕侍醫誅之。盡還亞斯古倫之俘。不問贖金。益欲與羅馬和。羅人固持前議。菲爾留心猶豫。欲罷師。恐為諸國笑。會迦太基攻敘拉古斯。來乞援。菲爾留移師救之。擊敗迦軍。困之希美拉城。

埃及與斯巴達、雅典、三國立約相助。馬其頓國亂。安提莪那額拿太一作

安提莪那額拿太哥奴為王。

周赧王三十九年乙酉。西元前二百七十六年 希臘歷五百一十一年高盧竄答拉西。渡海入亞洲。侵西

里亞。遂立國於亞洲弗呂家之加辣西。一作迦拉太

周赧王四十一年丁亥。西元前二百七十四年 希臘歷五百三十三年菲爾留圍攻希美拉三年矣。久不

下。軍士多死傷。羅馬得以其間習馬軍。求禦象隊法。復進攻下意大利。

諸城。答連的數遣使告急。菲爾留釋希美拉。馳救之。驅象隊進。羅將古留田達多。邀諸百涅軒登。尼一作頓人各持炬火。噪而擲之。象隊奔陣。大亂。菲爾留廬以身免。收殘兵回國。越三年。羅馬克答連的降之。君子曰。兵貴勝不貴久。勝久則鈍。兵挫銳。軍之大戒也。故曰。全軍爲上。破軍次之。全旅爲上。破旅次之。菲爾留狙勝驢兵。久而不解。士馬凋弊。精銳喪亡。暮氣甚矣。能無敗乎。孫子曰。知可以戰。與不可以戰者。勝。夫羅馬之不可以戰。菲爾留既知之矣。而恃強不屈。暴虎憑河。陽虎所謂盡客氣者也。

周赧王四十五年辛卯。

西元前二百七十年
希臘歷五百七十年

耶卑路王菲爾留恥羅馬之敗。謀

逞兵威於希臘諸國。遂伐馬其頓。馬人聞菲爾留至。不戰而降。安提莪那額拿太率殘兵南走。菲爾留追至伯羅奔尼蘇。安提莪那額拿太依拉塞的蒙。屯兵以拒。菲爾留乃伐亞革斯。安提莪那額拿太出而爲之。

援軍其城外山巔以相角。城中有內應者，導菲爾留潛入。亞王揮兵巷戰，一婦人升屋擲石，中菲爾留首，裂而死。耶軍昇之班師。亞歷山德第二嗣立為耶卑路王。

希人馬內多，以希臘文著埃及史記，自開國以逮其身，搜羅詳富，十年始成。

周赧王四十七年癸巳。西元前二百六十八年 希臘五百九十八年馬其頓王安提莪那額拿太再取

雅典。

周赧王五十三年己亥。西元前二百六十二年 希臘五百十五年希人亞基麥迪。一作渥奇邁特 一作亞奇底始創

旋螺絲等器。亞基麥迪嘗立杆於中，懸物於左右，輕重適均，遠近如一。視其倚點，於是悟重學之法，創造螺絲起重器，是為重學之始。益研求物理，以螺絲管吸水，以鏡取火，創論圓球體，等於圓桶體，三分之二。乃幾何要理，命人於其死後鑄圖墓碣，以垂永久。越數百年，有歷其地者。

見。碣。圖。遂。知。爲。亞。氏。之。墓。西。元。前。二。百。十。四。年。敘。拉。古。斯。拔。羅。馬。與。迦。太。基。合。羅。人。攻。其。城。亞。基。麥。迪。作。懸。機。二。器。以。禦。敵。兵。一。懸。大。木。於。城。壁。視。敵。船。近。岸。擲。沈。其。船。一。設。鐵。鉤。於。長。木。之。端。敵。船。至。鉤。而。以。機。掀。其。船。之。物。屢。覆。羅。師。三。年。不。能。拔。後。有。內。應。者。城。破。被。殺。或云二奇器爲亞基麥迪之弟子以亞奇所造

周赧王五十五年辛丑

西元前二百六十年
希臘五百十七年

伯羅奔尼蘇北境十城同盟於亞

該亞。馬。其。頓。王。安。提。莪。那。額。拿。太。忌。之。令。於。同。盟。十。城。中。各。立。一。代。蘭。得。治。之。而。屬。於。馬。國。希。民。不。服。羣。起。逐。代。蘭。得。勢。洶。洶。馬。其。頓。坐。視。不。敢。問。

周赧王五十九年乙巳

西元前二百五十六年
希臘五百二十一年

羅馬以水師伐迦太基都人大懼

求成羅將勒古侶

一作蘇雷古魯

約棄西齊里償兵費迦人難之求救於斯巴達

斯將瓚智甫

一作撒低布

提精兵來援迦人從之戰瓚智甫僞敗勒古侶狂勝

輕敵逐之伏起羅軍大敗勒古侶馬躡被禽迦人釋之還國使勸和易

俘虜。且誓之曰。事儻不協。當復來繫獄。勒古侶至羅馬。議院欲許之。勒古侶不可。曰。我俘多。彼俘少。易之損我實甚。和不可恃。諾不可輕。余已誓於彼矣。諸君其勿痛余一人。以長寇仇。因與妻子訣。登車而去。迦人怒勒古侶之誑己也。抉其目。植鐵釘木桶。投其中殺之。

秦昭王五十三年。丁未。西元前二百五十四年 希歷五百二十三年馬其頓伐埃及。敗之。

秦始皇四年。戊午。西元前二百四十三年 希歷五百三十四年里逆大。為斯巴達王。

秦始皇六年。庚申。西元前二百四十一年 希歷五百三十六年希臘各國同盟於亞該亞。時斯巴達及

亞該亞。十城皆不受馬其頓統制。至是西基雲統領阿拉都。亦入亞該

亞之盟。且使哥林多同入會。由是雅典。哀基那。及伯羅奔尼蘇諸國。皆

來蒞盟。

秦始皇七年。辛酉。西元前二百四十年 希歷五百三十七年希人伊拉米司的尼。一作埃拉特士的尼 一作衣拉

始。創測地球大小法。埃及西隱城。夏至日過天頂。當午正。深井中水面

光滿。距井四周三百步。物無影。亞歷山德與此城同經線。當西隱午正時。於亞歷山德測太陽距天頂度。卽二城相距度。以二地相距度。與二地相距里數比例。卽得地球周里數。算得地球周徑爲四萬六千啓羅米突論者謂其立法之意。與今理合。而法未精。蓋旣未知太陽地半徑差。而西隱又非正當晝長圈下。差北五十分。與亞歷山德亦非同經線。須偏東三度。今測天較密。旣知諸差。而所用之器。又遠勝於古。故今推地球大小。得數爲較確也。伊拉米司的尼生於古利奈。希人所立精於天算。多利買第三徵爲掌庫。壽至八十。不樂居人世。絕食而卒。烏庫。西國名儒輩出。悉集於亞歷山德一校之間。歐幾利德。著幾何原本。又倡言光學。直進。反射之公例。亞里達古。詳論地球繞日之說。亞基麥迪。精於數學。重學物理。諸學。埃拉士德。辣。講人物腦質。里羅菲士。號剖解學大家。厥後又有雅里奴士。究原數之理。希巴奇士。以天文著名。菩德黎彌阿。與希氏齊名。始以地球爲中。

心。以。推。一。切。天。體。蓋。自。歌。自。尼。未。出。以。前。一。千。四。百。年。間。談。天。者。皆。祖。之。格。底。士。比。阿。及。其。弟。子。希。龍。皆。著。名。物。理。學。發。明。壓。氣。管。之。法。士。特。拉。坡。始。研。究。地。震。及。火。山。之。理。其。動。物。學。亦。蜚。名。於。世。當。時。一。校。之。中。人。才。之。盛。若。此。蓋。自。埃。王。多。利。買。以。來。禮。賢。好。學。希。臘。之。士。皆。歸。之。莊。子。曰。舜。有。羶。行。故。慕。羶。者。趨。之。若。蟻。耳。烏。虜。上。有。好。者。下。必。有。甚。焉。人。才。學。術。之。昌。在。亦。爲。人。上。者。獎。掖。之。誘。進。之。而。已。

秦始皇十年甲子西元前二百三十七年亞基一作克里爲斯巴達王。

秦始皇十六年庚午西元前二百三十六年羅馬與希臘立約通商。

秦始皇二十一年乙亥西元前二百二十六年斯巴達王亞基以國人多債欲復

利古爾尼之法均富以濟貧民富家不悅亞基銳意改革亂民羣起捕王囚之論死其母及其祖母省之獄所亂民殺之亞基將刑獄吏爲之泣亞基曰胡泣爲殺我者之不幸孰若見殺者之幸也遂殺之立那比

士爲王。那比士虐戾無人理。嘗作偶像。被后服。觸其機。則揮兩手刺人。不能脫。必出重金始釋之。君子謂之希臘極衰之世。

秦始皇二十二年。丙子。西元前二百二十五年
希歷五百五十二年羅馬再遣使希臘。

秦始皇二十三年。丁丑。西元前二百二十四年
希歷五百五十三年斯巴達王那比士死。革略米尼

一作克
里阿密嗣立爲王。繼亞基志力保貧民。時國人之能自主者。僅七百餘人。

餘皆爲富傭。與亥羅得等。革略米尼使貧民所佃之田。改爲己產。估其

田值。分年以償。債主貧民大悅。因教以兵。與亞該亞同盟諸國戰。皆敗

之。西基雲統領阿拉都。求援於馬其頓。馬王安提莪那額拿太之子第

二。帥師破斯軍於拉哥尼。乘勝圍其都。斯人出王以來和。革略米尼奔

埃及。馬其頓遂爲亞該亞各國主盟。編年表載是年斯巴達與埃及人戰馬其
頓人道生助埃及伐斯巴達與此不同

希人挨克米地。造渾天儀。測天之術始精。

秦始皇二十五年。己卯。西元前二百二十二年
希歷五百五十五年埃及王多利買第四。與斯巴達戰。

秦始皇二十六年庚辰西元前二百二十一年
希臘五百五十六年厄多里戰敗比約低亞諸國佛西

亞羅格利等皆來受盟厄多里在哥林多海灣北岸居無城郭精勁善

戰好擄掠有野蠻之目

秦始皇二十七年辛巳西元前二百二十年
希臘五百五十七年厄多里同盟諸國與亞該亞戰於

是伯羅奔尼蘇比約低亞兵連禍結國無寧宇馬其頓王安提莪那額

拿太第二卒子腓立第二立西史綱目謂
係安提莪之姪

秦始皇二十八年壬午西元前二百十九年
希臘五百五十八年亞該亞與厄多里戰不利退走厄

多里進薄伯羅奔尼蘇肆行屠戮城廬均焚掠無遺西基雲乞援於馬

其頓腓立第二帥師救之

秦始皇二十九年癸未西元前二百十八年
希臘五百五十九年厄多里以阿喀第亞賂馬其頓行

成

秦始皇三十二年丙戌西元前二百十五年
希臘五百六十二年雅典助厄多里攻馬其頓羅馬亦

出兵助之。腓立第二連戰四年之久。不能勝。聞漢尼巴。率西班牙兵屢敗羅馬。欲假迦太基威權。以制全希諸國。因與厄多里罷兵。遣使修好於迦太基。立約相助。

秦始皇三十三年。丁亥。西元前二百十四年 希歷五百六十三年馬其頓王腓立第二伐羅馬。以戰

船載陸軍。攻來布尼阿。一作亞波羅尼亞城將斐利納。一作斐利大敗其師。腓立焚戰艦

逃歸。西史綱目載在西元前二百十五年君子曰。迦太基之亡也。宜哉。漢尼巴請兵而不之救。馬

其頓立約而不之助。背鄰棄好。以翫強仇。所謂天奪之鑿也。詩曰。非用

其良。覆俾我悖。若迦太基者。不可謂悖之甚者乎。

秦始皇三十六年。庚寅。西元前二百一十一年 希歷五百六十六年羅馬怨馬其頓助迦太基。使人說

厄多里連城之眾。廢腓立和約。許戰時助之以兵。希人惑之。羅馬遂與

聞希國之事。

漢高祖二年。丙申。西元前二百五年 希歷五百七十二年羅馬與馬其頓和。羅馬初與厄多里訂

盟使來布尼阿守將斐利納進攻馬其頓。腓立率亞該亞同盟軍禦之。羅兵少。久無功。更使剔加摩王亞達羅攻答拉西。亦不能克。羅人方專力迦太基。恐腓立之助也。乃與之和。厄多里亞。該亞。同盟諸軍均罷兵。息戰。是年腓立與西里亞王安提阿固第三合攻埃及。埃王多利買第四卒。阿必法立號多利買第五。

漢高祖四年。戊戌。

西元前二百三年
歷五百七十四年
希

馬其頓與西里亞連兵敗埃及。取其屬

地。埃及攝政大臣阿力斯他米尼。

時埃王
力七歲

求救於羅馬。羅馬迫令馬西兩

國罷兵。並使安提阿固以其女爲阿必法妻。以所得埃及屬地作爲嫁

資。隨後歸埃及。二國畏羅馬之強。皆俯首聽命。腓立移師伐羅底。

漢高祖六年。庚子。

西元前二百一年
歷五百七十六年
希

馬其頓王腓立第二征小亞西亞。羅馬

及羅底。埃及。剔加摩。四國合兵伐之。

漢高祖七年。辛丑。

西元前二百零七年
歷五百七十七年
希

雅典謀伐馬其頓。請兵於羅馬。羅馬以來

布尼阿之故。命公修爾金克多弗拉美牛。一作拉米尼爲將。帥師伐之。剔加摩故與羅馬善。以兵擊答拉西厄多里同盟。均以師來會。馬其頓征亞該亞兵。擊厄多里同盟軍多不協。互懷觀望。金克多使謂同盟軍曰。吾所惡者。馬其頓與諸軍無與也。有助之者。移師伐之。由是亞該亞同盟皆解體。助腓立者。惟哀基那一島而已。

漢高祖九年癸卯。

西元前一百九十八年
希歷五百七十九年

羅馬攻陷馬其頓多城。腓立親帥大軍。

戰於德沙利之西諾色巴勒。

一作賽齊色法利
一作古棚色法利

馬軍以長矛列方陣。金克多與

弗拉美牛邀諸隘。投以鏢槍。腓立督戰士死鬪。羅人四面攻持盾伏地。

蛇行而入。以刀劍薄之。馬軍長矛無所施。棄之。以短兵相搏。死者一萬

人。腓立不支。退入都城。

漢高祖十年甲辰。

西元前一百九十七年
希歷五百八十年

馬其頓行成於羅馬。其詞甚卑。羅人許

之。使獻戰艦。減兵數。償軍費一千。答連多。永戴羅馬爲盟主。所取希臘

諸地俾盡還之。以復其自主之權。自是羅馬始與聞希臘諸城之政。烏虜馬其頓雖非羅馬匹敵。然亦當時強國也。以霸主之餘威。萃諸邦之全力。齊心并力。以禦羅馬。此合從攢秦之策。波斯之事。其已著者也。馬王腓立專以威力脅制同族。凌弱暴寡。日尋干戈。譬之蝨爭豕鬣之中。一旦屠者操刀沃湯而至。惟有同歸於盡耳。論者謂馬國長矛軍制。不敵羅馬之鏢槍。利於平原。而不利於險隘。是固然矣。不知希人之自伐。其交與羅馬之善。披人國乃千古勝敗之原。未有不由此者。傳曰。有上不弔。其誰不受亂。希臘諸國無弔久矣。欲不受亂。其可得乎。

漢高祖十一年乙巳。

西元前一百九十六年
希臘五百八十一年

羅馬既勝馬其頓。有混一海宇之志。

父老會於東方。政策專主伐交之議。遣使四出。煽散同盟。使諸國勢孤。力單。易於控制。金克多。因苦全希諸國。曰。今日後爾希人可以自由矣。於是希臘同盟諸國。皆去馬其頓。惟羅馬是聽。

漢高祖十二年丙午。

西元前一百九十五年
希歷五百八十二年

希臘諸國皆從羅馬盟。斯巴達憂之。

曰：是豢希也。吾爲霸王五百年矣。甯爲王死，不爲役生。使結馬其頓、西

里亞、埃及同抗羅馬。埃人不從。西里亞許之。腓立曰：苟有能伐羅馬者，

吾必以兵助之。斯巴達遂擊彌西那。羅馬聞之，以大艦載師而出，圍其

都城。斯巴達力屈，請成。羅人盡改其法律。前編年表載任西元
前一百八十八年釋亥羅得、齊於貴

族。自茲厥後，貴族皆自操農商之業，不復得專心於戰事矣。君子曰：書

有之，撫我則后，虐我則仇。亥羅得之虐，可謂極矣。自棄其民，以啓戎心。

所謂爲湯武毆民者也。斯巴達虐之，羅馬撫之，其得國也宜哉。

漢惠帝三年己酉。

西元前一百九十二年
希歷五百八十五年

西里亞伐羅馬。初羅馬旣降迦太基，漢

尼巴奔西里亞，說其王安提阿固，結希臘諸國以禦羅馬。羅人聞之，使

逐漢尼巴。安提阿固不從，使使報羅馬。且覘虛實，使者歸，具言可伐狀。

適厄多里怨羅馬，密召西里亞兵入希臘。安提阿固親提大軍，假道於

厄多里馬其頓以伐羅馬。

漢惠帝四年庚戌。西元前一百九十一年
希臘五百八十六年羅馬聞西軍至以伽拉伯略截其師戰

於得爾摩比勒相持三月不能進乃使由間道發亞該亞諸國兵擊厄

多里厄軍返救西軍勢稍孤羅人繞出其背大戰破之乘勝進擊厄多

里厄軍聞西軍遁遂敗羅馬夷其同盟諸國改爲郡縣設方伯治之以

亞該亞之有功也使主理伯羅奔尼蘇全土羅馬於是奄有西希之地

漢惠帝五年辛亥。西元前一百九十年
希臘五百八十七年羅馬以公修爾西比阿帥師十萬伐西

里亞安提阿固盡發銳兵十六萬邀之於米尼西。一作馬尼亞西亞
一作阿米尼亞戰敗而潰

死者五萬四千人安提阿固遁入城卑辭行成割道羅山。一作道
魯斯以西之

地廢其水軍償兵費一萬五千答連多以和。

漢高后二年乙卯。西元前一百八十六年
希臘五百九十一年馬其頓王腓立毒殺其幼子特里得

漢高后四年丁巳。西元前一百八十四年
希臘五百九十二年希人測得羅馬彗星見凡八十日。

漢文帝元年壬戌。西元前一百七十九年馬其頓王腓立以耶卑路積弱不能振。

說其國人併入馬國以禦羅馬耶人從之。

漢文帝二年癸亥。西元前一百七十八年馬其頓王腓立第一卒長子百爾修一作

皮爾西慳一作頗夕河慳嗣立恥為羅馬下練兵整武溢和約五千之數。

漢文帝九年庚午。西元前一百七十七年馬其頓王百爾修銳欲復國讐報羅馬

書多慢語羅人詰其練兵之數百爾修曰此吾國內政也與羅馬何與

羅人怒發水陸大軍擊之。

漢文帝十二年癸酉。西元前一百六十八年羅馬伐馬其頓至是四年矣戰久無

功議院使耶密流。一作伊米來慳保路。一作保羅為大將益六萬攻之大破其師於

彼突那。一作比德那盟軍四萬死二萬五千虜一萬二千百爾修率殘兵遁

羅人克壹黎里而進無敢當之者耶密流圍馬其頓都城一月而陷百

爾修航赴答拉西保路獲而囚之全境悉平裂國為四。壹黎里為一國馬其頓為一國答拉西為一國德巴

德沙利為一國各舉土人為之主。馬其頓自加來奴建國。至是凡六百三十七年。

漢文帝十三年甲戌。西元前一百六十七年 希歷六百十年羅馬伐耶卑路。以其與馬其頓合也。

克七十城。悉焚毀之。奴其國之壯者。凱旋。國人鼓樂迎之。百爾修纍然

囚服。獻於軍神之前。未幾死獄中。

漢文帝十五年丙子。西元前一百六十五年 希歷六百十二年羅馬謀并全希之地。誣亞該亞同盟

諸國助馬其頓。伐之。以兵。亞該亞人力辨其誣。羅馬命致各國貴紳千

人候鞫。至則羈之。十七年始釋還國。

漢景帝七年辛卯。西元前一百五十年 希歷六百二十七年羅馬釋亞該亞貴紳還國。生者僅三百

人。亞人大怒。誓死抗羅馬。使富者出資財。貧者充軍士。各國合盟。得死

土七萬人。遂畔羅馬。斯巴達不從。同盟軍攻而克之。編年表云亞該亞與斯巴達相爭羅馬欲離間亞該亞所合之

國亞該亞知之遂恨羅馬

漢景帝八年。即中元年壬辰。西元前一百四十九年 希歷六百六十八年亞該亞合馬其頓所分四國。以抗

羅馬。羅人以富勒多墨的路爲將。公修爾蒙繆一作大以大軍繼之。先收馬其頓四國之地。改爲省。移攻亞該亞。西基雲。哥林多。彌西那。雅典。拉塞的蒙。亞革斯。阿喀第亞。曼地尼。亞該亞同盟諸國。以哥林多爲希臘海門鎖鑰。屯重兵守之。使哥人孟吉圖爲聯軍大將。

漢景帝十年。

中三年

甲午。

西元前一百四十七年
希歷六百三十年

孟吉圖屢破富勒多墨的路於米利

加。聯軍多死傷者。蒙繆大軍至。夾攻之。聯軍遂敗。斯巴達聞之。首降羅馬。乞爲藩屬。而自主其地。羅人許之。

漢景帝十一年。

中四年

乙未。

西元前一百四十六年
希歷六百三十一年

亞該亞聯軍敗。扼守哥林多。蒙

繆移軍攻雅典。降之。遂擊哥林多。孟吉圖戰死。聯軍堅禦要隘。與羅軍相持。富勒多墨的路潛逼哥林多都城。風起縱火焚之。哥林多爲全希臘富第一商埠。悉付一燼。古代奇珍異寶。均破壞。無愛惜之者。有羅卒掠得一書。哥人以黃金三萬六千兩購之。蒙繆以其中有魔術。下令凡

精巧物品。皆輸致羅馬。有損壞者。以私金補之。

漢景帝十二年。中五年丙申。西元前一百四十五年蒙繆既滅哥林多。復擊亞該亞

聯軍。伯羅奔尼蘇諸國。皆散走請降。蒙繆悉收為郡縣。設方伯治之。更

名曰雅開阿。按雅開阿即亞該亞之同音異字惟斯巴達不失自主。烏虜。苟卿之論用兵也。曰

民齊者強。不齊者弱。大齊則制天下。小齊則制鄰敵。希臘諸城。武功文

治。多可觀者。卒以不齊之故。受制於人。豈不然哉。古所謂隆。執詐。尙功

利。勝負無常。代翁代張。代存代亡。相為雌雄耳矣。烏識王者齊之道。

也。雖然。希臘以彈丸之地。語言文字。幾遍三洲。學藝法律之事。開淪後

人。天下萬代。繼世之君。因革變通。卒未有能出其範圍者。不可謂非創

制。垂化文明之軌也。

希臘春秋 終

光緒卅二年八月二十日初版發行
光緒卅三年七月十五日修正再版印刷
光緒卅三年七月十八日修正再版發行

定價洋元貳圓



著 作 者 新 城 王 樹 枏

發 行 者 蘭 州 官 報 局

印 刷 者 龜 井 忠 一

日本東京市神田區裏神保町一番地

印 刷 所 三 省 堂 印 刷 部

日本東京市神田區三崎河岸十二號地

發 售 日 本 三 省 堂 書 店

清 國 各 地 大 書 肆

上海图书馆藏书



A541 212 0016 2317B

古
藏
春
風
集
新
藏

307755